

光緒三十四年七月重刊

藤

縣


志

韋文林題

藤縣全圖

□ 縣治
 ● 巡檢
 ○ 墟市
 河洲
 水道
 縣界
 都界
 里界
 大山
 道線

北東
西十南



重刊藤縣志序

立國於地球上，一國全部之構成，皆地方之集合體。故地方中重要之點，恒與其國有關。係焉？比年以來，吾國朝野上下，深憐國勢之傾危，欲謀地方之自治，顧空言自治而於地方上之地理、歷史、學校、軍政、田賦、人物與夫一切關於各部分之重且大者，均茫然昧然。雖日編自治制度，其能適合地方之風俗習慣哉？志也者，所以紀載地方中種種重要之點，以備研究自治者之資料者也。吾藤之有志由來已久，嗣因兵燹頻經，蠹魚常蝕，殘篇斷簡，幾附銷亡，而能愛護之保存之，以至於今者，蓋已如希世之珍矣。前年何君培軒同年任縣中學務，欲編輯鄉土教科，因訪諸故老，購以重金，而縣志一書始得之，而藏于勸學所。陳公鴻初莅任，仍恐其久而散佚失傳也，乃慨然捐廉，重行附梓，而以蘇文山先生手著之鐔津忠義錄及何君培軒同年所輯袁督師傳附焉。惜史才缺乏，近數十年間之事迹不能補而全之，未始非一大缺點。然文獻將亡而復存，邑人士得誦是書，愛鄉之心油然而生，卽以誘起其愛國之觀念，僕不文比，因留學東瀛，獲聞講師以

地方自治制度相講授歸國以來欲與邑中之有志自治者而討論之今適以省之自治局成立派僕爲文書課員行將赴省喜此志之重新出世而吾藤之興辦地方自治之得有所參攷也因勉而綴以言

光緒三十四年戊申春三月留學日本法政大學卒業辛丑補行庚子 恩科舉人蒙

經謹序

序

藤邑舊有縣志一修於前明再修于

國朝嘉慶年間自咸豐四年頻遭兵燹邑乘就湮越十年邊令退齋蒞治其地心滋慨焉因不憚編輯散佚斟酌體例復勒成一書舉凡學校文章疆域田賦及有關於政事風俗者無不紀載而增修之較前志爲尤詳閱數月功竣請序于余時余奉

命陳臬兼攝藩篆每當綜理庶務之餘輒以風教之不克周知爲慮而因思夫邑之有志將以備輶軒之採擇非僅誌風土之傳聞也特司牧者視守土如傳舍或席不暇暖者有之否則等諸杞宋之無徵而志乘闕如焉能考鏡得失而令民風治術之蒸蒸日上也哉今邊令獨能於芟除滋蔓之餘興廢舉墜不逾年而文廟一新堂院復舊日得與都人士蒐羅掌故考獻徵文使闕典于焉大備其亦先得我心也此志成不僅爲藤之人幸尤願他邑之抱殘守缺者亦得次第而修明之將見遐壤荒陬無不涵濡於聖天子之教澤食舊德而服先疇焉是深有賴于賢有司之經畫也夫

同治丁卯仲冬署理廣西布政使司按察使司佛爾國春撰

藤縣志序

邑之有志猶國之有史小史掌邦國之志外史掌四方之志者是也藤之志有稱藤州舊志者則在有明以前稱金志邾志則不知何時梁志則崇禎十年香山梁昌之修也計四冊故老猶及見之今也則無

國朝嘉慶年間高秋崖修之軍興以來亦罕有存者杞宋之無徵可慨也夫同治四年余督學粵西時守斯土者吾鄉邊退齋先生梓里名宿也學問淵博凡經傳史記諸子百家無不備覽其弟松君名進士也觀政秋曹吾鄉登虎榜膺鶚荐多有出其昆玉門下者聽政之間慨然於文獻之無徵不憚繁冗而修之六年丁卯冬十月書成凡天文地理禮樂文章忠孝節義兵農政治及古聖先賢科名人物無不備載郁郁彬彬誠一時之大文一邑之盛事也非才堪救時輿情交孚不能游刃有餘而爲此古人云良吏胸中有全志洵不誣矣讀其書者知天和感通年歲豐稔也地靈効順物產蕃滋也喜雨有亭公門桃李也春風入座學校菁莪也由是而裕

國課儲民財足賦稅之供尤宜備干城之選也祀先師表遺跡誌功德之盛更欲望科名之興也至若節義忠貞可以式薄俗福疇者壽足以化災氛傳贊詩詞文章之淵源有自烽火兵燹士民之修省宜勤也余職司採風情殷問俗預知藤之人心士習將自此蒸蒸日上也遂不揣冒昧而爲之序

同治六年丁卯冬十月督學使者滎陽孫欽昂謹序

地志源於班范爲史學之津梁其後太平寰宇記元豐九域志諸書皆合天下之輿圖而紀之至分郡分縣而作志類多蕪雜繁瑣泛濫而無稽矯其弊者如明朝邑武功二縣志號稱明潔而過於簡畧語焉弗詳甚矣非學備三長者未易言修地志也藤邑爲梧郡聲明文物之區兵燹之後舊志散燬無存邊退齊先生來宰是邦凡夫建祠宇葺廨舍百廢俱興復以邑志之脩去高秋崖明府已五十餘年爰復徵文考獻以成斯志凡夫戶口之登耗田賦之增減學校兵防之建置沿革紀載特詳使一邑之掌故犁然具存厥功偉矣戊辰春季予以權權來梧獲交先生見其宏深肅括竊心儀焉及授讀是志知循吏所爲迥異凡俗其經濟於此可見他日躡迹前賢列名此志循良之末可臆測而決矣憶道光丙午丁未間予以憂居里門儀徵吳文節公撫江西延固始蔣子瀟先生與予同脩省志纂述甫半文節移節之江子瀟歸里予亦繼登朝籍其事中輟不數年江鄉疊遭兵革舊稿亦銷沉於劫火之中今觀先生之獨成是編也能不心折而慙然

卷之一

同治七年閏夏知慶遠府事辦理梧州釐務會協均序

(八)

重修藤縣志序

邑志何爲而作也爲文獻之失傳而作也藤自三代以前無可攷漢始隸蒼梧郡晉始分置永平郡陳隱駐師焉唐屬邕州宋爲藤州明洪武十一年始改爲縣此藤邑沿革之大略也其星上應乎翼軫其地分統於女牛其人則馮當世袁元素世所稱三元四解叔姪祭酒父子榜首應運而起者代不乏人殆扶輿磅礴之氣一發而不可遏者宜其控三江凌八桂廣袤六百里戶口五十八都徵歷代人文之盛者也前賢之撫馭茲土及流寓此邦有人功於民不可磨滅者則有漢之馬伏波唐之李蒞師李青蓮宋延清李贊皇宋之狄武襄蘇子瞻子由黃山谷秦少游陳無己李泰發范致能明之解大紳程舜敷韓襄毅王文成或以文采風流輝映海內或以武功駿業震耀寰區不有志以記載之其不久而湮沒也幾何矣然而正不易言也自漢晉唐宋元明以來代有名人而邑志曾不一修明崇禎十年邑令梁公修之今其書失傳嘉慶二十一年高公修之迄今五十二年矣咸豐四年燬於兵板刻無存即各紳之存此書者又皆殘缺失次甚至以十金購一帙而不得

者此時不修異日欲修之而不能也雖然尤不易言也識淺者陋也學疎者庸也惜財者吝也憚勞者逸也尙華者浮也畏事者偷也余不敏中州下士汴水輕材因奮激於志乘之無傳毅然不計利害而爲之廼延請紳士胡君毓璠霍君康海卓君誠蘇君時學歐君華麟等詢以可否咸極力贊成之而藤之邑志復成繼自今戶口之多寡山川之險易民情之向背鄉俗之沿革與夫村堡之利害縣運之盛衰如在目前庶善者知感而不善者知懼是亦偃武修文之至意爲人心風俗一大補救也所愧知識譾陋或疎略之堪虞或採擇之未精或增刪之失當終不能免於大雅之誚也後有作者其匡余之不逮則幸甚

同治六年丁卯八月

知藤縣事申州邊其晉纂輯並序

藤縣志序

吾藤有志創自前明無可考泊

國朝嘉慶丙子邑侯高秋崖特採訪故老傳聞修輯成篇距今五十餘年矣當時高邑侯流風善政聲施到今者赫赫在人耳目而今邑侯邊退齋踵而重修之將高志原本刪繁補漏並蒐輯見聞續丙子以後五十餘年之事於各卷末要皆屏虛辭而歸實錄夫高公彰美於前邊公傳盛於後亦可謂後先輝映矣究其所以復勒成書者豈惟足矜博雅備掌故示遵守云爾哉必將藉紀事以爲資治之鑑冀與古名宦後先爭烈焉蓋凡志也者考鏡得失之林觀風土明政治足爲吏治之一助也故官其地迪其人如能援古證今隨時酌劑其善政善教昭垂志冊異日採之輜軒上諸史館蔚然爲以一邑名臣循吏之傳志之爲益豈淺渺哉誠通籍後卽用廣東甫荏與甯任以不習爲吏視已成事亟索其邑乘一覽擬卽因時隨地著爲宜民善俗之事廼事將就緒而瓜期已及恒一不克竟所爲爲歎去秋回鄉讀禮遵邑侯之命偕都人士訪擇輿論棹羅散失

舊聞彙呈以供邑侯之筆削閱數月而哀集成編條分縷晰凡民情向背風俗美惡地運盛衰政治臧否無不犁然在目洵爲考鏡得失之林也其足資吏治也固宜邑侯昔曾司鐸珂鄉與出宰東粵英德和平時著述頗富經濟文章固其素裕今莅治吾藤前後數年當兵燹之後剪除滋蔓之餘白廢具興如文廟書院義學賓館以及縣衙捕署諸大舉煥然一新而政成民和之日復重修舊志以爲援古證今隨時酌劑之具是必能相土宜因民俗通志志情類物周知其利害而善布其政教者殆所謂廉吏胸中具有全志歟聞邑侯爲上游器重知必久于其任其藉紀事以爲資治之鑑將爲保障不爲絲繭而非徒以矜博雅云云畢乃事也此邑侯修志之意也攷之書道有升降政由俗革斯言也可於邑侯規化理焉將見行成而名立異日追溯名宦得與漢唐後大將名臣撫綏斯土者後先爭烈共垂不朽而豈僅與高邑侯頡頏哉誠與都人士襄事其間將拭目而樂觀德化之成亦不僅以掛名簡末藉得流傳於後爲榮幸也志旣成將付梓邑侯命序一言因不揣謏陋謹書以誌景行意云

同治七年戊辰仲春月色紳士卓誠謹序並書於藤州書院樹人堂

藤縣志序

歲在旃蒙大淵獻余奉

命視學粵西蒞任卽廣求郡縣志以資採風問俗之助梧屬邑乘藤獨闕如蓋記載散佚
久矣夫嶺表界湘楚上應翼軫而江以南繡以東入於女藤地適當其次故其所隸
爲揚而不爲荆參乎地氣分乎天章是未可以荒裔忽者越明年臨郡校士制藝多
傑構藤之文風尤盛益信其山川風土物產人才必有蔚然深秀超然拔俗之概惜
不得良有司其人者爲之總核而剗削之試竣之鬱林道經劍水明府高秋崖領其
邑紳士陳鎰等來謁出其所輯縣志就正於余并乞一言以弁其端余喜語明府曰
昔紫陽任建康甫下車亟索志乘誠以官其地迪其民未能周知其風教則無以酌
古準今而所部不可得而治公今署篆於藤輒行創脩闕典風勵衆庶可謂知所先
務矣我聞廉吏胸中具有全志是書也余將於公平覘經濟焉然古無粵志漢司馬
彪紀九州畧於遐荒其他嶺南錄異邕管雜記嶺外問答諸篇卷帙皆不可見書缺

有間矣交廣郡邑徵信綦難况藤冊籍久湮載筆者無所依據以爲芟潤若僅於省志郡志中撮其大凡弗克遠紹旁搜廣爲參補則雖移步換形未足自成一紀又或擯其所不可擴摭其所不必摭箋疏草木雕刻蟲魚記錄瑣言推求亥步而於文章學校名賢宦蹟以及田賦戶口之盛衰反擇不精而語不詳是直野乘摘華無關典要亦終無以上資國史之採所貴都人士富於蒐羅慎於決擇毋濫冗毋疏脫表已往之跡樹方來之經夫然後緇素彬彬可以永垂不朽因即所呈者而細意披閱則見其有倫有要丕蔓不支嶠南甌北之間控三江而凌八桂自永平開郡以來千有餘年文物聲明瞭如指掌而扶輿清淑淵嶽磅礴值

聖天子右文稽古之會而彌發其光此藤之才所由蒸蒸日上而明府藉紀事以爲資治之鑑則循聲之布亦將與古名宦後先爭烈矣余喜甚爰書之以爲序

賜進士出身

誥授中憲大夫 日講起居注官 懋勤殿行走翰林院侍讀提督廣西全省學政朱方增

藤縣志序

秋崖高明府官西粵夙有政聲乙亥夏署篆於藤甫下車卽親歷四境訪其風土民情察其要害毅然以整飭地方爲己任而藤益稱治聽政之暇復以邑乘闕如急爲倡修都人士踴躍從事閱數月書成而屬序於余余竊心儀之夫志者凡以實記其事與史例相表裏者也邑治雖屬一隅而疆域之廣狹戶口之登耗田賦之增減學校兵防之建置民風士習之淳漓他如以循良顯以忠孝傳以節烈著崇功德發幽光無籍所垂洵足爲民牧者勤求治理之一助今藤紀載就湮久矣秋崖明府迺興廢舉墜慨然於闕典之是修非古所稱賢有司者耶考藤自永平開郡以來隋置藤州代沿至明洪武間始改爲縣

國朝因之縣治周迴六百餘里西白石南竇家二巡司隸焉癸丑冬余奉

命守梧間嘗按部其地則見控三江凌八桂山川清淑繚繞潏洄古藤八景攬形勝之雄秀可謂壯哉越歲科兩郡試肩門課士所屬英雋輩出而藤之文風尤勝彬彬郁郁

殆扶輿磅礴之氣積久而光華煥發與乃知

聖天子聲教暨訖溥海同風藤雖僻處荒裔而沐

國家涵濡之化百有餘年人文已蒸蒸日上茂秋崖復創修志乘率邑紳士徵文考獻辛勤公慎以緝之甚盛事也余用樂觀其成焉是編也余公餘披閱簡而該詳而有要舉凡沿革興廢盛衰臧否所載均有開治法官斯土者覽川原之沃壤桑麻物產皆厚生利用之資緬文物之繁興學校黨庠即化民成俗之則以養以教使吾民樂生安業含鼓嬉遊而涵育薰陶皆範圍於孝弟忠信禮義廉恥之大將見觀感興起遐陬僻壤仍有古南交光被之休豈不美哉余忝守土披輿圖而思保乂爰嘉其志之成願與賢司牧共勗之是爲序

嘉慶歲次丙子仲夏月知梧州府事謝凝道謹

藤縣志序

甲戌之秋余以銓次分守梧州數因行役往來於藤覽其川原形勝據蒼梧之上游
聯岑容爲臂指襟江帶河面山背水蓋歸然梧郡之要津焉省志載環疆六百餘里
地廣人稀俗尙簡樸自

國朝定鼎以來生養休息百數十年民風丕變生殖繁滋其凡民之秀者類能漸摩

聖化工文章而取科第方春學使試梧亟稱藤之人文爲盛豈非靈淑之所鍾有獨異焉

者白石設巡司一五屯藤峽等處無昔日伏莽之虞竇家設巡司一今移置三眼堡
因時制宜之義然也先是歲穀不登民多盜警當事雖極力蕩除而水陸交衝往往
萑苻未靖高君秋崖勤能幹練所至有聲大吏知其賢以武宣令檄攝藤邑事不期
年而倉庫實案牘清尤嚴於弭盜濱江上下自白馬以至石良其他墟市要害之處
各遣家丁可信任者督保甲以防禦之邑之人樂四境之又安年豐穀茂舉欣欣然
以志乘請付之梓而開雕焉秋崖乃爲乞敘於郡伯而並以屬余余自維謏陋竊謂

一之志上關

國賦下隸民生輿圖祀典之所徵文教武備之所係今昔異情沿革殊制他若名宦鄉賢忠臣孝子義士節婦暨藝文碑記凡有關於世道人心者尤不可以不誌也今觀其編次詳核綱舉目張不可謂非儒紳纂緝之力也雖然藤志之待梓有年所矣使邑之人不知借寇之難則將逡巡以俟來茲矣使秋崖不敏於政方將視如傳舍而亟望及瓜而代又安在自公之暇講明切究及此哉余故嘉士林之克竟其業而更善秋崖之能董其成也且使後之官於斯者援古證今隨時酌劑行見僻壤荒陬罔不率俾於

光天之下道德一而風俗同採之輜軒上諸史館則是書之裨益於政教者正復不淺豈惟眺東山之夜月嘯石壁之秋風登龍巷之露臺聽鴨灘之霜籟遂足誇嶠南清絕云爾哉是爲序

峇

嘉慶丙子孟夏

賜進士出身梧州府同知前

國子監誠心堂助教充戊辰科會試同考官屠英撰

藤縣志序

余弱冠計偕北上所過通都大邑不少矣後客諸侯復馳驅於吳齊楚豫間輪帆所及凡山川之勝風土之宜城池關梁之險夷今古人物之傳播者靡不留心周諏以資考鑑且聞昔賢言不習爲吏視已成事故往往遊蹤戾止必求其圖經志乘讀之匪直充物見聞亦足廣他時蒞官行政敷施所莫逮則志之益人大矣歲辛未分符古藤受事後鄰盜伏莽余方以藤之羣黎爲萑苻所苦遂斤斤爲民弭緝之芟夷驅除不遑他務夫藤于吾粵陸爲桂海藩籬水爲湘灘襟帶廣袤六百里版戶井灶至五十有八都較古侯甸名齒上邦可謂極雄麗矣嘗周巡四隅竊嘆其屯廂景物之佳古蹟傳留之盛復久沐

聖朝雅化家絃歌戶禮樂彬彬有齊魯風每索觀曩志不得慨然曰邑之有志所以贊蒞官行政者爲益滋大無之焉乎可時已具倡修意適有承乏蒼梧之役是以有志未逮關中高秋崖來署斯篆小心勤慎境內恬然公餘即以修志爲首務督率紳士採

蒐釐訂十閱月而哀然成帙余披其卷則凡山川輿地之勝皆余所熟遊風土物產之美皆余所稔識以及城池建置人文鍾毓之所勝踐芳蹤先哲題詠之處皆余平時所低徊而流連者今得此志表彰之則余向之所歉然於懷者秋崖已爲補苴而秋崖之善治可知矣然敷施吏事余固避席秋崖而所爲留心莅官行政之道則一也後有繼者其鑒余二人有同心也夫

嘉慶二十一年夏五月署蒼梧縣事藤縣知縣五園黃開雲撰

倡修藤縣志序

從來事莫善於因而最莫難於創因者蹟有可襲舉凡有待於踵事增華以至於補弊起廢之務胥於是乎在故因善焉創則凡前之所未萌後之所從朔與前時或有而或亡亡而更始者創之誠非易易夫使無濟於民社亦惡用是亟亟爲惟實有可以贊化理而補缺畧通衆志而類物情者適丁其時而更無可待雖欲不力肩其難而相與圖始勢有不能如今藤邑之志是已秦漢迄今以縣名者一千三百有奇閒雖沿革不同析并不一而有縣即有志以爲吏治之一助比比皆然何獨至於藤而無之間藤自晉宋分永平後或名藤州或名譚津稱亦異矣且其中風門佛子向爲斷藤峽寇出入伏莽鼓煽故自來大將名臣如馬伏波李衛公韓襄毅王文成諸人咸駐師其地昔之人自有能志之者大都兵燹之餘流風遺澤蹂躪已極百年來元氣乍還無暇及此未可知也余承乏伊始徧索舊志不可得旋行部至四隅見其山阜嶮峭川谷深窈五十八都里凡田宅戶口關梁驛汎雖非赤緊亦殊岩邑且見巖

名太白碑記藥師其他東坡太虛吟咏所及靈與僻陋者等此卽無奇傑挺生之人猶宜樹之鵠以厲其氣矧名世英淑代不匱乏如李公堯臣馮公當世諸賢歸然坊表俱在史冊昭昭矣我

國家承平近二百年其風俗與

化移易或有激發乎至性奮興乎凡庸矯然與前賢爭烈者正自有人忍聽其久淪於荒陬僻壤間不復表而彰之以爲來詰勸非守土之責而誰責哉甫下車簿書鞅掌未遑倡是議茲近匝歲幸訟簡務閒爰徵紳士陳君鑰胡君世拔李君若桂蘇君厚埴陳君翹李君中寶吳君斯璧何君宏元黃君時安霍君鉉鏗等詢以可否僉怡然曰諾竊嘗聞之莫爲之前雖美弗彰莫爲之後雖盛弗傳余固不敢以創彰厥善然欲傳盛於後先顧不可不慎也請與公等約凡事之無關民社者無論已卽當記載亦必採訪之精纂錄之謹是非不謬於公論義例克繩乎古先庶幾衆志通而物情

類上以贊

聖朝之化理下以補草野之缺畧異日者太史過而採之凡風土政事之所宜節孝文章之所著煥乎與陳詩納價同重不僅如南方草木之狀桂海虞衡之志徒矜博雅於當世是則余之志也夫至於鼓舞輪金剗剛計日都人士自有樂成之者余不贅是爲序

嘉慶二十一年丙子孟夏署藤縣事武宣縣知縣高攀桂撰

藤縣志序

志何昉乎九邱遠矣禹平水土即取山川物產土田賦貢而詳紀之周官大司徒而外職方氏辨其人民與其財用六畜九穀之數以周知其利害此三代經理之大綱即後世一統志所由昉也而小史掌邦國之志外史掌四方之志則郡志邑志肇焉漢以後至唐而縣志有專名至宋而記載始備誠以志也者考鏡得失之林詳與廢觀風土昭政治而備蒐擇者也藤當唐虞時屬南交蓋被放勳重華之化久矣自秦易郡縣由南海以迄猛陵永平以迄藤州疆域屢分我

朝因有明之制定爲藤縣深仁厚澤道一風同百有餘年矣以故山川效靈英賢輩出官斯士者瞻庠序學校之盛觀桑麻雞犬之饒咸駸駸乎稱上腴焉而或日鞅掌於簿書錢穀之會以著賢勞卒未能遠考前朝近詳當代網羅遺軼勒爲成書一旦翰軒式臨曷克上資採擇關中

高明府來牧茲土政尙廉明折獄洞若觀火數月間四境肅然羣黎如登衽席 明

府琴鶴餘閒徵文考獻慨然於藤無志乘銳意興修亟思采輯因屬鑰借邑諸君子共襄其事竊以修史之難無出於志昔馬氏貴與嘗言之蓋識淺則其詞陋學疏則其論膚騁靡麗尙妍華則其體浮誇而不實譎劣如鑰何敢膺載筆之任 明府曰邑志記藤事耳君爲桑梓之地間見旣稔考校必詳此役非君之屬而誰屬哉鑰承命不敢辭爰集諸同事訪傳聞於故老廣掇拾於殘篇繼晷焚膏參考互訂纂集於乙亥之秋脫稿於丙子之夏別類分門釐爲二十一卷夫事遠年湮典籍散佚猥以鑰之不敏一旦草創其所未備以言乎天得無星野莫辨其辰機祥未記其事乎以言乎地得毋疆索之廣輪多消建置之沿革多謨乎以言乎人得毋摺紳碩彥未及詳求名士鴻章謬爲擯棄乎質之 明府斧削而存其槩雖滲漏在所不免然讀聖訓而昭示蒼黎覽學校而薰蒸士習核田賦戶口而徭役均平考名宦職官而清勤靖獻贈貶可以教孝耆壽可以教弟軍政以資捍衛文藝以著經猷後之閱是志者興廢詳而風土悉蒐採備而政治彰未必非考鏡得失之一助也 明府曰是吾志也

卷之一

命進而付諸劄

藤州書院掌教邑舉人陳鎰撰

(二十八)

藤縣志修輯官紳名銜

主持重刊

欽加五品銜 賞換花翎調署藤縣事准補永福縣知縣 陳仲賓

贊成人

欽加同知銜 賞戴藍翎前福建順昌縣知縣 陳勳光

試用訓導 前署新甯州教諭 蘇汝莊

分省補用州判辛丑補行庚子恩科舉人 何壽謙

留學日本法政大學卒業辛丑補行庚子恩科舉人 蒙經

留學日本經緯學堂高等警務科畢業附生 何宗羲

附 貢 生 何亮輔

廩 生 黃耀鴻

附 生 歐奇

廣東法政官學員補用直隸州同知 唐朝繩

廣東法政官學員增生 黃鵬年

檢校人

法政畢業學員 廣東候補鹽知事 何壽坤

留學日本經緯學堂警務本科畢業 五品頂戴廣東候補巡檢 韋文林

廣東警察學員 附生 王希曾

主修編輯

欽加知州銜 藤縣知縣 邊其晉

恭閱

藤縣儒學教諭 蒙秉仁

藤縣儒學訓導 韋貞元

編纂

賞戴藍翎儘先遇缺即選知州辛酉拔貢辛酉科補行己未壬子
兩科舉人 胡毓璠

參纂

欽加五品銜儘先選用知縣辛酉拔貢歐華麟
候選內閣中書丁酉副貢丙午科舉人蘇時學
欽加五品銜選用知縣前宣化縣教諭甲辰科舉人鄧澄瀛

分纂兼校對

署廣東興甯縣知縣癸亥恩科進士卓誠

賞戴藍翎儘先遇缺即選知縣恩貢霍康海

甲子科副貢韋品良

試用訓導歲貢霍岍源

署陸川縣教諭歲貢蘇啟禧

儘先選用知縣己酉拔貢陳允善

試

用

訓

導

蘇錫傑

歲

貢

陳步瀛

廩

生

陳勤光

附

生

胡毓璜

校刊

藤

縣

典

史

劉德藩

賞

戴

藍

翎

藤

縣

白

石

寨

巡

檢

黎培績

藤

縣

寶

家

寨

巡

檢

魏章喬

採輯

軍

功

六

品

監

生

蘇百朋

選

用

從

九

監

生

霍國霖

廣

東

試

用

鹽

運

司

經

歷

蘇念祖

附	試	廩	布	選	藍	候	署	恩	候	附	試
	用		政		翎	選	南		選		用
	教		司		補	訓	甯		教		訓
	諭		理		用	導	府	賜	諭		導
	恩				都	廩	訓		恩		歲
	貢	生	問	導	司	貢	廩	副	貢	生	貢
生	歐華吉	文創基	蘇泰復	何若遜	莫本培	李天注	鄧思道	貢	陳爾直	劉勳	蘇錫晉
歐華實											

監

生 周緒綸

廩

生 李華新

選

用

教

諭

恩

貢 陳光善

附

生 李錫齡

附

生 鄺華彥

州

同

銜

選

用

縣

丞 徐詒堂

選

用

訓

導

廩

生 黃堅寶

附

生 黃澄芳

監

生 黃恭

五

品

翎

頂

選

用

從

九

監

生 王家宰

廩

生 劉良臣

選

用

教

諭

恩

貢 張炳瑞

增 生 李良佐

監 生 魏志純

候 選 從 九 潘俊昌

選 用 訓 導 廩 生 馬秉奇

前 署 富 川 縣 訓 導 附 貢 唐履颺

補 授 潯 州 府 訓 導 前 署 全 州 訓 導 廩 貢 吳迺鴻

附 生 黃體仁

附 生 鄧 鎮

候 選 翰 林 院 待 詔 陳瀚祥

廩 生 韋世居

附 生 何昌光

署 興 步 縣 訓 導 歲 貢 楊熙春

丁卯科舉人 鄧慶麟

丁卯科副貢 朱啓銘

試用訓導廩貢 石殿元

拔補千總 韋德鎮

守備銜拔補千總 朱顯訓

附甲子科舉人 吳延良

附廩貢 韋義良

廩生 黃錫壽

廩生 鄧澄淮

附廩生 卓希憲

附廩生 胡其翰

附廩生 江南滙

藤縣志目錄

卷之一

序文 修輯銜名 目錄 凡例

卷之二

天文志 星野 氣候

卷之三

輿地志 輿圖 疆域沿革 都里墟村

卷之四

輿地志 山川 橋梁 津渡 古蹟

卷之五

輿地志 風俗 物產

卷之六

卷之一

卷之一

建置志

城池

公署

倉庫

壇廟

新增建置

卷之七

學校志

傳贊

卷之八

學校志

陳設

社學

書院

卷之九

田賦志

田畝

戶口

起運

存留

耗羨積儲

水利

稅課

卷之十

軍政志

兵制

兵額

兵餉

戎職

卷之十一

職官志

官秩

卷之十二

名宦志 德政 補編 名宦 遷客流寓

卷之十三

邑紳官職志 鄉賢 紳職官 保舉職官

卷之十四

選舉志 進士 鄉舉 徵辟

卷之十五

選舉志 貢選 武進士 武舉 出仕武職

卷之十六

選舉志 援例 地贈

卷之十七

人物志 賢良 孝友 卓行 儒林 方技 隱逸 義烈

卷之十八

卷之一

卷之一

人物志

節孝

耆壽

卷之十九

藝文志

歷朝各體（古文）

國朝各體（古文）

卷之二十

藝文志

國
歷朝
朝詩詞

卷之二十一

記事志

雜記

兵防

兵事誌畧

考古錄

卷之二十二

芳名志

前修志各官紳銜名

凡例

一是書體裁統以大綱列以條目其依類相附者不復更爲標題惟於各目下註明某項附俾閱者便於查考

一作志例應冠列舊序以曉然於修改之由自嘉慶二十一年丙子邑令高攀桂修之今仍其舊而增刪之

一粵西星野言人人殊府志以梧郡概屬翼軫今考律歷諸書并據通志藤屬揚州星紀次而分野之說始定第正方域而後識分星舊志附於地輿今特標出天文一志

一沿革不明山川草木無一不誤戴震洵爲知言者也藤自永平開郡以來境壤代有紛更茲特細加考核頗得其詳無事更增

一大化風行本無畛域而設官分土各有專司藤屬要衝其四至八到視他邑較廣其邊隅相錯之處尤宜界劃分明惟驛站營堡統附軍政今驛丞戍卒俱裁自當

載歸疆域

一風俗由於習尚節候應自氣機合志頗覺不類茲以節候附於星野而風俗則教化所關當自特列一目

一滋生物類今古殊時往往案牘以求其所產之區渺無所得妄傳妄載殊非紀實之義茲所登惟以舊志土宜爲據

一山川形勝歷經前人遊息題咏者稱古蹟載之以備遊觀其他培塿沔滴無關壯麗者則從其畧至名人之坊表陵墓憑弔之餘亦深古情若廡舍遺墟應歸建甯未可淆混茲特分別紀之

一設險所以衛民啟宇所以臨民城郭宮室所係滋重詳其建置而修舉廢墜之規宛然可見其有故老流傳無籍可稽者仍不敢率意添入

一教化由於學校厥典最鉅郡志於

先師崇祀之典先賢列祀之制祭器樂章燦然備錄深得興賢育才之意今敬遵其例而

書院社學咸以類附焉

一壇廟原以入祀典爲正而世俗相傳爲禦災捍患之神久爲閭閻所欽禮者雖秩序無文均得從宜致敬亦社壇所報意也因并附載

一禹則三壤周稽九比此田賦征徭爲政治所最亟我

國家重農貴粟經國愛民奉

諭永不加賦而生齒日繁允堪紀盛斯民之版卽爲康樂之書因謹錄之

一周禮遺人掌邦委積以待凶荒後世積儲所由防也藤設常平社義等倉以便兵

農並儲備東穀石以濟鄰境法良意美無逾於是舊志以倉厥附於建置而所儲

穀數別爲一款今因兵燹諸倉俱廢

一奮武與揆文道無偏廢故兵可百年不用不可一日不備我

朝文治日隆而杜漸防微雖下邑偏隅不忘戒備藤之兵制未可畧也而分防戎職同

分保障之司因據營汎所移而紀之

一邑侯僚佐代有名賢而前此爲郡爲州凡太守司牧經畧駐節者亦復不一其人茲皆細爲考校其有遺愛在民紀載德政流寓諸賢振起文教者特書誌之

一邑中先賢嘉言懿行表表鄉閭者必爲立傳如其人尙存概不敢涉筆收錄恐鄰於諛也

一烈女貞婦業奉旌表自當登志不敢遺漏其苦節冰霜雖褒嘉未及而輿論羣相推許者均得照例叙列

一藝文足徵博雅若徒吟風弄月美不勝收茲惟於各體中擇其言之尤雅者或以人傳或以地著凡可以考證圖經並有關於風教之言始行編入

一邑人捐建梁橋極多其間有非來往要衝偶聚石爲砥者未足增光志乘故凡斷港小鈞概置不錄而特紀其行旅絡繹者

一顯親揚名父以子貴恭錄

誥勅所以榮其先也其有未登仕版而急公援例邀沐

尊恩者亦并附載

一朝廷重引年之典鄉黨隆尚齒之文老者安之王道所以易易也藤沐

聖澤敦龐閭里偕登仁壽凡在耄耋期頤均荷

恩錫因詳列其已報未報者比次書之

一史家紀錄異聞務歸徵實謬以流傳怪誕災諸梨棗是續齊諧也茲雖卮言瑣語亦據事直書不敢浮誇爲尙閱者諒之

一運際昌期士之懷瑾握瑜者咸思乘時利見其入粟輸貲得人宦途者亦可以備經國之需展平生之蘊原未可一格拘也他如冠帶增榮爲交遊光寵者即未出身加民例得并附

一舊志首紀

聖諭廣訓茲於朔望延請耆儒宣講各鄉塾生童無不家喻而戶誦之茲不叙入以歸簡

易

卷之一

(四十五)

一邑志自唐宋以來千二百餘年昔賢之紀載已無可攷惟崇禎八年邑令梁公名昌香山舉人曾修邑志四冊故老猶有存其書者因兵燹失去香山公爲邑賢令故特表之以發潛德之光

一舊志馳封詳官職與

誥封文詞與家乘同今只詳紀其膺封之由錄其官而畧其文以合史體

一舊志芳名詳各官捐銀數目計捐紳民九百七十餘人自數十兩以及五錢三四錢不等猥瑣失當今刪去其有留心採訪協同修輯者載入

一舊志有科名而無邑紳官職殊爲闕畧科名爲通經之驗官職乃致用之實茲更標出以誌邑人政績

一軍興以來官紳士民死難者極多地方亦卒賴以廓清其義烈之氣有不可磨滅者茲特標出以勵士氣而正人心亦輔治者之一大補救也

一兵防志十三年中烽烟起滅將帥經營官紳敵愾皆詳於雜記誌畧考古志中其

有祥瑞災異及巨匪出沒民生塗炭皆廣集考覈經一年之久始得其大概然雅俗兼收參伍錯出謬訛互見未暇更正姑且成帙至於筆削之權仍當俟之君子

卷之一

(四十八)

藤縣志卷之二

天文志總序

邊其晉

昔人謂天道遠人道邇盡人事以聽天命是以於天文而或畧焉若夫一邑之史亦必上應列宿凡年歲豐凶以及人文之盛衰興廢時令之祥瑞災異無不歷歷垂象以昭示炯戒於人聖人之所以言畏天也况藤邑當軫之六度屬婺女分野前人考證明確詳哉其言之矣使一邑之官紳士大失皆勉盡人道以上應天休安見三元四解之盛不再見於今日也人道之表章卽亦天道之昭著也志天文

藤縣志卷之二

天文志

星野(氣候附)

列宿翼軫牛女四星分野說

翼宿二十二星爲朱雀翼軫宿四星名天車牛宿六星內二星一卽路二聚火中主犧牲外三星主南越女宿四星又名須女水星也翼距中右第二星去極百四度入翼初度凡十九度上爲中道赤道十九度九十分黃道十九度六十五分軫距右內星去極百三度半入軫初度凡十七度赤道十九度三分黃道十九度五分起張中翼終軫十一爲鶉尾故翼軫二星於辰在巳分野屬荊州牛距外星去極百十度半入牛初凡七度赤道七度二十分黃道七度五十分女距右外星去極百四度半入女初下爲中道赤道十一度五分黃道十一度十二分凡十一度自南斗十二度至須女七度爲星紀故斗女二星於辰在丑分野屬揚州(參用歷代天文志)

史記牽牛婺女分野在今之蒼梧等郡

漢書地理志楚地翼軫之分野今之江夏諸郡也粵地牽牛婺女之分野今之蒼梧諸郡也

晉書天文志自南斗十二度至須女七度爲星紀吳越分自張十七至軫十二度爲鶉尾荆楚分

唐僧一行兩戒之說自江源循嶺嶠南東及海爲蠻越又升陽進踰天關純乾之位故鶉尾直建巳之月內列太微爲天庭其分野自南河以負海亦純陽地也又斗杓謂之外庭陽精之所布也斗魁謂之會府陽精之所復也杓以治外故鶉尾爲南方負海之國自房陵白帝而東盡漢之南郡江夏東達廬江南部濱彭蠡之西得長沙武陵又逾南紀盡鬱林合浦之地自沅湘上流西達黔安之左皆全楚之分自富昭象龔繡容自廉州以西亦鶉尾之墟又曰在吳越東南斗牽牛星紀也初南斗九度中南斗三十四度終女四度逾河南得漢丹陽會稽豫章西濱彭蠡南涉越門訖蒼

梧南海逾嶺表自韶廣以西珠崖以東爲星紀之分古吳越郡廬桐六蓼及東南百越之國

宋蔡戡曰分野之說肇自黃帝星文之學源於甘石其所從來遠矣遷固之說以斗女爲吳越分而翼軫爲荆楚分凡欲知星文之所係先考郡國之所屬可也方少康庶子之始封而爲越國也都於會稽其後勾踐又以會稽而霸閩王搖趙佗尉之王也一都東甌一都番禺其地皆北接吳之境土故前代多以吳越並稱而史或謂之揚粵以越亦揚州之分也凡遷固以來謂斗牛女爲吳越之分野並屬揚州者皆越之東界以累世立國之地言之至於兩漢地理志遂并以鬱林蒼梧所屬之郡在越之西界者盡爲牛女之分野則差之毫釐而謬以千里矣所以杜佑之作通典歐陽文忠公之志唐書東坡先生之圖指掌皆以爲前史之誤也且史記趙佗帝制之時東西萬餘里而一行山河兩界圖之說則以爲自江源循嶺嶠南東及海皆蠻越之地蓋粵之疆場最廣自古謂之百粵雖東極於會稽西則抵西南之界其東北界雖

接吳而其西北實抵楚列宿在天所主之分野隨方所向皆當逾海際天而後止周禮東南爲揚州正南爲荊州其接吳者爲揚州則星紀之分並在東南方也固不應磬折而西轉以抵正南之方荆楚之界而并爲星紀之分野也且翼軫所向正南方亦不應至始安而終止而始安以南遠屬斗牛之分也通典之說曰按荊州南境至衡山之陽若五嶺之南在九州封域則以鄰接宜屬荊州豈有舍荆而屬揚斯不然矣此則近史之誤也其大概以爲嶺南之地分野所屬其西界當屬荊州翼軫之次耳唐書天文志曰後世之言星分者據漢書地理推之是守甘石之遺術而不知變通之數東坡指掌圖中其天象分野圖亦援唐志之說以爲證而唐書地理志則以韶廣康端封梧藤羅雷崖以東爲星紀分桂鬱林富昭蒙龔繡容白羅以西爲鶉尾分又一行禪師用李淳風之說以分野圖云自韶廣康封梧藤羅雷州南及珠嵯自北以東爲星紀其西北屬鶉尾之次以此參訂則越之東界其北接吳者屬星紀實斗牛女之分野而越之西界其北抵楚者屬鶉尾實翼軫之分野前史之差謬至

是而後較然明甚雖然靜江在唐爲桂州屬嶺南道在漢爲始安屬零陵郡今支邑之荔浦漢屬蒼梧郡桂林新舊志不盡考諸家之說遂以始安屬荆爲翼軫之分荔浦以南屬越遠以爲牛女分蓋承前史之誤耳按史記勾踐滅吳併有其地與中國會盟逮王無疆時北伐齊西伐楚與中國爭疆其境土之廣可知矣又按史記楚世家當夷王時楚王熊渠伐庸揚粵至於鄂揚粵即趙佗傳中所謂揚越也西漢亦如史記之通用越粵兩字而互見之也又云封其子爲越章王皆在江上楚蠻之地則揚粵之舊疆不復可以西漢郡縣所分爲正矣故翰林承旨宋公白等七人之續通典亦以桂州爲禹貢荊州之域春秋時越地七國時復爲楚戰國時爲楚國及越之交境此蓋歷考前載而其說進退可據若然則靜江府在漢雖屬零陵郡其實古之越地於星文則皆屬鶉尾荊州之分固不當以始安荔浦一時之所屬爲別也晉志以零陵爲人軫十一度而始安屬零陵郡靜江當軫之十一度矣且軫四星之中別有一星名長沙而禮祀正義所引緯書考靈耀云一度二千九百三十一里有奇軫

星共十七度今長沙去此纔一千餘二十里則靜江當軫之十一度斷可識矣且天文二十八宿之外其星有專主下土者不特長沙也

明天文志廣西所屬梧州之蒼梧藤容岑溪四縣皆星紀分

劉誠意星躔分野以平梧當軫之六度

通志梧州大江以南繡江以東入於女

國朝廣西通志廣西於天文爲翼軫分野惟梧州蒼藤容岑四縣屬牛女

李志梧州之蒼梧藤懷集星紀次丑辰斗牽牛婺女分野

按辰無更易星有轉移歷代談天家各相推測如三統歷漢律歷志費直說周

易蔡邕月令章句陳卓景初歷皇甫謐世紀一行大衍歷明大統歷其言張翼

軫斗牛女等宿度數多寡各家不同畛域界分亦彼此互異蓋天道遠而難知

人事近而易據求諸渺茫固不如徵諸實境也然馮相司常保章察變其說見

於周官師尹惟日庶民惟星其義詳於洪範必謂方隅一邑不必考其星分似

亦持論之過今考梧郡當軫六度大江以南繡水以東入於女竊意郡治灘與湘異流同源當爲軫六而藤邑正值繡水東大江南洵揚州婺女分也則星紀之次爲得其實云

氣候

揚越之地少陰多陽其人疏理其性能暑〔漢書〕南方土薄而地卑土薄故陽氣常泄地卑故陰氣常盛陽氣泄故四時常花三冬鮮雪一歲之中暑熱過半人居其間腠理不密膚多出汗陰氣盛故晨昏多霧春夏雨露一歲之間蒸濕恒多人多中濕肢體重倦衣服皆生白醭蓋陰陽之氣不齊故一日之內氣候屢變諺曰四時皆是夏一雨便成冬地氣然也蓋天地之氣極北寒勝極南熱勝五嶺以南號曰炎方其高岡疊嶂左右環合往往鬱而爲嵐惟梧藤諸邑地頗平坦不得謂桂林而南皆瘴

鄉也但離明火位調攝之功宜加謹焉

節錄李西美攝生論并參范成大桂海虞衡志

春夏之間漲潦時發三伏炎熇特甚生物早而不力人感之每患瘡疾驟去衣襟輕

飲凉水者爲所中（參郡志）

孟春之月桃李花柔桑可採二麥黃田功既興蒼蠅拂其羽仲春之月蔗初芽蕨拳舒粉魚苗生蜺降於霧木棉吐英是月也農功畢作蟋蟀鳴玉瓜生季春之月溫風至梅子熟催耕鳴田蛙鼓吹蒹葭絮鷓鴣鳴

孟夏之月佛桑紅綻高榕蔭日樹蘭綴珠白雨以時至蛤蚧鳴蠹化爲螢仲夏之月荔枝丹菩提舒葉羣蟻朝其祖鈞割鳴早禾登元鳥再乳季夏之月白雨足西潦降芭蕉子垂新穀既登亟播晚種涼風猝至

孟秋之月秧針重碧蒨田浮龍眼熟是月也暑始酷爍石流金桐始黃仲秋之月木芙蓉花梨栗熟黏始穫秋筍出魚秧化爲鳥季秋之月木樨香放紅諸登白欖落紙鳶翻風菊有黃華木槿榮

孟冬之月耕牛放閒八蠶之功畢嶺梅芳橘柚錫貢銀河夜見是月也霜始下氣乃寒燒薙殺草仲冬之月桃始華鷓鴣蔽葉山花時茂是月也農斂穀屯困涸塘以漁

季冬之月水仙來賓池塘竭稚筍出風蘭賀春雷或有聲霰時集

按昔人以西粵爲瘴鄉夏日青草秋日黃茅生長斯土者猶可相習行人旅客仕宦羈遊隕涼晴雨之交飲食起居之際調攝偶疎卽觸烟嵐而成疾此當分別言之未可一概論也蓋城依巖谷邑極邊隅或恐不無戾氣藤衝左右兩江地脉疏豁絕無瘴癘而民物殷繁尤非土薄人稀可比况和風甘雨久沐休徵南交風境不且與中州無異歟

藤縣志卷之三

輿地志總序

周禮誦訓掌道方志後世志封域者祖之而其義莫備於職方東北西南以定其疆域山藪川浸以明其美利三男二女四擾五種以別其風俗物產詳哉其言之矣逮漢書地理志并列星野樂氏寘宇記復增古蹟自是以來其體彌備蓋辨方正位度地居民豈徒求其疆索識其廣輪而已哉藤居八桂上流當三江要會蘇長公以小天竺擬之者殆亦愛其形勝之秀耳雖壤地僻遠不足以誇饒沃而士知禮義務農耕桑惟在敷施政教者有以固其淳而化其澆奠其居而永其業安在僻遠之非樂土也哉志輿地

滕縣志卷之二

輿地志 (疆域沿革)

唐虞屬禹貢揚州之南境

三代爲南越地成王十年時有越裳國

秦始皇初使屠維統五軍殺西甌君呼宋伐越越人皆入叢中莫肯歸至三十三年

王翦伐楚之勝安定其地始入中國屬南海郡

按漢書南海郡秦置沿革以來卽今懷集岑溪藤縣賀等地

漢平南越爲猛陵縣地屬蒼梧郡秦時蒼梧屬桂林郡漢始置蒼梧郡

三國吳屬蒼梧郡

晉穆帝昇平五年分蒼梧地立永平郡以安沂縣爲郡治又析安沂縣地爲夫靈縣

屬於永平

按晉分蒼梧地立晉康新寧永平三郡太守永平所屬有雷鄉廬平員鄉普寧

開城五縣又有熙平後並省

宋永平郡領縣七內三縣郡治安沂今藤縣地與夫武今藤縣地武林今平南地俱在粵西境此外

尚有蘇平等縣隸之

齊永平郡徙治夫甯梁兼置石州更安沂為安基置建陵郡

隋開皇三年平陳廢郡置藤州改陰石縣今之容縣為奉化縣屬藤州十有一年改遂成

縣為戎成縣屬藤州大業三年復以藤州為永平郡治永平縣即夫甯縣開皇中改名並領武

林安基隋建隋安普甯成化戎成甯人淳人大賓賀川共十二縣

按大賓開皇十五年置隋建隋安淳人賀川皆開皇十九年置普甯即奉化開

皇十九年改名甯人又為安人開皇十八年改名隋建平南地戎成蒼梧地大

賓桂平地甯人容縣地隋安淳人俱藤縣地隋建隋安本兩地府志以隋建為隋安誤又陳置建陵

綏越蒼梧永建等四郡平陳郡廢俱藤縣地

唐武德五年以永平縣為藤州領永平猛陵安基武林隋建陽安普甯戎成甯人淳

人大賓賀川貞觀七年以武林屬潯州安基屬燕州普甯屬容州八年以猛陵屬梧
州十二年以隋建屬龔州天寶元年改爲感義郡乾元時復爲藤州

按唐藤州感義郡領鐔津感義義昌甯風四縣初州治永平無鐔津貞觀後改
名即猛陵地又以原治永平隸昭州甯人隸容州皆因時更置感義義昌本淳

民安昌武德時改爲感義至德時改爲義昌其甯風一縣查武德五年置鸞州
領桂州之貫平貞觀二年又以藤州之大賓隸之增領長恭泰川池陽龍陽四

縣以長恭爲鸞州治五年置增新樂甯風梁石羅風四縣七年徙治甯風改名

秦州省長恭入甯風改池陽爲承恩八年徙治安基藤縣地復爲鸞州十二年省

龍陽承因十八年州廢縣屬藤州省新樂安基梁石羅風皆今藤縣地

五代晉天福四年馬殷自立爲楚王以鐔津縣爲藤州治屬南漢所領義昌感義甯
風仍沿唐代

宋平嶺南藤州領感義郡軍事開寶二年省甯風感義義昌入鐔津縣熙甯四年改

南儀州爲岑溪縣屬藤州隸廣南西路

元仍行州事隸湖廣行省領鐔津岑溪二縣至正末隸廣西行中書省

按唐改感義郡後仍爲藤州宋徙州治於大江西岸元至元十三年仍行州事

明屬梧州府隸廣西布政司洪武二年九月省州治鐔津縣入焉十年五月改藤州爲藤縣共三廂二十八里外五里爲五屯所軍籍五屯所卽甯風地古西甌北屬藤縣

國朝五屯五里編歸民籍罷守禦所改爲白石寨巡司駐劄

宋

永平太守領縣七去州水一千二百去京都水五千四百（宋書州郡志）

唐

感義郡藤州東至連城郡二百五十里南至連城郡二百里西至臨江郡百四十九里北至蒼梧郡九十七里東南至蒼梧郡一百九十八里西南至臨江郡百四十九

里西北至普甯郡二百五十一里東北至蒼梧郡一百九十八里去西京五千五百九十六里去東京五千二百里(通典)

藤州至京師五千五百九十六里至東都五千二百里南至義州二百里至龔州一百四十九里北至梧州九十七里(舊唐書地理志)

宋

藤州東西百六十里南北一百三十里西北至東京六千二百里西北至西京六千六百里東北至長安六千八百里東至梧州二百五十里西北至龔州一百四十里南至義州二百里北至舊州一百一十里東南至南儀州界一百六十里西南至容州陸路二百一十里水路三百二十里東北至梧州孟陵縣界十五里沿流至梧州一百里西北至蒙州東區縣一百四十一里(寰宇記)

藤州至東京六千八百五十里東至本州界六十一里自界首至梧州六十四里西至本州界八十里自界首至龔州九十里南至本州界二百九十五里自界首至高

州一百七十五里北至本州界一百一十里自界首至韶州二百八十里東南至本州界二百四十八里自界首至梧州六十四里西南至本州界一百七十五里自界首至容州九十五里東北至本州界十五里自界首至梧州六十五里西北至本州界一百四十一里自界首至昭州二百八十里（九域志）

國朝

縣在府西東西距二百三十里南北距四百一十里東至古銑村接蒼梧縣界七十五里西至律塘村接潯州府平南縣界一百里至平南縣一百五十里南至容縣大榕村一百六十里至容縣二百七十五里北至六忝村接平樂府昭平縣界二百一十里至昭平縣三百五十里東南至孔夾村接岑溪縣界一百九十里至岑溪縣三百二十里東北至狀元埔 縣界六十里西南至西龍村接潯州府平南縣界一百二十里西北至五屯所接平樂府永安州界一百四十里至永安州城三百八十五里編戶共三十六里自縣舖至本富驛水程一百二十里 左至古先接蒼梧界十五里右至石良接蒼梧

界五十里 陸程八十五里省城水程八百九十里陸程六百六十里陸驛六十有二至

京師金臺驛水驛一百零九水程六千八百五十里陸驛一百零四陸程八千三百

二十二里

藤縣志卷之三

輿地志

三廂十坊

五袴廂 城內

西隅廂 永安門外

南隅廂 迎恩門外

仁壽坊

興賢坊

賜福坊 俱城西

登俊坊 迎恩門外

通濟坊 通津門外

勝概坊

孝通坊

富壽坊

得雋坊 俱水東街

桂坊 永安門外

案勝概孝通富壽得雋四坊前附城今省入一都又登俊坊本為唐李堯臣建後遂沿為地名

六鄉

孝義鄉 在縣東

一都

二都

三都

四都一

四都二 計五里

仁封鄉 在孝義東

七都

八都

九都

十都

十五都 計五里

感義鄉 在縣西南

二十八都 三十都 三十一都 三十二都 三十四都 三十六都

三十八都 三十九都 計八里

義昌鄉

十八都 二十一都 二十二都 下二十二都 二十五都 計五里

太平鄉 縣西北

四十一都 四十二都 四十三都 計三里

甯風鄉 在太平鄉西北

四十六都羅龍里 四十七都大任里 四十八都東皇里 四十九都三江里

五十二都隨化里 五十六都楊峒里 五十八都大黎里 共計七里

墟市

大街市 縣治後 城東市 通津門外 城西市 永安門外 城南市 迎恩門外 坡頭門市 在縣東十里

赤水墟市 在縣東六十里

糯峒墟市 在縣東二十一都

安城墟市 在四十三都蒙江口

和平墟市 在四十六都

太平墟市 在四十七都

古龍市 在隨化里

五屯所 白石司署在焉

寶家市 在三十都

三眼堡 寶家司署在焉

三江市 沒

白馬墟市 在三十四都

金鷄市 在三十四都

大澗灣市 在三十二都

各都村名

一都

河東街

瓦窰

上窰

下窰

文津塘

牛欄塘

佛子

早塘

帶塘

蓮子埔

峽口

新村

白效

古笠

江口

大田埕

新地

靈龍

沙子

大屋洞
大橋坳

二都

富安

禮秀

答村

古榕

雞頭嘴

瓦塘

吉慶

大羅

新村

大嶺嘴
八嶺嘴

龍塘山

嶺背

思得

隴村

井口

側嶺

三都

神嘴 平政 榕木 雲平 黎塘坪 老鴉塘 吉嶺 陳塘 平嶺 歷木

黎山口 白沙 松塘 汶塘 梭塘 光主坡 陳王 古梅 白梅 沐浴垌

周垌 古寮 五斗 雞膝 兩岸垌 大龍 富路 田墘 大猷 石井峒

埤角寨 思王 窖塘 汶底 十丈坡 三門灘 岳涌

四都

禰頭 栗木社 大港 大滂 大地 井塘 獺塘 胡地 石黃 大安橋

裏地 洲尾

七都

新慶 馬子 新村 蒙詰 翰池 西岸 大村 神安 塘村 蒙詰 丹村

神嘴 燕村 蒙強 木暗埔 森村 地英 竹園 龍背 堂燕 鑊底

象塘 杉 大地 河口 楠村

上八都

涌表 石頭 公稔 山心 旺龍 大洞 那逢 公梧 新村 南福

古撞 大塘 屋勳 富涌 王板 六仕 出溪 龍寨 平佃 硤口

大塘洗村 良吳

中八都

飛鸞庄 孔星 新寨 曇蕩 開來 沙田 古另 木力 長慶 瓊涌

廊下 思河 轉塘 鳳塘

下八都

孔鄧 律村 上楞 下楞 鉛板 平江塘 大黎 石塘 蒙垠 大坦

墳垠 大口 古祀 坦頭 洞口 上垌 古琶

九都

赤水 大地 柳鄉 古靈 壬田 維定 官田 古良 峽塘 古另

大源洞 石后 老鴉 孔良 待村 崑峒 金峒 環村 石橋 舊環

孔斷

十都

壽富圖 勒竹 思門 舊村 外寨 田禮 屋蒙 新垠 孔羅 雅垠

三一垠 界頭 太平 陳村 新峒 孔廩 大垠 陳梯 樞村 尋塘

蓋村 瀧面 楊村 平城 甘白 界峒 古城 高垠 仁者 國寶寨

沙黃 白土 旺長 壩麥 寺面 寺夕面 垠南 壩任 新村 上周村

顧龍 下周 大范 峽村 員珠 孔聘 君臣 橫石 藍村 新慶村

鳳凰 石主壩

十五都

眞聖 地龍 萬屋 曇峒 富安 遊村 曇豆 洞心 古畚 上水

平頂 力壩 屋高 巖嶺 富壽 大流 烏石 四楞 陳底 古筆寨

沙村 范塘 大梳 斯文 架澗塘 深塘 大桶 新村 河塘 十六坳

十八都

黃堂 富羅 烏院 洞心 太平 覃村 白竹 羅村 程教 廻龍

牛嶺 富甯 富力 山口 曇馮 羅同 靈山 古謝 賓村 合水

波堂

二十一都

福隆 新塘 廻龍 曇汶 地麻 沙坦 路播 夏村 古立 地雞 石尊

三屋 孔傑 崩塘 大地 太平 白梅 鴨垠 黎村 扶廟 鳳嶺 根竹

樟木 曇亭 新村 君子 古引 古龍 曇獨 曇爐 洞心 河村 古淡

墨脚村 平塘 平坡 上平坡 古下村 古外村 古灶 清水嶺

上二十二都

綠雲 海棠 蒙亮 石寨 新村 大坊 流桶 大坡 高山 陳村 曇沙

上良 葉村 曇宅 石鼓 曇河 曇陳 大竹 龍塘 孔村 新壽

高田 坡塘 新村 大木寨

下二十二都

都宦 蠟塌 礮面 榕木根 富豪 平坡 六寨 孔賓 廻龍 山平

司馬 脚山 石竇 石床 平山 馬桶 霞蓋 古卸 大社 蒙埔

月田 沙田 河邊 孔龍 古道 路榜 沙埔 沙村

二十五都

交塘 良村 茅田 平鄉 河陸 石城 甘村 榔埔 河村 裏河

上述 下述 豐林 大倉 雅贊 旺山 黎村 黨子 回龍 黃薑

上陶村 下陶 石墳 蓮塘 扶南 山心坡 汶洞 孔壘 上鴉 下鴉

安山 嶺嘴 東翰 平直 歐村 上遠洞 清香 新村 龜口 羅襖

立魁 石林 羊額 雙門 踏路 祝村 孔淵 富埔 長堀 勉埔

籠埔 車田 龍田 大坡 沙埔 古稔 波塘市有 新廉 新龍 思亮
 叅垌 六合 麋鹿 木洪 上鄉 羅碗 孔展 石林 石堅 古榮 河老
 坡平 勒欖 茅平 灘急 水口 灘碗 古旭 遊哮 滑石垌 六肥
 容埔 河村 橫底 古羅 六篤 龍峻 石峒 曇臺 馬乍 曇棍 上埗
 大坡 瓦村 新里 蒙池 長塘 孔埔 蒙布 蒙壘 十九埔 舊村
 蒙茄 蒙腮 蒙登 蒙疇 蒙高 蒙坐 蒙程 蒙贅 蒙棍 公鎮 大埔
 大塘 石垌 雲野 大練 米岡
 二十八都（合水有市）

根山 都目 東岸 平埔 大塢 古凍 東興 富裕 古片 巡官塘
 木樑 六岑 曲埔口 榕木 大村 大橋 上榮 上河 淋塘 大竹
 拔塘 獨洲 橫峒 明新 寮埔 山口 獨塘 古霧 迴龍 街口
 騎馬 麥地 福龍 交塘 多文

三十都

都葵 白石 花灘 下榔 白步榔 甘村 中根 中村 坡塘 社埔
陳塘 上訓 富練 河口 柞油 勤有 羅平 大榕 佛山 貓兒灘
旺村 大田 覽山 扶攬 歷木 古濕 馬村 下埠 石村 思蘭
佛子 例塘 文田 車面 羅僕 羅傍 外村 嶺脛 脉地 黃義塘
楓木榔 康埔 蘆村 羅樸 雙頭 新村 古留 舊村 珠塘 坑埔
大化 石歸 南塘 大旺 古城 都歐 龍塘 蓋底 大村 古攬
羅雲 樓山 翰塘 廿六村

三十一都

村波 平尋 崇輝榔 白竹榔 桃源 里滑塘 延崇 夏榔 勒埔
潘垌 (有市) 大洞尾 黃嶺 北岸 滑石 花田 上城埔 下榔
芋蘇 都梅 柑子塘 大峽口 米滿 洛塘 小留 富田榔 羅文洲

山鷄 貴心 大化 行院 板桐 大留 古房 江口 截門塘 寶家寨
福隆 富餘 謝塘 竹子塘 陀田 石城 庫祝 河老 青草洲 泗周壩

三十二都

龍灘 陳山 井壩 平山 木鏡壩 古云塘 陳壩 西化 富洞 西魚塘
扶嶺林 周村 白墳 山口 雙龍塘 高田 良村 黎坡 盧壩 嶺頭
和堂 江口 黃沙 板表 突壩 新榮 梅壩 都永 音壩 木山
長田 盧算 腰古 忠心 石頭 石嘴 驛面 上佳 李村 潘洞
榮台 高坡 石瑞 羅屏

三十四都

金鷄 木樨 虎跳 佛子 古相 沙塘 西壩 大岸 古道 霧霖 大坡
陳壩 大墳 大沙 河倒 白安 水岸 斗壩 垌頭 沙壩 沙壩口
古秀 古寧 君都 地洲頭 石田壩 鴨塘 葉塘 大興 雞潭 大水壩

都步 峽口 黎村 石九 新村 石窟 李村 新安 岑涌 石田墘

閔村 太坪 思亥 大樂塘 夏垌 山脚 橫台 榮台 大益 西岸

莫村 王村 上河 掌管 主河 同慶 馬曹 塘邊 岑坳 陳村

平山 井涌 富獲 山塘 陶垌 田涌 義昌 州地即古南儀州 富竹

三十六都

黃鑿 鐸村 思便 新村 大橋頭 古鳳 八塘 街頭 垌頭 芝蔴垌

花垌 井上 大塘 龍村 雙寶塘 泗河 古打 古撒 例山 甲已村

三合舖 覃村 思覽 牛尿 百禾地

三十八都

大石 遊村 扶坭 茅坡 五指 新車塘 歪邨 大垌 古達 青草洲

大竹塘 浪灘 龍灣 龍科 潭寺 穿窰 河口 大坡 長慶 垌頭

秧地 仙坡 洲兒 大口 霧水閣 思旺 高埗 高要 文蒂 鴿厥墘

富龍 鳳塘

三十九都

龍慶 石塘 社垌 老雲 廻龍 羅悶 甯兒 井塘 潭水 獺背 薑埔

垌頭 洞頭 高榔 垌坡 倩口 山口 聖塘 驛面 丹竹 新慶 靈村

陳埔 大湧 鴨公塘 陳村垌 富雙 古澤 古潭 古齊塘 大澤 上榔

綠雲 大塘垌 (廉塘村) 大石嶂 (下礮村) 林村

四十一都

白沙庄 富宥 峽山 諱水 上旺村 旺村垌 古答 大塘 平空

大河坡 谷山 燒梅 柴脚 登洲 龍港 河口 上岸 四培 武烈

登洲 下嶺 上嶺 金埔 底垌 大地 大馱垌 足食 井澗 蓮塘

西隅 登競 慕寮 河口 思滋坡 大橋 底垌尾 草洲 禮洲 蛤石 新塘

馬地坡

四十二都

燕田 藤山 路埔 馬坡 裏許 許村 太平 章村 大嶺 井塘

保村 大垌 都厚 河村 外河 河口 都江 大垌 新基 樟村

新福 崩塘 滿村 舊村 大嶺 石爐 渡頭 大灣 新塘 塘埔

中村 長垌 嶺嘴 埔底 木効 謝屋 廻龍 上架 大地 綠眼

佛子 旺村 石腮

四十三都

濛江口 江口 黨洲 黃駝洲 十二基 石壘 王德 新竹 寨頭 爐沙

牛皮墟 新塘 大甫 合水 覃村 新村 社背 久美 木魁 火燒基

橫步 蒙村 汶塘 馬星 建安 牛夾頭 韓埔 雞脚 社塘 荔枝埔

石塞洲 高村 下岸 交埔 大心坡 黨洲頭 蟋埔 古井 大良

尖刀垌 西瓜嶺 外良 洲腰 洲尾 大田垌 泗洲頭 下棍 永安

蓮垌 上岸 麗水 如良 橫岡 和垌 平田垌 都本垌 萬壽 馬王

富墳 車較垌 上垌頭 陶村 田寮 馬王垌口 羅密 石漕 集義 會良

大桶 鎮馬 旭埔 平羅 黃塘 思盧 平羅 陳村 羅獲 良振

周村 燕塘 裏良 合水垌口 水口 冷水 勒竹 新安 上陳 下陳

獨洲 黎村 新嶺 洲村 底垌 大塘 羅喚 都印 鴉鵲垌口 藤底

大埔 栢木沙 案塘 蒙在 牛寮 羅蓋 田寮 牛頭埔 渡水

鴉鵲埔 安垌 渡水垌口 上垌 白新墟 馬

四十六都羅龍里

都坡 律塘 新村 馬塘 底垌 姚村 十岸 蔡村 留村 白沙

莫村 創塘 蒙頭 外緣 裏緣 竹村 練村 古心 廣村 大心坡

羅意 雙村 斯民 鎗村 黎村 羅絆 拔塘 橋頭 大嶺 陳村

和平墟

四十七都大任上里

德榮 古道 大東 巷播 巷番 歌敲 舊村 巷蓬 花園 上料

東良 木金 齊均 朗富 河本 京村 古撥 陳山 長沙 平田

花窰 思羅 思蘭 効村 寺坡 大村 石脚 管村 高田 進垵

東江

大任下里

大樓洲 樓上村 樓下村 筋竹 牛牌頭 長盛 六垵 古埔 埔口 德勝

魚花塘 石塘 東平 古架 陳灘边 那樑垵 黃畫 水寨 大案

下平 下歐 歐村 平村 木崖 侶山 佛子 龍田 楊江 社坡

寺村 大坡 古樂 山科 潭相 山琶 所峒 旺要 平雞 丹竹

題詩 黃欖 十種 上硤 黃牛 留利 歌同 龍邦 排遁 花潭

岑村 按峒 橋爐 四方 那狀 岑腦 王瘦 莫四 大開 雙平

下四村 雙橋 雙橫 古嶺 赤保 馬路 下礮 橫龍 歌憑 黎竹
莫四村 雙橋 雙橫 古嶺 赤保 馬路 下礮 橫龍 歌憑 黎竹
門白 古掃 高灘 大窰 下寨 大勝 石羊 歌例 高灘 廊寮村
四十八都東皇里

東養坪 新福 富渴 江口 竹強 橫橋 畔月 羅活 烈堀 朗洲

大鴨 下黎 高城 新寨 石人 胡啖 石標 板堀 雷廟 新堀

大城肚 大化 業台 六社 河塘 大灣 雅片 白堀 諳緞 英塘

新村 望星 洲村 德勝 古掃 大窰

四十九都三江上里

武儀 古德 藤口 新興 新福 那祿 瓦窰 瓦窰 蒙藤 德墨
山口

六題 排浸 大社 外羅 婁羅 中羅 龍頭 招兵 裡夢 沙堀

都管 武功 盤崗 甘村 界村 平山 大塘 官塘 大鹿 福村

大堀 六安 東岸 鷄田 白竹 下竹 屋塘 曇沙 都鏡 梧柏

白蓮坳 佛子 大案 上河 盤古 馬村 木紅 初二 高祖 蟠龍

車田 山塘 丙州 大山

三江下里

荔枝洞 竹園 石橋 班爵 武倫 九都 座坳 嶺埔 嶺頭 寺村

狗胆 螺山 零坳 上依 下依 裏依 外依 河口 蓮花 河東廂

大木根 羅荷塘 五屯所

五十二都隨化里

古龍 山倉 齊村 上坊 都柏 魯馬 坳埕 上墘 聖山 迴龍

良村 底河 沙村 大坡 河村 白梅 山塘 中坡 汶井 魯母

林村 塘村 古另 伏村 馬田 靴田 利田 硤簣 上寨 蘭田

思燕 思祿 新村 冬瓜 那白 栗木 述竹 新慶 逢村 思敬

蒙廊 花謝 金坡 竹埔 社峒 古灣 歐村 高簾 那黎 王四

富悅 古蘭 古麗 古本 王坡 羅悅 彩塘 盤古 新村 瓦窰

大秧 勒竹 平勝 外簷 裡簷

五十六都楊峒上里

丁田 平峒 古倉 欖峒 羅犬 石窩 中孚 上孚 甘村 龍窰

墘嶺 石脚 月欖 九懷 十二村 歌龍 塘埔 良峒 排佛 藍峒

羅灰 濃塘 木魚 中車 龍峒 大窰 黃漸 那河 石夏 全村

下車 西岸 東觀 周埔 螺壳 古篤 孔村 羅文 雅波 那東

龍宮 思排 社背 楊峒 小峒 上門 下門 王奈 雷埔 下馬

黃峒 水口

楊峒下里

君裳 小帶 思忌 塘怨 上坡 羅胡 上楠 下楠 外峒 裏峒

小東岸 東岸 賴口 爐峒 六陋 高村 坡頭 郎裏 三角 佛金

王家 雞灘 大帶 公歪 羅鋤 塘村 茅埔

五十八都大黎里

燕峒 拔邏 江口 昨上瓦 高台 昨下雅 古政 幕衣 王峒 波治

邏雲 新旺 迴能 都昌 平坡 古堂 坡霞 六懷 周村 新田

興村 下柳 廣榔 上平 花洲 古笋 古沙 寺村 大宅 甲午村

古櫃 皮峒 石黑 料南 都兵 來力 孟村 那遲 貝峒 水口

平灘 坡間 平村 那流 大黎 東岸 都坡 東頃 樟村 王官

武村 古制 羅姑 木櫨

按藤之疆域幅員頗廣東西南北計里六百有奇自古侯國之封無以過是舊有三廂十坊六鄉今鄉析為都其都名暨墟市皆一一詳列於右惟各都村落名號滋多不及遍載而特登其居民稠密者已足徵生齒之日繁云

藤縣志卷之四

輿地志

山川

橋梁

津渡

古蹟

山川

東山在縣治東一里通津門外高百餘丈林樹蒼蔚上有唐李衛國公祠下有秦少游二女墓山左一峯有文昌閣樓五層閣下瀛臺浮金亭山後有文筆夜月初升清光如鏡列入景曰東山夜月今改爲東岡霽月

磁鑪山在縣西一里有磁鑪佛舍今廢

南山在縣南二里諸峯聯絡橫列縣治前舊有杏壇松崖竹塢芹澗荷港諸勝其巔爲雷神祠

石壁在縣南二里高十餘丈其色赭亦名赤壁下臨繡江樹皆倒懸巖石如削列入景曰石壁霞紋

谷山在縣西北五里一名西山隔岸臨江其形若谷高冠諸峯奇挺秀拔常有雲氣

如烟橫霧結望之森然列八景曰谷峯列障今改爲翠疊

登嶼在縣西二十里江中高聳二峯對峙崔嵬蒼翠形如螺髻列八景曰登嶼聳巒

今易文嶺雲環

文嶺在巒宮西常有雲氣週迴環繞登其巔如身在九霄列八景曰文嶺雲環

葛坡嶺在縣南橫如一字爲舊學宮案山又名學嶺

繩武嶺在縣西學宮右峯頂環秀如蓋

掛榜嶺在縣東一里形如掛榜

石人嶺在縣南四里峭絕臨淵下爲龍窟歲旱祈雨於此山巔巨石峙立俯瞰長江
望之如人

龍驤山在縣南六里去石人嶺里許聳翠數峯拖藍一水晉龍驤將軍陳隱曾駐師
於此

大乙嶺在縣西南五十餘里高入雲表夾道多松杉酷暑陰涼行人憩焉

都蕨嶺在縣南六十里頂有一穴甚深世傳土官竇家葬此

石城山在縣東南七十里義昌江內石壁四圍如城人跡罕到

六爻山在縣西八十里峭絕臨江山形六疊酷似卦爻山麓爲十二磯絡繹相屬與白馬堡對峙爲峽寇出沒處明天順中學士錢溥使交趾過此遇警因賦拒賊行

鷄籠嶺在縣西北八十里峭壁摩天中通石巷樹林陰翳可以遊息

天馬嶺在縣北一里

石菰山在縣北一百里

古甌山在縣西一百里

獅子山在縣西北一百里高聳數十仞望之巍然山頂平曠上有巖深廣數丈岩中夏清冬溫岩外飛泉如瀑布右一峯名天馬羅列石佛十八尊歲大旱野人多禱雨於此

石鳩嶺在縣東南百餘里綿亘高峻爲秀子嶺衆山發源

燈檠嶺在縣西北百餘里壁嶂丹崖凌空插漢爲五屯里表一奇

鷄心峽在一都瓦窰村南三里許

屋棟嶺在三都禮秀村山半有石巖空洞可容二十餘人四五月時有葛仙米出於

岩際其右里許爲柴嶺路通蒼藤二邑

石嶺在三都神嘴村崔嵬特立秀出諸峯之右

高鳳嶺在三都沐浴村一名交椅嶺

石感嶺在三都大猷村

赤峽在九都赤水峽中兩岸地高山嵐環繞溪雨初晴別增幽致列八景曰赤峽晴

嵐

龍門峽在縣東南二十一都古引村爲藤岑界高數十丈望之如龍門

觀音峽在縣西一百里

新里峽在五屯城北

石鼓山在十都西孤峯聳翠北去數里爲貴人嶺嶺上盤石如砥中有仙人足跡

木刀山在十都新垌村

龍山在十都垌南村

三塔嶺在十都平城村高數百丈崔巍秀拔高踞一方下有怪石嵯峨奇狀百出旁

有石穴僅容蹊步行數武廓然洞開廣可數十畝間昔人常避亂於其中

西嶺在十都壽富圖右高十餘丈突起洞中四無連繹登之萬山圍繞二水合流松

濤泉韻互相響答里人共建迴龍廟於其巔

螺龍嶺在十都楊村其形如螺蛳蜿復如龍其巔建龍華院里人議建文會每年於院集考後學並捐金出

息爲考時膏火支費

思孟嶺在十都界頭村高千餘仞聳拔凌霄週圍十數里山石巉巖峻削不可仰視

常有雲霧覆罩其上巔有石如品字名三跳又名三品中有棋石方平如板長丈許

相傳有仙人嘗對奕於其間

顧龍坡在十都舊有汎今墩台猶存

蒜子石在二十八都上堡夏天雨過其氣如蒜香爐石在二十八都上堡石鼓山麓有石如香爐天雨有烟自爐出靄靄氤氳稱奇異焉

石門在二十八都上堡都蘇山二石如闔扉然較場坳在縣西一百里五屯所即前明指揮訓練處今尙有演武廳旗鼓亭舊址

天堂山一名天塘在十五都真聖村有奇石高可六七尺旁一石似鼓每遇亢旱里人祈雨輒應

拔翠山在十五都大梳村其山四圍突岬聳翠千尋舊名大梳山又名石寨山知縣陳廷璠過此更其名曰拔翠

靈山在縣東南十八都靈山村壁立數百仞挺秀參天四時雲霧不絕昔時搖患嘗設軍戍之登其峰北望可見縣治

筆架山在十八都太平村北五峰並峙如筆架

龍來山在十八都程家村聳立百餘丈怪石嶙峋自上至下有旱溝二闊數尺兩傍

亂石堆擁如龍巷相傳爲神龍經過之跡

銅鑄頂在十八都烏院村上有聖稷廟廟內一坎四時清水不竭遇旱之年鄉人祈雨皆集於此

牛嶺在十八都山形高峻蜿蜒數里爲蒼岑往來要衝有卡房建此

三霸山在十八都富羅村西

麒麟山在牛嶺界旁

石鵝嶺在筆架山旁形如雁蕩

立魁頂在縣東南二十五都高十餘里岩巖秀拔爲都內衆山之魁

石鼓山在二十五都三眼堡高百餘丈上有石形如鼓與立魁頂對峙爲義昌江上下流之屏障嘉慶甲子里人建文昌閣於其巔

石崖頂一名龍頭崖在義昌黃華兩江之間崔嵬突屹花鳥烟霞輝映四時不絕

松芬頂在義昌江距立魁山六七里高數百餘丈圓秀如墩

鵝飛頂自松芬頂迤邐而下週圍綿亘數里陰晦狀若游龍晴霽形如筆架相傳里人報賽田間有鵝未殺兩翅奮飛直抵其巔人以爲靈異所致故名此山

峙炎嶺橫亘高大山面彎環在二十五里東翰村明洪武間征剿安南曾設營其上圍塹基址猶存

鐵騎頂在二十五都義昌江西岸高插雲霄宛如玉笋瑤簪

伏獅嶺在老鴉佛壩

鳳凰嶺東極峻西稍下左右偃伏若兩翅春夏之交奇花異卉天然九苞之形義昌西岸諸山當以此爲名勝

都蕨嶺在二十八都上堡界岑溪

探花山在二十八都上堡三峰卓立冬日積雪如銀一名三花山

食古山在二十八都界容縣與都蕨對峙高亦相仿

三山在二十八都下堡三峰高聳形如三台

飛鳳山在二十八都起伏奇秀形如鳳飛旁有石巖可容五六十人巖內有石人石猪形狀宛似

石表山在三十一都寶家寨南一帶石山巖岫峻峭屈曲十餘里有石巖明崇禎時秀才歐陽耿嘗讀書於其中又名歐秀巖石上留題詩句猶存

三節嶺在寶家寨東土山連疊每節高半里三節之上陡起尖峰高插雲霄人跡罕至名曰通天竹

集鵝嶺與通天竹相連穹窿千仞綿亘數里疊嶂迴環如雁蕩故以集鵝名之

勾刀山在三十一都寶家寨北一帶石山綿延六七里崎嶇險峻上連峭壁下接深溪明萬歷初刻石爲梯磴南通容縣捷徑窘步行者難之古榜嶺在縣西百餘里

白藤山在三十四都峭拔崎嶇昔產白藤今無

虎跳山在三十四都其形如虎半山中兩旁綠石圓整似眼昂頭若跳躍狀故名

石人嶺在三十四都高百餘丈山中有石特起丈餘離山數尺其形如人俯瞰繡江

耳目手足俱備昔有宦遊覽勝者賦詩有天外落霞飛過去人人疑是白衣仙之句
秀子峯在三十四都濱義昌黃華兩江之中高數百餘丈聳然挺秀週四十餘里形
如大旗峯巔突岬青翠巔闊六七尺有大石三卷形如爐竈中有土其上最虛用小
竹插之可下四五尺金雞山在三十四都綿亘臨江沿山皆石中有石崖起如雞相
傳夜半嘗有雞鳴山上附近里人屢見之其色黃如金故名上有三界廟

魚子嶺在三十六都思便村

古仙嶺在三十六都思便村相傳有仙人對奕其中

山塘嶺在三十六都思便村石巔上有塘雖旱不涸

撥塘嶺在三十六都例山村

黃山嶺在三十六都覃村西北

象山在三十六都白坭塘山勢踴躍形甚肖象故名

大燕山在縣西三十九都高千餘仞週六十餘里其西北諸峯徘徊相對不瞰長江

環繞如帶頂上一峯高於幔山登臨橫覽百餘里山川瞭然在日

羅幔山在縣西南二十九都峒頭甲內高千餘仞廣十餘里形如列幔夏有涼颺冬有積雪天陰微雨霧靄空濛山頂平坦寬闊有田數百餘頃鄉人來往耕種如入雲中東一石壁高三四丈長數十丈峭拔釜嶽北一小水在半山瀉出潺潺有聲下合石磧水灌溉田畝無數爲潘垌都榜慕寮諸水發源

石印山在二十九都峒口村有石笋數株高數十丈左邊獨立一峯上承石印一顆望之儼然

鴉髻山在二十九都垌頭村峯甚尖秀巔有巨石橫出三丈餘望之如髻

青山嶺在二十九都垌頭甲高二百餘丈峭壁巖巖奇尖可愛

主武嶺在二十九都垌頭甲層巒聳翠蔚然可觀山峽小河環繞其右

松山嶺在二十九都

大悲嶺在三十九都昔多苦竹今無

新蒲嶺在三十九都高數十丈長數百丈嶺半爲往來通衢絡繹不絕

石碇在三十九都羅慢嶺脚二石對立闊三尺許長三四丈高八九丈上有壩水流注下有深潭行人以石投之聲如金鼓

望君嶺在縣西南四十二都高數十丈土沃宜雜糧

古星嶺峯巒聳秀與望君嶺相對高亦相等

士彥嶺特立走馬灘後爲都厚都榜二處關鍵浪涼頭高數十丈爲平藤往來之路炎夏到此恍如風洞

銃嶺在縣西四十三都安城墟上高數百餘丈嶺後有巨石如磴上有石人對坐世傳爲仙人下棋處嶺上尖峯皆石挺秀異常有小路僅容一人盤旋屈曲可登其巔巔頗平坦可容數十人左右一望羣山皆小江水溪澗豁人心目山半有水源可灌數畝之田

金光嶺在四十三都安城汎里許高數十仞形如伏虎俯瞰鬱江蒼翠凌空煙雲起

伏下有金光廟

大水山在四十三都平羅村南高千餘仞週五十餘里罩平南大烏里三分之二土沃耕者甚衆歲收雜糧無數

獨松嶺在四十三都孤松獨秀望之如蓋行人往來多憩息於此

石柱嶺在四十三都其山有石屹立如柱

識鳩嶺在四十三都思盧村東北

牛毛嶺在四十三都羅密村西北爲平藤界

大碑山在四十三都羅平村東連三十九都週七八十里其土宜烟薑薯芋里人多畊於此

大形嶺在四十三都冷水村週二十餘里其巔有井經冬不涸

大帽嶺在四十三都黃棠村北與大形嶺相對上有巨石叩之如鐘

佛修山在四十七都大任里與昭平縣界高數百丈前人豎十三石於上刊刻靈應

大王四字里人每值年歲亢旱輒往禱雨時得甘霖

瑣嶺山在大任里兩岸石壁嶙峋泉水從中屈曲而出中有一潭明淨如鏡旁一巖深廣丈許巖前石板有人足馬蹄之跡相傳爲仙客遺踪澗口石壁高數十丈飛泉如瀑潺潺之聲聞數里

七星嶺在三江里獅子山之北其山全石其形如筭卓立三百餘丈直矗雲中故俗又呼爲通天燭中有二巖左廣平衍縱橫可三四丈右窄傾斜縱橫可丈餘其巖石形如交椅其中有土旁產小竹大如筆管色如黃丹陟其巔一覽衆山形類伏虎遙望大江淨如疋練山前約百步有六石聯壁而生高與此山相半其下有巖可容二十餘人巖中有小徑嵌崎屈曲從石中盤旋斜行直穿山頂其上山花野果四時不絕因前有六石與此山而七故號爲七星

獅兒山在三江里新福村峭壁凌霄高逾數百丈鄉人重九之日多登高於此

犀牛嶺在五十二都隨化上里高數百丈每當晴日有泉飛流似瀑非瀑瀉出於半

空之中人稱爲犀峯旱瀑

鴨母嶺在隨化里東南爲蒼藤交界之地有路二一通武屯小埠一通四涪江其嶺起訖百里有奇中無居人亦無勺水行旅至此憩息維艱

塔甕嶺在隨化里西與犀牛嶺對峙綿延數十里有奇與大任里交界

旗槍山在隨化里西南中峽

高山嶺在隨化里鎮化峽外

螺山頂在隨化里

鷄籠嶺在隨化下里古灣村高百餘丈十里外望之如在目前林木森秀四時皆同半山有岩深廣八九尺可容十餘人樵採多憩於此山巔二石其形一似雞一似犬相傳旱荒之歲往往夜間雞鳴狗吠之聲

担米嶺在隨化下里蒙垌村北兩石對峙如門上有石花臺大可四五尺

佛階山在隨化下里古麗村一峯峭立登其巔遙見鬱江之水

石勞峯在五十八都大黎里大坳高崖挺秀雁集猿啼世傳上有仙蹟俗呼爲雁旋峯

君子嶺在二十二都綠雲村尖峯秀拔上逼雲霞石澗飛泉幽篁弄笛文人覽勝者往往流連不能去

佛子嶺在二十二都葉村山下小寺有銅佛一尊古傳自粵東飛來東人接回而復來者數四因名其山以志異

蟠龍嶺在縣南五里盤旋起伏天矯如龍

勘額嶺在縣西南五里峻嶺崎嶇上有大路直通平南容岑三縣

高嶺在縣西南七里峯巒聳翠登高一望城市人家歷歷可數

大頂山又名鐵頂在縣西十里山勢峻卓俯臨劍水之濱

小娘山在三十四都富竹村高五六百丈山巔有二石人望之宛然山中多產異草山後數百步怪石巉巖中有小洞可通人俗呼爲大小穿門半里許屹起石峯二崔

崑峭拔直如桂嶺移來

黃鳥山在三十六都黃鑿村峯巒屹峙山巔有神壇舊址壇外有石如鼓每值陰雨時鼓聲響應里許

古茅山在三十六都思便村

雞冠崖在四十六都山形峭拔狀若雞冠朝霞未散望之如畫

德靈崖在四十六都山極高峻與雞冠崖對峙中爲屯江

鹿伏嶺在三十都高百餘丈綿亘十餘里中爲鶴仙頂多古松盤屈石上其山之南竇家司竇公之墓在焉

白沙嶺在縣北對江四十一都白沙庄後吳氏宗祠建於巔

螺山在縣西四十九都三江下里五屯城南形如螺

仙果山在五屯城東山前數小峯排列如果山後壁立千仞下有方石濶丈餘刻字數行大如拳人不能識最高一峯有石階級或以爲仙人居云

石甌山在五屯城西山巔有石如甌時有雲霞上蒸

蓮花山在五屯城北羣峰羅列高聳入雲狀類蓮花

雞籠崖在五屯城西山若騰霧必需霖霖時人以之占晴雨

水月巖在縣南山之麓旁臨曲澗水光月白時最爲清絕

李白巖在縣東四十餘里赤水峽詳古蹟

江月巖在縣南四十餘里二十八都石鼓山之麓洞口澗廣數丈洞中岩穴相連羣燕常聚其中遊者必引火以入始探其勝土人謂之石屋

地鼓山在縣西五里許兩山相峙各高數十丈中開一徑僅容單騎行人以足踏之其聲似鼓藤江會潯水合繡江(邾志)江在城東北黔鬱水合流逕此有龍潭灣

甚深澗亦謂之鑿津舊縣以此名江流入縣界亦謂之潭江挾蒙繡諸川並流入蒼梧縣界一名瀾江又名劍江邑志自縣至郡城陸程八十里水程百二十里蓋江流屈曲也(方輿紀要)宋紹聖間黃門蘇轍請授化州別駕其兄軾亦徙儋州相遇

於藤作詩倡和即此處也（名勝志）江自平南縣白馬塘入藤縣境爲藤江至縣西六十五里合濛江復東流逕縣城北過龍灣繞城東與繡江合又東南入蒼梧境

（一統志）

水道提綱劍江自縣城東會南來北流容縣岑溪三縣之水至縣北來會其上源曰崑崙水出北流縣東南與廣東界之峨石山雙威山北流數十里合東來一溪又北合西南來簫韶山水又東北流折而西北有西崑崙水自西南合西金坊山水東北流來會又北流受東來一水折西北流受西來登高山水又北流逕天塘山西麓折西北流逕黃箭山北麓至縣東南境曰沿龍江折東北流又正北至縣東有縣南溪西自城南合東一水來會卽獅子巖水也又北逕靈臺山西麓受西北來一水又東北曰沿龍江口又東北至容縣西南境有綠藍水自北金牛嶺南流來會又東北逕容縣城東南有天塘山水自南而北逕石羊山溫泉之東曲曲百數十里來會稍北有水自東北來逕城東而南來注之又東北有南渡江自南

大山合二溪逕石梯山曇平山鳳凰山將軍山北流受東來通天嶺水又北至南渡司之東受東北一水折西南流逕司南又西南逕李村及六王司南有六洞司水南自石梯西麓合數水北流折而東北來會折西北流入劍江至此曰思登河又東北流分爲二派一正北流逕山來嶺下至竇家司東勾刀山西折而東北有繡江西南自大榕山摩雲嶺東北流來會又東北至都榜嶺南麓一東流逕獨竹嶺下數十里至岑溪縣西境有龍底江二源一自縣東與廣東界山西流曰龍潭台南北二水一自縣南鳳凰山東麓北流合東一水西逕城南而西稍北來會又北流逕勾刀山東麓曰皇華江又東北有義昌江東南自腰鵝嶺及周公山水西流逕羅洞墟北黃塘村南而西來會又北至都榜嶺南二派復合又東北流數十里逕藤志南境折正北曲曲流曰劍江又北逕城東而北折稍西入潯江此水自崑崙水源至此六百餘里亦巨川也

繡江縣東南一名北流江源出廣東高州流入府境逕北流縣始通舟楫由容縣

逕寶家寨至縣城東入於藤江志云繡江流入縣境有石城灘江中隱石橫截如城也距城四十里有中窖灘以石嶼屹立中流江分兩派數里復合舟行逕此冬天水涸最爲險阻（方輿紀異）自鬱林州北流縣流逕容縣南名容江又東北逕藤縣東南爲繡江舊志源出高涼峨石山逕北流綠藍山東南流入容縣境至縣西接思賀江流逕縣西南接涓龍江繞城漸折而北接思登江滙波羅江北流入藤縣境逕寶家寨接思羅江水復北流滙潘洞皇華義昌諸水直入藤江（一統志）

黃埔江在縣東五里（方輿紀要）源出濛吉村至瓦窰流入藤江

四涪江縣北岸東七里源出蒼梧鴨母山至禰洲尾入藤江四江東北出李白巖兩水合西南流又合一北來水又西南折而南逕登禺山東麓又東南流入潯江（水道提綱）

慕寮江縣西十五里源出羅幔嶺分二流流二十里而復合入於藤江（方輿紀要）源出羅馱山（郝志）

下相江縣東十二里北出四安山流至登洲尾入藤江

白石江縣東三十里源出靈山流逕江口下入藤江

潘洞江縣南五十里源出羅幔嶺(方輿紀要)至嶺頭村入繡江

思羅江在潘洞江南十餘里源出容縣大容山(方輿紀要)逕竇家寨入繡江(府志)

都榜江在慕寮江西五十里源出羅屏山至黃丹驛入藤江

濛江縣西六十里其源左出於永安古蒙州曰永安江右出於平南大同里曰大同江二水分流各百餘里至楊峒里三江口始合自此約流五十餘里至太平墟與勒竹江滙合注於五屯所東曰屯江又約流八十餘里經和平墟至安城墟以其發源於古蒙州又曰濛江南入於鬱江

牛皮江在濛江西十里其源發於隨化上里左出大稜山右出八石河二小水分流五六里至峽口始合自此約流三十餘里經崑崙灘至下里逢村與思綠新村諸水

滙至古灣村其水漸大始通舟楫又約流二十餘里經龍潭至大塘村與古麗王坡諸水滙又約二十餘里經龍底至三江里與山口思綠諸水滙又約流四十餘里至牛皮墟東南入於濛江合流於鬱江勒竹在太平墟北其源於大任里峯門大案山至勾潭始通舟楫約流百餘里至太平墟入於濛江

大黎江其源出於大黎垌可通小舟至龍住江入於大同江合流於濛江

義昌江在縣東南一百里自三眼堡水分左右其右頗大源接岑溪舟楫通行止大磯底下經天鵝島立魁灘長漏灘北梨灣蓮塘埤石墳灣河頭埤三十餘里旋繞到三眼堡三合嘴左水略小小船止通黎山口其源南接二十二都上里綠雲岑溪界又南接二十一都石人根子界二小水合流十里至糯垌墟東接十八都牛嶺蒼梧界又源東接十五都古靈界二小水合流三十餘里至糯垌墟東南合流大地梨山大社陶村三十餘里至三眼堡三合嘴合右江滙流而水勢波瀾益闊灘流洶湧下經河村灘幹壩灘灣溜魚梁灘蠟垌口城木欄灘撥馬灘合掌石河陸小妹灘椰壩

灘染槓灘平墪牛皮灘直順流經三十四都義昌口三十餘里入繡江皇華江其源接廣東高州信宜縣經岑溪南渡羅沒水口交藤界流流抵綠篤木洪古營坡塘雙門羊額灘勒橈灘三摺灘二十八都都目灣杜廠灘光埭水口波流洶湧直奔三十一都桃源洞平潯原崇皇華口共四十餘里入繡江

水定河在十五都發源於賜禮山與龍溪河合流至七都白石江口

龍溪河在十五都發源於靈山與水定夾繞真聖村合流至七都白石江口

富壽河在十五都發源於天堂山旋繞深堂流至老鴉塘北流江口

石馬河在十八都烏院東村二水合流一由靈山發源一由筆架山發源

合水河在二十八都其源出探花都巖二山行數里有石壁夾岸懸崖瀉瀑宛如白

練音響清徹經大村左合菜埭水行二里許過接龍橋合密灑又一里許合密埭水

又八九里出犀牛峽直至皇華江羊額灘合流

江埭河源出二十八都富裕山迤延數十里至皇華江大光灘合流

古凍河其源出二十八都大澗飛鳳等埔至皇華江大埭灘上合流

坳頭河在三十九都一自平藤界大水山發源一自四十三都石狗嶺發源羅平村

合羅幔嶺脚諸水過芳坳村會山礮河東北順流越埤坡大田河口諸村復會萬力

河通佛子村合都榜江會於鬱江

黃壩河在三十九都羅幔山下其沙有金鄉人不時往淘

路埆河在四十二都自望君嶺發源經大嶺岑埆由河村出新福村合流大江

合水河在四十三都北岸二水合流一自白村義良發源一自大社良腹發源至合

水村合流一水流鬱江

迴龍洲在縣東八里望之若水面印

燒紙洲在迴龍洲東北

襍洲在縣東十五里大江中居民繁衍

托洲在襍洲東三十里赤水上游

登洲在縣二十里鬱江中有居民

大樓洲在太平墟南渡口內有上中下諸村

思禮洲在縣西四十里居民半資園蔬

泗洲在縣西五十里居民樹畜頗盛

黨洲在縣八十里迺園林木蒼翠居民樹藝其中

黃駝洲在黨洲旁中有岡巒林樹居民耕種頗繁

潑馬洲在縣南九十里義昌江

羅傘洲在縣南八十里繡江中

將軍灘在通津門外

潭寺角在縣南二十餘里潭深無底澄泓如鑑春夏水漲其勢湍激浪湧半江上有

三寶寺

石爐角在縣西五十餘里石壁峭立如爐江水湍急舟行頗難

乳石在縣北對江四十一都白沙溪邊石方丈餘質極光潔內有數十乳狀如人乳大小不等

龍巷石在縣西北江中壘壁峻峭中虛若巷者九濶丈餘兩旁石齒縱橫苔痕樣綠其形如龍鱗然巧力不能成也世傳蒼龍嘗臥於此冬月水涸遊人爭詣觀焉爲藤州八景之一曰龍巷露臺

蛤石在縣西二十里有雌雄二石相向其狀類蛤雄者在江中有昂手躍足之勢雌者在江畔有屈身睨視之形大皆十數圍春夏水漲每逢陰雨之夕舟人時聞蛤聲合掌石在縣南義昌江中兩石並峙中空一線如合掌然

石牛瀧在縣東三十餘里白石江伏流處約里許巨石磊落泉水奔騰若雷鳴然
漢口 在縣西南八十餘里狗尾澗西數里許水落石出舟行爲難

鴨兒灘在將軍灘南五里秋冬水落瀾漫之聲與北風相應爲藤州八景之一曰鴨灘霜籟元麥澍有詩

三門灘在縣南十餘里灘中有石分爲三門故名犁轆灘在三門灘上三里許

都木峽在縣南七十餘里皇華江內江潦瀑漲中湧劍脊舟行甚難

大浪灘在穿窰灘上五里波濤洶湧聲聞數里

牛馬灘在縣西牛皮江上三里石限洲旁秋冬水小重舟必須過駁

大洲灘在牛馬灘上四里大洲旁

龍骨灘在縣西五十里泗洲上

走馬灘在縣西南都榜江口亂石橫亘冬月水落深僅三四尺許舟重至此分載上灘相傳可以馬渡故名

高灘在太平墟北十里其灘水高三尺餘湍急奔騰上舟甚苦

密灑水在二十八都源出都蕨山之右至鎮瀾閣會合水河

茶桶水源出二十八都佛子嶺至大村與合水河合流

渡水口在四十三都白馬墟下五里大江之南其源發自白石嶺之東及獅子嶺之

北歷上洞羅喚牛寮羅蓋勒竹都印洲村水曰八村每漲時舟可通都印勒竹諸村
凡都人往來舟行胥由此焉

龍潭灣在縣治正北江中亦曰鐔津潭深無際水落石出人踐之足音下應時或水
湧頃刻數丈泛濫波濤移時復平世傳其下有臥龍

牛灣在縣南三十里江水溱洄澄清如鏡

車旋灣在縣西南九十餘里十二磯上春夏水漲北岸之水順流而下南岸之水逆
激而上中央之水旋轉如仰釜然水愈漲則旋愈大昔人以其勢險北岸建廟以鎮
之樟木灣在縣西七十餘里牛皮江口旁有一穴空深無際恒產鯉魚味異常鯉
虎跳磯在縣西四十里泗洲下激水甚急

白鳩磯在縣西五十里虎跳磯上泗洲旁春夏水漲上舟頗難

大澗在縣東十餘里襍洲右江水洶湧旋轉如螺頗爲舟楫之患

狗尾澗在縣西南八十餘里小黨洲頭江水旋轉如螺行舟過此宜小心

龍巷磯在二十二都義昌江小水之中河濶十餘丈兩旁怪石相連茂林修竹掩映河湄中有石磯秋冬之際水濶僅三四尺水色澄清急流之勢如龍蟠然

魚盤石在九都赤水峽有石盤原載雙石魚相傳元時被洋賈鑿去一魚今盤中尙存其一春夏水漲江鱗羣聚

桂花井在縣西門外西澗坊

玉泉井在縣西南隅廂詳古蹟

石壘井在縣西興賢坊味甘美

南泉井在迎恩門外地甚卑下而味不變今名硃砂井詳古蹟

桂山井在縣東二里富壽坊泉自石竇流出色白味甘釀酒異於他水又名清涼井

桂花井在縣東五十餘里九都赤水攀桂坊山下

陶泉井在縣南六十里三十四都陶垌村山峽旁有井水四時常溢極旱無異其色白其氣清其味甘行人濟渴雖飽飲無恙

四方井城西城濠下

橋梁

永安橋一名西橋卽永安門之甲橋也洪武八年耆民梨達可建成化十二年典史劉晏率民重建上構亭三間今橋圯濠淤

南橋在城南藤江驛右唐劉從率士民耆老爲同榜進士李堯臣建名登俊洪武間耆民李可忠等重建嘉靖間坊人士復建上覆以亭亦名新橋天啓間知縣曾鳳彩重修

山雲橋在城南水月岩前洪武六年同知金文仲建洪治三年耆民李尙寶等重修甃以巨石上用石欄甚稱鞏固乾隆年間重修

流盃橋在水東上得雋坊蓮塘之地詳古蹟

一水橋在城東十五里成化間建

攀桂橋在縣東赤水鎮詳古蹟

通濟橋在縣東六十里正統間建

文瀾橋在縣南二十里黃鑿村舊有亭今圯

黃沙橋在文瀾橋三十里當容縣孔道

嶽步橋去流盃橋五里詳古蹟

雙橋在縣西二十橋雙魚洞通平南縣

太和橋在縣西三十里洪武間同知金文仲建

老石橋在三江下里五屯城北明末里人韋仁建

國朝韋天祿韋敬重修乾隆乙酉嘉慶丙子等年衆紳士又復重修

裔昌橋在羅龍里竹井灘乾隆庚子年里人韋勳創建後圯戊申年勳又重修本石

輦旋毀易以木其子業編復甃以石

大橋在羅龍里姚村北通和平墟往來之路上有觀音寺祀大士神因寺近橋又名

大橋寺今圯基址尙存

大心橋土名畧碑河離大橋半里二橋相連如雙虹然

石橋在和平墟南嘉慶乙丑年建上有北帝廟

長敢橋在三江下里老石橋北乾隆己卯年建

大勝橋在東皇里嘉慶甲子年吳建琳建

巢坳橋在三十二都嘉慶年間建

木格橋在三十二都陳涌藤容通衢嘉慶年間重修

水定橋在十五都真聖村藤岑通衢乾隆三十六年盧廣楊黃炳中等建嘉慶十九年盧炳文黃耀瑒等重修

永豐總橋在十五都真聖村里人李子和盧炳文等建

深堂石橋在十五都一在通峽一在壩瀆口爲藤岑通衢里人李植英庠生覃朝偉等建

廻龍橋在四十三都大塘村原陰橋嘉慶八年里人李維第何敬君等倡修甃以磚

龍口橋在二十五都龍口村

孔壘橋在二十五都東翰村北

太平橋在二十五都蓮塘村北舊名砂繒橋用木易圯乾隆年間邑侯邱堂弭盜整肅鄉里四民安枕里人鍾振綱鍾明憲等倡議創建石橋以永傳其事因名太平邑拔貢霍士增有記

灣角橋在二十五都三眼堡西岸嘉慶十四年下大述米園兩村紳士同建

利涉橋在二十五都黨子村向係木橋嘉慶十六年監生鍾毓昂偕姪淮建

平坡橋在十八都邑人陳漢懷建

古引橋在十八都邑人陳漢懷建

獅子橋在十八都邑人陳漢懷建

烏縣橋在十八都邑人陳漢懷建

望河橋在十八都邑人陳漢懷建嘉慶十三年重修

羅蝶橋在十都白土登以磚石爲都右通衢

玉泉附鳳橋在十都寺面村跨河鞏石爲都左通衢

谷塘橋在鐔津舊治東門

英台橋在大任里大村甲水口鞏石

佛殿橋在大任里沐河甲水口東通昭平西達平南爲一里通津乾隆辛酉年里人州同潘時遇捐建板橋以濟行旅嘉慶辛酉年潘昭榮潘嗣明等重修復鞏以石往來無病涉焉

德勝橋在四十八都太平墟左州同黃必成建今圯

古帝橋在勾刀山下前明以來路極狹嘉慶二十年楊上瑤捐資開鑿廣三尺架以石橋往來行人利焉

街排橋在寶家八里乾隆年建

寶家通濟橋在寶家寨市南乾隆年建

二都大橋在富安村北磚石鞏成長五十餘丈乾隆三十五年建

石橋在三都老雅峽古篤口乾隆年建

拉玉橋在四十三都冷水村西爲梧潯通道昔甃磚石今圯

接龍橋在上堡乾隆六年霍貴蘇紹通倡修二十八年霍嗣陳聖華重修嘉慶甲子年被水冲毀辛未年霍宏佳嚴可正等重修

太平橋在襴洲今圯

古木橋在四十三都木橋今圯

丁口橋在隨化里東舊皆略約以渡里人黃姓易以長石

隨化廻龍橋在古龍市外里人黃登選建其孫元梁重修鞏以石

佛仙橋在隨化里西南向係木橋易圯里人莫張捐資甃以磚石

通運橋在隨化下里逢村康熙年間里人黃登選倡建南通牛皮墟漾江口

馬脚橋縣西南五十里在太乙嶺之南爲蒼藤容鬱往來路舊用板爲橋乾隆四十

五年改用石

蕙蘭橋在馬脚橋上相去里許舊名梧老橋架木爲梁嘉慶七年改用石鞏更今名竹園塘橋往來通衢原用木杠乾隆年間里人捐資改建以石

陰橋舊名保昌在四十三都冷水村康熙四十二年修乾隆九年重修嘉慶十八年里人黎世德湯鼎銘等倡捐重修易以石柱

百子橋在三江里爲太平安城往來之路嘉慶甲戌年監生石洸捐建石橋

雙石橋在三江里祿提境內監生石澣貢生黃世輝創建

福壽橋在三江里祿提境內乾隆己酉年貢生石源創建

古德橋在三江里爲太平和平安城往來要津覃承賢架木爲梁嘉慶乙亥年貢生

石源覃闡松等偕衆建造鞏以石行人過此咸以爲福橋廢塘橋在三十六都廢塘村上通北流容縣

路塌橋在四十三都爲平藤往來之路乾隆丙午年唐璋建嘉慶九年里人贊捐重

修

甘陸橋在縣南七十里

甘村大橋闊八九尺長十餘丈俱用石結砌縣南七十里通道於容縣

柔武卡在探花都巖二山之間明末設鄉兵八名今廢旁有橋

津渡

浮金渡在縣通津門外渡繡江濟仁封孝義二鄉

白沙渡在縣永安門外渡鬱江通太平甯風二鄉

石人渡在縣南五里石人嶺下

三門渡一名公渡去石人渡五里

劉公渡去三門渡四十里

潘洞渡去劉公渡五十里

思羅渡在潘洞江南二十里二江之渡俱通容縣往來

慕寮渡在縣西十餘里

江口渡即濛江口在安城墟三合嘴

牛皮渡在濛江西十里

石限渡在牛皮西五里石限洲

石嘴渡在石限洲西五里覃村

東津義渡在三江下里五屯城外

大樓渡在大任下里大樓洲

白馬渡縣西南一百里白馬墟外通平南往來

金鷄渡在三十四都金雞村

大坡渡在二十都濛茄口

歐村渡在二十五都清香村乾隆年間里內紳士公設

三村渡在二十五都東瀚老鴉村埠頭乾隆年間紳士同設

觀音渡在二十五都扶南村乾隆年間設

三眼堡渡在三合嘴大小水要津乾隆年間置有田畝

義昌江口渡在繡江邊大小水要路

波塘渡在二十五都波塘村

雙門渡在二十五都雙門長塌埠頭里人同設

都日渡在二十八都都日灣

原崇渡在二十八都平潯村

皇華江口渡在繡江邊大小水要轄

古蹟

浮金亭在縣東浮金渡頭山阜之上山勢高挺俯瞰繡江宋時建紹聖間蘇軾南遷嘗艤舟登焉賦詩其上元泰定間徙於東山下繡江之上費克忠有記明嘉靖間復建程文德記萬歷六年知縣陳雅言重修二十二年趙廷杞重修乾隆 年邑人

重修蘇秉正有記乾隆甲寅年邑人復建瀛臺於其上

光華亭在縣東南與浮金亭對峙秦少游嘗憩息於其上今圯

江月樓在城東橫街俯臨繡江宋紹聖間蘇軾登此有記秦少游嘗留題焉即今之東門樓

竹雨亭在縣治內右榕陰下崇禎十年知縣梁昌建南海歐光輝有記今東皂班亭即其舊址

南浦亭在縣東臨江

馬鞍亭在縣西即軍閘激樓亦行旅休息之處

鬱繡樓即藤江驛樓洪武七年建以鬱江繡江之水合流於此因額之洪武間梁僉憲行部登此以其四面蒼翠迴環復名爲環翠樓

古達酒亭在城南二十里村人構亭市酒過宿飄拂有山林幽致亭畔有窰傳聞有鬼物往來椰榆鄉人其說甚駭實不然也今圯

流盃橋在水東街得雋坊爲仁封孝義二鄉之路以唐宣撫採訪使所失金盃於此流出得名秦觀有詩世傳蘇子瞻與子由游燕處元余觀有曲水分山陰輿梁勝溱洧一脈見高風駟馬安足取之句成化六年邑人傳惟宗重建今圯

嶽步橋去流盃橋五里黃埔江之津梁也洪武間知縣馮善志建乾隆二十七年邑人龍章燦重建又復圯今冬橋夏渡

攀桂橋在縣東赤水鎮正統間砌以石以其近解元蘇昌傳鑑傳文溥之居因名玉泉井在城西南隅秦少游詩中有涵雲注玉之句蓋指此也

南泉井在迎恩門外地甚卑陷水汲經旬而味不變以其曾出硃砂又名硃砂井李白巖在縣東三十五里地名榕樹潭即赤峽也峽內岬起石峰高數十丈中虛一窟廣深二丈上有竅通日光世傳李白謫夜郎時嘗讀書於此岩前建廣惠寺

魚影石在縣大堂前方廣二尺許精瑩如玉以水措之魚蝦水草之形畢現藤產毒魚其胆可治眼魚人得魚必攜至此剖之胆方合用

二女墓在東山下宋秦少游謫於藤葬其二女於此

三元坊在城北大街爲宋三元馮京立今廢頽

登俊坊在迎恩門外爲唐進士李堯臣立今廢頽

世科坊在橫街爲舉人黃綸立今廢頽

進士坊一在迎恩門內爲萬祥立一在橫街爲黃聚立今俱廢頽

父子解元坊在縣署左爲傅鑑傅文溥立

多繡坊在通津門內爲御史萬祥立

得雋坊在水東街洪武初同知金文仲訪文簡公後裔馮士聰立今頽

四御史坊在城隍廟旁爲楊善安黃賢相萬祥喻漢立今廢頽

聚奎坊在永安門外爲胡如孟黃好善吳學曾立嘉慶二年重修

叔姪祭酒坊萬歷二十三年知縣林茂箴爲宋祭酒李用謙李奉政立今頽

宋祭酒李奉政墓在縣南二十里白石江西岸石獸尙存

祭酒李用謙墓在縣東古粒舖石獸尙存嘉慶十二年里人建新聖廟於其旁

元吏部尙書普顏帖木兒墓在谷山之右登競村按洪武元年征南將軍廖永忠帥師取廣西兵抵梧州進逼藤州時尙書經畧南方軍務以張翔爲副使至藤州聞梧州路達魯花赤拜住藤州知州吳鏞皆降尙書募兵欲爲恢復莫有應者追兵旣急度勢不可爲抽矢連斃十餘人心力已竭登陸自刎時夏六月二十七日也天氣炎熱尙書顏色如生里人遂葬於登競之原

明孝子余全墓在城南鴨兒洲

唐刺史李堯臣墓在縣南一里葛陂嶺

唐容州節度使墓在縣南五十里大墳村古塚猶存殘碑莫辨山下有鉄船洲

明御史萬祥墓在南山之陰

明副使喻漢墓在南山之陰與萬御史墓相距三十餘步

明鄉賢霍榮墓在三十四都洲地村

明孝友陳乾墓在三都白沙村龍珠嶺

明節婦龍氏墓在縣西蓮洞村墓雖土封風雨不毀此節烈之驗

卷之四 輿地志

(百三十一)

藤縣志卷之五

輿地志 風俗 物產

風俗

圖經曰良材秀民好學者多

隋志曰里人質直尚信士大夫貴節尚氣

通志曰習尚簡樸器用無華飯豆羹魚有陂池川澤之饒

蔡條鐵圍山叢談云俗尚淳古且多長年

舊志曰地廣民稀俗尚簡樸務本者多逐末者少衣冠制度與中州並美

舊郡志云士重廉恥崇學術宦遊者慕清修林居者謹于謁居室惟蔽風雨或編竹

葺茅樸茂不異齊民器無巧技噐於居財歲時不競奢侈冠婚喪祭循遵典禮惟士

大夫行之而喪用浮屠病事巫祝在尋常有所不免民之近山者樵近水者漁不營

商賈家鮮蓋藏鄉落婦女昔多樵髻今漸改素粧矣

四禮古冠禮藤邑亦間有行之者率簡略從事臨娶而始冠婚禮用檳榔茆蔴聚猪羊之屬以當委禽其義各有所取而尤以檳榔爲重親迎惟士大夫行之娶必以二十前後爲率喪禮用鼓樂祭用七至四十九日而止親戚誅奠主人報禮祭禮巨族或立祠堂買祭田以供祭祀僻壤村落亦有祖廳祀事歲時薦新惟清明則墓祭闔邑亦俱相仿方言音柔而直稍異粵東而近蘇白城郭街市多雜東人亦多東語如謂父曰爹東曰爸母曰娘東曰媽子曰兒東曰仔新婦曰新人東曰心抱姑舅曰君公爺家婆娘東曰大人公大人婆子女謂其祖父曰亞公祖母曰亞婆謂北人曰外江謂強橫曰蠻子遊戲曰則劇東曰了謂看戲曰體戲謂來曰來東曰黎謂取物曰取東曰邏謂卵曰蛋東曰春謂姻婭之使役曰親家郎呼顛曰廢謂持物曰拾東曰的數物之束曰一子二子烹物曰煮東曰脍謂多曰够少曰不够以手搓物曰搨以手覆物曰按以指爬物曰揷搬運曰搬東曰撻積腐穢曰攏搨謂人身污穢曰殍殍又曰阿糟裸體曰軀軀謂立曰企謂鬧新婦曰體新新婦獻悅履曰荷惠謂食曰喫

謂早飯喫朝謂午飯曰喫晏謂晚飯曰喫夜謂食饌曰食餽又曰喫菜謂煖鍋曰打邊爐粘詩藏謎曰打燈題以皮貫翎踢之曰踢燕放鳶曰放紙鷂凡此之類頗異中州餘亦可通

字音之異如之知枝支通志至志智通王黃通文民間通玉肉褥通營榮橫通賢焉
弦通爲維遺通縣院通仁人通酒走通凡此之類皆同一音餘亦與中州無異

元旦夙興設香燭禮神拜祖及尊長鄉黨親友交賀酌以春酒彼此相酬

立春前一日廂民扮戲劇鼓吹迎土牛芒神於東郊彼此競觀多擲菽粟謂祈豐年
消痘疹士大夫家設春餅春菜相邀曰賀春

十五日上元作燈會自初十至既望張燈結綵放花炮扮戲劇笙歌之聲喧衢達旦
親友宴會啖元宵曰賞燈

二月初二日鄉民祭社祈穀羣飲爲歡

清明插柳門楣前後一日取楓木葉清米炊烏飯具牲醴掃墓少長集飲於墓所

三月三日上巳亦作烏米飯楮餉

四月八日爲三寶佛誕士民用黃花漬米炊飯或烏飯米備香楮酒醴作佛誕會

五月五日端午懸艾於門飲菖蒲雄黃酒以角黍相餉兒女戴朱書以辟疫競渡龍舟

六月六日曬衣服是月村落多有祈苗

七月七日曬書籍是夕設瓜果祀牛女名曰乞巧十五日中元前三日設位迎祖先日進饌饘奠享如事生禮迄十四日焚冥衣楮財以送之謂送祖先於明日赴孟蘭

醮會

八月初二日城鄉皆祭社報土功

十五日中秋置酒餚剖香柚剝新芋羣宴飲於月下謂之賞月各以月餅相餉

秋分日祭享先祖惟士大夫家行之

九月九日重陽登高飲酒兒童放紙鷓爲戲

十月朔爲寒衣節備冥衣香楮酒饌祭享先塋

十一月冬日祀祖先宴飲相慶間有以冬葉裹米粽謂之裹煮祀祖先饋親友

臘月二十四日爲小年夜亦曰小除以茶果蔴豆飴糖香燭祀灶神

除日掃屋宇換桃符貼春聯綵錢設酒醴祀祖先老少讌飲放爆竹圍爐達旦謂之

守歲

物產

穀之屬有粘稻秈稻糯稻皆粳也粳者更也革火故而納金新故曰更稻以遲穫者爲嘉穀得金氣全也粵地稻多早熟春分前秧小暑前穫名五月粘諺云小暑小收大暑大收皆早禾早禾旣收再犁田種晚禾夏秧秋穫亦有十月穫者皆晚禾即吳都賦國稅再穫之稻郭義恭廣志南方地氣暑熱一歲田三穫故交州有三熟之米上農膏壤或間有之粘則有青粘赤粘白粘黃粘油粘交趾粘又有白銀粘桃花粘南甯粘六白粘四川粘秈則有香秈餘秈黃秈赤秈糯則有白糯紅糯蕉糯黑糯油

糯荔枝糯班鳩糯又有白銀粳烏牛粳香糯塔岡糯安南糯等名人以粘爲飯以糯爲酒崔氏古今注所謂稻之粘者爲秬是也其生畬田者爲山禾不俟水種惟賴雨露之養粒大而甘滑獠人多種於山近民亦多效之又有十月種二月穫卽所謂一歲三田冬種春熟也

黍稷之屬有赤粱白粱青粱黃粱粱粟也嶺表少黍稷呂氏春秋曰飯之美者南海之秬秬黑黍也地近南海而秬黍鮮知其名而亦不知稷之爲粟只以粱稱之俗名稷曰明禾有高粱多生瘠土莖頗高而葉稀穗小又有穉似黍而穗異生三四枝若手指以其耐旱故可於高亢之地種之

麥之屬有大麥小麥蕎麥大曰牟小曰來吳中以大麥充食小麥作麩此地鮮大麥多小麥俗呼小麥曰大而呼蕎麥曰小所稱大麥實小麥耳麥兼四氣邑人冬種春收二月盡穫以春爲秋故其性熱不如桂麵爲良蕎或作菽荊葵也蕎麥見玉篇粒三稜白花黑殼小暑種十月收者味甘滑作温潤餅餌甚佳土人以給冬儲不糶於

市

菽之屬有早豆晚豆白豆黃豆黑豆多用作腐小黑豆宜作豉又有蠶豆豌豆菜豆赤豆諸種又有落花生蔓生莢結南人稱爲豆魁若豇豆扁豆之類雖亦以豆名實蔬品也

蔴之屬有脂蔴俗稱芝蔴胡蔴李存中云胡蔴卽今油蔴李時珍云胡蔴取油以白者爲佳若服食則以黑者爲佳

蔬之屬產於園圃者有芥菘卽白菜藝薑又名薑心菜孫思邈曰搗貼丹毒卽消花
椒辣椒菠稜著蓬卽女茱茺芡苦蕒蘿蔔茼蒿藤菜一名紫果又名紫豆其葉可啖
東坡詩云可以敵尊羹生菜卽春菜杜詩春日春盤細生菜蒿苣似生菜而葉尖葱
蒜薑韭芥藍薤俗名蒜頭葉似韭而中空根如蒜枸杞一名雞骨菜芋卽蹲鴟有田
芋嶺芋早芋遲芋數種又有黃芋白芋黃佐會賦杞吠靈龍芋眩蹲鴟角豆龍爪豆
刀豆蛾眉豆卽扁豆有紅白二種其藤經冬不枯至春初復於宿藤開花二三月卽

結實

產於山者有薯山薯一名玉延稗史云發深山窵谷而得重數十斤者味極甘香名玉枕薯番薯瘠土沙中最易生其種得自海外萬歷閩中始有之今揚越山地無不遍種蕨菜初生似小兒拳採蒸瀹食取根作粉荒歲可以療飢范仲淹安撫江淮進民間所食烏味草乞宣示以抑奢侈烏味即蕨也木耳櫛屬或曰即卷耳一名香菇筍竹種不一近容產者名容筍味甘性寒

產於水者有芹本草芹有二種狄芹取根赤芹取莖蕪葉似柳而短小其莖中空性冷味甘薤田以薤爲之隨水上下曰浮田粵會賦樹茄筏雍亦有種於園圃者能治野葛毒雀兒鵝腸鴨舌亦屬園蔬而佳處不及容縣金針菜有黃花白花皆野菜也荳芽椿芽蔬之別品又有東風菜陸地生莖赤和肉作羹味似酪香似蘭見王範膳州記蓋草之名菜者左思吳都賦草則東風扶留淵林注東風草出九真廣韻東字俗加草作策

瓜之屬有王瓜以先諸瓜而生故稱王月令孟夏之月王瓜生邑中二月卽上市瓠瓜瓠卽匏也詩八月斷壺註壺瓠也俗誤作葫蘆冬瓜南瓜一名番瓜又名飯瓜以其可代飯也西瓜產大樓洲者佳香瓜卽甜瓜苦瓜味苦解暑熱菜瓜絲瓜密甯瓜白金瓜春花夏實秋熟蒸晒浸酒能潤肺葫蘆茄隋煬帝名爲崑崙紫瓜又有白色者爲銀茄黃山谷詩珍蔬長帶色勝銀南方草木狀云交廣草木經冬不衰故蔬圃之中種茄有宿根至三四年者漸長枝幹成樹高六七尺其根燒灰可以煨香果之屬木實者有荔枝上林賦答遼離枝南方離火之所出一曰麗枝臈蔓春花夏至而子赤生於木而成於火也粵東多嘉種自掛祿至狀元紅各擅美名不讓蒲陽之陳紫方紅而說者謂山枝遲熟在水枝之後水枝以黑葉爲上藤邑與蒼梧泗化洲最盛顧遲熟絳羅玉屑其美可儷廣南蔡君謨荔枝譜於閩產外獨紀火山一種載山在梧州藤之荔種分自火山龍眼白尉佗獻漢高帝始見西京雜記三都賦云幸挺龍目與荔枝皆成於火荔枝先熟龍眼繼之又得初秋之金故荔枝丹而龍眼

黃荔枝大而龍眼小新語謂荔枝火之牡龍眼火之牝此論甚平東坡譬以蚌蝸石蟹故當爲荔枝解嘲藤產龍眼夥於荔枝夏秋間傍水連村一望金翠耀目璀璨陸離亦奇觀也柑黃柑吳中名佛手柑嶺南月令所稱黃柑分指是也柚子最大其瓢有紅白兩種橘有火燄金密繡四種橙似橘而皮細色黃味甘香烈杜子美詩霜橙壓香橘凡皆厥包之珍也梅桃梨李棗栗檀柿石榴葡萄楊梅廬橘上林賦註粵呼枇杷爲廬橘橄欖一名味諫初嚼苦澁味回乃甘有白欖烏欖二種俗亦多種烏欖雜記烏欖一名木威子醃爲菹曰欖豉色如玫瑰土人刻其幹納以紅鹽則子落蘇詩紛紛青子落紅鹽人面子核似人面兩目鼻口皆具肉甘酸亦橄欖別種俗多醃以爲菹仁絕美可點茶如梅花片木瓜與中州產迥別高柯大葉有二種一於葉間生長穗作花不實一於葉底附幹叢實毛傳楸木也實如小瓜酢可食詩人木瓜正是此種若中州所產味香而不可食者乃別種也黃皮果大如龍眼又名黃彈皮黃白而微毛瓢白如脂肪多核似荳味甘微酸樹如橄欖綠條開小白花夏末果熟蕉

子粵西多甘蕉叢高一二丈經冬常綠心抽一莖初如菌苞每放葉一層則綠莖環生綠莖如肥皂子三稜剖之如爛瓜味比密筍俗名棒槌蕉波羅密大者似冬瓜外膚礪礪似佛髻削其皮味極甘細片香甜可以釀酒正德間取種於天馬巖羊桃一曰五斂子又曰洋桃斂即稜也瓣五出似出家碌礪狀故俗亦有以碌礪名者有甘酸二種形似而味別能辟嵐瘴毒搗汁治蠱立效六旺卽九層皮色黑其實如栗黏子一名迷軍糧味甜可食木蒲桃大樹叢生花茸似鬚無瓣實似蘋果香甜在殼殼厚半指核如彈子與殼不相屬搖之作響水邊多產之

其產水中者有蓮藕菱芡菰菰在田種者有萍薺甘蔗穆祝方輿勝覽云藤州土人沿江種甘蔗冬初壓汁作糖以淨器貯之薰以竹枝皆結霜曰蔗霜果屬又有卍字果象其形也作萬字非生食香甘一名蓮鬆子

木之屬有桂松栢槐椿楠楓桐梓樟柳桑柘櫟榕樹木之高大者莫盛於榕往往有數百年圍抱至數十人根株盤鬱枝葉茂密偃蓋垂陰連綿拂地嘗目之爲榕廈性

屬火外臃腫而中虛於象爲大腹之離榕容也常爲大廈以容人能庇風雨不但香可來雀子可肥魚也縣中大堂前舊有二樹葱青鬱盤爲一邑之望各鄉落廟宇或河旁往往樹此楮卽穀也其實入藥皮可爲紙檉河柳也似楊赤色爾雅翼云天將雨檉先起氣應之故又名兩師烏柏苦棟欒欄油桐冬青黃楊皂角黃柞又有紫荆赤椶俱產縣內深山堅緻可爲器具又相思木似槐似鑊梨斜鋸之有細花雲其樹多連理故名相思其子曰紅豆唐詩紅豆生南國此物最相思鑊梨卽鑊力一名石鹽一名鐵稜文理堅緻赤筋木材理堅緻葉繁皮白解之中有赤筋雞翅木白質黑章身似雞翅而多結瘿故又名瘿子木鐵樹幹葉皆紫黑葉似榴而長質理細厚遇丁卯年乃花花四瓣紫白色開累月不謝木棉高十餘丈大數抱枝柯一一對出排空攫拏勢如龍奮一名瓊枝正月發蕾似辛夷而厚作深紅金紅二色六瓣望之如億萬華燈燒空盡赤花可爲鳥窠常有紅翠桐花鳳之屬藏其中子大似檳榔五六月熟角裂中有棉飛空如雪然脆不堅韌可絮而不可織桃榔似欒欄而多節中虛

巨者徑二三尺幹長五六丈葉生於杪枝葉相比葉下有鬚花開成穗綠色子如青珠每一樹輒有青珠百餘條鬚多於葉珠又多於鬚子紅熟者連瓢食之頗甜皮中有白粉曰桄榔麵木色似鐵梨而多綜紋珠暈又有鴨脚龍胆猫尾狗骨羊矢似椿而子多長莢垂之纍纍秋風春花一木產叢薄無大材秋風子似練春花葉似榭皆細花春黃秋白微香土人採以作飯又有黃鬻木椶木牛耳靈水沙猪水躍等木朔木杉木茶木近來各鄉廣植繁盛人稠用闢起造多資於此焉

竹之屬有紫竹黃竹青篙竹白竹甜竹苦竹蒲竹筋竹佛肚竹勒竹披頭竹沙羅竹櫻竹一名桃枝竹虞衡志云生石上葉似櫻櫚大者可爲杖鳳尾竹羊角竹馬蹄竹葉大二指許節有鬚質堅實單竹質薄而柔土人常用以蓋茅舍蔴竹一說卽單竹有花穰白穰之別白穰蔑脆可爲紙花穰蔑韌與白藤同功練以爲蔴可織謂之竹練布籬大者逕寸削之利如劍戟小者鏃羽爲箭其葉箬亦曰白葉葉甚密狀如葦可編籬落觀音竹其色紫瀟湘竹其紋斑柱竹一名澁勒勒刺也長芒密距枝皆五

出如雞足可蔽村砦東坡詩澀勒暗蠻村篋筍竹俗名董竹竹質甚澁可礪指甲華陽國志云百葉竹一枝百葉有毒能傷人卽篋筍也人面竹節密而凸宛如人面人採爲拄杖見虞衡志鶴膝竹一名雞腿亦可作杖見嶺南雜記又有釣絲竹狀類蕩竹而枝極柔軟當風如細柳篙竹俗稱撐篙又有扶利貓兒羅漢牛杖諸竹大頭竹葉如蘆徑五六寸長者三四丈宜爲水規卽廣志雲母大竹也又漢竹一節受一斛又有坭竹細而韌土人抽絲織席精密之至比於蘄簾

花之屬梅桃李梨已見果類木棉鐵樹已見木屬外此則有木樨石榴玉蘭辛夷紫微郁李蘭梅瑞香茉莉合歡金鳳枝葉似合歡如花金鳳繡毬楊越多產之花皆白色有淺紅開久變藍翠者曰洋繡毬獨邑內繡毬色作猩紅樹如錦爛花開團簇整齊經半月許乃落瓣瓣落而絳豐如珠尙璀璨可觀葉比白花者更青葱有光扶桑一名福桑一名佛桑卽木槿丹色者名朱槿白者名白槿有黃紫色者皆千葉婀娜蓋麗木也紅者花開更大花上復作重臺一樹百千朵競放燒日蒸霞可比牡丹芍

藥自仲春開至冬中令人玩賞不盡山茶有大紅粉紅純白各種花皆千葉紅曰寶珠炬爛明艷可比扶桑而枝葉爛秀麗但鮮成大樹耳刺桐花如木筆高數丈開時爛若紅霞風吹色愈鮮好唐李郢送人之嶺南詩云刺桐花下莫淹留又嶺表有傳誦詩云一林赤玉琢玲瓏艷質由來愛着風日暮江天無暝色滿山霞作刺桐紅草本者有蘭菊葵護美人蕉比芭蕉葉小紅花成穗黑子如豆觀音蕉一名觀音蓮蕉名葉蓮名花也中心抽莖大瓣叢攢色鮮艷奪目可歷數月又有秋海棠春海棠山根水畔二三月即盛開有芙蓉又有木芙蓉歲久成樹千葉爛熳一日嬌容三變雞冠鳳仙金錢露花如紅錦白蟬剪春羅暹羅菊錦堂春即月月紅一名麗春木指甲似木樨色稍白薺荷即梔子珍珠蘭一穗纍纍如魚子然一名魚子蘭樺黃織白花極香俗名雞爪蘭素馨藤本叢生花白如粟入夜愈香俗名狗牙映山紅即躑躅俗名龍船又有狗牙花即羊蹄鏤線梅夜來香萱花夾竹桃散蕩花天蒜草之屬有芩香草仙人掌人種於田畔以防牛踐種於墻頭以避火災扁厚有刺每

層數枝杈枒而生其汁入目使人失明一說仙人掌多依石壁而生其花形如鳳子
生花下曰鳳梨味兼芡栗食之可以輕身延年一名千歲子郡志載藤又有狗肝冬
葉又有九里香卽十里香名排草夏開細粉紫花乾之香如薜蘿種之成畦故曰千
步草香聞十里

藤之屬蝮蛇藤廣州志云凡有蝮蛇處卽有此藤捕蛇者以藤圈牽之輒不敢動野
聚藤緣樹木生花色白五六月子熟大如羹甌里民煮食其味甜酸扶留藤吳錄地
里志藤緣木而生葉味辛可以食檳榔廣州記其花實卽蒟也可以爲醬異物志古
賁灰牡礪灰也與扶留檳榔三物合食而後善也俗曰檳榔扶留可以忘憂亦曰蕞
芟俗呼爲蕞藤又有白藤黃藤膠藤紫藤葛藤并青香石礮雞屎馬黃白藤最利結
束膠藤取其汁和沙土築之甚堅黃藤熬爲膏可充眼藥并有雞藤坭藤鹽藤可供
耕犁雜用

藥之屬有薑黃蓬朮薄荷桑白皮高良薑種自高涼其子爲紅豆蔻紫蘇史君子荆

芥杜仲澤蘭確砂蕊確砂言其殼蕊言其仁鮮爲砂蕊乾爲砂仁地骨皮草豆蔻半
夏天門冬鳳尾草鈎藤陳皮淡竹葉槐花山藥貫仲小茴香旱蓮柴胡豨薟花椒木
鱉子常山葛根山梔香附石斛金銀花薏苡土茯苓益母草通草茱萸艾刺柏葉白
芫苦葶藶澤瀉葶麻威靈仙扁蓄巴豆牽牛爵金烏藥百合蒼耳菖蒲接骨草卽牛
膝又名四季花仙茅鶴虱補骨脂香薷天南星草決明一名青箱子蛇牀子槐角楓
木子車前卽茅苳地榆何首烏黃藥金狗尾三賴一名山奈錢貫草木磨根金櫻子
又有石鍾乳凡石脈湧處乳狀融結下垂以桑柴煮之成粉白石英唐書載藤州土
貢朱砂石羊血療跌打損傷羅浮記云石羊色黑類人家羊而躡捷其角燒紙爲火
罐能收頭風其皮作褥可愈筋骨疼痛黃精藥性賦云欲要長生長服黃精瑞草經
云黃精一名黃芝隋時羊公服黃精法云芝草之精也金栝欖藤本葉大而尖面青
邑背灰色生根底土中春夏開土人掘取狀似橄欖中白外黃曬乾治咽喉齒口等
症亦解鼠瘡出小娘山者佳九里明作飲可解熱毒并治目疾澤蘭一名水香又名

都梁香根紫黑色二月生苗高二三尺莖幹青紫色四稜葉相對如薄荷微香

貨之屬有棉花棉布葛布黃麻布俗稱絡布葛麻苧麻青麻密糖薯藤薯梁降香唐書鉛出鐔津縣今無茶油梁簡文帝云南油俱滿西漆爭燃即所言南中茶子也藤邑茶遜岑溪而茶油則日盛石刀劍環玦天和郡志藤俗以青石爲刀劍如缺婦人亦以爲環玦以代珠玉今無又有竹紙紙之名不一火紙以丹竹爲之福紙以蒲竹爲之靛卽藍草今俗多在山種之其利甚溥

畜之屬有牛馬犬羊本草出南方者深褐色黑脊白斑與鹿相近彘百粵風土記山瘠草稀頗不宜羊故吉凶之外少屠肆也豕特脂甚貓鵝雞鴨鴿家畜之

按宋紹興間廣西進馬十匹上留一匹餘付殿前司謂輔臣曰朕所留一匹不減代北廣西亦有此馬則馬之良者不必盡西北也西事弭謂官司民間所畜皆駑材祇充下乘惟諸土司之雄傑者不難購以重貲今土司皆服馴守分肆力於畜牧者蓋鮮猺獞之民僅以孳息爲利舊雖產馬而冀羣易空藤又水鄉民間所畜

不多也牛視馬爲蕃梧屬皆畜養典彙載明洪武四年二月命工部遣官往廣西買耕牛以給中原屯種之民今乾隆三十二年奉文解牛永昌中途多斃蓋水連則易陸行則難牛能任重不能致遠耳

禽之屬有鵠鶯燕練雀黃鷗瓦雀鶯鶯鸛鵲野鷄野鴨鷓鴣即翡翠也周書王會圖蒼梧以翡翠雄赤爲翡翠雌青爲翠語曰海南之翠出疆始珍杜詠桂林詩家家貢翠羽梧藤多產此鳥習見不以爲奇也白鷓一名白雉越裳貢白雉即此鷓鴣嶺南稱爲越客古詩云越鳥巢南枝鷓鴣飛必向南雖復東西迴翔而命翮之始必先南翥其志懷南也性甚畏寒日暖乃飛李商隱詩木棉花暖鷓鴣飛畫眉善鳴喜聞性同山鷓美食雕籠畜者甚衆竹雞形如鷓鴣褐色斑文性好啼諺云家有竹雞啼白蟻化爲坭縣少白蟻畜竹雞者亦少鷹鷂鴉杜鵑鴛鴦山鷓一名山鳥性好鳴亦喜鬪雉鵠鷓鴣哥鷓鴣布穀鷓鴣水雞鷓鴣白頭翁斥鷃鷓鴣即桃蟲啄木紗帽雀伯勞鷓

鷓

按禽屬應以鴻雁爲首列雁非土產故節之

又有青雉狀如鴿青色喜食橄欖一名橄欖雉識者謂秋深東去春半西來鷓一名
鷓鴣比翼鳥也秋風鳥沿江一帶直至蒼梧長洲俱有狀類麻雀而小相傳爲當秋
八月魚秧化生者

獸之屬有虎豹鹿麋獐麝猩猩熊豺獾猿猴山羊即石羊野猪俗曰山猪箭猪俗
曰勒猪即豪猪方輿勝覽豪猪身有棘刺能振發以禦人爲羣以害禾稼薯芋南寧
志云其箭可簪木狗莫越集曰木狗生廣南左右江山上形如黑狗能登木其皮爲
衣褥能運血氣元世祖有足疾取以爲袴人遂貴重之野狗即蠻犬方輿勝覽如獵
狗警而獾諸蠻率携一犬自防盜莫敢近又有山馬似馬而有角毛似牛肉味美皮
可爲臥具禦濕糖牛赤雅角若瓊玖用以爲甲鳩箭蛇鎗如涼雨之灑荷葉又潛牛
出勾漏大江中鬱江亦有之西陽雜俎形似水牛每上岸鬪角軟還入水角堅復出
即赤雅所謂州留鱷鱓也東粵曰潛牛西曰潛州留楚曰鱷鱓出澗與虎鬪角軟湛

表錄異云最宜爲鮓每炙以芭蕉隔火蓋慮脂滴火滅耳狀如小鮓魚味極美脊末尤佳玳瑁魚通志色如玳瑁斑文甚細鮓魚嶺表錄異魚如白魚而稍短尾不偃出清遠江東廣人得之多爲膾不腥而美諸魚無以過也岱魚出義昌黃華諸江中狀似青魚大而少骨刺如竹色青翠可愛鱗下間以朱點味似鱖魚爲廣南珍品三梨魚卽鱗魚土音梨曰來本產於海每於季春入江至秋而退凡初入江最美以鮮鱗出水色味絕佳塘虱魚各鄉俱有又有黃魴斑鱧食魚一名魚虎鱗俗名棍子鮓嘉魚似鮓而又有藍刀魚

介之屬有龜鱉鼈鯉卽穿山甲甲入藥蟹蟊螟螺蚌蜆蛤喇天蝦天蛤隨雨而至人取鹵之不取亦化蓋爲海風攝至者

蠶之屬有野蠶田雞螽斯蟋蟀清明前卽吟於堂堦下蜈蚣蟾蜍蛙蜂蟻螢蜘蛛蟬蟬蛉蜻蜒螳螂蛤蚧似壁虎而長大善鳴產榕樹者尤多蝙蝠螞蟥蝟壁虎炸螞蚱蚊蚋蛾蠅蛭蚺蛇以婦人衣投之則蟻可辟不祥膽入藥畏葛藤嶺表錄異云大者

長五六丈圍四五尺次者不過三四丈圍亦稱是身有斑文如錦又西陽雜俎其膽護身隨擊而聚取粟許置水上旋行極速者真又烏蛇浸酒可治風

附異產

葛仙米出勾漏草澤間采得曝乾仍漬以水可作羹入饌味甚鮮相傳爲葛稚川遺物本非穀屬而以象形故稱之以米今縣中亦間有之

黃獬尖鼻大尾毛黃黑色行則跳躍止則延頸而望善捕野獸自散溺於草木葉獸觸之無不立盲者黃獬據其頭攫食其目而去魏武帝於白狼山逢獅子忽有一獸如狸跳上獅子頭獅遂伏不敢起卽此獸耶

石蛤形似蟾蜍味甘美生深山窮谷泉石清涼處性智而譎常詐反白於溪邊野鷄見之誤以爲死啄之輒以四足抱雞頭沉水中俟雞腐蠅蚋姑嘜乃伏其旁以食蠅蚋其機狡如此

附毒產

苦芴羊角紐斷腸草三草人食之立死苦芴之葉似茶花黃而小一葉入口腸如刀
芴卽鈎吻及野葛之苗羊角紐葉綠結子如羊角食其葉腸卽斷一名苦蔓藤又名
三跳藤皆斷腸草食之立斃解用羊血及糞水或蝻蛇膽速救乃濟

藤縣志卷之六

建置志總序

古先聖王之蒞治于安危常變之道無一不曲殫厥心聚其室廬卽懷攘竊姦宄之慮裕其口體卽存凶荒天札之虞故有民人焉必設險以守斯出治有憑有社稷焉必足國以時斯祭則受福此聖王所以先成民而後致力於神之術也藤自隋唐以來建造不一措置亦攸殊矣官斯土者爲繭絲乎爲保障乎躋公堂而理之儻儲其不竭不涸之源奠其有幹有年之士所謂至治馨香感于神明黍稷非馨明德惟馨者其在斯乎其在斯乎志建置

藤縣志卷之六

建置志

城池

公署

倉庫

壇廟

城池

縣城在大江南繡江東二水合流上有平原晉創立唐武德初始城之元至順三年知州文魁重砌週三百三十丈高一丈三尺明洪武十一年改州爲縣宣德間築土城東北樹柵天順四年寇毀五年巡撫葉盛委推官呂景融知縣熊善修築甃以磚石高二十尺週三千六百尺四隅建門東曰通津西曰永安南曰迎恩北曰拱辰各有樓高四十尺敵樓四座高門樓四之一鼓樓十有三座高敵樓三之一串樓三百六十間高視城成化二年寇陷都御史韓雍委知縣謝鉉增築自永安門南至迎恩門據險面勢即民間池沼爲溝塹深五尺許廣三丈有奇由南敵樓而東而北以抵西閣敵樓外襟鬱江內環民間廬舍以爲防衛隆慶五年署縣主簿沙一佩捐修萬歷四十一年大水西城樓壞東北城圯凡三十餘雉四十三年知縣李廷幹修葺崇

禎六年北城樓燬九年知縣梁昌重修易串樓改爲陽城規模壯麗

國朝康熙三十八年知縣宋旭修北門樓雍正元年知縣李文炎重建東西南三門城

樓今城高二丈闊七尺週三百六十丈塚口三百六十乾隆六十年知縣張濬修

五屯城

五屯千戶所在西甌之北當風門佛子諸巢西通府江北接荔浦原無城城自成化

二年始時都御史韓雍平峽賊調桂林衛千戶李慶撫之置五屯所授福孫仲英爲

土吏目世襲城市三百有十丈串樓二百九十九間東門二南西門各一皆有樓濠

深一丈廣如之嘉靖八年總督王守仁拓其城以指揮王良輔爲督備分司編戶五

里

國朝裁缺併糧入縣改爲白石寨巡檢駐劄

公署

縣署舊藤州治唐時建明洪武七年知州趙文重建景泰二年知縣唐禮修成化十

年知縣方俊修宏治十三年知縣廖大佐修正廳五間左右廊晷臺戒石亭儀門大門上地祠金銀庫縣丞主簿各有衙吏員各有公廨東賓館西囹圄俱大門內大門之外左旌善亭右申明亭外屏牆牆之外左德政門右厚生門規制俱備嘉靖末年知縣王宗子更庫樓以磚石稱鞏固焉

國朝康熙十一年知縣蒲圻重修照牆一座頭門外左傍有古藤州牌坊一座頭門一座三間儀門一座三間左右東角門一座右有西角門一座左傍土地祠二座櫃房一座東西兩廊吏書科房六座大堂一座三間大堂前東皂班亭一座西快班亭一座榕木一株右傍庫房一座左右兩傍門房二座二堂一座三間左右兩傍耳房二座二堂後住房一座三間左右兩傍耳房二座三堂一座三間左傍耳房一座右傍住房一座三間左右耳房二座右傍羣廊一座住房前花廳一座三間右傍耳房一座廳前右羣房一座西書房一座三間書房前書房一座三間左傍羣廊一座二堂左傍土地祠一座住廚房二座四十八年知縣張純修大門儀門東西廊五十六年

知縣陳士修捐修大堂川堂雍正二年知縣李文炎修兩廊六房乾隆三十七年知縣劉元鰲詳請領項修葺嘉慶十二年知縣陳廷璠詳請領項照舊修復

教諭署在學宮左側前大堂爲明倫堂

訓導署在學宮右側前大堂爲風雅堂

典史署在縣署左

國朝初移建縣前橫街乾隆四十三年典史易賡桂修嘉慶十四年典史周際隆又詳請修

白石巡檢司廨在縣西六十里白石寨卽五屯所乾隆三十五年巡檢朱汝璉修五十年巡檢吳應麟修嘉慶十四年巡檢陳傳培又詳請修

竇家寨巡檢司廨在縣南一百二十里竇家寨雍正五年移駐三眼堡乾隆四十一年巡檢張榕修五十六年巡檢茹國曜修嘉慶十六年巡檢葉秀華又請修

分防城守署在迎恩門內

古藤州在河東勝概坊今之龍母廟即其故址

鸞州唐武德初遷藤州置鸞州在縣治東五里得雋坊風土記云在廣法寺前

長恭縣在縣治七十里唐貞觀二年置屬鸞州轄尋省

感義縣在縣治西一百二十里隋開皇十九年置曰淳人唐武德七年改曰感義宋

開寶三年併入鐔津縣即今之甯風鄉

義昌縣在縣治南百二十里晉置安沂唐至德二年改爲義昌宋開寶三年省入鐔

津即今烏院村

甯風縣在縣治西一百里唐貞觀五年置宋開寶三年省入鐔津縣

鐔津縣在縣治北唐志初州治永平無鐔津晉曰天甯唐始曰鐔津通典云本漢猛

陵地明初省入藤州今爲城隍廟

藤州儒學今學嶺巔

鐔津縣儒學今富壽坊

布政司分司署在縣東成化九年燬

按察司分司署在縣署東今廢

鹽法道分司署在迎恩門內洪武七年建今廢

府館在縣署東宏治二年建今圯

楊洲巡檢司署在楊洲頭缺裁

周村巡檢司署在義昌鄉缺裁

驛面巡檢司署在義昌鄉驛面村缺裁

思羅巡檢司署在感義鄉思羅村缺裁

赤水巡檢司署在仁封鄉赤水鎮今裁

陰陽學署在城西洪武十年設今圯

醫學署在陰陽學署之左今廢

僧會司在河東廣法寺今圯

河泊所公廨在水東街孝通坊彌江鎮卽其舊趾洪武八年設管轄蛋民五十八戶
萬歷初年裁

藤縣驛公廨在城南登俊坊今裁

黃丹驛公廨在白石寨今裁

金雞驛公廨在縣南寶家寨之下金雞村今裁

雙競驛公廨在雙競村去金雞不遠今裁

世襲守禦正副千戶署各一俱在五屯所洪武十二年建

守備署在五屯所嘉靖八年建

世襲指揮所署在五屯所成化二年建

土吏目在五屯所成化二年建

世襲百戶試百戶署各一俱在五屯所

以上守禦所俱明設今裁

倉庫

常年倉在縣署西即廣儲倉

康熙五十五年知縣陳士修建倉廩三十二間後陸續修建至三十九間嘉慶八年知縣任質淳建南東南西北東北西四座八間遇有壞爛詳請動項修葺

縣社倉與常平倉並建

縣義倉附常平倉

寶家寨分設社倉在三眼堡糯峒壩二處

白石寨分設社倉在五屯所

庫一間在縣堂西康熙四十八年知縣張純修稅課局舊在迎恩門外今廢

惠民藥局今改爲養濟院在迎恩門外

壇廟

山川壇在城南三里龍驤山左洪武十一年建今建南關

社稷壇在城西二里隔小澗洪武十七年建萬歷二十年知縣林懋箴以道艱故遷於靈讚祠後官塘之左〔今建南關〕

厲壇在社稷壇西三十步知縣林懋箴同遷於官塘在社稷壇之後今社稷壇遷於南關而厲壇仍舊址

關帝廟在大街城隍廟左後爲三代公祠

城隍廟在縣治北鎮津縣舊址洪武十一年建萬歷二十二年知縣林懋箴增前五間三十八年主簿邱綖修崇禎六年知縣王鼎產率衆大修乾隆五十八年知縣謝克猷率紳士武庠陳舜道廩生李若桂照磨黎德暉等偕閩邑重修有記

先農壇在水東街

雷廟祀雷雨之神建於縣東十五里襍洲洪武間分建於城南南山之巔新官蒞任必先謁襍洲祖廟南山廟久圯今復建

忠烈廟在城南山雲橋祀唐衛國公李靖

靈讚廟在永安門外萬壽寺西洪武間建上樓下鞏祀唐英國公李世勣

按英國公未聞仕粵他邑皆無廟滕獨有之其由來不可考

華光廟在西門外西瀨埔

伏波廟在縣東通津門外唐武德間建祀漢伏波將軍馬援

靈公廟在八賢祠後祀北府李靈公

八賢祠在縣西永安門外背南面江宋淳熙間建祀唐李靖李白宋之間蘇軾蘇轍

秦觀黃庭堅李光

按今八賢祠內并祀華光後座仍祀靈公乾隆十一年修顏爲二聖八賢總廟

嘉慶十八年永安門外紳士商民捐資重修國學陳鈴武生霍欽灝等司其事

天后宮在北門樓香火最盛

東山祠在縣東浮金山之巔宋紹聖初建祀唐相李衛國公公布衣時憤隋亂上西

嶽書詞語激昂蓋其志奮欲有爲而咨之神明也後爲貴州行兵總管嘗手書刻於

石其書甚佳紹興丙寅秋七月右朝請郎知軍州事施珪移刻於祠（上西嶽書碑記今移在縣署二堂）

熙寧二年知南儀州彭慥修天順六年都御史葉公盛修有陳洙一記

賢宦祠在東門橫街

三界廟在浮金亭下

東嶽廟在迎恩門外養濟院之右洪武間建祀泰山之神嘉靖初毀建鳳山書院萬

歷十年里人復建今圯

德聖廟在浮金亭山下

武當宮在迎恩門外祀北帝

火神廟在縣前十字街

龍神廟在石人嶺下知縣邱堂祈雨率衆創建龍母廟在水東街勝概坊

按龍母嬴秦祖龍時之神也溫姓或曰蒲姓二十一都筋竹村人參龍潭猶存

或曰一都水東街孝通坊人故其廟名孝通今考粵東肇慶府舊志及悅城孝通祖廟舊志咸以爲藤縣人則無論毓於何都其爲藤之神固可考核而無疑者然其墓獨在悅城何也父天瑞娶悅城梁氏生三女龍母其仲也少時每若望空應答言禍福無不奇中隨其母至悅城心喜其地欲以爲安厝所因默識之及歸於溪邊得石卵剖之出五物如守宮狀喜水母篆漸長放之江遂去越數年鱗甲輝煌復來見母母知龍子之遠迎也別其父母曰兒當乘龍至悅城遂跨龍薄暮抵江口登岸得道五龍以風雷相護一夕地擁成墳人以爲異因立廟祀極顯應故至今香火獨盛云

文昌閣在縣北對河浮金亭之東嘉慶四年加封

崇祀三代春秋致祭牲牢其品秩與武廟並

按文昌閣原建學宮之右青島家相陰陽觀流泉或以爲文星所宅未得其地乾隆己亥年都人士陳舜道李若桂劉配先蘇秉昆陳汝瑞蘇秉正各紳等偕

闔邑捐資遷建於浮金亭上倚東山臨繡水并以馮學博秉剛所設膏火稅業撥歸文昌閣以爲香火之資自是科名滋盛文運日隆嘉慶庚午年胡世揚胡世拔蘇世睿陳鎰蘇錫齡霍鈺鏗吳斯培等會集紳士加二層於三層之上另於橫街置買瓦舖一座以廣祭祀之費並將前撥香油塘業地業丈量弓口詳刻於石繼長增高有加無已藤之文教當必有進而累上者矣

萬壽寺在西門外靈讚祠之右原名壽佛寺萬歷二十九年邑人重建更名萬壽崇禎甲戌邑人重修其官廳及金剛神像皆知縣梁昌捐俸助成

廣法寺在水東流杯橋右古鸞州舊址元建洪武間重修今圯

水月閣在城南南山麓水月巖

藥王廟在永安門外西谷埔前座祀藥王後座祀痘神並金花聖母旁有土神石谷廟

天后宮在一都瓦窰村

大廟在二都富安村廟甚宏敞祀伏羲神農

天慶寺在二都富安村

文昌閣在大龍神嘴二村南山之巔乾隆五十九年建閣三層中祀文昌上祀奎星石龍寺在三都田垌村南山之上嘉慶十二年重修祀三寶佛

三界廟在三都大龍村中鄉人飲射讀法皆集於此嘉慶四年重修

文昌閣在四都襍洲閣三層中祀文昌上祀奎星乾隆年間監生石琬玟倡建

元天觀在襍洲創建不知所始

天福廟在三江里祀文昌里人朱棠等簽建

天后宮在襍洲尾祀天后因大澗水勢險阻行舟艱難里人建廟以鎮之由是水波不驚舟行利焉崇覺寺在其旁

涸瀾寺在上八都洗村祀三寶諸佛爲都內衆村香火傍有明德祠

廣惠寺在九都赤水峽中明成化十七年舉人李孟莊等重修又名出米寺

雷國在九都赤水鎮祀雷神內有鑿一柄非石非鉄昔時雷震某處遺落此物識者指爲雷霆鑿里人立廟以藏之

文昌閣一在十都埧南莫二山嘉慶元年建一在楊村尋繹垠嘉慶三年建

玉泉寺在寺面村舊名丁巖相傳萬歷年間諸佛像與鳧氏鐘浮河逆上止於寺面山之麓遂建寺於此以其溪水盤旋光瑩如玉故名曰玉泉乾隆四十三年重修

迴龍寺在十都外寨西嶺

眞聖廟在十五都聖塘坡祀眞武崇禎五年建嘉慶十三年重修

觀光閣在寶家寨故司署前祀文昌關帝觀音

迴瀾寺在寶家寨東大化村爲里人讀法之所

文昌閣在四十六都縣西一百三十里都波紫微山上嘉慶丁巳年建祀文昌奎星

姑蘇廟在太平墟心

靈風寺在太平墟東

水月宮在太平墟南

草應廟在太平墟南祀武德將軍

總聖宮在三江里蒙藤村南前祀雷神后建玉皇閣乾隆甲寅武舉石持廣簽修

感應宮在三江里平山坳嘉慶壬申里人黃若寶簽修

三寶寺在三江里瓦窰村嘉慶丁卯重修

題會閣卽文昌閣在大任里大村甲峽口中祀文昌上祀奎星嘉慶戊辰里人潘昭

榮簽衆偕建

福善宮在大任里大勝村順治年間建乾隆丙午重修傍有觀音閣

光華寺在隨化里蒙榔村

龍山寺在隨化歐村乾隆丙申年建

龍殿寺在隨化里料村東

古龍大廟在古龍市

石勞廟在大黎里

觀音閣在五屯所對河背山面江林木蒼翠

千戶廟在五屯城外祀武德將軍

魁星樓在二十五都扶南村垌面洲合祀三界新聖

三聖廟在十八都烏院村

聖塘廟在十八都富甯村

廻龍寺在二十二都都宦村祀三寶創自前明間鄉人隨時修葺

文昌閣在二十五都三眼堡三江會合石鼓山之巔嘉慶九年竇家司沈世泰貢生

李若桂廩生梁培生貢鍾毓昂倡建梧州守王友蓮捐俸督學使祁墳記

龍母廟在三眼堡竇家司署前三合嘴歷代修建乾隆十八年貢生霍士型邑人鍾

明雲等重修詳龍母本傳

知州社在東岸村不知始自何時相傳有州官經過歿於此歲時顯應立祠祀之

鄧公廟在二十五都波塘村祀鄧公公岑邑羽士熄火顯靈封顯威伯

樓主廟祀章才俊前朝平賊有功于民立廟新隆各村

六祖祠在腰古村祀唐慧能禪師今名寶林寺

文瀾閣在嶺頭村祀文昌奎星

思隆閣在三十六都思便村祀盤古諸神

雞籠廟在三十八都古達村祀土神

文昌廟在劍江北岸小洲上嘉慶十六年吳灼倡子弟遷建白沙庄東邑舉人陳鏞

爲之記

劉公廟在三十八都嘉慶二年重修

成公祠在谷山下祀成二省郡志成誤作程今改正詳方伎

北府廟在白沙村西康熙年間建祀真武靈公五相下嶺總廟在四十一都下嶺村

仙來廟在大地村相傳神像自來里人因建廟祀之故顏曰仙來

文昌閣在四十二都冷水村閣三層上祀文昌下祀三界諸神嘉慶三年里人黎世德湯雲龍等倡建

永福寺在待村唐貞觀七年造一進三進明正統年改爲永福院此廟由霸利山分祀立碑記之 國朝乾隆二十年造古聖廟三一進二進有碑誌七都霸利山漢時建永樂寺當日馬援封伏波將軍曾受封於此寺立碑以記其事

奎文閣在七都白石江口道光二十八年戊申邑庠李廷瑚及弟廷琫廷璋倡捐募資建

藤縣志卷之六

新增建置

明崇禎八年知縣梁昌公修學

十年知縣梁昌公修縣志（按志內有稱郝志金志明富禮有藤州舊志跋前之修志者甚多惜失其傳）

嘉慶二十一年丙子署知縣高攀柱實因梁公所修遺志而增補之

二十二年丁丑建東門外碼頭

二十五年庚辰秋知縣黃開雲重建學宮七月東門樓災修復之始祀東嶽神於其上

道光四年甲申夏五月增修西門城樓祀南海廣利洪聖於其上

秋七月創建試院於南門外學宮之右越年春落成

道光五年乙酉秋八月署知縣陳西書修關帝廟

十三年癸巳秋八月知縣邱登修城隍廟

二十年庚子冬十二月知縣溫鵬翀建訪蘇亭於浮金亭山麓亭之樓祀蘇文忠公是月並修縣衙署

二十二年壬寅冬十一月修李衛國公廟

二十五年乙巳秋七月署縣江應澄增修經古書院於義學內

二十八年秋九月署縣劉繼祖倡捐創修城垣又知縣周誠之繼之越咸豐元年冬知縣張鵬萬成之

咸豐四年甲寅夏四月知縣翟登峨候補府劉繼祖留藤辦理賊務增築北門外砲臺

秋八月十一夜賊攻陷城池官兵死難無數另詳賊盜死難條例嗣後連年滋擾旋

復旋失民房舖戶衙署廟宇無有存者惟靈公廟獨存至咸豐十一年辛酉夏六月

統領蔣益澧水師李督帶水陸大軍上勦踞潯州逆首偽王陳開踞城首逆郭

礪溪等夥黨竄上潯州秋七月復潯州廟城亦藉恢復

同治二年癸亥春二月署知縣陳延齡督同城鄉總局修葺東南破壞城垣六十餘丈加高周城礮子墻垣添建四方炮樓九間

三年甲子夏五月署知縣景星建北河經費廠二間六年改作柴行並萃泰堂公議每月租銀壹兩正撥入昭忠祠作永遠香火之資

四年乙丑秋七月署知縣唐鳳翔倡修義學並修復經古書院

冬十月並捐俸置義學右旁周家破屋連地建造公館

五年秋七月御事總局補修改作賓興館

五年丙寅夏四月又重建縣署頭門儀門大堂三進七月告成遂瓜及四年冬十一月管帶副前營南勇卽補都閫府翁長春奉

撫憲張委辦善後因在東城墻砲台自捐資增建廳樓房間廚房頭門門房作爲公館五年秋八月移師回省送交永爲義學別墅

是冬十二月日署知縣唐鳳翔倡捐重建文廟藤州書院

五年春二月 日又重建關帝廟夏四月創建 昭忠祠

秋八月知縣邊其晉接修縣署二堂後堂東西廳房廚房門房六科房上下班房土地神祠並添建望江樓

文廟書院關帝廟昭忠祠均接修次第告成

六年丁卯春月知縣邊其晉重建捕廳衙署

冬十一月又倡修龍神廟

七年戊辰北河釐局委員州同銜補用州判彭邦泰倡捐修 蒼聖廟陪祠沮誦太

史籀程邈胡毋敬正月二十九告成

藤縣志卷之七

學校志

學宮在縣南門外學嶺之麓元至順三年知州文魁建文統三年闔邑紳士建書樓三間至正七年置祭器明洪武七年州同金文仲重建正統十二年知縣馮哲修天順六年謝鉉重建宏治十年知縣廖佐重修

聖殿五間東西廡十間又重建戟門三間左右耳房各一櫺星門三座十七年提督僉事姚鎮委官增修大殿堂宇齋舍殿之東隔路設總門後爲

崇聖祠 鄉賢名宦各一室而中隔殿之西爲宰牲亭嘉靖六年典史孫懋重修有記隆慶四年知縣司鑑增祭器書籍着生員鍾思賢霍文謙置萬歷二十八年知縣劉貞改建於舊址四五十步四十二年知縣李廷幹從諸生請遷復舊址崇禎三年署縣事經歷葉大紳修戟門

國朝康熙十年知縣蒲珩修復未備二十五年知縣萬懷重修二十八年知縣王斗璣

修聖殿知縣張純將通縣優免錢糧大修文廟改南向易基址自殿宇兩廡以及名宦鄉賢逐一重建六十年知縣陳士修重修戟門啟聖祠鄉賢祠雍正元年知縣李文炎奉文崇聖祠追封五世王爵添設神牌祭器八年知縣李郁芬修兩廡教諭呂德懋訓導梁松修櫺星門宮牆乾隆二年教諭賈正美修照牆三十一年知縣布勒亨捐俸倡率紳士仍因舊址改復坐西朝東建聖殿兩廡五王殿在正殿後其戟門外左爲名宦祠右爲鄉賢祠中爲泮池其櫺星門外左爲禮門右爲義路前爲照牆俱撤新重修

欽頒扁額

國朝康熙二十三年欽奉

御書萬世師表

雍正三年欽奉

御書生民未有

乾隆三年欽奉

御書與天地參

嘉慶五年欽奉

御書聖集大成

已上俱金字題額均懸殿上

位次（雍正二年頒定）

正殿 奉祀

至聖先師孔子之神位（正中南向）

至聖先師木主高二尺三寸七分闊四寸厚七分座高四寸長七寸厚三寸四分朱地金

書順治二年加稱爲大成至聖文宣先師孔子康熙十四年省大成文宣四字定爲

今稱通行直省各學雍正三年奉

特諭先師聖諱理應迴避查毛詩及古文此字讀作期音者甚多嗣後除五經四書外凡

遇此字並加卩爲邱地名亦不必改易但加卩旁讀作期音庶協尊崇至意

御製

至聖先師孔子贊并序 (康熙三十三年勒碑)

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰遡前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業爛於一朝明道者教思周於百世堯舜禹湯文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子爲萬古一人也審矣朕巡省東國謁祀關里景企滋深敬 筆而爲之贊曰

清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成

序書刪詩定禮正樂既窮象繫亦嚴筆削上紹往緒下示來型道不終晦秩然大經
百家紛紜殊途異趣日月無踰堯堊可悟孔子之道惟中與庸此心此理千聖所同
孔子之德仁義中正秉彝之好根本天性庶幾夙夜勗哉令圖遡源洙泗景躅唐虞
載歷庭除式觀禮器擗毫仰贊心焉遐企百世而上以聖爲歸百世而下以聖爲師
非師夫子惟師於道統天御世惟道爲依泰山巖巖東海泱泱高萬仞夫子之堂
孰窺其藩孰窺其徑道不遠人克念作聖

康熙二十五年七月初四日戶部尙書文華殿大學士臣張玉書奉

勅敬書

歷朝贊并附

唐睿宗太極元年御製贊猗與夫子實有聖德其道可遵其儀不忒刪詩定禮百王
取則吾豈匏瓜東西南北

宋太祖建隆三年御製贊王澤下衰文武將墜尼父挺生河海標異祖述堯舜有德

無位哲人其萎鳳鳥不至

宋真宗大中祥符二年御製贊立言不朽垂教無疆昭然令德偉哉素王人倫之表
帝道之綱厥功茂實其用允臧升中既畢盛典載揚洪名有赫懿範爛彰

宋徽宗宣和四年御製贊厥初生民自天有造百世之師立人之道有彝有倫垂世
立教爰集大成千古允蹈乃嚴斯在乃瞻斯宮瞻彼德容云孰不崇

宋高宗紹興十四年御製贊大哉宣王斯文在茲帝王之式古今之師志則春秋道
由忠恕賢於堯舜日月共喻惟時載雍載此武功肅昭盛儀海宇聿崇

宋理宗紹定三年御製贊聖哉尼父秉德在躬歷聘列國道大莫容六藝既作文教
聿崇古今日月萬代所宗

晉陸機贊孔子叡聖配天宏道風扇玄流思探神寶明發懷周典言謨老靈魄有行
言觀蒼昊清歌先誠丹書有造

晉湛方生贊文王既沒微言將墜邈哉孔公龍見九二闡化繫象素王洙泗發揮中

葉道映周季

宋米芾贊孔子孔子大哉孔子孔子以前既無孔子孔子以後更無孔子孔子孔子
大哉孔子

明李夢陽贊鳳鳥不至人莫之知行廢知命獲麟竟悲已訓道信萬世攸師願學謂
何小子敬思

明胡纘宗贊一以貫之金聲玉振是謂大成賢於堯舜教在六經道該羣聖生民以
來未有其盛

明陳鳳梧贊道冠古今德配天地刪述六經垂憲萬世統承羲皇源啓洙泗報功報
德百王崇祀

御製聖廟碑文

朕惟道原於天宏之者聖庖犧氏觀圖畫象闡乾坤之秘堯舜析理危微厥中允執
禹親受其傳湯與文武周公遞承其統靡不奉若天道建極綏猷奠乎尚矣孔子生

周之季韋布終老非若伏羲堯舜之聖焉而帝禹湯文武之聖焉而王周公之聖焉而相也歸然以師道作則與及門賢喆紹明絕業教思所及陶成萬世是伏羲堯舜禹湯文武周公之統惟孔子繼續而光大之矣閒嘗誦習詩書之所刪述大易之所演繫春秋之所筆削禮樂之所修明本末一貫根柢萬有殆與覆載合其德日月並其明四時寒暑協其序焉故曰仲尼之道一天道也朕敬法至聖景仰宮牆嚮往之誠勿釋寤寐歲甲子十有一月時邁東魯躬詣曲阜展修祀事復謁聖墓循撫松栝儀型在望優乎至德之親人也朕忝作君啓牖下民深惟夫子師道所建百王治理備焉舍是而圖邳隆曷所依據哉因勒文於石彰朕尊崇聖教以承天治民之意系以辭曰遐哉三五維辟之式於臯尼山師道允植天畀木鐸覺彼羣生百行以正六籍以明賢邁唐虞聖則河洛綏和勃來文博禮約性天峻極倫教孔彰學昌沫泗統歸素王炎漢崇儒少牢川饗厥後賢君高山是仰予懷至聖蒞彼東方音徽云邈道德彌光鬱鬱瑩林峨峨祠殿企慕安窮羨牆如見泰岱匪高東海匪深敬揚經軌終

古式欽

峯

康熙二十五年春二月上丁日

東配二位（西向）

復聖顏子（名回字子淵山東兗州府曲阜縣人）

御製贊

聖道早聞天姿獨粹約禮博文不遷不貳一善服膺萬德來萃能化而齊其樂一致
禮樂四代治法兼備用行舍藏王佐之器

宋太祖建隆三年御製贊生值衰周爵不及魯一簞藜藿陋巷環堵德冠四科名垂
千古沒表萬年遂荒東土

宋高宗紹興十四年御製贊德行首科顯冠學徒不遷不貳樂道以居食欲甚惡在
陋自如宜稱賢哉豈止不愚

宋理宗紹興二年御製贊學冠孔門德行科首闈一知十若虛實有樂道尊軻不易所守步趨聖人睟乎若後

述聖子思子（名伋字子思山東兗州府曲阜縣人

御製贊

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

宋理宗紹定三年御製贊閒居請膺世業克昌可離非道孜孜立行發揮中庸體固有常人德樞要治道權衡

宋高宗紹興十四年御製贊賢哉孔伋祖武能繩中庸一篇大道昌明受曾授孟惟是一誠千秋之下欽仰芳名

宋大中祥符二年陳充贊尼山道德羣賢是宗伋承家學無愧祖風憂道失傳乃功作中庸力扶墜緒述聖有

西配二位（東向）

宗聖曾子（名參字子輿山東兗州府嘉祥縣人）

御製贊

洙泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

宋理宗紹定三年御製贊大孝要道用訓羣生以綱百行以通神明因子侍師答問成經事親之實代爲儀型

宋大中祥符二年尙書左僕射張齊賢贊孝乎惟孝曾子稱焉唐虞比德洙泗推賢服膺受旨終身拳拳封巒節贈永耀青編

明山東巡撫陳鳳梧贊守約以博學恕以忠聖門之傳獨得其宗一貫之旨三省之功格致誠正萬世所宗

亞聖孟子（名軻字子輿山東兗州府鄒縣人）

卷之七 學校志

（百九二）

御製贊

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利
煌煌七篇並垂六藝孔子攸傳禹功作配

宋理宗紹定三年御製贊道術分裂諸子爲書旣極而合篤生眞儒詆訶楊墨呈極
是扶較功論德三聖之徒

宋高宗紹興十四年御製贊戰國之時遊說紛起爭談富強戰攻是習孔道不著楊
墨不息挺生名世崇尚仁義

宋大中祥符二年戶部員外郎周起贊邪說橫流守正自處非仁無爲非義不履私
淑諸人道高千古黜霸崇王功不讓禹

東哲六位(西向)

先賢閔子(名損字子騫山東兗州府人)

宋理宗紹定三年御製贊天經地義孝哉閔騫父母昆弟莫間其言汗君不仕志氣

軒軒復我汶上出處休焉

宋大中祥符二年集賢殿大學士王旦贊子騫達者闇闇成性德冠四科孝先百行人無間言道亦希聖公袞增封均乃天慶

唐元宗開元八年從祀孔廟二十七年追贈費侯宋真宗大中祥符二年加封瑯琊公度宗咸淳三年改封費公明嘉靖九年改稱先賢閔子

先賢冉子（名雍字仲弓山東兗州府人）

宋理宗紹定三年御製贊懿德賢行有一則尊子也履之成性存存駢角有用犁牛莫論刑政之言施惠元元

宋大中祥符二年禮部尚書王欽若贊不佞之仁具體之賢登彼堂奧用之山川代逢偃革禮畢升禋錫以三壤賁茲九泉

唐元宗開元二十七年從祀孔廟封薛侯宋真宗大中祥符二年加封下邳公度宗咸淳三年改封薛公明嘉靖九年改稱先賢冉子

先賢端木子〔名賜字子貢河南衛輝府人〕

宋理宗紹定二年御製贊謙德知二器寶瑚璉動心幾先孰並其辯一使存魯五國有變終相其主譽處攸遠

宋大 祥符二年尙書左丞馮拯贊賜之望回獨云知二器稱瑚璉在禮斯貴服道稱師名垂萬世分爵尊崇時追肆類

唐元宗開元二十七年從祀孔廟封梨侯宋真宗大中祥符二年加封梨陽公度宗咸淳三年改封黎公明嘉靖九年改稱先賢端木子

先賢仲子〔名由字子路山東兗州府泗水縣人〕

宋理宗紹定三年御製贊升堂推先千乘惟權陵暴知非委實可賢折獄言簡結纓禮全惡言不耳仲尼賴焉

宋大中祥符二年尙書左丞陳堯叟贊猗歟魯哲義勇無儔獨立不懼從政惟優欽屬仁聖勅封介邱褒封進號載顯英猷

唐元宗開元二十七年八月從祀孔廟贈衛侯宋真宗大中祥符二年改封河內侯
度宗咸淳三年加封衛公明嘉靖九年改稱先賢仲子

先賢卜子〔名商字子夏河南懷慶府濬縣人〕

宋理宗紹定三年御製贊文學之日名重一時爲君子儒作魏侯師不可後禮始可言詩假蓋小嫌聖亦不疵

宋大中祥符二年工部侍郎趙安仁贊詩動天地起予者商溫柔立教文學升堂雅
頌得所治亂攸彰慶成嘉贈其道彌芳

唐太宗貞觀二年從祀孔廟元宗開元二十七年贈魏侯宋真宗大中祥符二年加
封河東公度宗咸淳三年改封魏公明嘉靖九年改稱先賢子

先賢有子〔名若字子有山東兗州府曲阜縣人〕

宋理宗紹定三年御製贊人稟秀德氣貌或同而子儼然濫濫其容兩端發問未啓
幾鋒以禮節和斯言可宗

明山東布政司理問呂元善贊春秋列士救亂不已甯知孝弟勝於刃矢年三十時能立於禮而立未死便是夫子

唐元宗開元二十七年從祀孔廟追封汴伯宋真宗咸平三年加封平陰侯明嘉靖九年改稱先賢有子

西哲六位(東向)

先賢冉子(名耕字伯牛山東兗州府鄆城縣人)

宋理宗紹定三年御製贊德以充性行以操身二事在躬日躋而新並驅賢科德顏與鄰不幸斯疾命也莫伸

宋大中祥符二年禮部尙書王欽若贊聖門達者德行爲先洙泗來學顏閔差肩天封展禮公袞褒賢生則命寡沒則道宣

唐元宗開元二十七年從祀孔廟封鄆侯宋真宗大中祥符二年改封東平侯度宗咸淳三年加封鄆公明嘉靖九年改稱先賢冉子

先賢宰子（名子字子我山東兗州府曲阜縣人）

宋理宗紹定二年御製贊辯以飭詐言以致文苟弗執禮官莫釋朽木糞墻置不足云言語之科煜然有聞

宋大中祥符二年尚書左丞馮拯贊倬彼宰予服膺宣父學洞堂與名揚鄒魯再鼎設問五常垂矩遇我慶成增封茅土

唐元宗開元二十七年從祀孔廟封齊侯宋真宗大中祥符二年加封臨淄公度宗咸淳三年改封齊公明嘉靖九年改稱先賢宰子

先賢冉子（名求字子有山東兗州府人）

宋理宗嘉定三年御製贊循良之要在於有政可使爲宰千室百乘師門育才治心扶性退則進之琢磨之柄

宋大中祥符二年尚書左丞陳堯叟贊謙謙令德少著嘉聞敏以從政治以斯文垂鴻報本道遇明君永錫徽稱載揚清芬

唐元宗開元二十七年從祀孔廟贈徐侯宋真宗大中祥符二年加封彭城公度宗咸淳三年改封徐公明嘉靖九年改稱先賢冉子

先賢言子(名偃字子游南直蘇州府常熟縣人)

宋理宗紹定三年御製贊義道正己文學擅科爲宰武城聊以絃歌割鷄之試牛刀謂何前言戲耳博約則多

宋大中祥符二年工部尙書趙安仁贊魯堂登科觀輿將聖武城之小可以觀政澹臺之舉行不由徑道建上公素風逾盛

唐元宗開元二十七年從祀孔廟贈吳侯宋真宗大中祥符二年加封丹陽公度宗咸淳三年改封吳公明嘉靖九年改稱先賢言子

先賢顓孫子(名師字子張河南開封府陳州人)

宋理宗紹定三年御製贊念昔顓孫商德爲鄰學以干祿問以書紳叅前倚衡忠信是遵色取行違作戒後人

宋大中祥符二年尚書左僕射張齊賢贊堂堂張也商德與鄰尊賢容衆崇德依仁入趨函丈退而書紳升中優贈道與名新

唐元宗開元二十七年從祀孔廟贈陳伯宋真宗大中祥符二年封宛邱侯度宗咸淳三年加封陳國公升十哲位尋稱陳公明嘉靖九年改稱先賢顓孫子

先賢朱子〔名熹字元晦南直徽州府婺源縣人〕

元吳激贊義理元微繭絲牛毛心胸開豁海濶天高豪傑之才聖賢之學景星慶雲泰山喬嶽

舊十哲康熙五十一年升先儒朱熹於十哲之次改題其主曰先賢乾隆二年升有子於十哲位烈東位子商之下移朱子於殿西位顓孫師之下共十二哲

東廡〔西向〕

先賢蘧子〔字伯玉河南衛輝州人〕

宋理宗紹定二年御製贊有衛伯玉夫子與居寡過未能薦贊使乎以屍諫君友則

吏魚果得進賢爛然簡書

宋大中祥符二年行太常博士崔遵度贊達哉君子外寬內正好禮直躬衛風斯競
瑞命昭錫元符報慶俾執厥中千齡遇聖

唐元宗開元二十七年從祀孔廟追封衛伯宋真宗大中祥符二年加封內黃侯明
嘉靖九年以孔子之所嚴事者不當在弟子之列改祀於鄉

先賢澹臺子(名滅明字子羽山東兗州府費縣人)

宋理宗紹定二年御製贊君子有道天與異容狀雖云惡德則其豐南止江沱學者
雲從取士自茲貌或非公

宋大中祥符二年戶部尙書溫仲舒贊不由徑行其直可貴不私見人其公可畏擊
蛟旣勇毀璧且義紀號益封旌比賢

唐元宗開元二十七年從祀孔廟追
江伯宋真宗咸平三年加封金鄉侯明嘉靖
九年改稱先賢澹臺子

先賢原子（名憲字子思河南歸德府商邱縣人）

宋理宗紹定三年御製贊式彼窮閭達士所賓邦無道穀進退孰倫敝衣非病無財乃貧賜雖不憚清節照人

宋大中祥符二年行尙書左丞向敏中贊賢哉子思介然清淨貧惟固學道乃非病衣冠忘敝草澤遂性升中進秩垂芳尤盛

唐元宗開元二十七年從祀孔廟追封原伯宋眞宗咸平三年加封任城侯明嘉靖九年改稱先賢原子

先賢南宮子（名适字子容山東兗州府人）

宋理宗紹定三年御製贊先覺既位簪履並馳尙德君子爾乃兼之彗寡可慙禹稷可師三復此道載觀白圭

宋大中祥符二年刑部尙書寇準贊南宮君子尙德聖門有道不廢危行孫言白圭三復執慎思存慶成旌善昨壤佳藩

唐元宗開元二十七年從祀孔廟追封鄒伯宋真宗咸平三年加封龔邱侯徽宗政和六年改封汝陽侯明嘉靖九年改稱先賢南宮子

先賢漆雕子(名開字子若河南汝寧府汝寧縣人)

宋理宗紹定三年御製贊仕進之道要在究習具臣而居咎欲誰執斯未能信謙以自立關里說之多士莫及

宋大中祥符二年翰林學士李宗諤贊關里之堂邈矣難造猗歟子若實觀其奧學優當仕非乃攸好明祀益封式稽古道

唐元宗開元二十七年從祀孔廟追封滕伯宋真宗咸平三年加封平輿侯明嘉靖九年改稱先賢漆雕子

先賢司馬子(名耕字子牛河南歸德府商邱縣人)

宋理宗紹定三年御製贊手足甚親志異出處難將爲亂子乃脫去在汚能潔危而有慮內省若斯何憂何懼

宋大中祥符二年兵部員外郎楊億贊仁遠乎哉其言也訥虛德實歸孰思旁訛違
難迷邦奚虞悔吝疏爵丁辰寵名以峻

唐元宗開元二十七年從祀孔廟追封向伯宋真宗咸平三年加封楚邱侯徽宗政
和六年改封綏陽侯明嘉靖九年改稱先賢司馬子

先賢梁子（名鱣字叔魚山東兗州府人）

宋理宗紹定三年御製贊室家壯年無子則逐見於信史全齊之俗原本厥初師言
可復以學則知揆之宜篤

宋大中祥符二年戶部員外郎周起贊元聖舊邦森然精爽於惟子魚式瞻遺像紀
號停鑾侯封錫壤儒道有光百玉所仰

唐元宗開元二十七年從祀孔廟追封梁伯宋真宗咸平三年加封千乘侯明嘉靖
九年改稱先賢梁子

先賢商子（名瞿字子木山東曲阜人）

宋理宗紹定二年御製贊易之爲善彌綸天地五十乃學師則有是子能授受洗心
傳世知幾其神宜被厥祀

宋大中祥符二年翰林學士晁同贊易之爲書窮理盡性瞿也親受抗心希聖羣編
靡釋素風允競展禮侯封千載輝映

唐元宗開元二十七年從祀孔廟追封蒙伯明嘉靖九年改稱先賢商子

先賢冉子(名儒字子魯山東兗州府人)

宋理宗紹定三年御製贊紀伯子魯聖學是務厲已斯約好問乃裕周旋中規容止
可度允矣昔賢後世所慕

宋大中祥符二年戶部郎中李維贊聖人之道一以貫之允矣子魯堂奧斯窺惟帝
登岱克陳上儀追封侯社沂水之湄

唐宗元開元二十七年從祀孔廟追封紀伯宋真宗咸平三年加封臨沂侯明嘉靖
九年改稱先賢冉子

先賢伯子（名虔字子析山東兗州府人）

宋理宗紹定三年御製贊有懷子析全魯之彥儒行既名聊伯乃建兢兢受道奕奕
峨弁懿選嘉封世享馨薦

宋大中祥符二年比部員外郎王魯贊肅肅魯堂僦僦關里伯氏達者克肖夫子運
偶慶成禮崇追美後學式瞻高山仰止

唐元宗開元二十七年從祀孔廟追封聊伯宋真宗咸平三年加封沐陽侯明嘉靖
九年改稱先賢伯子

先賢冉子（名季字子產山東兗州府人）

宋理宗紹定三年御製贊東平子產姓著盛時奉師於塾講道之微答問成敏淵妙
以思升降廉陛尙想英姿

宋大中祥符二年戶部郎中李維贊冉子挺生鍾是純粹游聖之門切磨道義時邁
升中禮成肆類錫壤諸城式昭遺意

唐元宗開元二十七年從祀孔廟追封東平伯宋眞宗咸平三年加封諸城侯明嘉靖九年改稱先賢冉子

先賢漆雕子(名徒父字子期山東兗州府)

宋理宗紹定三年御製贊遐想子期挾策聖帷涉道是嗜微爵可縻在德旣賢在名乃垂洋洋之風建及四馳

宋大中祥符二年工部郎中陳彭年贊受教聖人服勤墳籍如彼時術故能日益元封慶成介圭追錫圖形繪素鏤美金石

唐元宗開元二十七年從祀孔廟追封須句侯宋眞宗咸平三年加封高苑侯明嘉靖九年改稱先賢漆雕子

先賢漆雕子(名哆字子歛山東兗州府人)

宋理宗紹定三年御製贊子歛受封爰居武城亶亶其聞翩翩其英攝衣時習願學日明誕敷孔教爵里疏榮

宋太宗祥符二年戶部郎中戚綸管關里稱賢多也其一學以適道名參入室昔爲
達者今逢聖日俾侯濮陽膺茲寵秩

唐元宗開元二十七年從祀孔廟追封武城伯宋真宗咸平三年加封濮陽侯明嘉
靖九年改稱先賢漆雕子

先賢公西子（名赤字子華山東兗州府曲阜縣人）

宋理宗紹定三年御製贊學者行道緼敝亦稱使齊光華偶爲肥輕周急之言君子
所令問答允嚴理皆先經

宋大中祥符二年行御史中丞王嗣宗贊翔聖賢者徂徠之英謙言小相終成大名
立朝儒雅出使光榮佐佑禮法諸侯作程

唐元宗開元二十七年從祀孔廟追封郕伯宋真宗咸平三年加封鉅野侯明嘉靖
九年改稱先賢公西子

先賢任子（名不齊字子選湖廣荊州府人）

宋理宗紹定二年御製贊任城建白其表曰選淑聞雄馳才華清遠競辰力行愛日
黽勉孔教崇崇令緒顯顯

宋大中祥符二年陳充贊荆衡誕粹賢生其中服膺數仞誠明感通坦適長坂爵嘉
素風虔遵祀典列在儒宮

唐元宗開元二十七年從祀孔廟追封任城伯宋真宗咸平三年加封當陽侯明嘉
靖九年稱先賢任子

先賢公子(名良儒字子正河南開封府陳州人)

宋理宗紹定三年御製贊陳有子正爲世所重制行維賢義理之勇學不自滿才堪
人用牟平其封式彰光寵

宋大中祥符二年行右司諫張知白贊子幼真賢從師宣父服膺大猷配享終占運
屬聖神時巡鄒魯五等疏封三綱式叙

唐元宗開元二十七年從祀孔廟追封東牟伯宋真宗咸平三年加封牟平侯明嘉

靖九年改稱先賢公子

先賢公子（名肩定字子忠山東兗州府人）

宋理宗紹定三年御製贊公氏子忠聖門之徒修行文學恒有忠信道究一中墻依數仞梁父受封榮名益振

明山東布政司理問呂元善贊山壽滋陽捫天如鏡光受邦賢能肩以定定處能功何境非性顧名思義隨地可證

唐元宗開元二十七年從祀孔廟追封新田伯宋真宗咸平三年加封梁父侯明嘉靖九年改稱先賢公子

先賢鄒子 名單字子家山東東昌府聊城縣人

宋理宗紹定三年御製贊杏壇受教子家其英樞衣侍立善訓思明學業益進德譽斯馨宜崇厥祀寵爵聊城

明山東布政司理問呂元善贊光岳樓高登望千里若有人焉名蜚傳記銅鐙故封

雲旗暫止子家同風猶沾衛水

唐元宗開元二十七年從祀孔廟追封銅錕伯宋真宗咸平三年加封聊城侯明嘉靖九年改稱先賢鄔子

先賢罕父子〔名黑字子素山東兗州府人〕

宋理宗紹定三年御製贊循循子素從遊關里分席杏壇飲波泗水四教克遵百行均美錫壤祔鄉式崇厥祀

明山東布政司理問呂元善贊洙泗門牆稱有二黑君之間里尤親道脉信史輝輝子長載筆罕父宰父儻誤點畫

唐元宗開元二十七年從祀孔廟追封乘邱侯宋真宗咸平三年加封祔鄉侯明嘉靖九年改稱先賢罕父子

先賢榮子〔名旂字子祺山東兗州府人〕

宋理宗紹定三年御製贊伯茲雩婁務學實著三千之徒七十是預匪善莫行惟德

乃據紀於前書式彰厥譽

宋大中祥符二年祠部員外郎梅詢贊聖人之門學者僉僉彼美子期行修志淳異端滋害微言服勤格於大宋侯封是新

唐元宗開元二十七年從祀孔廟追封雩婁伯宋真宗咸平三年加封厥次侯明嘉靖九年改稱先賢榮子

先賢左子〔名人郢字子行山東兗州府人〕

宋理宗紹定三年御製贊伯彼臨淄左行稱賢希蹤十哲秀穎三千心悅誠服家至戶傳樂只君子文聲益宣

明山東布政司理問呂元善贊心悅誠服如七十子子處其間服膺何事聖亦能同邱明之耻奚辨其官左人左氏

唐元宗開元二十七年從祀孔廟追封臨淄伯宋真宗咸平三年加封南華侯明嘉靖九年改稱先賢左子

先賢鄭子（名國字子徒聖里志作薛邦山東兗州府人）

宋理宗紹定三年御製贊伯夫滎陽實惟令德優入聖門過不留迹道以目傳妙則心識猗歟盛歟後代之式

宋大中祥符二年行太常博士陳知微贊懿彼子徒挺生關里日遊聖門躬授微旨德音孔昭令聞不已疏爵胸山式旌遺美

唐元宗開元二十七年從祀孔廟追封滎陽伯宋眞宗咸平三年加封胸山侯明嘉靖九年改稱先賢鄭子

先賢原子（名亢字子籍山東兗州府人）

宋理宗紹定三年御製贊原氏子籍從尼父遊潛心墳典其業允修出言可式入聖則優樂平寵襲克振儒流

明山東布政司理問呂元善贊培杏之壇有憲與亢魯衛兄弟處若家巷儻聞其問亦不多讓邑食萊蕪清操有樣

唐元宗開元二十七年從祀孔廟追封萊蕪伯宋真宗咸平三年加封樂平侯明嘉靖九年改稱先賢原子

先賢廉子（名潔字子庸河南衛輝府人）

宋理宗紹定三年御製贊兄弟之邦士有廉庸涵泳素教表揭儒宗杏壇探蹟洙泗從容作典一時莒父其封

明山東布政司理問呂元善贊大廉有後是惟子曹朝歌樂去來仰山高豈必莒父譽曰人豪宜昌宗齋趙漢兩朝

唐元宗開元二十七年從祀孔廟追封莒父伯宋真宗咸平三年加封胙城侯明嘉靖九年改稱先賢廉子

先賢叔仲子（名會字子期山東兗州人）

宋理宗紹定三年御製贊瑕邱祚邑子期是爲親訓有日厲業於時四教允隆五常以持比肩俊傑聞望斯垂

宋大中祥符二年太常博士劉鍇贊斯文有宗吾道不窮執筆迭侍惟賢比崇少成
習慣兩丈順風東巡駐蹕霑澤儒宮

唐元宗開元二十七年從祀孔廟追封瑕邱伯宋真宗咸平三年加封博平侯明嘉
靖九年改稱先賢叔仲子

先賢公西子(名輿如字子上山東兗州府人)

宋理宗紹定三年御製贊杏壇啟教高弟如雲賢哉子上敬業樂羣居仁由義崇禮
修文臨胸錫爵永播清芬

宋大中祥符二年集賢騎都尉范睢贊鍾美齊疆從師魯國展矣斯人道臻聖域禮
墨金繩慶敷文德薦享封侯永光廟食

唐元宗開元二十七年從祀孔廟追封重邱伯宋真宗咸平三年加封臨胸侯明嘉
靖九年改稱先賢公西子

先賢邾子(名巽字子斂山東兗州府人)

宋理宗紹定三年御製贊彼美邾子先聖是承墻仞已及堂陛將升良玉斯琢寒水必冰錫壤平陸茂實昭騰

宋大中祥符二年行太常博士姜嶼贊展矣子斂孔門高弟模範將聖博約六藝所謂達者顯於當世追封列侯流芳永裔

唐元宗開元二十七年從祀孔廟追封平陸伯宋真宗咸平三年加封高唐侯明嘉靖九年改稱先賢邾子

先賢陳子（名亢字子禽河南開封府陳州人）

宋理宗紹定三年御製贊惟禽之間過庭其鯉求以異聞詩禮云爾請一得三誠退而喜且知時聖不私其子

宋大中祥符二年吏部侍郎趙昌言贊於美子禽服膺尼父問一得三垂訓千古名由實賓德以位序連屬封巒爵崇介士

唐元宗開元二十七年從祀孔廟追封穎伯宋真宗咸平三年加封南穎侯明嘉靖

九年改稱先賢陳子

先賢琴子〔名張字子開河南衛輝府人〕

宋理宗紹定三年御製贊多能鄙事聖人曲意惟其知之是以不試宗魯雖友弔必
以義尙師嘉言祀亦罔替

宋大中祥符二年太常寺丞朱綬贊反魯之始從師去里不試故藝善言攸已非義
罷弔崇仁爲美銘嶽益封用旌君子

唐元宗開元二十七年從祀孔廟追封南陵伯宋真宗咸平三年加封頓邱侯徽宗
政和六年六月改封陽平侯明嘉靖九年改稱先賢琴子

先賢步子〔名叔乘字子車山東青州府人〕

宋理宗紹定三年御製贊勉勉子車封邑淳于親炙避席唯諸趨隅發微旣博雅道
是扶抑可尙也不亦美乎

宗大中祥符二年行太常寺博士張象中贊聖人之門子車服勤學以時習道宜曰

新數仞爰處函丈是親追封遺烈旌美儒臣

唐元宗開元二十七年從祀孔廟追封淳于伯宋真宗咸平三年加封博昌侯明嘉靖九年改稱先賢步子

先賢秦子（名非字子之山東兗州府人）

宋理宗紹定三年御製贊樂善哲士伯于汴陽傳道克正垂名允臧執德以宏用心必剛表厲業履式贊素王

宋大中祥符二年太常博士王隨贊七十之賢皆傳聖道彼美子之學臻堂奧珍席圭璋儒宮黼藻列爵華亭令名長保

唐元宗開元二十七年從祀孔廟追封汴陽伯宋真宗咸平三年加封華亭侯明嘉靖九年改稱先賢秦子

先賢顏子（名喲字子聲山東兗州府曲阜縣人）

宋理宗紹定三年御製贊褒錫朱虛在器輪輿儒室振領聖門曳裾賢業素縵美才

以摭百世不刊載觀成書

宋大中祥符二年太常博士張象中贊回也庶幾諸顏近之洙泗受業汶上從師輔
翊儒道經營德基俾侯於濟君子攸宜

唐元宗開元二十七年從祀孔廟追封朱文伯宋真宗咸平三年加封濟陰侯明嘉
靖九年改稱先賢顏子

先賢顏子〔名何〕

先賢縣子〔名直〕

先賢樂正子〔名克〕

先賢萬子〔名章〕

先儒周子〔名惇頤字茂叔湖南永州府道州人〕

宋朱熹贊道喪千載聖遠言湮不有先覺孰開我人書不盡言圖不盡意風月無邊

庭草交翠

先儒程子〔名顥字伯淳河南河南府洛陽縣人〕

宋朱熹贊揚休山立玉色金聲元氣之會渾然天成瑞日祥雲和風甘雨龍德正中
厥施斯溥

先儒邵子〔名雍字堯夫北直順天府涿州人〕

宋朱熹贊天挺人豪英邁蓋世駕風鞭霆歷覽無際手探月窟足躡天根間中今古
靜裏乾坤

先儒公羊子〔名高山東青州府臨淄縣人〕

宋晁迥贊高也解經辯惑咸服學官所傳齊名左穀追獎肇封衆心允屬闕里彌縫
斯文載郁

先儒伏子〔名勝字子賤山東濟南府景州人〕

宋楊億贊伏生明經爲秦博士祖集微言流離耄齒壁藏其文口授厥旨建號旌儒
錫封仁里

先儒董子〔名仲舒北直河間府景州人〕

明呂調陽贊漢繼絕學孰專其門惟子倡始孔道斯遵春秋繁露議論淵源正誼明道萬世名言

先儒后子〔名蒼字近君山東兗州府人〕

呂一經贊曲臺唱禮傳之后公二載樹幟立之學宮篇四十九人推馬融疇不宗下少府之功

先儒杜子〔名子春河南河南府偃師縣人〕

宋查道贊三川二室英靈所鍾學窮周制譽藹儒宗杏壇闕里差有比蹤一命作伯慶我天封

先儒諸葛子〔名亮〕

先儒王子〔名通字子淹山西平陽府河津縣人〕

明呂元善贊絀靡之後誰復知儒普天不醒獨立大呼手續六經世孰傳諸自王祖

韓脉遞程朱

先儒范子（名仲淹）

先儒歐陽子（名修字永叔江西吉安府廬陵縣人）

明呂兆祥贊文忠作相聲高宋世奇專五代書分唐志撰脉宗韓藝雄天地聖宮配
祀濮園特議

先儒楊子（名時字中立福建延平府將樂縣人）

明呂濬贊學喜熙雍仕悲亂世向立程門何如諫議雪深尺處胡塵千里龜山片青
照人不己

先儒羅子（名從彥）

先儒李子（名侗）

先儒呂子（名祖謙字伯恭浙江金華府金華縣人）

明薛瑄贊心平氣和德優才博友契閩川學宗關洛任道惟堅責人從薄景仰前賢

式欽著作

先儒蔡子(名沈字仲默福建建寧府建陽縣人)

明呂原贊帝王之書治法斯存猗歟仲默傳釋微言精一執中萬世攸遵聿從明祀

式表推恩

先儒(陳子名淳)

先儒魏子(名了翁)

先儒王子(名柏)

先儒趙子(名復)

先儒許子(名謙)

先儒吳子(名澄)

先儒胡子(名居仁字叔心江西饒州府餘干縣人)

明呂兆祥贊普天讀書力闕制舉公獨求心見我真處梅溪山中經橫塵監草布英

雄一代千古

先儒王子（名守仁字伯安浙江紹興府餘姚縣人）

明呂兆贊祥忠剗閹奸智承地遠初命督虔得專討叛聲金集成勛鐵耀芬開門閉門公來彼叛

先儒羅子（名欽順）

西廡（東向）

先賢林放（字子邱山東兗州府人）

宋理宗紹定三年御製贊禮之有本子能啟問大哉斯言光昭明訓德輝泰山誣祭能奮崇祀茲典盍永令聞

宋大中祥符二年主客郎中刁衍贊子邱明哲道治素風問禮之本爲儒所宗東嶽稱美長山表封云亭告畢慶澤薦隆

唐元宗開元二十七年從祀孔廟追封清河伯宋眞宗大中祥符二年加封長山侯明嘉靖九年以家語史記俱不載弟子列改祀於鄉

先賢宓子（名不齊字子賤山東兗州府曲阜縣人）

宋理宗紹定三年御製贊君子若人單父之政引肘寤君放魚稟令傳郭勿獲遂能制命百代理邑用窺觀政

宋大中祥符二年戶部尚書溫仲舒贊天生良材爲魯君子堂上琴作邑中文治伍人致逸受教成美展禮崇賢疏封有煒

唐元宗開元二十七年從祀孔廟追封單父伯宋眞宗咸平三年加封單父侯明嘉靖九年改稱先賢宓子

先賢公冶子（名長字子長山東青州府諸城縣人）

宋理宗紹定三年御製贊子長宏度高出倫輩雖在縲絏知非其罪純德備行夫子所采以子妻之尤知英槩

宋大中祥符二年行尙書右丞向敏中贊德行貞純公冶孰倫本非其罪枉拘厥身魯堂推善孔門配姻俾侯之貴久而彌新

唐元宗開元二十七年從祀孔廟追封苜伯宋真宗咸平三年加封高密侯明嘉靖九年改稱先賢公冶子

先賢公皙子（名哀字季次山東濟南府人）

宋理宗紹定二年御製贊周衰偽隆政在郡公廉恥道微家臣聿崇不爲屈節撝默自容子於是時凜然清風

宋大中祥符二年刑部尙書寇準贊賢哉季次履潔居貞卷懷不仕家臣是輕素王攸嘆式昭令名封巒均慶侯社疏榮

唐元宗開元二十七年從祀孔廟追封郕伯宋真宗咸平三年加封北海侯明嘉靖九年改稱先賢公皙子

先賢高子（名柴字子羔河南衛輝府輝縣人）

宋理宗紹定二年御製贊婉彼子羔受業先聖宗廟之間一出乎正克篤子孝非愚乃令師知其生有輝賢行

宋大中祥符二年翰林學士晁迥贊猗歟子羔孝心篤矣慎終銜恤未嘗見齒難能而能君子知己考古褒崇於斯爲美

唐元宗開元二十七年從祀孔廟追封共成伯宋真宗咸平三年加封共成侯明嘉靖九年改稱先賢高子

先賢樊子（名須字子遲山東兗州府人）

宋理宗紹定三年御製贊養才以道聖人兼濟始謂非仁間辨良美寓志農圃似揆仁義學稼之辭豈姑舍是

宋大中祥符二年兵部員外郎楊億贊學優乃仕齒於家陪戒車爲右誓衆靡回質疑辨問仁智旣該建侯追榮垂裕方來

唐元宗開元二十七年從祀孔廟追封樊伯宋真宗咸平三年改封益都侯明嘉靖九年改稱先賢樊子

先賢商子（名澤字子季山東兗州府人）

宋理宗紹定三年御製贊邈矣子季睢陽是伯屏息受業延教登廣未踐四科固涉六籍祀典載之好是正直

宋大中祥符二年主客郎刁衍贊子季從師服膺儒雅關里垂名同於達者昔寵睢陽今旌鄒野連偶登封薦臻純嘏

唐元宗開元二十七年從祀孔廟追封睢陽伯宋真宗咸平三年加封鄒平侯明嘉靖九年改稱先賢商子

先賢巫馬子〔名施字子期河南開封府陳州人〕

宋理宗紹定三年御製贊天清日明密雲曷有師命持蓋子亦善扣惟夫子博三才允究學者之樂所得遂茂

宋大中祥符二年吏部侍郎趙昌言贊英英子期受天和氣名登魯堂位沉周季猶勤戴星庇民爲治讓德進封垂芳百世

唐元宗開元二十七年從祀孔廟追封鄒伯宋真宗咸平三年加封東阿侯明嘉靖

九年改稱先賢巫馬子

先賢顏子〔名辛字子柳山東兗州府曲阜縣人〕

宋理宗紹定三年御製贊郭封于蕭實惟子柳夙飭格言克遵善誘明德斯馨賢業所就以侑於儒傳芳逾茂

宋大中祥符二年戶部員外郎周起贊增封雲嶺詔躡魯堂顯允君子令儀有彰英槩如挹德音不忘橫亘千古淳風載揚

唐元宗開元二十七年從祀孔廟追封蕭伯宋真宗咸平三年加封陽穀侯明嘉靖九年改稱先賢顏子

先賢曹子〔名邨字子循河南汝甯府人〕

宋理宗紹定三年御製贊肅肅曹伯王室之裔積習樂道切磋明義惟善則上爾德是類史筆有煥令名永紀

宋大中祥符二年兵部員外郎楊紳贊三千徒衆七十賢者子循服道聖門之下笙

贊經籍輔翼儒雅爵惟蔡侯名器匪假

唐元宗開元二十七年從祀孔廟追封曹伯宋真宗咸平三年加封上蔡侯明嘉靖九年改稱先賢曹子

先賢公孫子〔名龍字子石湖廣荊州府人〕

宋理宗紹定三年御製贊黃伯著祀公孫是云彌縫中道協輔斯文藏修方異漸漬甚勤史詞不忘播爲清芬

宋大中祥符二年兵部員外郎王曾贊子石鉅賢探微博古稟粹荆衡從師鄒魯令聞不已儀刑斯覩展義疏封遂荒故土

唐元宗開元二十七年從祀孔廟追封黃伯宋真宗咸平三年加封枝江侯明嘉靖九年改稱先賢公孫子

先賢奚子〔名蒧字子皙山東兗州府人〕

宋理宗紹定三年御製贊雍容子皙已望堂堂幼則有造成則祖述文系日化儒效

力弼永觀厥成德音秩秩

宋大中祥符二年兵部員外郎楊紳贊雍雍子哲服勤儒墨闕里橫經魯堂師德音從游聘令逢簡勒皇錫信圭洙泗改色

唐元宗開元二十七年從祀孔廟追封下邳伯宋真宗咸平三年加封濟陽侯明嘉靖九年改稱先賢奚子

先賢秦子(名祖字子南陝西西安府人)

宋理宗紹定三年御製贊秦有子南贊贊述作守道之淵成德之博範若鑄金契有發藥歷世明祀少梁寵爵

明山東布政司理問呂元善贊秦子有三壤石與君君姓所出不同一秦爰趁河渭來遊聖門羞肩高弟秦豈無人

唐元宗開元二十七年從祀孔廟追封少梁伯宋真宗咸平三年加封郢城侯明嘉靖九年改稱先賢秦子

先賢顏子〔名高字子驕山東兗州府曲阜縣人〕

宋理宗紹定三年御製贊瑯琊之伯其惟子驕微言既彰德音孔昭已詠舞雩同聽
齊韶歷千百年跂思高標

宋大中祥符二年戶部郎中戚綸贊魯國諸生顏氏爲盛達者升堂是以希聖龍章
載加侯服輝映名著遺編人師往行

唐元宗開元二十七年從祀孔廟追封瑯琊伯宋真宗咸平三年加封雷溪侯明嘉
靖九年改稱先賢顏子

先賢壤子〔名駟赤字子徒陝西西安府人〕

宋理宗紹定三年御製贊式是壤伯昭乎聖徒執經請益載道若無詩書規矩問學
楷模得官而駕領袖諸儒

宋大中祥符二年工部郎中陳彭年贊猗歟壤駟信而好古驅駕咸秦握衣鄒魯言
必成文動不踰矩成禮介邱追榮社土

唐元宗開元二十七年從祀孔廟追封比徵伯宋真宗咸平三年加封上邽侯明嘉靖九年改稱先賢壤子

先賢石子〔名作蜀字子明陝西鞏昌府人〕

宋理宗紹定三年御製贊在昔石邑能知所尊懋依有德克述無言鼓篋槐市揚名里門此道久視彼美長存

宋大中祥符二年陳充贊宣尼日月無得而踰粵有哲士嘗爲學徒登封偶聖至德崇儒以地進爵斯文迺殊

唐元宗開元二十七年從祀孔廟追封郕邑伯宋真宗咸平三年加封成紀侯明嘉靖九年改稱先賢石子

先賢后子〔名處字子里山東青州府人〕

宋理宗紹定三年御製贊濫濫子里人間至聖攬道之華秉德之柄深造闡域不乖言行全齊之封竹素榮盛

明山東布政司理問呂元善贊青上上腴山高水渚惟大明湖受華不注毓爲精靈
是牛后處至今想見膠東月樹

唐元宗開元二十七年從祀孔廟追封榮邱伯宋眞宗咸平三年加封膠東侯明嘉
靖九年改稱先賢后子

先賢顏子（名祖字子襄山東兗州府人）

宋理宗紹定三年御製贊闕里始教羣弟皇皇好學不倦時維子襄疏封錫命俟于
富陽於萬斯年名譽益彰

明山東布政司理問呂元善贊仙源名派七賢之一子襄之聲秋清可汲定于家傳
坐忘有得巷雖共陋褒嘉臨邑

唐元宗開元二十五年從祀孔廟追封臨邑伯宋眞宗咸平三年加封富陽侯明嘉
靖九年改稱先賢顏子

先賢荀子（名井疆字子疆河南衛輝府人）

宋理宗紹定三年御製贊孔徒三千升堂七十子於其間有業學習駿造聖功巋然獨立茂陟嘉封鴻名緝緝

宋大中祥符二年刑部員外郎查道贊衛之君子達者比肩服勤鼓篋學慕韋編升中覃慶儒術攸先徹侯疏爵關里之賢

唐元宗開元二十七年從祀孔廟追封淇陽伯宋眞宗咸平三年加封滏陽侯明嘉靖九年改稱先賢句子

先賢秦子（名商字子丕山東兗州府人）

宋理宗紹定三年御製贊孔父秦父相尙以德俱生賢嗣相與維則是父是子致詰疇克曾弁儒林令名無極

明山東布政司理問呂元善贊一姓兩賢商年爲最以吾一日何況四歲受教應先故當出類門籍無妨謙處後位

唐元宗開元二十七年從祀孔廟追封上洛伯宋眞宗咸平三年加封鄆城侯明嘉

靖九年改稱先賢秦子

先賢施子（名之常字子恒山東兗州府人）

宋理宗紹定三年御製贊開國乘氏有德斯彰參稽百行贊理三綱自拔行間策名甚光在史藹藹歷久爛芳

宋大中祥符二年太常博士王隨贊懿彼施常學深儒雅魯國上賢孔堂達者跡晦名彰德高言寡侯封是邦昭昭純嘏

唐元宗開元二十七年從祀孔廟追封乘氏伯宋真宗咸平三年加封臨濮侯明嘉靖九年改稱先賢施子

先賢公祖子（名句茲字子之山東兗州府人）

宋理宗紹定三年御製贊推彼子之錫伯期思與賢並進得聖而師彬彬雅道翼翼令儀正目至言廟食不隳

宋大中祥符二年祠部員外郎梅詢贊子之生魯從師尼父恂恂關里峨峨章甫非

聖勿言惟道是與千古而下俾侯齊土

唐元宗開元二十七年從祀孔廟追封期思伯宋眞宗咸平三年加封卽墨侯明嘉
靖九年改稱先賢公祖子

先賢縣子(名成字子祺山東兗州府人)

宋理宗紹定三年御製贊至聖立教子祺安雅擅譽魯邦啓祚鉅野燁矣風猷時哉
用捨出倫離類後學是假

宋大中祥符二年祠部員外郎石中立贊異能之士孔徒實繁悅服至德祖述微言
富稟天爵遊乎聖門追崇之典胙以俟藩

唐元宗開元二十七年從祀孔廟追封鉅野伯宋眞宗咸平三年加封武城侯明嘉
靖九年改稱先賢縣子

先賢顏子(名之僕字子叔山東兗州府曲阜縣人)

宋理宗紹定三年御製贊賢行顏叔親承尼父志鏡所期追尊是輔泥在鈞陶木就

規矩終縻好爵揚名東武

宋大中祥符二年行太常博士崔遵度贊洙水悠悠子叔優優及肩等賜升堂並由元后時邁禮成介邱旌此達者爵爲列侯

唐元宗開元二十七年從祀孔廟追封東武伯

宋真宗咸平三年加封宛句侯明嘉靖九年改稱先賢顏子

先賢子蔑子(名忠字子蔑)

宋理宗紹定三年御製贊惟子挺生道德之門佩服至論鯉則弟昆三得三已所問殊濫君子歸必義不掩恩

宋大中祥符二年太常博士王隨贊賢哉先生聖則夫子道貴希聖聞師行已闕里服膺國庠從祀載享侯封式昭德美

唐元宗開元二十七年從祀孔廟追封汶陽伯宋真宗咸平三年加封鄆城侯明嘉靖九年改稱先賢子蔑子

先賢公西子(名歲字子尚山東兗州府人)

宋理宗紹定三年御製贊猗爾子尚魯邦之望以德則貴惟道是唱師聰師朋友直友諒伯於祝阿儒風斯暢

宋大中祥符二年太常寺丞劉筠贊魯多學者服勤遊聖祝羸惟肖歲也成性綽有餘裕是亦爲政追侯於徐用均天慶

唐元宗開元二十七年從祀孔廟追封祝阿伯宋真宗咸平三年加封徐城侯明嘉靖九年改稱先賢公西子

先賢燕子(名伋字子思山東兗州府人)

宋理宗紹定三年御製贊師度高振大成是集至道克傳賢達斯執善教云褒儒風可立漁陽之士得跂而立

宋大中祥符二年行太常博士陳知微贊人力之徒俱博大義賢哉子思道本無愧鍾靈咸鎬浴德洙泗增封沂源皇澤斯被

唐元宗開元中封漁陽伯明嘉靖改稱先賢燕子

先賢樂子〔名欵字子聲山東兗州府人〕

宋理宗紹定三年御製贊樂氏子聲錫爵昌平信道之篤見善乃明引領高節載維
思誠先賢聿崇出爲時英

明山東布政司理問呂元善贊祈延徵宋姓啟南陽雲祈古檜雨舊第桑曾孟二樂
後先一堂子聲流佈譽泮宮牆

唐元宗開元二十七年從祀孔廟追封昌平伯宋真宗咸平三年加封建城侯明嘉
靖九年改稱先賢樂子

先賢狄子〔名黑字子哲河南衛輝府人〕

宋理宗紹定三年御製贊仰止狄哲抱負淵通游泳德化揚厲素風偉識既異持教
乃隆厥志茂焉茲祀無窮

宋大中祥符二年行太常博士姜嶼贊矯矯子哲來學有方依仁游藝攝齊升堂列

儀先聖物色上庠林慮錫壤百世之光

唐元宗開元二十七年從祀孔廟追封臨濟伯宋真宗咸平三年加封林慮侯明嘉靖九年改稱先賢狄子

先賢申子〔名棖字子周山東兗州府人〕

宋理宗紹定三年御製贊剛毅近仁志操莫渝性非祝鮀面豈子都有一於此剛石可圖云慾則柔蓋生之徒

宋大中祥符二年行右司諫張知白贊洙泗之秀橫經魯堂名亞十哲道尊五常時巡駐驛闕里增光封侯錫命永代流芳

唐元宗開元二十七年追封棖魯伯黨陵伯並從祀孔廟宋真宗咸平三年加封棖文登侯黨淄川侯明嘉靖九年以重名去黨存棖改稱先賢申子

先賢公夏子〔名首字子乘山東兗州府人〕

宋理宗紹定三年御製贊堂堂子乘洙泗之英樞衣唯喏致力知行淵源其學赫奕

其名慶封錫壤侯于鉅平

明山東布政司理問呂元善贊及門之英乃有公夏容鬢如存源脉難畫沂雲泗月
春凝秋瀉元父綸言瑋琤聲價

唐元宗開元二十七年從祀孔廟追封元父伯宋真宗咸平三年加封鉅平侯明嘉
靖九年改稱先賢公夏子

先賢左子〔名邱明山東兗州府汶上縣人〕

宋丁謂贊猗歟左氏聞道素王依經作傳微旨用彰詞有餘韻人希永光慶封錫壤

廣魯之疆

先賢秦子〔名冉〕

先賢牧子〔名皮〕

先賢公都子〔名口〕

先賢公孫子〔名丑〕

先儒范氏〔名甯〕

先儒鄭氏〔名元〕

先儒穀梁子〔名赤山東兗州府人〕

明呂兆祥贊麟筆之初實始西狩魯學垂傳申董名茂宣皇孝思東朝神受未應左邱使赤讓後

先儒高堂子〔名生山東兗州府人〕

宋周起贊秦歷告窮炎靈啓祚篤生令人允真王度名教斯宗禮文有素勒封告成式昭餘裕

先儒子國子〔名安國字子國〕

宋錢惟演贊顯顯臨淮聖人之系訓傳遺文克示永世繪象朝廷章章善繼東封受封是受褒異

先儒毛子〔名萇字長公北直河間府人〕

宋王曾撰孔徒受業商也言詩研精訓詁誰其嗣之毛公興學永代師資疏封錫命
禮治禎期

先儒韓子〔名愈字退之河南懷慶府修武縣人〕

宋呂祖謙贊倡始斯文不膠於物馳騫揚馬并包莊屈富澤周孔詆排老釋言以道
行世行爲一

先儒胡子〔名瑗字翼之南直揚州府泰州如臯縣人〕

明呂維期贊布衣召對教授吳興聖賢自待脫畧功名詔賜銀緋不見寵榮文昭未
若安定先生

先賢程子〔名頤字正叔河南河南府洛陽縣人〕

宋朱熹贊規圓矩方繩直準平允矣君子希也大成布帛之文菽粟之味知德者希
孰識其貴

先儒張子〔名載字子厚陝西鳳翔府郿縣人〕

宋朱熹贊蚤悅孫吳晚逃佛老勇撒臯比一變至道精思力踐妙契疾書訂頑之訓
示我廣居

先儒司馬子〔名光字子實山西平陽府夏縣人〕

宋朱熹贊篤學力行清修苦節有德有言有功有烈深衣大帶張拱徐趨遺像凜然
可肅薄天

先儒胡子〔名安國字康侯福建建寧府崇安縣人〕

明呂柟贊仲尼憂世志在春秋發明奧義實維康侯致嚴褒貶功繼前修於皇錫命
千古垂休

先儒陸子〔名九淵字子靜江西撫州府金谿縣人〕

明呂逢時贊子靜力學別有天分立地當場每應必頓紫陽對答何翅壘陣忽於窮
際自得其間

先儒張子〔名栻字敬夫四川成都府漢州綿竹縣人〕

明羅倫贊穎悟夙成進修不息大本卓然克躋道域傳註發揮四書羽翼義利之言
後人矜式

先儒真子〔名德秀字景元福建建寧府浦城縣人〕

明蔡清贊問世真儒高山仰止衍義一書發揮宗旨正學昌明斯文振起功德在人
宜陞從祀

先賢許子〔名衡字仲平河南懷慶府河內縣人〕

明呂本贊氣和志剛內圓外方隨時屈伸與道翱翔發揮聖經微旨用彰名登從祀
斯文有光

先儒薛子〔名瑄字德温山西平陽府河津縣人〕

明呂兆祥贊讀易河津火其詩賦死拒闞謀生完我故權雖赫門歸偏有路曾不著
書人高翰素

先儒陳子〔名獻章字公甫廣東廣州府新會縣人〕

明呂兆祥贊丈夫得養自有見地何必康濟與成儼議呂欲與官矢不就試一片白

沙有七黑子

先儒蔡氏〔名清〕

先儒尹氏〔名焯〕

先儒黃氏〔名幹〕

先儒何氏〔名基〕

先儒金氏〔名履祥〕

先儒陸氏〔名龍其〕

崇聖祠

自宋大中祥符間叔梁紇始進公而王至元稱啓聖公明嘉靖九年立祠專祀

國朝雍正元年追封五代皆爲王爵更啟聖祠爲崇聖祠配享者嘉靖間惟顏路曾皙

伯魚尋升激公宜爲四配又以周輔成程珦朱松蔡元定配於兩廡爲四從

國朝雍正元年增從祀張迪凡五位

正殿祀

昌聖王伯夏公〔東二室〕

裕聖王祈父公〔東一室〕

肇聖王木金父公〔中一室〕

貽聖王防叔公〔西一室〕

啟聖王叔梁公〔西二室〕

東配二位〔西向〕

先賢顏氏〔諱路〕

先賢孔氏〔諱鯉〕

西配二位〔東向〕

先賢曾氏〔諱點〕

卷之七 學校志

先賢孟氏〔諱激公宜〕

東廡三位

先儒周氏〔諱輔城〕

先儒程氏〔諱珦〕

先儒蔡氏〔諱元定〕

西廡二位

先儒張氏〔諱迪〕

先儒朱氏〔諱松〕

文廟崇祀考夫子自哀公誅辭稱尼父爲立廟舊宅然生不能用死而誅之非禮稱子一人非名君子譏之秦政燔書儒道屏棄至漢高帝過魯以大牢祀此漢祀孔子始也孝武表章六經其功最鉅元帝詔褒成君霸以所食邑祀孔子賜霸爵關內侯此孔子之後稱侯始光武并祀七十子於孔廟此弟子從祀之始明章東巡皆親祀

而章帝尤虔雖桓靈勿類然桓則廟置百戶卒春秋享祀靈則畫先師及七十二賢像以祀也魏正始間令太常釋奠祀於辟雍以顏淵配釋奠及顏子配享皆始於此前祇祀於闕里及是行於太學矣至皇太子釋奠始於晉武釋奠用軒懸之樂始於宋高有司之行薦享則始於孝文每月朔行禮則始於北齊天保間南北六朝之際多故矣而崇祀不敢廢也隋文贈爲先師尼父以周公爲先聖南面孔子東面命州縣學以春秋二仲釋奠此州縣學釋奠之始也元魏命有司薦享至唐高祖詔國學立周孔廟各一太宗貞觀初別祀周公尊孔子爲先聖顏淵爲先師配焉又詔州縣皆立廟四時致祭以左邱明等配此定孔子先聖正南面祀郡邑學以先儒配之始也復定釋奠儀以祭酒司業博士備三獻後世國學遣官釋奠蓋始此而州縣以守令主祭亦始此矣高宗復聖周公師孔子長孫無忌等諫止之蓋專祀孔子自漢已然晉范堅問馮懷曰漢代以來釋奠先師惟享仲尼不及公旦何也馮曰若如來教當憲章堯舜文武豈惟周公然則貞觀定制古今不可易歟總章元年贈顏淵少師

曾參少保此則追贈弟子之始亦以曾子配享之始也開元間以孔子爲文宣王服袞冕樂用八佾定祭期春秋上下贈弟子公侯伯追王定祭皆自元宗始降自五季雖凶暴如周主威然猶感夢下拜宋藝祖詔立戟門親撰贊詞太宗特免庸調詔孔宣龔封文宣公真宗幸闕里特展拜欲追稱帝格於周無帝稱而止遂加諡至聖文宣王追封父爲齊國公母顏氏爲齊國夫人妻亓官氏爲鄒國夫人父母妻之追封自此始也仁宗卽位三幸太學再拜改封孔宗愿爲衍聖公衍聖之稱蓋始此宋興百十年間其尊師如此關閩濂洛之儒輩出有以哉神宗詔孟軻爲鄒公配享次於顏子此孟子配享之始也哲宗初太學一獻再拜徽宗詔冕用十二旒袞服九章封孔鯉泗水侯躋倭從祀則子思配享之始也又以史記有公夏首至廉潔十人贈侯爵從祀皆未爲失乃政和三年以王安石配享王雱附之則顛倒甚矣逮南渡播遷孔氏挈族如衢州高宗紹興始以孔玠龔封至理宗斥去安石祀周程張朱而是非乃明遼金亦知尊崇如舊制至元世祖命丁祭執事皆具公服執手板成宗初勅到

任官先謁廟到任先謁自成宗始也大德十年加大成至聖文宣王至順初又封孔子父爲啓聖王母爲啓聖王夫人顏曾思孟皆加公爵則元文宗始也明高帝初詔祀孔子於京師及曲阜以錢唐言令天下通祀二年黜孟子配享唐又諫復之十四年遣官以大牢祀帝遂視學釋奠禁婦女入廟者斬孝慈后欲謁廟不許築土山於門外憑高瞻拜焉二十六年大晟樂成頒樂器於郡學州縣爲式成祖命視學服皮弁行一奠四拜禮行四拜禮乃自此始睿帝禁釋老宮祀孔子令祭物非所產者以所產代景帝增祭品純帝加牲用樂增八佾十二籩豆敬帝用大牢加幣改分獻爲分奠晉衍聖公秩二品朝會班一品上示不臣也孔氏世舉一人爲曲阜令公親弟承子思子爲翰林博士其系衢州者亦襲博士其尊聖隆矣嘉靖九年又從大學十張璁議稱爲至聖先師四配爲復聖顏子宗聖曾子述聖子思子亞聖孟子兩廡從祀稱先賢先儒去像易木主大成殿爲先師廟別立祠祀叔梁紇爲肇聖公以無繇點鯉孟孫氏配稱先賢於是祀孔子非道之制盡更矣

國朝歷世相承酌古準今禮儀盡善

詔封五世王號改啓聖祠爲崇聖祠典禮有加稱極盛焉

先儒從祀考先儒從祀自唐貞觀間以左邱明二十二入始孟子廟以樂正子配享以公孫丑至子叔十七人從祀則宗政和間是也理宗時又有當代從祀者周敦頤二程張載朱熹張栻呂祖謙七人孔鯉邵雍司馬光則度宗時所祀也明初兩廡百有五人其進董仲舒而黜楊雄以雄有劇秦美新之論進胡安國蔡沈真德秀則在正統三年也嗣後屢經攷議是非乃定申黨即申棖攷之史記以其複則去黨也公伯寮讒仲由沮孔子則不宜祀秦冉顏何以不見家語疑無其人而去也至如荀况言性惡以子思孟子亂天下劉向喜神仙方伎賈逵附會織緯王弼崇老莊馬融貪鄙附勢殺李固何休春秋解詁黜周王魯又著風角占等書戴聖初毀何武武貸其子死後媚之王肅黨司馬氏而濟其惡杜預建短喪議又因斫瘞之譏盡殺江陵人吳澄以宋貢舉而仕元皆黜嗟乎之數人者或以著述名或以功業顯非不炳炳麟

麟照耀當時而一行其謬直不能以一日居然則兩廡俎豆其可倖焉者哉至若林放蘧瑗本非弟子鄭衆廬植鄭康成服虔范甯著書皆未及聖人之精微故此七人各祀於其鄉也明嘉靖九年以程瑀朱松蔡元定從祀於啓聖祠萬歷二年又以周輔成祀焉十二年以程氏弟子羅從彥李侗暨當代薛瑄王守仁陳獻章胡居仁從祀於廡皆論之至公者也

國朝康熙五十一年升朱子於十哲之次五十四年以范仲淹從祀迨雍正二年釐定兩廡先賢先儒復蘧瑗林放秦冉顏何增牧皮縣亶則據家語史記增入者也孟子門人增樂正子克公都子萬章公孫丑則準政和四年從祀鄒公廟之制也又復鄭康成范甯諸葛亮尹焞黃幹陳淳魏了翁王栢何基趙復金履祥許謙陳澔又增張載父迪於崇聖祠則川前明國子張養蒙說也於明則增羅欽順蔡清

國朝則增陸龍其乾隆三年特升有子於殿爲十二哲位次在卜子下又復吳澄從祀於廡此皆集議以定一代之制成千古之大典也

國朝新增入祀東廡者先賢鄭國僑咸豐七年祀先儒毛亨同治二年祀陸贄道光六年祀謝良佐道光二十九年祀李綱咸豐元年祀文天祥道光二十三年祀方孝儒同治二年祀呂枏同治二年祀劉宗周道光二年祀孫奇逢道光八年祀入祀西廡者先賢公明儀咸豐七年祀先儒韓琦咸豐二年祀陸秀夫咸豐九年祀曹端咸豐十年祀呂坤道光六年祀黃道周道光五年祀湯斌道光三年祀皆新入兩廡亦崇儒重道昌明正學之至意也

藤縣志卷之八

學校志

陳設

雍正三年奉

旨大成殿正位祭品增用大牢乾隆四十八年奉

頒文廟陳設圖於學

大成殿正位 禮神制帛〔白色長二丈八尺篚一〕犢一羊一豕一〔俎三〕醴〔白瓷爵

三〕大羹〔登一〕和羹〔鉶二〕黍稷〔簋二〕稻粱〔簋二〕形鹽藟魚棗栗榛菱芡鹿

脯白餅黑餅〔籩十〕韭菹醯醢菁菹鹿醢芹菹兔醢荀菹魚醢脾析豚拍〔豆十〕圓

降炷香瓣香〔香爐二〕大燭〔燭座二〕醴〔樽一〕

四配東西各一案每案 禮神制帛一〔色與丈尺同正位篚一〕羊一豕一〔俎二〕醴

〔白瓷爵三〕和羹〔鉶二〕黍稷〔簋二〕稻粱〔簋二〕形鹽藟魚棗栗榛菱芡鹿脯

籩八 韭菹醢醢菁菹鹿醢芹菹兔醢芻菹魚醢(豆八)圓降炷香(香爐一)中大燭(燭座一)醴(樽)

十二哲東西各六案每案 醴(白瓷爵一)黍(簋一)稷(簋一)形鹽棗栗鹿脯 籩

四 菁菹鹿醢芹菹兔醢(豆四)

東西另設各一案每案 禮神制帛六(篚一)羊一豕一(俎二)醴(獻爵二)圓降

炷香(香爐一)中燭(燭座)醴(樽一)(東西共)

兩廡四位一案每案 醴(銅爵四)末案東三四一

黍(簋一)稷(簋一)形鹽棗栗鹿脯(籩四)菁菹鹿醢芹菹兔醢(豆四)

每廡另設牲案二每牲案 羊一豕一(俎一)醴(樽一)另設香案二每香案 制

帛二(篚二)醴(獻爵二)降香(香爐一)燭(燭座一)

禮器篚十一俎二十七登一鉶二十二白瓷爵二十七(又十二哲獻爵六或亦用

瓷)銅爵一百二十三(又兩廡獻爵十二或亦用銅)簋五十四簠五十四籩二百

六十八豆二百一十八香爐二十一燭座四十二酒樽十二祝版一

樂器麾旛一首金鐘十六口〔即古編鍾〕玉磬十六口〔即古編磬〕大鼓一面〔即

古應鼓〕搏拊鼓二座〔即古鼗鼓〕祝一座啟一座琴六張瑟四張排簫二架〔即

古鳳簫〕笙六攢簫六枝笛六枝塤二箇篪二管〔舞器〕旌節二首羽籥三十六副

〔以上佾舞生三十六人樂工五十二人〕

樂章〔乾隆八年部頒〕

迎神奏咸平之章〔無舞〕大哉

孔子先覺先知與天地參萬世之師祥徵麟紱韻答金絲日月既揭乾坤清夷

初獻奏寧平之章〔有舞〕予懷明德玉振金聲生民未有展也大成俎豆千古春秋

上丁清酒既載其香始升

亞獻奏安平之章〔有舞〕式禮莫愆升堂再獻響協鼗鏞誠孚壘卽肅肅雍雍舉毛

斯彥禮陶樂淑相觀而善

終獻奏景平之章〔有舞〕自古在昔先民有作皮弁祭菜於論思樂惟天牖民惟聖時若彝倫攸叙至今木鐸

徹饌奏咸平之章〔無舞〕先師有言余則受福四海巽宮疇敢不肅禮成告徹毋疏毋瀆樂所自生中原有菽

送神奏咸平之章〔無舞望燎同〕鳧繹峨峨洙泗洋洋景行行止流澤無疆聿昭祀事祀事孔明化我蒸民育我膠庠

崇聖殿正位五案各案 禮神祭帛一〔白色長一丈八尺篚一〕羊一豕一〔俎二〕醴〔白瓷爵三〕和羹〔鉶一〕黍稷〔簋二〕稻粱〔簋二〕形鹽鳧魚棗榛菱茨鹿脯〔籩八〕韭菹醢醢菁菹鹿醢芹菹兔醢荀菹魚醢〔豆八〕圓降炷香〔香爐一〕中大燭〔燭座二〕醴〔樽一五案共〕祝版〔共一〕

配位四案 禮神制帛共二〔白色東西各一〕羊豕各二〔東西各一〕醴〔每案銅爵三〕黍〔簋一〕稷〔簋一〕形鹽棗栗鹿脯〔籩四〕菁菹鹿醢芹菹兔醢〔豆四〕醴〔

樽一四案共

兩廡兩案 禮神制帛共二〔白色東西各一〕羊豕各二〔東西各一〕醴〔銅爵五每
位各一〕黍〔簋一〕稷〔簋一〕形鹽棗栗鹿脯〔籩四〕菁菹鹿醢芹菹兔醢〔豆四〕
醴〔樽一兩案共〕

名宦祀裴肅李曉庭郎簡文魁孫懋趙文潘明祚其陳設同兩廡隨文廟祭日行禮

按右名宦照省郡志所載開列與現在祠內所祀姓名互異詳名宦傳

鄉賢祀黃聚楊霖胡如孟喻河霍榮喻江徐容喻漢余全傅鑑傅惟宗萬祥王好善
其陳設祭期祭儀俱與名宦一體

按唐進士李堯臣志行卓卓居官有異政省郡志俱稱崇祀鄉賢應請補入

忠義孝弟祠在正殿後祀李用謙李奉政黎琳陳乾蒙英石瓏楊表萬顯其陳設典
禮與鄉賢同

節孝祠祀前後節孝婦女其陳設典禮與孝弟祠同在學宮照墻右

明倫堂在學宮左

學額文武各十二名〔同治元二年胡毓璠籌辦軍糧銀四萬六千餘兩五年巡撫張凱嵩奏准文武學額各加四名新舊學額永遠各十六名〕

增廣額二十名

廩膳額二十名每年廩糧四十三兩三錢三分連閏

康熙四十一年欽奉

御製訓飭士子文〔建碑明倫堂〕

國家建立學校原以興行教化作育人才典至渥也朕臨馭以來隆重師儒加意庠序近復慎簡學使釐剔弊端務期風教修明賢才蔚起庶幾棧樸作人之意乃比來士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加儆飭爾諸生其敬聽之從來學者先立品行次及文學學術事功源委有叙爾諸生幼聞庭訓長列宮牆朝夕誦讀寧無講究必也躬修實

踐砥礪廉隅敦孝行以事親秉忠貞以立志窮經考義無雜荒誕之談取友親師悉化驕盈之氣文章歸於醇雅無事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行己多愆或蜚語流言脅制官長或隱糧包訟出入公門或唆撥奸猾欺孤凌寡或招呼朋類結社要盟乃如之人名教不容鄉黨弗齒縱倖脫襦扑濫竊章縫返之於衷能無愧乎鄉會科名乃掄才大典關係尤鉅士子果有實學何患困不逢年顧乃標榜虛名暗通聲氣夤緣詭遇罔顧身家父或改竄鄉貫希圖進取鸞凌騰沸網利營私種種弊端深可痛憾且夫士子出身之始尤貴以正若茲厥初拜獻便心作奸犯科則異日敗檢踰閑何所不至又安望其秉公持正爲國家宣猷樹績膺後先疏附之選哉朕用加惠爾等故不禁反復惓惓茲訓言頒到爾等務期共體朕心恪遵明訓一切痛加改省爭自濯磨積行勤學以圖一進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若仍視爲具文玩愒勿做毀方躍冶暴棄自甘則是爾等冥頑無

知終不能率教也既負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難追勿謂朕言之不預也願多士尙敬聽之哉

乾隆四年奉

上諭士爲四民之首而大學者教化所先四方於是觀型焉比者聚生徒而教育之董以師儒舉古人之成法規條亦既詳備矣獨是科名聲利之習深入人心積重難返士之所以汲汲皇皇者惟是之求而未嘗有志於聖賢之道不知國家以經義取士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其弟師所以教其弟子弟子之所以學舍科舉之業則無爲也使古人之學止於如此則凡可以得志於科舉斯已耳所以汲汲焉愛日不倦以至於死而後已者果何爲而然哉今之士子不知此以爲苟足應有司之求矣則無事乎汲汲爲也是以至於惰遊而不知返終身不

能有志於學而君子以爲非士之罪也使教素明於上而學素講於下則士者固將有以用其力而豈有不勉之患哉諸君果能致思於科舉之外而知古人之所以爲學則將有欲罷不能者矣觀朱子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足動念何患文章聲譽之能奪志哉况爲科舉亦無礙於聖賢之學朱子云非是科舉累人人累科舉若見高識遠之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應科舉然豈能累孔子耶此言即是科舉中爲己之學誠能如此則四書五經皆聖賢之精蘊體而行之爲聖賢而有餘不能爲己則雖經義治事而督責亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求志於聖賢豈不謬哉朕膺君師之任有厚望於諸生適讀朱子書見其言切中士習流弊

故親切爲諸生言之俾司教者知所以教爲學者知所以學欽此

乾隆二十四年內閣奉

上諭前因磨勘順天等省鄉試卷見其中字句紕繆者不一而足甚至不成文藝如飲君心於江海之語於文風士習深有關係已降旨宣諭中外俾衡文作文者知所警惕第念別裁僞體以端風尚固在考官臨時甄拔公明而平日之造就漸摩使士子皆知崇實黜浮不墮揣摩博撿惡習則學政責任尤重鄉會兩試乃士子進身階梯而學政於三年之前歲科考校評隲甲乙者此日之生童即可爲他日之舉人進士所云正本清源舍是無由也爲學政者果能以清真雅正爲宗一切好尚奇詭之徒無從倖售文章自歸醇正否則素日趨向紛岐一當大比爲試官者鑱闡校拔不過就文論文又何從激勸而懲創且學政按臨謁廟講書原與士子相見非考官易書糊名暗中摸索者比文章一道人品心術即於此見端自應隨時訓勵整頓務去佻巧僻澁之澆風將能爲清真雅正之文而其人亦可望爲醇茂端謹之士由此賢書釋

褐足備國家任使斯士子無負科名而學臣亦不負衡文之任但不得因循是旨徒以字句疵類易爲磨勘指摘遂專取貌似先正之文於傳註無所發明至相率而歸於空疎淺陋此又所謂橋枉過正救弊適以滋弊不獨輿論難誣一經朕鑒察亦惟於該學政是問今歲正學政受代之始諸臣皆朕特簡各宜勉副興賢育才至意着將此旨錄於學政公署并各府州縣學明倫堂用資觸目警心而凡我多士亦皆得審所就範朕實有厚望焉欽此

乾隆十年內閣抄出奉

上諭國家設科取士首重四書文蓋以六經精微盡於四子書設非讀書窮理篤志潛修而欲握管揮毫發先聖之義蘊不大相逕庭耶我

皇考清真雅正之訓朕題貢院詩曰言孔孟言大是難乃古今之通論非一人之臆說也近今士子以科名難倖獲或故爲艱深語或矜爲俳麗辭爭長角勝風簷鎖院中偶有得售彼此倣效爲奪幟爭標良技不知文風日下文品日卑有關國家抡才大典

非細故也夫古人之論文以渾金璞玉不雕不琢爲比未有穿鑿支離可以傳世行遠者至於詩賦揆藻敷華雖不免組織煊染然亦必有真氣貫乎其中乃爲佳作今於四書文採掇詞華以示淹博不啻於孔孟立言本意相去萬里矣先正具在罔識遵從習俗難化職此之故嗣自今其令各省督學諸臣時時訓飭鄉會考官加意區擇凡有乖於先輩大家理法者擯棄弗錄則詭遇之習可息士風還淳朕有厚望焉該部通行中外知之欽此

社學

南山社學明洪武八年同知金文仲建推文簡後裔馮士照爲師

仁壽社學明永樂四年知縣周順建于永安門外申明亭故址

登俊社學明正統間建于迎恩門外今圯

澗西社學明隆慶五年知縣蘇湖建舉邑人胡如福掌教

南社學明萬曆五年知縣陳雅言改城南鄉賢祠爲學舍今廢

義學一日橋清學舍

國朝雍正十二年知縣楊世昌捐俸購謝姓地建於城南門內蓋因城西三元舊祠地處喧囂房宇湫隘不可以久故遷建於迎恩門歷年延師掌教置有膏火田畝勒石以垂不朽有記

義學脩儀銀兩係在府城傳經書院丈出溢田內抽撥稅米五石每石折收銀六兩共銀三十兩內除納糧銀五兩五錢實共銀二十四兩五錢遞年由縣催收支送又隨化里高段村穀二十四石下馬村穀二十石共穀四十四石俱世昌置

捐造義學記（雍正十二年季冬月）

楊世昌

將有非常磊落之士是必涵育薰陶培養深厚而後奇偉不凡明體達用者挺生于其間蓋根之茂者其實遂膏之沃者其華光理固然也藤于粵稱巨縣自宋明以來若馮文簡之文學李司諫之直節以及喻氏昆玉傅徐喬梓類皆名振當時聲施後世乃數十年來雖登賢書者概不乏人而聯翩彙進追蹤曩跡漸不如昔豈古今人

不相及耶抑父兄之教不先而官斯土者于居肆成事之義亦未之講也我

皇上加意作人聲教覃敷無遠弗届直省書院之設尤亘古所未有余承乏茲土不忍以
育才重地茂草興悲于蒞任之初爰葺三元舊祠捐俸延師蓋三年于茲矣但地處
渾鷲房宇湫隘不可以久乃于城南門內購謝姓地庀材鳩工始于甲寅仲春閱天
中而告竣一磚一木概係竭綿弗敢勞民已經詳請在案其師生膏火先則有報墾
案內斷給之田計糧一石五斗一升五合坐落隨化里高段村按田徵租後則因二
十五八兩都歸郡書院稅糧項內詳請准給五石每年除糧耗外計有二十餘金其
另置社田以供月課之用買自錢姓者別有司事之人並不與其內也自是以後既
有以奠厥居又有以供厥用而我藤士子蔚然蒸然共澤以詩書敦其孝友將來有
守有爲爲

國家之楨榦當必什伯于前者庶不負余造就之苦心也

按楊世昌雲南蒙自人以孝廉任昭平令多善政雍正九年調知藤縣性和平有

易直子諒之風撫字心勞羣黎皆沾其惠嘗以爲求治不宜太亟束縛之馳驟之急則敗矣挈其大綱而條目徐以就理則政不煩而民不擾夫士爲四民之首士習敦則民風自厚爲治之綱無事外求也以故因公下鄉及士子謁見咸諄諄以力學爲勸而建義學延名宿親爲督課藤之學校日興藤之民俗爛淳矣轉官去邑人至今尸祝焉

書院

三元書院在縣治西街東面世傳馮文簡公故址明景泰元年僉事湯性方創建三年知縣唐禮重建並購旁地以廣之宏治元年知縣廖佐復建樓堂以祀文簡萬歷九年奉勘鬻爲民居別建永安門內

國明乾隆五十七年闔邑紳士重修

按三元書院爲馮當世故居原在西城今義學在迎恩門內地判西南舊郡志以義學爲書院改創誤

南麓書院在縣學東北隅明嘉靖九年典史孫懋建萬歷六年知縣陳雅言修末年火崇禎九年知縣梁昌重建今圯（郡志載洪武間金文仲建悞）

友仁書院在三元書院右明隆慶元年同知攝縣事何文紹建萬歷九年廢爲民居解元書院在赤水鎮仁封鄉原爲三界祠舊址明嘉靖元年提學劉節改建今廢

鳳山書院原東嶽祠明嘉靖初改建萬歷十年復爲祠

藤州書院在學嶺巒宮左嘉慶乙丑年知縣陳廷璠倡建坐西向東前爲頭門頭門內左耳房一間廚房一間右耳房一間廚房一間第二座爲講堂學使祁墳手書間津堂以顏之知府王友蓮手書陶鎔義俊匾懸於前楹堂之前亭一座堂後半座爲內塾向西左右房二間第三座爲文帝殿殿前亭一座與內塾相連殿左右二房殿上爲奎星閣閣左右亦二房後座爲三代祠祠左右二房廚房二間兩邊學舍共一十六間爲諸生肄業之所頭門外有陳廷璠創修藤州書院碑記及闔邑官民捐助碑桂花二株惜字爐一座頭門內有嘉慶十三年平南胡朝瑞膏火碑記間津堂左

有聘山長定規碑書院戶口田業碑院左傍石路直砌至龍頸俱首事陳正矩朱棠王俊昌劉楊吳斯圻梁起高胡希元督理其事書院既成師生遞年膏火無項可支衆議縣中紳士捐銀二百兩以上者列其先人名于後殿左右二房俾誦讀于斯者知膏火所自來膏火田畝詳於後

按藤縣向無書院陳廷璠到任潔已愛民每以訓俗型方爲事舉約正宣講

上諭履郊原勸課農桑立保甲防弭盜賊民風丕變然猶以未有書院爲憾召邑紳士議以創建紳士樂其作育人才遂率衆鳩工越數月落成時詣講堂與諸生辨析經義亶亶不倦解組後邑人思其德爲之立長生位于書院以誌去思

膏火田業

嘉慶十一年二月十五日

買受四十一都黃錫璘田業一庄坐落三十九都土名案塘一張三丫自口至表塘底田一段下至石礮止馬鹿埔田一埔自口至表埔口田二段上嶺嘴田一段羅笛

埔田一埔自口至表裏至大隱塘底止松木塘一張二丫右至表左至兩龜塘兒底止松木塘平地一塊內水母塘一張平底田兒一段無插花原稅米四斗三升價銀三百二十兩

嘉慶十二年二月十三日

買受三十都龍蓬村曾鼎伯田業一庄土名粘糯坳圳藤起一埔至表一連小埔一丫亦至表錦段無插花以天水爲界戶塘田大小三坵邦降埔口田一坵邦降田一連六坵邦降隔河田三坵婆老埔口田一坵木山埔口田一連六坵龜脰埔田一連十八坵龍蓬口河邊屋地一所菜園地一所魚子塘一張山場竹木手植積長各處盡賣土瓦磚屋一座兩廡橫屋二間掌管山場界址自大力山脰起至木山口止下邊自邦降大化起至架澗埔屋背山一塊項至茶根邊爲界兩邊嶺岐爲界對面木山一塊火路爲界稅米一石三斗五升包荒在內價銀七百六十四兩

嘉慶十三年四月二十三日

買受藤縣十都二甲李蒼衛戶田業土名新畜塘田九坵古帝塘田十坵烏諾塘八
坵新車塘十三坵三色塘十三坵三色表十八坵勒竹塘十三坵掘埔一坵古帝表
七坵新畜兒三坵松木塘十四坵河口塘七坵霸利二十八坵底𠵼三坵羅池塘四
坵神田埔兒六坵神田口二坵羅池底七坵大井邊三坵霸利塘九坵雙柱一坵莫
由塘二十四坵霸利底三坵坵橋十九坵坵橋𡵿六坵坵橋底田三坵掃塘底一坵
掃塘肚五坵寺門塘底十二坵大社洞尾六坵大社洞頭七坵黃疆二
坵淋猛埔八坵底淋五坵佛子底二坵崩塘底三坵古旁口四坵寺門垠二坵烏諾
塘底十七坵寺門塘十一坵鐵爐底二坵鐵爐面一坵土地垠五坵橋柱五坵魚子
塘三口已上田業坐在神田西岸地面 又一契土名東埔山表十五坵山表橫埔
二十二坵扶爐𠵼四坵牛角埔口三坵牛角埔六坵楓木塘九坵黑壽塘十四坵胡
殮十九坵孔谷底口共七坵馬塘二坵山口四坵埤底三丫埤田二坵公婆口一坵
洞弗垠三坵井田一坵樟木垠六坵樟木口四坵水弗三坵木路圳底一坵石礪八

坵雷劈二坵大厓二坵舊屋底六坵曇仁埔二十五坵古城底二坵西埔底三坵陳
婆底四坵陳婆埔十一坵大垠塘角二坵大宕秧地三坵大垠塘底十坵茶山口二
坵寨脚三坵狂埔八坵雞母一坵底凍口二坵石嘴垠一坵坳突垠五坵沙擁一坵
嶺嘴五坵井夏三坵鴨脚塘面二坵鴨脚口八坵屋面坳八坵樓底九坵對頭一坵
魚子塘底六坵木路底二坵屋坳六坵浸谷造二坵社嘴二坵河頭二坵古類塘底
角一坵已上田業坐在七都焊池地面 又一契土名上思勞塘十一坵思勞塘十
三坵白石坳九坵甘埔口十三坵甘腰八坵甘埔表九坵塘嶺四坵塘嶺塘二坵塘
嶺背二坵橫坳九坵白石嶺脚十三坵橫口二坵坳井塘表共九坵井塘底五坵社
田大田一坵大坡九坵石頭塘表一坵魚馬嶺一坵黃老尾三坵淫塘底十一坵淫
塘并大小埔共三十五坵佛田埔九坵上余坳三坵高坳二十六坵其田坐在七都
南村地面 又一契土名黃坵塘腰三坵山塘口五坵某埔底三坵坳埔口并坳口
九坵魚其碑魚梁底共三十一坵張其底七坵勒塘二十八坵東宮埔二坵楊梅埔

二坵魚梁三十四坵石埭十六坵星塘八十九坵大青山埭四坵神田村禾地一塊其地坐在七都南村地面已上共田一千零七十一坵另魚塘三口原稅米八石三斗三升八合七勺共價銀三千五百兩正包荒在內

右膏火田畝係邑內原任南甯訓導鄧國楨捐銀三百兩舉人陳璋奉直大夫蘇秉星明經進士蘇翔朱桐庠生朱如休覃嘉 蘇穰俊楊廷檀登仕郎李佳章太學生石持高黎文綱石光攻李巨章莫日成處士王天長石持振陳炫琪吳朝翰石耀琪各捐銀二百兩并隨力資助者合共捐銀四千六百有奇公同置買

新建藤州書院碑記

陳廷璠

人才關乎學校設成均以造士立教之大端也

國朝仍漢唐之制首善自京師始外省會府州縣皆建立書院其最著者則楚之嶽麓豫之嵩陽江右之鵝湖白鹿講貫指授率有師承其英才輩出亦皆隆於前古蓋人才散處獨學無友則孤陋寡聞故設爲講院以整齊之處之燕閒之地示以遜志之

方俾知博習親師論學取友相與敬業樂羣觀感興起我

朝廷作育人才磨礱成就之至意至深且遠也余於嘉慶九年秋自荔浦移宰茲土筮

日謁

文廟將登講學之堂進諸生與之申明教學相長之道則南城之隳敗屋數椽榛莽翳
塞詢縣之人士知講院之隳廢數十年於茲矣夫藤號名區自進士李公堯臣殿撰
馮公京而後英才輩出茲雖繼起有人而講院之設墜焉弗舉是亦政之未備也爰
告紳士捐廉俸爲闔邑倡邑紳士咸願輸助經紀其始終迺擇地於巽宮之旁諏吉
於建酉之月工不鳩而集材不斲而豐並建

文昌專祠於講堂之後以爲諸生展拜之所兩廊構廂室十六楹爲學舍庖福井區皆
具閱八月而工告竣用則四千有奇財無冒濫工不粉飾山廻水抱風氣完厚翬飛
鳥革簷楹森聳輪焉奐焉多士攸賴此雖一邑之講院乎而經明行修儒風振起于
衿轍咏巾卷充衢

聖天子壽考作人昭回雲漢鼓之以和風化之以時雨紹修正學休暢皇風昌期五百年
世間出誠治統道合一之會也講院之成適際其候事既歲鄉人士請誌顛末紀
歲月以垂永久迺系以辭曰

鬱此藤州據劍水上游襟帶纂寮其源孔悠適有講塾以襄棧樸作堂翼如五典爲
勗惟廉茂是育或峨其冠或褻其祛擁經而前育唐孕虞歷有年載墜塗圯毀爰諗
多士屏棄湫隘吏諸爽塏背嶺臨江惟夫子宮牆近聖人之居宜廬其旁粵在旂蒙
赤奮若衆志咸恪亟建鼙鼓是究是度維此邦之士如痿思起禘然肆然願執綱紀
閱數月而塾成兼奎閣是營觚稜嶙峋浮柱連葦以啓文明爰進諸生偕來瞻仰攻
木叩鐘成材發響孰非髦士而不向方孰甘老畎畝孰勿思觀國光斯塾旣鞏燕陶
涵養絃誦移風匪倚而講縫掖在斯顧名而思刻石紀始視此聲詩

藤州書院規約

夫易著盍簪書明教胄禮詳鼓篋詩咏求聲良以師生有敦學之資朋友獲觀摩之

益况以南北國所懸之聲氣聯而治於文章上下庠所育之英才合而聚之黨塾洵推挽之足樂實切琢之宜勤茲惟藤邑感義故封永平舊治龍驤南峙翠湧文峯繡水東滌碧涵靈沼李進士首舉於唐科名漸盛馮三元楊芬於宋樸學堪師由來稱鍾秀之奇自此著人文之煥久宜追蹤曩哲騰其虎氣龍文所當繼武前修儲此春華秋實者也僕學荒不殖質窳無長鞅掌頻勞有媿詞壇於鄴下師資可就得藉講習於河汾如枹鼓相從無慮搗而不應既懸鐘待發須知叩則斯鳴擅文囿之鸞龍願偕才子拾騷經之香草尤望童蒙用列規條共期砥礪

一氣質之宜變化也夫毗陰毗陽喜怒多失宜之候剛克柔克血氣有受治之功必藹吉流輝始得合交游之誼况和平養福更足消暴戾之災倘凌競未捐學校何殊於市井或恣睢時露衣冠即類於屠沽積三年而去一矜正需學力澄千頃而不偶濁乃見儒修各宜虛湛其懷慎毋費凌其習

一言動之宜謹飭也夫出好與戎啟口即關釁咎臨淵集木出門盡屬危途思吉人

之寡辭守瓶宜謹法君子之慎動執玉甯忘倘謔浪相高不顧摩堯之戒跡弛自肆罔知滅火之修卽屬敗羣違言我黨欲詭薄無譏於世宜尤悔早寡於身

一誦讀之宜勤奮也聞之易張十翼書標七觀禮備五經詩昭四始三傳列於太學三禮緝有成編是皆經國之大猷莫非淑身之要道分年有例詎屬難行繼晷加勤自能詳讀若夫國策爲文章之祖國語備經傳之遺旁及莊騷下通史漢八家之選肇始鹿門五子之書會歸皇極並取携之至要皆闡發之先資化日舒長何待三冬而始足韶年荏苒正宜萬卷之俱開別有山經海錄咸可擷其英華逸乘稗編均有資於考證恥金根之貽誚宜馬勃之兼收削濫公之枕時儆酣眠引蘇季之錐頻須刺血

一問辨之宜詳察也夫典籍有微言非闡揚而莫析詩書含奧旨舍思悟而奚通倘口誦而心勿維詎芳腴之我餉或貌合而神勿浹亦糟粕之空存故學問思辨用力而兼博審慎明操修必備折衷祈歸於一致問難不厭於多端雖導窾新礪有慙中

紫而臨歧老馬尙或知途各宜操几而前勿待巡筵以儆

一文體之宜醇正也原帖括之始用以闡經而科舉之程因之取士發聖賢之奧蘊
擇理宜純揚道德之光華吐辭須雅若使風雲月露徒夸浮靡之觀牛鬼蛇神甘入
詭奇之路有乖正體便屬邪魔况

黼座崇文以雅正清真久懸

功令而文衡報績以磨勘校對特別旌懲是以軋苗累詞旣勒紅以著醜魄駭怪語復
刊榜以明羞良可惕也奚容忽諸今每月以六日爲期每課則詩文兩藝循阡數陌
勿爲越畔之思寢矩枕繩毋敗先民之檢

一詩學之宜講求也原夫四始彪炳六義環深劉舍人明詩之什能讀卽見淵源嚴
滄浪詩話一篇詳推亦知正變自迂士偷安訓詁視聲韻爲外篇且學究墨守儒先
等咏陶爲玩物管絃草莽雅頌淪胥近自

宸展賡歌藝林復古三年鄉會例用五言兩度歲科定爲八韻迺鎖闈未閉爭辨音聲督

學將臨先愁比偶甚有鬢宮夙望乞隻韻於鱗年白首者儒假數聯於隣舖吁可怪
矣不亦惡乎夫八义立就漫云脫手如九七步能成須識嘔心皆血是非四聲八病
研練功深二西五車博綜日久鮮不含鈎而莫吐邊言游刃而無難是故學必窮原
宜推本於元鳥雲門而上假令務先其急姑從事於開元大歷之間庶幾疏雨微雲
不難壓座將見夜珠明月便可標名

一書法之宜端楷也昔鍾繇議筆畫被至穿張旭揮毫濡頭皆墨雖韋康之戒子楷
可無傳而唐代之掄才書還居一若使凍蠅滿楮何以自謂經生試看春蚓紫毫詎
不有慙學者至如華之爲葉誕之爲誕豐澆莫辨商商無分雖由踵襲之外訛大爲
篇章之疵類芭蕉萬樹應早臨摹柿葉三門亟求體法果爾綺鮮花散妙格可以怡
神將見玉潤珠圓佳文因之生色甚有關於小試宜早正於幾先

同治七年春何昌光何斗光捐銀貳百肆拾兩蘇念祖捐銀貳百壹拾兩胡毓璠胡毓璜捐銀柒拾兩俱歸入賓興館以爲作育人材之用

藤縣志卷之九

田賦志總序

則壤成賦說始于禹貢而其法莫備於周官試觀司民生齒登下之版卽今戶口冊籍也其他九職以生財九賦以斂財遺人之委積以驗積儲均人之力征以觀徭役推而至于園廛漆林之取溝澮瀦防之利何一不詳且盡哉顧三代以上田在官而資其力于民秦漢以下田在民而輸其糧于上惟視乎斟酌損益與時變通之政爲何如耳我

朝足國裕民輕徭薄斂以斯民惟正之供爲國家度支之用而又謀其蓄洩備其荒侵通其食貨匪頒好用之式絕無額外征求卽窮鄉僻壤之區咸得共登衽席用斯土者其食德而服疇輸將之孔後也有以夫志田賦

藤縣志卷之九

田賦志	田畝	戶口	起運	存留	耗羨
	積儲	水利	課稅		

田畝

明

官職田畝科三斗六升二合二勺五抄計七十六頃二十五畝八分

設官田畝科一斗二升四合二勺計三十頃七十畝八分零

又設官田畝科一斗零七合六勺四抄計四十七頃九十七畝八分零

設官學田畝科八升二合八勺計一畝八分零設官地畝科一斗零七合六勺四抄

計三畝四分

設官學僧二皇祖田稅科八升二合八勺計四十五頃六十八畝八分零

又設官地畝科一斗二升四合六勺計三畝七分

設官學塘科八升二合八勺計二畝九分零

設官塘畝一斗二升計三頃二十二畝一分零

民田畝科三升七合四勺五抄計三千二百六十六頃零四畝一分

民塘畝科五升計一百五十七頃七十七畝

招撫獠人民畝科三升七合四勺五抄計十頃三十八畝九分

已上通共官民田塘地三千六百四十八頃七十畝四分零

國朝

原額官民糶附征四頃共田三千七百零三頃三十二畝零六釐九毫內

雍正十三年墾田捐納并丈溢田三頃五十六畝二分一釐四毫

已上二共田三千七百零六頃八十八畝二分八釐三毫

下則民糶田三千二百九十頃零九十四畝八分零（每畝科地畝銀九釐下同科

折色米三升七合四勺五抄每折色米一石折銀四錢一分零一毫四絲零又按折

色米內東寧羅龍二里米四百八十八石零七升四合例免均糶里甲驛傳三差止

科兵效一差銀八分餘俱照編四差銀二錢四分六釐七毫零加增胖襖翎毛黃麻熟鐵魚膠生銅鋪墊水脚銀八釐六毫一絲五忽零)

下則民塘田一百五十一頃七十九畝六分二釐零又雍正九年十一等年捐納墾田八頃又雍正十三年捐墾田二頃八十五畝七分二釐共田一百六十二頃六十五畝三分四釐零(每畝科地畝銀同前科折色米五升每折色米一石折銀同前又折色米一石科四差及胖襖等項同前)

下則官職歸民田七十六頃二十五畝八分三釐零(每畝科地畝銀同前科折色米三升七合七勺每折色米一石折銀同前又折色米一石科四差及胖等銀同前下則設官學僧地塘田四十五頃八十八畝六分七釐(每畝科地畝銀同前科)折色米八升二合八勺每石折色同前按折色米學僧米二百四十四石三斗五升零例不編差餘俱照編四差及征胖襖等銀)

中則歸民田七頃三十七畝四分八釐零(每畝科地畝銀同前科折色科米一斗

四升四合九勺每石折銀同前按每折色米一石科四差及胖襖銀同前

中則設官民田三十頃零七十四畝六分四釐零（每畝科地畝銀同前科折色米

一斗二升四合二勺每石折銀同前每石科四差及胖襖銀同前）

中則設官歸民田四十七頃九十七畝八分三釐零（每畝科地畝銀同前科折色

米一斗零七合六勺二抄每石折銀同前科四差及胖襖銀同前）

中則設官地歸民田三畝四分（每畝科地畝銀同前科折色米一斗零七合六勺

二抄每石折銀同前四差及胖襖銀同前）

中則設官塘歸民田三頃七十二畝一分五釐零（每畝科地畝銀同前科折色米

一斗二升每石折銀同前每石科四差及胖襖銀同前）

雍正十三年丈出里民陳炎欺隱下則民田七十畝零四分九釐四毫（每畝科田

畝銀同前科折色米三升七合四勺五抄每石折銀同前每石科四差及胖襖等銀

同前）

附徵原丈出五屯五里溢田四十一頃零七畝六分一釐五毫(例不科木折糧米每畝科租銀二分九釐一毫零)

己上官民徭附徵四項共田三千七百零六頃八十八畝二分八釐三毫零

實征折色秋糧米一萬四千八百五十二石零四升三合四勺零(折征銀六千零九十一兩五錢零二釐零)

實征折色地畝四差及續編胖襖翎毛黃麻熟鐵魚膠生銅鋪墊水脚出租等銀六千八百九十三兩五錢四分六釐八毫零

通共實征地糧共銀一萬二千九百八十五兩零四分九釐

內除荒地田六十四頃六十四畝七分四釐除荒秋糧折色米二百一十一石零

三升七合除荒地糧銀二百三十六兩九錢六分七釐

實征銀一萬二千七百四十八兩八分二釐

嘉慶二十年叅合縣冊

額征本色米無

戶口

明

洪武二十四年

戶八千三百五十三

口一萬三千七百八十二

崇禎五年

戶八千八百二十三

口三萬二千二百八十二

國朝

順治年間

人丁七千一百六十丁零二分

卷之九 田賦志

康熙二十年至五十年審增人丁一百零九丁一分

康熙五十五年六十年雍正元年九年乾隆元年至三十一年節次審增人丁九千四百五十五丁

嘉慶年間審增戶口二萬九千六百零八戶遞年增減不一大小人丁一十八萬六千三百五十二名口

原額行差丁七千一百六十丁零二分節年審增丁一百零九丁一分截至康熙五十五年編審滋生人丁奉

恩詔永不加賦日止作爲定額共額丁七千二百六十九丁三分內除東篁羅龍二里人丁二百四十丁零四分例免均徭里甲驛傳三差每丁止編兵款一差銀四分尙存七千零二十八丁九分每丁征里甲銀四分零五毫零均徭驛傳兵款銀一錢八分二釐四毫零合共征銀二錢二分三釐零共應征丁差銀一千五百七十五兩四錢六分四釐

已上實征地丁正賦共熟銀一萬四千三百二十三兩五錢四分六釐

遇閏加征通共銀一萬四千六百四十九兩八錢一分五釐

起運

起運司庫地丁銀一萬二千五百一十七兩四錢二分七厘

遇閏起運地丁銀一萬二千七百二十兩零二錢四分七厘（新舉人建坊銀三十

兩舉人會試長夫銀一十二兩七錢八分六厘均在司庫地丁支發

存留

存留并驛站存六及囚糧共銀一千八百零六兩一錢一分九厘

遇閏存留并驛站存六及囚糧共銀一千九百二十九兩五錢六分八厘內

驛站存六連閏共熟銀五百二十七兩六錢九分四厘遞年支給站船水手工食及

應付勘合等項外餘批解

按察司

囚糧銀二兩九錢一分九厘遞年支銷數目另冊造報按察司

尙實存留連閏共熟銀一千三百九十八兩九錢五分五厘

請領司庫補足各官荒缺俸銀二兩五錢七分六厘

司庫補足拜賀習儀荒缺二分九厘

司庫補足祀典荒缺銀一兩七錢八分二厘

通共存留連閏銀一千四百零三兩三錢四分二厘

司本縣知縣俸內攤補荒缺俸銀五兩零六分一厘

考貢盤纏銀七兩八錢三分七厘

停止鄉飲酒禮二次銀六兩八錢五分七厘

補足祀典荒缺餘剩銀一兩七錢八分二厘

共解司存留銀二十一兩五錢三分七厘

解本道設復蒼梧道阜隸十二名全年工食連閏銀七十八兩

解本府庫子四名全年工食連閏銀二十六兩共解司道府銀一百二十五兩五錢三分七厘

在縣支銷項下

一項本縣知縣俸除荒及攤解外該支熟銀三十九兩零二分

典史全年俸銀三十一兩五錢二分

教諭全年俸銀四十兩

訓導全年俸銀四十兩

寶家寨巡檢全年俸銀三十一兩五錢二分

白石寨巡檢全年俸銀三十一兩五錢二分

本縣門子二名全年工食連閏銀一十三兩

本縣馬快八名全年工食連閏銀五十二兩

本縣皂隸一十六名全年工食連閏銀一百零四兩

本縣民壯三十名全年工食連閏銀一百九十五兩

本縣轎傘扇夫七名全年工食連閏銀四十五兩五錢

本縣禁卒八名全年工食連閏銀五十二兩

本縣庫子四名全年工食連閏銀二十六兩

本縣斗級四名全年工食連閏銀二十六兩

典史門子一名全年工食連閏銀六兩五錢

典史皂隸四名全年工食連閏銀二十六兩

典史馬夫一名全年工食連閏銀六兩五錢

儒學門役二名全年工食連閏銀一十三兩

教諭齋夫三名全年工食連閏銀九兩七錢五分

教諭膳夫二名全年工食連閏銀六兩五錢

訓導齋夫三名全年半工食連閏銀九兩七錢五分

訓導膳夫二名全年半工食連閏銀六兩五錢

寶家寨巡檢皂隸二名全年半工食連閏銀一十三兩

寶家寨巡檢弓兵十名全年工食連閏銀三十六兩六錢九分二厘

白石寨巡檢皂隸二名全年半工食連閏銀一十三兩

白石寨巡檢弓兵十名全年工食連閏銀三十六兩六錢九分二厘

儒學廩生二十名全年廩糧連閏銀四十三兩三錢三分三厘

文廟春秋二祭銀二十八兩三錢一分六厘

文廟香燭米折銀一兩五錢零二厘

武廟春秋二祭銀一十六兩二錢六分二厘

雩祭額支銀六兩（此銀赴司請領不在存留項下）

山川社稷春秋二祭銀一十七兩零九分五釐先農壇支銀三兩八錢五分零（此

項在積穀變價銀兩內開銷不在存留項下

厲壇三祭銀九兩

厲壇三祭米折銀七錢八分

拜賀習儀香燭銀一兩四錢

修理監倉全年工料銀一十九兩五錢九分二釐

舖兵二十九名全年工食連閏銀一百六十九兩六錢五分

吹鼓手四名全年工食連閏銀二十六兩

鐸戶一名全年口糧米折銀一兩七錢六分三釐

孤貧九名全年口糧連閏除小建外該支銀二十七兩六錢四分八釐

孤貧九名冬衣銀四兩五錢

共在縣支銷存留連閏銀一千二百七十七兩八錢零五釐

以上解司道府及在縣支銷存留銀共一千四百零三兩三錢四分二釐

通共解支起運存留祀典俸工役食銀及驛站囚糧等項共銀一萬四千六百五

十四兩二錢零五釐遞年遇閏照數征收解支

耗羨

藤縣隨正加一耗羨銀一千四百三十二兩三錢五分五釐內除解二分五釐又

部飯共銀四百八十三兩三錢五分外尙存銀九百四十九兩零五釐作爲辦公養

廉之用遇閏征收加一耗羨銀一千四百六十四兩九錢八分二釐

積儲

平常倉額穀二萬三千石

府志存倉穀一萬石分儲穀二萬石共穀三萬石又乾隆十年收捐監穀二百零六石五斗五升共儲穀三萬零二百零六石五斗五升乾隆十四年奉行常平倉儲以雍正年間定額緣縣係內地又屬產穀之區現儲穀石太多酌議儲穀一萬六千石其溢額穀一萬四千二百零六石五斗五升應出糶又乾隆三十年奉文分儲府倉穀七千石共穀二萬三千石今無存

社倉

額儲穀三千石(府志八百三十四石七斗四升)

白石寨巡檢分儲社倉穀三百石

竇家寨巡檢分儲社倉穀七百石

已上共儲穀四千石查社倉雍正二年奉文將常平倉息穀設立社倉如遇歉收
詳明借給里民接濟借半留半秋收加息還倉所收息穀支給倉夫食用今俱無
存

備東

儲穀六千三百石(此項備東穀石係東省移解穀價赴 西藩憲轉發到縣在於

屬內有穀之家採買存收縣倉以備東省委員挽運遇領運之年所有盤運腳費係

東委員在於東省 藩憲自行領發)今無存

義倉

義倉無額儲數目有增無缺歸義長副經理如遇歉取次年青黃不接詳明儘數出借里民接濟秋收加息還倉所收息穀統歸實儲數目

府志義倉乾隆四年勸諭士紳捐輸收本息穀六百五十五石零四斗

舊志義倉穀一千九百四十五石九斗一升四合六勺今俱無存

宮租每年額收穀五十二石八斗原係陳炎欺隱歸官田畝遞年將租按照時價變賣輸糧水脚外餘穀收取在倉下年撥支城守兵糧

藉田額收租穀九石稅米四畝九分遞年春耕支給粢盛播種穀一石一斗八升餘穀收取在倉如有收數詳請變價爲先農祭品用

水利

濠埔在縣東二里（一都）大屋垌田畝悉資灌溉

孔肚在縣東四十里八都古祀屋底下有古載等處田畝並資灌溉

牛嶺洞在縣南一百二十里其水經義昌河入繡江二十一都地鷄峒心古龍等處

田畝並資灌溉

曇亭在縣東南八十里二十五都上陶下陶黃山大倉等處田畝並資灌溉

秧洞在縣西五十里三十都山塘埤洞歐村白竹木雞山口等處田畝悉資灌溉

蓮坳在縣西六十里四十三都上岸下岸田畝並資灌溉

雙坳在縣西八十里四十六都上坳新村姚村馬塘栗塘等處並資灌溉

古斗在縣西四十里其水經榕樹河匯濛江大黎里長灘古榜柯水白合花洲等處

田畝並資灌溉

蓮塘坡在縣西四十里灌田二十餘頃

大埤陂在縣南三十里

合水陂在縣北四十里灌田二十餘頃

法誦陂在義昌鄉灌田四十餘頃

第施陂在縣東十都上里康熙三十三年吏目李恒茂請照建築後圯至乾隆四十

三年職員李佳章邑人陳昌茂等重建平成壽富圖等處田畝咸資灌溉

黃巖洞在縣南二十里

富野洞在縣東十里

羅龍洞在縣西百里以上陂洞各都里田畝共資灌溉

水筒水在三十九都高邨村後石壁口流出清潔異常夏冷冬溫鄉人汲水灌溉田畝厥功甚鉅

古登桶水在三十九都情口村之上發源和尚礮清澈不竭各桶垌田資其灌溉不少

上里水口源分左右左水自石山界綠雲界而來滙聖塘水合流右水自牛嶺界而來過龍鳳山龍母灣兩水交滙爲二十一都上里水口由此曲折流經大地村爲下里水口

聖塘在二十一都地鷄村廣數百畝不用魚種而魚生無紀鄉人因以爲利塘內有

數穴源泉湧出地鷄洞心古龍三村田業賴以灌溉

稅課

稅契銀無定額每年按稅之多寡儘數批解

鹽引每年額銷正改引二千六百三十二道一分零四毫共應銷鹽五千三百六十四包零三十一觔八兩乾隆五十四年改準歸綱一切引餉係綱商辦理每年認銷鹽三千包

濠租每年額征銀二兩五錢九分五釐

當稅每間稅銀十兩按年批解

藤縣志卷之十

軍政志總序

國朝太平翔洽近二百年故編氓有皓首未見兵革者何其盛歟然修戎器戒不虞固持盈保泰之君子思患預防之道未可以不用而遂不備也古者寓兵于農後世以農養兵然農不爲兵則其務農也益力兵不爲農則其習兵也彌勤况今伍兩卒旅步伐擊刺之方較昔尤爲精密安在有勇知方不即寓于是歟藤自有明以前間有伏戎我

朝定鼎罷屯田汰軍籍而紀律益覺肅然然後知軍政之善固在訓練之勝不在多也惟駐防有專責兵餉無虛糜閱之以時馭之以道地雖一隅其所以捍衛維持者不且重以周哉志軍政

藤縣志卷之十

軍政志 兵制 兵額 兵餉 戎職

兵制

唐虞時隸南交萬邦協和四方風動窮荒遠裔罔弗率俾司空誓師徂征實討洞庭之右其地屬楚不屬粵極南以外未有兵革可紀

夏時文命敷於四海藤爲揚州之南產瑤琨篠簜齒革羽毛惟木可備矢筈車甲器械之用厥後少康子受封而越之名始見藤或未隸版圖其軍行亦無所考（按越與粵通春秋傳伐庸至于揚粵史記作揚粵）

殷湯時南面而征未至百越易所謂高宗伐鬼方三年克之詩所謂撻彼殷武奮伐荆楚皆湖湘之區粵無不庭之討

周成王時越裳國獻白雉乘指南軍以返國指南乃黃帝治兵于涿鹿所制周公傲之越裳乘之應與尋常革車有別（今藤亦間有白雉）

秦始皇二十三年置南海尉典百越兵逋亡人贅培賈人等遺戍五嶺五十餘萬（叅史記漢書）

漢武帝元鼎五年發罪人及江淮以南樓船十萬師討南越以路博得爲伏波將軍楊僕爲樓船將軍故歸義越侯爲戈船下濊將軍平其地爲蒼梧等郡設交趾部刺史總治之（叅史記漢書）

晉穆帝昇平分蒼梧地置永平晉康新甯三郡命龍驤將軍陳隱駐師永平郡

唐懿宗三年五月分嶺南爲兩道節度以廣州爲東道邕州爲西道割桂管翼象二州容管藤巖二州隸邕管四年八月嶺南東道節度使韋宙奏蠻必向邕州請分兵屯容藤二州（叅通鑑）

宋皇佑五年儂智高反王堯臣爲樞密副使請析廣西宜容邕三路以融柳象隸宜州白高竇雷化鬱林儀藤梧翼瓊隸容州欽賓廉橫潯貴隸邕州其三州並選武臣爲安撫都監兼知州事以統支郡若蠻人入寇三路率支郡并力掩擊之（宋史）

元世祖混一海宇置屯軍於各隘口募兵耕種廣西隘口凡百二十八處獴寨十八處屯田九處合頭屯軍一萬八千三百二十六名千戶十六所百戶一百一十六所賓州立萬戶所以總之

明洪武八年藤州獴目覃福招集三江隨化大任楊峒大梨戶獴八百六十四名編充桂林右衛中所效勞軍伍授福千戶管領福故軍伍散歸五里因之梗化所存僅二十餘人

十二年梧州五屯各處設立守禦所有千百戶所印五年一推選軍政廣西都使司推選各指揮千百戶上後軍都督府題准領之二十年六月潯州知府沈信言府境接連柳容梧藤等州山豁險峻獠獴蠻賊出沒不常實爲民患臣愚以爲桂南二縣舊附獠民皆便習弓弩慣歷險阻若選其少壯千餘人免其差徭給以軍器衣裝俾各團村寨置烽火與巡檢司民兵相爲聲援協同捕逐可以殲之上曰蠻夷梗化彼習然也使守土之官能招徠之何用殺戮若無事但當謹其防禦使不爲患耳苟其

爲寇不已民有不堪則發兵討之何必團寨（明史）

天順五年總督御史葉盛請設分守梧潯二府叅將一員屬廣西總兵官節制各衛所皆受約束（省志）成化二年御史韓雍平峽賊善後建城五屯設指揮千百戶所衛原存五十餘人調本管千戶李慶齋文往撫各獠自首者一百六十五人并將現在獠民盡數編作土兵令千戶李慶掌印覃福孫仲英爲本所世襲土吏目協同管事（事宜疏）

嘉靖八年總督王守仁以藤縣五屯當風門佛子諸巢西通府江北接荔浦各處獠賊實爲緊要之區宜設鎮控禦因拓其城增兵二千設守備以指揮王良輔爲督備分同（參永安疏）

萬歷二十八年六月添藤縣羅山營羅山路通六十三山七山諸獠雜居盜賊出沒知府凌嗣晉從知縣劉吳議抽哨船兵二十二名及羅襖營十八名分防（府志）四十年移東岸兵入索瓦四十二年移中軍把總於中村以扼賊吭先五屯軍漸次

逃亡存六百四十八名戍本縣及永安州各百名餘軍四百四十八名輪戍本所及佛子雙髻高頭白馬三岑塘村花蓮東岸木荷佛修蓮洞十一堡因獠賊跳梁將三岑塘村花蓮三堡兵改移中村榔口寺背東岸四堡以榔口爲中軍添設隊兵一百五十名協同旗軍一百五十名共守

天啓二年六月選各州縣民欸(廣西民兵曰欸)打手充督標兵(府志)

崇禎九年五屯所官與榔口把總條陳各汛地以東岸寺背專屬之軍中村榔口專屬之兵俾各有專責知縣梁昌通詳依議

額設官兵

明

守備一員

五屯千戶所官七員

五屯田軍八百五十七名

守各營兵一百零六名

國朝

分防藤縣在城汛千總一員

白馬汛把總一員

戰守兵八十二名（內戰兵五名守兵七十七名）

左營營汛疆里

縣屬北流小江水塘汛七處

縣城上至白廟塘一十里

白廟塘上至穿較塘二十里

穿較塘上至義昌塘二十里

義昌塘上至黃華塘二十里

黃華塘上至龍灘塘二十里

龍灘塘上至寶家汛二十里

寶家汛上至羅芒塘二十里

羅芒塘上至容縣石峒塘二十里交遞

藤縣城距容縣城二百六十里

縣屬遞送陸路公文塘汛十二處

縣前塘上至登洲塘二十里

登洲塘上至涸洲塘二十里

涸洲塘上至濛江塘二十里

濛江塘上至蘆沙塘二十里

蘆沙塘上至白馬塘二十里

白馬塘上至平南縣丹竹塘二十里交遞

縣前塘下至古粒塘三十里

古粒塘下至長峒塘三十里

長峒塘下至古村塘三十里

古村塘下至平江塘三十里

平江塘下至蒙垌塘三十里

蒙垌塘下至蒼梧縣古眉塘三十五里交遞

縣屬旱汛三處

縣城距赤水汛八十里

縣城距十都汛八十里

縣城距五屯汛二百五十里

右營營汛疆里

坭埠嘴至古先汛二十里

古先汛至藤縣汛十里

藤縣汛至下嶺汛十里

下嶺汛至登洲汛十里

登洲汛至思禮洲汛十里

思禮汛至草洲汛十里

草洲汛至思洲汛十里

思洲汛至濛江口汛十里

濛江口至火燒基汛十里

火燒基汛至黃婆洲汛十里

黃婆洲汛至十二基汛十里

十二基汛至白馬汛十里

白馬汛至平南縣武林汛十里

左營汛兵數目

赤水汛兵二名
十都汛兵四名
寶家汛兵五名
五屯汛兵五名
白廟塘兵二名
穿較塘兵二名
義昌塘兵二名
黃華塘兵二名
龍灘塘兵二名
羅芒塘兵二名
濛榔塘兵一名
平江塘兵一名

古村塘兵一名

長响塘兵一名

古粒塘兵一名

縣前塘兵一名

登洲塘兵一名

滔洲塘兵一名

濛江塘兵一名

蘆沙塘兵一名

白馬塘兵一名

右營汛兵數目

白馬汛兵十六名

十二基汛兵四名

黃婆洲汛兵四名

火燒基汛兵四名

濛江口汛兵九名

思洲汛兵四名

草洲汛兵九名

思禮洲汛兵四名

下嶺汛兵四名

藤縣汛兵十名

古先汛兵四名

泥埠嘴汛兵四名

民款（弓兵附）

明

原編民壯三百二十七名後裁減存民壯一百一十四名

白石巡檢司原編弓兵五十名後減存五名

赤水寶家二巡檢司原編弓兵各三十名後裁減各存五名共弓兵十名

國朝

民壯三十名

白石寶家二巡檢司弓兵各五名

兵餉

國朝

千總一員歲俸薪銀四十八兩

把總一員歲俸薪銀三十六兩

戰兵每月大建每名餉銀一兩四錢五分糧米三斗小建每名餉銀一兩四錢糧米二斗九升守兵每月大建每名餉銀九錢七分糧米三斗小建每名餉銀九錢三分

六厘糧米一斗九升官自備馬四匹歲支料穀銀二十九兩一錢六分八厘

戎職

明

守備

王良輔（嘉靖八年以指揮授督備分司）

指揮

李震（慶子成化十三年陞指揮僉事）

李洋（震姪嘉靖三十五年陞指揮同知）

李懋棟（洋子嘉靖四十年襲）

李懋樑（懋棟弟萬歷七年陞指揮使）

李天祿（懋樑曾孫萬歷三十三年襲）

程鴻猷（鳳子萬歷間陞指揮僉事）

程雲(鴻猷子崇禎九年襲)

正千戶

李慶(江南盱眙人成化二年調)

按李慶南直盱眙人其先世李德從洪武渡江陞百戶故子進襲陞留守衛正千戶永樂三年改調桂林右衛中所宣德五年進故慶襲成化元年平大藤峽之役都御史韓雍調慶齋文招撫五屯諸獠以慶爲五屯所千戶領之年老告休子震襲成化十三年征府江陞指揮僉事正德三年故無子姪孫李洋襲嘉靖間降正千戶三十五年征廣東會寧二縣復陞指揮僉事三十六年征廣西省會陞指揮同知四十年故子懋棟襲隆慶五年故弟懋樑襲萬曆七年征十寨陞指揮使三十二年樑身故曾孫天祿襲

趙仁(昇子宏治八年陞)

程銓(宏治十二年署)

白經〔宏治間調〕

程雄〔銓子正德十年陞〕

程完〔雄姪孫嘉靖四年襲〕

朱綵〔璽子萬歷十三年陞〕

程鳳〔完子萬歷二十年陞〕

朱朝相〔綵子萬歷三十年襲〕

朱鼎〔朝相子萬歷四十六年襲〕

副千戶

程銓成化十三年陞

按程銓其祖程海洪武八年充報効海故子宗泰補宗泰故子聰補聰故子銓補於成化二年調五屯十三年征府江拔試用百戶十七年授百戶以征永安州功宏治八年復征永安西鄉軍功陞副千戶十二年征鬱林州署正千戶十

八年故子雄襲正德十二年征永安等州縣陞正千戶嘉靖四年故無子姪孫
程宗襲四十六年完故子鳳襲萬歷間降副千戶二十年征岑溪功陞復正千
戶三十一年故子鴻猷襲有功并前功陞指揮僉事鴻猷故子雲崇禎九年襲

趙 昇〔山東濟南府人成化十四年調〕

按趙昇山東濟南府人其父趙英正統間報效軍有功陞授百戶景泰二年請
駕陞指揮僉事天順間降調廣西柳州府衛所百戶成化元年從都御史韓雍
征大藤峽陞副千戶十四年英故子昇襲調五屯所副千戶昇故子仁襲宏治
八年征荔浦等處陞正千戶仁故繼勳襲正德間降授百戶嘉靖間故子宏德
襲隆慶間故子延年襲萬歷四十四年故子良範襲崇禎間告老

百戶

朱 浚〔浙江處州府人成化二十一年調〕

按朱浚浙江處州府人其高祖朱拱於洪武初充義兵從征陞授百戶二十四

年故子存龔永樂六年故子能龔十四年故無子姪塘龔天順六年故浚龔成
化二十一年調五屯百戶浚故子杓龔宏治十六年故弟杰龔嘉靖九年故子
璽龔隆慶四年告休子綵龔萬歷十三年死羅傍陞正千戶三十年故子朝相
龔萬歷四十六年朝相故子鼎龔

朱 杓〔浚子宏治間龔〕

朱 杰〔杓弟宏治十六年龔〕

趙繼勳〔仁子正德間授〕

李 澣〔正德間任〕

朱 璽〔杰子嘉靖九年龔〕

趙宏德〔繼勳子嘉靖間龔〕

趙延年〔宏德子隆慶間龔〕

蘇 騰

覃 護

按覃護補祖覃力勸軍伍隆慶四年調征古田陞小旗萬歷元年征懷遠陞總旗七年征鬱林州水頭寨陞試百戶二十四年征岑溪陞實百戶三十一年故子德任龔四十一年故無子弟德佩龔

覃德任〔護子萬歷三十一年龔〕

覃德佩〔德任弟萬歷四十一年龔〕

趙良範〔延年子萬歷四十四年龔〕

試百戶

李 圭〔桂子人正德十五年陞〕

按李圭桂平人宏治十八年充軍伍正德年征江西陞總旗十三年改調五屯所十五年征古田陞百戶故弟長如龔後降小旗故子鈺補嘉靖八年調征大藤峽陞總旗隆慶四年征古田北江陞試百戶故子應春龔萬歷三十八年告老四十

年子元勳襲勳告老子故孫如玉於崇禎九年襲

李長如〔圭弟正德間襲〕

李鉦〔長如子隆慶四年陞〕

李應春〔鉦子萬歷初襲〕

韋周〔萬歷九年陞〕

李元勳〔應春子萬歷四十四年襲〕

李如玉〔元勳孫崇禎九年襲〕

吏目

覃仲英〔本土人桂林右衛中所正千戶覃福孫成化年世襲〕

覃志顯〔仲英子宏治間襲〕

覃鐸〔志顯子嘉靖間襲〕

覃漳〔鐸子嘉靖間襲〕

覃一元〔漳子隆慶間龔〕

國朝

駐防千總

李世豪〔乾隆八年任〕

羅家樂〔乾隆十八年任〕

余紹武〔乾隆二十七年任〕

杜志畧〔乾隆三十七年任〕

譚雲蛟〔乾隆五十四年任〕

陶士林〔嘉慶七年任〕

黃纘德〔嘉慶十八年任〕

按藤地歷朝數被兵有明滋甚以五屯七里正當風門佛子諸巢爲峽寇出入之所雖經韓襄毅王文成先後勦撫設城堡置防禦編戍卒其間守備千戶百戶試百戶

諸官不一而足而寇或竊發倉卒幾無以應我

朝神武不殺改土歸流五屯裁武弁統轄於駐防千總而甲冑易衣冠武曲成謳歌不怒而威不介而孚則整軍經武奚事多設冗員爲哉

新設

糯峒墟把總一員

糯峒墟兵丁二十名

牛嶺卡兵丁十名

共添兵丁三十名

把總公署一所梧州府知府謝凝道同署藤縣知縣高攀桂捐廉率衆倡建並各

處卡房共三所

牛嶺卡房一所

和平墟卡房一所

新添兵丁十名

濠江口石鑑(添兵十名撥入巡船每船二名)

按嘉慶十八九年鄰盜潛竄郡境蔓延滋害幾無甯枕各屬雖協力剿弭奈兵少盜多不能扼要制勝時芝田謝太守初下車心甚憂之多方設法緝捕並親歷各處默

識要害迺晰陳本末牘懇 大吏 奏請添兵設卡以資堵禦蒙

恩允於現裁兵數內暫留二百餘名協力防捕隨於二十年九月內奉文飭五屬遵設
卡兵我藤邑則於糯峒墟新設武弁一員兵三十名率邑令高秋崖共捐廉倡衆建
置公署卡房一所復於牛嶺添造卡房分兵駐劄又於和平墟增兵十名亦捐資設
卡防截并於濛江口及石鑪水面寬漫之處添兵十名皆撥入巡船以助邏緝且示
諭各鄉編查烟冊公舉約保練鄉勇鳴金柝一方有警守助相望勞者賞惰者懲勤
卹民隱至周且密何患盜之不除民之不安哉士庶感戴之餘共願遵守勿弛永安
長治誠受賜靡窮也已附記以志不忘云

藤縣志卷之十一

職官志總序

昔先王建邦啓土設官分職凡以爲民也故董江都之言曰今之郡守縣令民之師帥所使承流而宣化也豈非以有職則有官有官則有政政善則職與官存不善則官與職廢民不可得而治矣况縣令日與民親安危見諸目前寬猛操於掌運尤宜良有司也藤自宋隋分郡以來其間爲守牧者若而人爲令丞者若而人爲儒師佐尉者若而人試按籍而稽某也民視之某也民詛之夫固法戒昭昭矣我

朝任賢位能宰斯土者類多循卓推而至於少府承風廣文秉鐸小廉大法共凜官箴矣將見虎渡河而蝗出境鸞棲樹而鱣啣堂得不復見於此目也夫志職官

藤縣志卷之十一

職官志

額設

知縣 典史 教諭 訓導

白石寨巡檢 寶家寨巡檢

舊設

縣丞〔明萬歷間裁〕主簿〔明崇禎間裁〕

赤水巡檢〔裁〕

襍洲周村驛面思羅四巡檢〔裁〕

藤江黃丹雙競各驛丞〔裁〕

晉

龍驤將軍

陳 隱〔穆帝昇平十五年任〕

齊

永平太守

劉熙燭

隋

永平郡丞

裴肅〔字神封聞人大業初任詳名宦〕

裴敬業〔任永平縣丞詳名宦〕

唐

藤州刺史

李曉庭〔大歷四年任詳名宦〕

崔叔獻〔任藤州刺史見唐書宰相世系表〕

李文棟〔任藤州別駕〕

宋

知藤州

郎簡〔杭州臨安人真宗時任興學養士一振民風詳名宦〕

梅佐〔翁源人進士天聖五年任〕

呂撫〔齊州人丞相頤浩之子詳名宦〕

周襄〔金谿人進士以員外郎任有惠政 省志名宦〕

彭慥〔興甯間任〕

康顥〔紹興末年任〕

趙崇德〔有浮金亭詩省志作宗〕

朱日新〔字足菴松江人有詩名〕

余杰〔省志作杰〕

李萬〔淳祐間任有善政詳名宦〕

楊夢飛〔平陽人咸甯間任〕

陳正夫〔平陽人〕

李 樸〔眉州人景炎二年任〕

陳 應〔德祐二年以南流令受字伯順白州人〕

石元仕〔府志無 舊縣志補入〕

宋

藤州推官

陳繼周〔字碩卿甯都人〕

藤州司法參軍

曾自成〔曲江人〕

藤州教授

陳昭度

石安民〔桂林人紹興十一年任詳人物〕

方簡輿〔蒲田人紹興間任〕

顏 楠(字養正永春人)

梁汝翼(嘉熙間任省志作容州教授)

余 杰(隆興間任省志作杰作容州教授)

鐔津縣簿

傅孟集(龍江人嘉定二年任)

知南儀州(宋熙甯四年改爲岑溪縣隸藤州)

彭 慥(熙甯間陞藤州)

元

知藤州

文 魁(衡陽人至順二年任詳名宦)

皇甫珍(至正二年任有去思碑)

馮思齊(至正間在有德政碑詳名宦)

王謙

張邨海（彰德人至正間任多善政有碑）

楊均（汴梁人至正間任）

麥徵（南雄人至正間任有善政多吟咏 省志作保昌人）

唐祐（至正間任）

吳鏞（至正間任）

州同知

伯顏（蒙古人）

阿聖海牙（高陽人至元間任）

尹俊德

燕帖吉思（蒙古人）

判官

許 羣 許州人至正間任

郝 琳 四會人至正間任

鐔津縣尹

劉志行 江西人進士詳名宦

忽都帖木兒馬赤

鐔津簿

孟秋山 龍江人泰定間任

學正

費克忠 泰定間任有浮金亭記

伍 直 有書樓記

教 諭

胡貴黼 湖北鍾祥縣歲貢

張宜(四川人)

廖蔭

明

藤州知州(屬梧州府)

趙文(錢塘人洪武七年任詳名宦)

州同

金文仲(桐廬人洪武六年任有傳)

判官

林孔嘉(南安人洪武七年任)

知縣(洪武十一年始改藤州爲縣仍梧州府轄)

馮志善(洪武間任)

平顯(字仲微錢塘人洪武間任)

張元一（洪武二十四年任）

周頤（太和人永樂二年任）

蕭進（江西太和人進士永樂十八年任）

崔甯（浙江人宣德元年任）

汪雲（平樂舉人正統間任）

馮哲（正統間任）

唐禮（武康人景泰間任）

熊善（高要人天順元年任）

謝鈺（永豐人天順五年任）

李鳳（曲江監生成化元年任）

方俊（東莞人成化八年任）

莫讓（高要人成化十年任）

唐 德（石城監生成化十四年任）

王 懷（南海監生成化二十二年任）

廖 佐（增城人宏治六年任）

陳 懋（南海監生宏治間任）

劉 禧（曲江人宏治十五年任）

項 文

鄧時中（全州舉人正德間任舊志作劉）

王 臣（徽州人正德間任）

崔 邱（南海舉人正德間任）

鄒 確（江西舉人）

劉 欽（南海舉人正德間任）

李 璧（東莞監生嘉靖二年任）

梁觀光〔羅定貢生嘉靖間任〕

張輒〔興化監生嘉靖間任〕

劉邦儒〔弋陽監生嘉靖間任〕

葉文燦〔東莞監生嘉靖間任〕

招文選〔南海監生嘉靖間任〕

林傑〔合浦監生嘉靖間任〕

顏叅〔安福舉人嘉靖二十三年任〕

劉耿〔嘉靖二十四年任〕

蔡廷相〔瓊山人嘉靖間任〕

胡宗耀〔樂平人嘉靖間任〕

馮德容〔浙江監生嘉靖間任〕

林茂桂〔莆田舉人嘉靖三十年任〕

周都邵〔南海舉人嘉靖間任〕

朱 褒〔江西舉人嘉靖間任〕

司 鑑〔歸善監生隆慶二年任〕

蘇 湖〔隆慶六年任詳名宦〕

唐繼年〔東安監生萬歷二年任〕

陳雅言〔萬歷二年任隆本府通判〕

劉尙友〔柳州舉人萬歷十年任〕

王希堯〔昆明舉人萬歷十五年任〕

林懋箴〔吳川監生萬歷十九年任〕

劉 昉〔萬歷二十七年任詳名宦〕

鄭鎮方〔南海舉人萬歷三十年任〕

楊復英〔昆明舉人萬歷三十五年任字度恢豁平易近民〕

黃一陽〔浙江監生萬曆三十八年任〕

譚應鐘〔南昌舉人萬曆四十一年任舊志刻譚尚友〕

李廷幹〔三原進士萬曆四十三年任〕

陳大廷〔同安舉人萬曆四十七年任有去思碑〕

曾鳳彩〔平溪舉人天啓間任舊志作曾鳳核吏愛民卒於官〕

劉 淮〔洪雅人貢生天啓七年任〕

區 楷〔高明舉人崇禎三年任閱數月以疾致仕〕

王鼎彥〔蒲圻舉人崇禎四年任政行邑治陞南京兵馬司〕

梁 昌〔香山人崇禎七年任廉謹慈祥政先仁恕治甫三年百廢俱興詳宦蹟修

縣志〕

縣丞

閔 生

詹茂光〔閩縣人永樂間任〕

吳何敬〔崖州人永樂間任〕

王崇〔儋州人成化間任〕

羅猷〔四會人成化間任〕

王昭蒙〔雲南人成化間任〕

許璿〔潮陽人成化間任〕

張錦〔瓊山人成化間任〕

池玉〔南康人正德間任〕

劉璉〔南康人正德間任〕

張翹〔貴州人宏治間任〕

吳球〔英德人正德間任〕

聶永言〔四川人正德間任〕

李 良〔四川人正德間任〕

施 幹〔楊州人嘉靖間任〕

陳世珍〔閩縣人嘉靖間任〕

陳嘉言〔茂名人嘉靖間任〕

潘 琬〔祁陽人嘉靖間任〕

李 鳳〔祁陽人吏員〕

李 裕〔雲南人嘉靖間任〕

戴 經〔陝西人嘉靖間任〕

嚴 偲〔奉化人嘉靖間任〕

王宗予〔湖廣人嘉靖間任〕

朱 朝〔嘉靖間任〕

韋 仁〔靈山人隆慶二年任〕

魯 邦〔吏員隆慶六年任〕

何紹曾〔桂東人萬歷二年任〕

范賁亨〔甌甯人萬歷五年任〕

陶 輓〔嘉善人萬歷九年任〕

主簿

唐才善〔湖廣人永樂間任〕

周紹京〔永樂間任〕

許 新〔柳州人天順間任〕

邵 恒〔福建人天順間任〕

許紹祖〔玉山人天順間任〕

利 誠〔東莞人天順間任〕

徐 智〔貴溪人成化間任廉謹公恕民多懷之〕

蔣 瑛〔瓊山人成化間任〕

邱 順〔吳州人成化間任〕

吳 初〔福建人成化間任〕

羅 耀〔武昌人成化間任〕

熊伯達〔宏治間任〕

吳汝爵〔靈川人正德間任〕

潘 果〔電白人正德間任〕

王文顯〔四川人嘉靖間任〕

伍 方〔浙甯人嘉靖間任〕

蕭 鳳〔通道人嘉靖間任〕

高 瓚〔合肥人嘉靖間任〕

王 琛〔仁化人嘉靖間任〕

周孔信〔直隸人嘉靖間任〕

武消〔山陰人嘉靖間任〕

馮衢〔瓊山人嘉靖間任〕

區禮〔廣東人萬歷間任〕

余麟〔貴州人萬歷間任〕

鄭榕〔閩縣人吏員〕

陳繼泉〔南海人萬歷間任〕

鄭進諫〔潮陽人萬歷間任〕

余宏中〔固陵人萬歷間任〕

朱是〔福建人萬歷間任〕

林誠〔福建人萬歷間任〕

吳文〔福建人萬歷間任〕

胡士京〔鄱陽人萬歷間任〕

賴守邦〔豐城人萬歷間任〕

謝良師〔南昌人萬歷間任〕

邱 綖〔黃州人萬歷間任〕

方一誥〔金華人吏員萬歷間任〕

傅汝明〔鉛山人監生天啓元年任〕

吳大有〔休甯人監生天啓六年任〕

屠思誼〔會稽人崇禎三年任〕

洪朱祉〔同安人崇禎四年任〕

黃 珙〔湖廣人崇禎七年任修城有勞績〕

吳 鯤〔浙江人崇禎十一年任〕

典史

劉景〔河源人天順間任〕

李森〔高要人天順間任〕

劉昱〔靈山人成化二年任招壯勇保障地方民被其澤〕

彭龍〔南康人成化間任〕

蔣瑞〔道州人成化間任〕

曾思慎〔宏治間任〕

陳堯明〔四會人正德間任〕

孫蒲〔南海人正德間任〕

李華〔高州人正德間任〕

馬進祥〔鄧縣人正德間任〕

孫懋慈谿人正德間任有傳祀府名宦

朱孔壁〔道州人嘉靖間任〕

蘇賢（新會人嘉靖間任）

林奇峰（莆田人嘉靖間任）

萬惟旭（巴陵人嘉靖間任）

鄔堂（浙江人嘉靖間任）

周武（永明人隆慶間任）

翁繼顯（福建人隆慶間任）

洪根（涇縣人萬歷二年任由藤江驛丞陞）

趙坤（東莞人萬曆間任）

黎兆明（東莞人藤江驛丞陞）

關恂（福建人萬曆間任）

吳鳴（臨川人萬曆間任）

葉春芳（南昌人萬曆間任）

鍾成學（翁源人萬歷間任）

甘守義（福建人萬歷間任）

馬德化（山陰人萬歷間任）

忻應鳳（臨海人萬歷間任）

危應龍（龍溪人萬歷間任）

陳一望（永嘉人萬歷間任）

朱子淳（歸寧人萬歷三十二年任）

魏邦俊（莆田人萬歷三十九年任）

盧啟賜（貴州人萬歷四十二年任）

顏仲芳（澄海人泰昌元年任）

謝宸鵬（甯化人天啓元年任）

高崇（莆田人天啓五年任）

楊日昌(建德人天啟七年任)

郭尙容(仁和人崇禎三年任)

郭一哲(蕪水人崇禎六年任)

高應瑞(餘姚人崇禎七年任)

孫思學(浙江人崇禎十一年任)

教諭

劉明善(洪武間任)

曾思(宣倫人洪武間任)

王墅(永樂間任)

詹進(福建人)

陸瓊(合浦人永樂間任)

蕭文(宣德五年任)

徐琦（贛州舉人）

周琳（吉水舉人正統間任深明易理勤於勸課藤士愛之）

周琦（保昌舉人）

王春（德慶舉人）

謝鉉（永豐舉人）

段肅武（岡州監生景泰間任）

李潤（福州舉人）

梁輯（番禺舉人成化間任）

鄧廷真（東莞人正德間任）

梁富（高要人正德間任）

劉哲（南海人宏治間任）

林源遠（海陽舉人）

高繼耀（太和舉人正德間任）

謝宗禮（高要監生正德間任）

姚文祿（番禺縣人嘉靖間任）

王 經（閩縣人嘉靖間任）

蔡汝昌（儋州人嘉靖間任）

黃日新（電白人嘉靖間任）

魏良佐（乳源舉人）

陳廷賓（崖州人嘉靖間任）

何 賢（南海舉人）

吳 祿（福建人嘉靖間任）

鄭應星（閩縣人隆慶間任）

金 鉉（桂林舉人隆慶間任）

章 益（新淦人萬歷間任）

惲 河（橫州人萬歷間任）

郭紹鸞（香山舉人萬歷五年任）

李正陽（寧遠歲貢萬歷九年任）

姚興唐（柳城歲貢萬歷十二年任）

唐一龍（昌化歲貢萬歷十四年任）

屠惠生（臨桂舉人萬歷十七年任）

方大復（桂林舉人萬歷二十年任）

李 忻（武宣人萬歷二十六年任）

李茂瑛（賓州人萬歷間任）

盧學周（和平人萬歷間任）

何用元（崇仁人萬歷間任）

林大佐（萬州人萬歷間任）

莫易簡（靈山人萬歷間任）

莫如學（荔蒲人萬歷間任）

區世康（順德人萬歷間任）

吳光緒（融縣人萬歷間任）

湯九鼎（南豐人天啓間任）

張文斗（貴州人天啓間任）

蔣箴敬（臨桂人崇禎元年任）

鮑雲龍（烏程恩貢崇禎四年任）

游聖延（福建人崇禎間任）

潘 儒（新安人崇禎七年任）

鄭維喬（貴州人崇禎十一年任）

訓導

魏 墳(洪武初任)

石汝器(洪武六年任)

肅 文(永樂間任)

陳素行(太和人永樂間任)

楊 彬(永樂間任)

蔡 顯(潮陽人永樂間任)

楊 舒(瓊山人永樂間任)

張 揚(四會舉人正統間任)

嚴 恪(博羅監生)

翟 謙(東莞舉人景泰間任)

包 英(合浦舉人天順五年任)

劉 琰〔保昌監生成化間任〕

呂 和〔封川監生成化間任〕

伍星奎〔合浦舉人成化間任〕

鄧 林〔歸善監生成化間任〕

施 威〔海陽監生成化間任〕

何 器〔道州監生〕

林 元〔瓊山舉人宏治六年以學易造士十九年陞學錄〕

彭 觀〔宜春監生宏治間任〕

龍毓林〔江西人成化間任〕

湯 昇〔南海人正德間任〕

徐 鑑〔崖州監生正德間任〕

翟 昇〔東莞監生正德間任〕

劉 溫〔吉水監生正德間任〕

章 海〔海豐監生嘉靖初任〕

項邦相〔桂林人嘉靖間任〕

孫 瑤〔瓊山人嘉靖間任〕

謝 諫〔慶遠人嘉靖間任〕

何應魁〔英德人嘉靖間任〕

崔 親〔江華人嘉靖間任〕

陳古經〔感恩人嘉靖間任〕

林齊雲〔海陽人嘉靖間任〕

林 憲〔龍溪人嘉靖間任〕

黃 寅〔江西人嘉靖間任〕

任 楫〔河南人嘉靖間任〕

龔守約〔清江人嘉靖間任〕

徐寅〔貴州人嘉靖間任〕

曹逢秀〔合浦人嘉靖間任〕

朱洛〔新淦人嘉靖間任〕

何夢瑞〔四會人隆慶間任〕

潘文翰〔靈山人隆慶間任〕

黃鶴〔武同人萬曆間任〕

劉道〔柳州人隆慶間任〕

雷中〔南甯人萬曆元年任〕

歐陽節〔永明恩貢萬曆四年任〕

甘棠〔柳城歲貢萬曆七年任〕

張問仁〔象州歲貢萬曆九年任〕

黃 霈(宜山歲貢萬歷十一年任)

覃大翰(平南歲貢萬歷十四年任)

吳崇義(柳州人萬歷二十年任)

陸鳳性(宣化人萬歷二十一年任)

王國俊(海陽人萬歷二十五年任)

蕭如芸(臨桂人萬歷二十七年任)

黃仕俊(永淳人萬歷間任)

龍大擢(安州人萬歷間任)

蔣 溫(賀縣人萬歷間任)

蘇時雨(興安人萬歷間任)

程學孔(太平人萬歷間任)

許 魁(欽州人萬歷間任)

陳 誨〔文昌人萬歷間任〕

景 明〔賓州人萬歷間任〕

馮純仁〔平樂人萬歷間任〕

鍾從政〔橫州人萬歷間任〕

萬一源〔長洲人萬歷間任〕

何龍光〔崇善人萬歷間任〕

璩待聘〔宜山人萬歷間任〕

譽其漸〔南海人萬歷末年任〕

黃 樑〔天河人天啓間任〕

尙國光〔雲南人崇禎元年任〕

班振先〔宣化人崇禎間任〕

王命祐〔賓州人崇禎八年任〕

藤縣志卷之十一

職官志

國朝

知縣

蕭來鸞〔旗人順治十三年任〕

秦周

王用〔山東人康熙七年任〕

蒲珩〔陝西進士康熙十年任〕

婁士基〔江南當塗人康熙十七年任〕

黃國珩〔河兩尉氏人康熙十九年任〕

金德懋〔鑲紅旗監生康熙二十一年任〕

王鈇〔江西人康熙二十三年任〕

萬 愨〔字兆文直隸南樂進士康熙二十六年任〕

王斗機〔陝西華陰人進士康熙二十五年任〕

李廷璧〔正白旗人康熙三十五年任〕

宋 旭〔湖廣江陵舉人康熙三十七年任〕

潘明祚〔康熙四十一年任詳名宦〕

張 純〔字惟一正黃旗監生康熙四十五年任〕

陳士修〔雲南楚雄舉人康熙五十四年任〕

王 恂〔河南柘城舉人康熙五十九年任〕

李文炎〔直隸任邱貢生康熙六十年任〕

李郁芬〔字元音江南婁縣進士雍正七年任〕

楊世昌〔雍正九年昭平縣調任〕

李 章〔雲南陽和舉人乾隆三年任〕

楊廷榕〔江蘇無錫進士乾隆八年任〕

王 路〔四川南充舉人乾隆九年任〕

林鶴鳴〔福建侯官進士乾隆十四年任〕

黃鶴齡〔順天大興進士乾隆十六年任〕

邱 堂〔福建福甯縣舉人乾隆二十二年任〕

布勒亨〔滿洲鑲白旗舉人乾隆二十七年任〕

劉元鰲〔湖南辰谿縣舉人乾隆三十五年任〕

梁羣英〔河南鹿邑縣舉人乾隆三十八年任〕

魏昌晉〔陝西臨潼縣舉人乾隆四十年任〕

王永緒〔順天宛平縣進士乾隆四十四年任〕

丁雲銘〔江蘇無錫縣貢生乾隆四十六年任〕

謝克猷〔湖南甯鄉縣人乾隆五十三年任〕

張 潏〔山東館陶縣舉人乾隆五十八年任〕

劉序拔〔湖南甯鄉縣舉人嘉慶四年任〕

任質淳〔山西平定州舉人嘉慶七年任〕

陳廷璠〔四川涪州舉人嘉慶九年任〕

司光峻〔江蘇沐陽縣監生嘉慶十三年任〕

黃開雲〔廣東連平州舉人嘉慶十八年任〕

高攀桂〔陝西澄城縣貢生嘉慶二十年署政清廉明修縣志〕

典史

高一柱〔浙江人康熙十年任〕

羅上騰〔廣東人康熙十六年任〕

郭維城〔浙江人康熙二十一年任〕

劉子孟〔山東長清人康熙三十二年任〕

王 楫〔山東商河人康熙四十年任〕

段繪月〔河南會縣人康熙四十二年任〕

符廷璋〔浙江餘姚人康熙四十五年任〕

劉永吉〔順天大興人康熙四十八年任〕

陳 鑣〔順天宛平人康熙五十五年任〕

葉鴻漸〔順天大興人雍正二年任〕

陳 曜〔順天大興人雍正三年〕

王 燧〔順天順義人雍正七年任〕

謝景璵〔順天三河人乾隆元年任〕

王嘉祥〔順天大興人乾隆四年任〕

賈文璵〔山西陽曲人乾隆七年任〕

張 鈞〔山西長治人乾隆十年任〕

金 緝(順天大興人乾隆十六年任)

金 章(順天大興人乾隆二十三年任)

李化溥(直隸宛平人乾隆二十七年任)

何星源(安徽懷甯縣供事乾隆四十年任)

易履柱(江蘇通州監生乾隆四十一年任)

李明山(浙江山陰縣供事乾隆四十六年任)

周際隆(順天宛平縣供事乾隆五十六年任告病回籍)

周以炳(浙江嘉善縣監生嘉慶六年任)

何 瑛(廣東香山縣監生嘉慶八年任)

周際隆(順天宛平縣供事嘉慶十四年回任)

王元春(河南盧氏縣監生嘉慶十九年任)

彭信忠(順天大興縣供事嘉慶二十年任)

巡檢（明史志云西有白石寨南有寶家寨東北有赤水鎮三巡檢司又東有禿洲南有周村西南有驛面又南有思羅四巡檢司今惟存白石寶家二巡檢司餘俱裁）

白石司巡檢（明原草姓土官後復改流）

王國柱（浙江人康熙十六年任）

沈宗昌（浙江人康熙二十一年任）

張瑄聲（山西人康熙二十三年任）

黃廷著（江南彭城人康熙二十九年任）

朱珍（奉天遼陽州人康熙三十八年任）

饒文獻（江西彭澤人康熙三十九年任）

張良唐（江蘇江甯人康熙四十四年任）

梁國珍（正紅旗歲貢康熙四十七年任）

崔 埜(直隸文安人康熙五十一年任)

黃 炳(直隸清苑人康熙五十七年任)

童 英(直隸良鄉人康熙六十二年任)

張 理(順天宛平人雍正四年任)

王兆宣(順天大興附貢雍正十年任)

楊士義(順天大興人乾隆元年任)

郭 鵬(安徽旌德人乾隆四年任)

莫天如(浙江山陰人乾隆七年任)

管用升(江蘇陽湖人乾隆十年任)

張 瀚(順天宛平人乾隆十三年任)

李雲驥(直隸長垣人乾隆十六年任)

徐 煥(浙江山陰人乾隆二十二年任)

易昌驥（湖南湘鄉監生乾隆二十九年任）

朱洪璉（江蘇上元監生乾隆三十四年任）

楊調元（浙江歸安縣監生乾隆四十一年任）

吳應麟（浙江錢塘縣監生乾隆四十九年任）

萬國寶（江西南昌縣監生乾隆五十五年任）

何永年（順天大興縣吏目乾隆五十八年任）

張 勳（順天大興縣監生嘉慶元年任）

吳介禧（江蘇宜興縣供事嘉慶七年任）

陳傳培（順天宛平縣供事嘉慶十一年任）

柴鳴高（順天宛平縣供事嘉慶十八年任）

陶大本（浙江會稽縣供事嘉慶二十年任）

竇家司巡檢（明原竇姓士官後改流）

何天成〔潮州人康熙十九年任〕

扈謂慶〔山東轉城人康熙二十六年任〕

嚴於陞〔浙江仁和人康熙四十年任〕

鄭劉王〔山東甯州人康熙四十二年任〕

安 封〔陝西渭南人康熙四十五年任〕

蔣廷貴〔順天大興例監康熙四十八年任〕

朱廷英〔順天大興例監康熙四十九年任〕

丁一乾〔直隸樂亭人康熙五十六年任〕

王肇興〔陝西同州人康熙五十八年任〕

李正福〔江南蘇州人雍正三年任〕

徐 錦〔浙江慈谿人雍正九年任〕

俞元隆〔江南清浦人雍正十二年任〕

端木令儀〔順天宛平人乾隆三十年任〕

沈 庚〔浙江仁和人乾隆四年任〕

王裕起〔順天大興人乾隆七年任〕

吳 觀〔浙江仁和人乾隆十三年任〕

鄧秉國〔湖北江陵監生乾隆二十年任〕

張邁祖〔山西繁峙監生乾隆二十六年任〕

金傳梅〔順天宛平縣人乾隆二十九年任〕

金傳學〔浙江會稽縣監生乾隆三十四年任〕

張 瑒〔江蘇如臯縣監生乾隆四十一年任〕

茹國曜〔順天大興縣供事乾隆四十八年任〕

喻 燮〔江西南昌縣監生乾隆六十年任〕

沈世泰〔順天宛平縣供事嘉慶四年任〕

謝朝璋〔廣東平遠縣從九嘉慶十年任〕

葉秀華〔廣東曲江縣監生嘉慶十二年任〕

凌斐然〔順天大興縣供事嘉慶十八年任〕

教諭

韋 忻〔平南縣舉人康熙三十八年任〕

李 楷〔桂林舉人康熙四十三年任〕

李翹林〔融縣副榜康熙四十五年任〕

何文昉〔陽朔縣拔貢康熙五十六年任〕

黃陽肇〔桂林貢生康熙六十一年任〕

呂德懋〔臨桂縣舉人雍正五年任〕

賈正美〔羅城縣貢生雍正十年任詳通志〕

馮秉剛〔太平舉人乾隆六年任〕

嚴朝節（鬱林州舉人乾隆十三年任）

關宏烈（太平 恩貢乾隆十九年任）

馬世偉（隆安縣拔貢乾隆二十五年任）

晏永瑛（鬱林州副榜乾隆三十九年任）

李挺拔（思恩府定羅土司拔貢乾隆四十四年任）

蘇學聖（靈川縣副榜乾隆四十八年任）

覃 洋（平南縣舉人乾隆五十四年任）

蘇學聖（靈川縣副榜嘉慶元年起復回任）

楊自強（象州拔貢嘉慶七年任）

陳允信（隆安縣舉人嘉慶十年任）

李程泌（北流縣拔貢嘉慶十九年任）

訓 導

朱享敵（臨桂縣人康熙十七年任）

黃挺（武緣縣貢生康熙二十二年任）

唐寅畏（義甯縣歲貢康熙三十年任）

羅奎宿（河池州貢生康熙三十六年任）

黃廣德（上思州貢生康熙四十三年任）

袁昌（宜山縣貢生康熙四十九年任）

唐象兌（灌陽縣貢生康熙五十七年任）

梁松（荔浦縣貢生雍正五年任）

莫踰矩（河池州人雍正十三年任）

林日昇（東蘭州人乾隆十三年任）

莫如敏（富川縣人乾隆二十一年任）

覃思堯（象州人乾隆二十八年任）

董懋官（馬平縣歲貢乾隆三十八年任）

文炳（全州舉人乾隆四十三年任）

粟恒盈（義甯縣歲貢乾隆四十五年任）

韋紹賢（東蘭州歲貢乾隆五十九年任）

蕭馨智（臨桂縣舉人嘉慶元年任）

唐鍾元（臨桂縣舉人嘉慶四年任）

蔣上紱（全州舉人嘉慶七年任）

卷之十一 職官志

(三百七六)

國朝知縣

黃開雲〔舉人廣東連平州人嘉慶二十五年任〕

余源〔浙江人己巳進士〕

署陳西書〔道光五年任〕

邱登〔進士道光十年任 慈愛勤慎 浙江仁和人〕

胡兆麟〔山東舉人〕

署陸恩壽〔蔭生 道光十五年任 清廉勤慎自註大堂楹聯云清白傳家免致兒孫作孽和平任事莫教士女含冤〕

署馮震東

署嵩霖

夏濬時〔舉人 道光十六年任 仁慈重士〕

署黃本齡〔湖南長沙舉人 道光十八年任 精明果決〕

溫鵬翀〔乙未進士江西石城人 道光十九年任 勤於課士作育人材兼掌藤州書院建訪蘇亭修李衛國公祠〕

署孫 煥〔浙江人〕〔道光二十三年任〕

署江應澄〔廣東石城人〕 道光二十四年任 清勤

吳家懋〔進士前翰林院庶吉士廣東〕

署劉繼祖〔附貢江西龍南縣人〕 道光二十六年任 嫉惡如仇守城殉難

周誠之〔進士江西湖口縣人〕 道光二十九年任

署陳 寶〔江蘇婁縣人〕 道光三十年任

署周克錦〔湖南〕

張鵬萬〔舉人四川〕
咸豐元年任強幹有識嚴於治賊

署唐 淦 〔咸豐二年冬任〕

崔登峨〔解元山東人〕 咸豐三年任不屈遇害

署雷葆初 〔咸豐四年任〕

署周誠之 見上 〔咸豐五年任〕

代理雷葆初

〔咸豐五年任〕

署陳瀚〔湖北江夏人

咸豐六年任〕

署宋尙述〔浙江山陰人

咸豐七年任捕賊遇害〕

署陳延齡

〔咸豐十一年任勤政和平〕

浦鑑

〔同治元年任〕

陳延齡

署張葆光〔廣東嘉應州人〕

署景星〔已酉舉人貴州貴筑縣人同治二年任〕

邊其晉〔同治三年任克復糯峒公扶等砦〕

署唐鳳翔〔修文廟武廟書院義學昭忠祠 湖南長沙人〕

邊其晉〔河南壬辰科副榜前河南登封縣教諭廣東署和平縣事英德縣知縣

五年七月復任修衙署建望江樓修捕署修邑志克復竇家二占剽表

大岸狼扶等處各逆產撥入賓興館培養人才同治七年克復下邳砦
又克復永安州之南蛇砦

教諭

于繩武〔道光二年四月任臨桂舉人〕

王運峻〔道光十四年八月任灌陽舉人〕

朱紹裘〔道光二十六年五月任臨桂舉人〕

羅天理〔道光二十七年任嘉慶癸酉副榜〕

李 洵〔道光二十八年六月任舉人〕

羅世貴〔舉人道光二十九年任〕

唐鍾繇〔道光三十年八月任拔貢興業人〕

實 黃 槐〔咸豐六年八月二十九日任〕

任 同治四年五月二十日病故

兼 李挺芳〔同治四年五月二十日任〕

理 是年又五月二十八日御事

署理李松年〔同治四年又五月二十八日任五年
四月初二日卸事附貢興安人〕

蒙秉仁〔同治五年四月初二日到任 桂平人增生保舉〕

訓導

管繼昌〔道光三年任陽朔歲貢〕

黎旭興〔道光十年署平南廩貢〕

朱 梁〔道光十一年三月任臨桂舉人〕

梁之柏〔道光二十四年任〕

胡恩壽〔道光二十五年二月任 平南舉人〕

何璣愨〔道光二十六年三月任〕

龔濟定〔道光二十九年十二月任〕

署理銀 貢〔咸豐十一年三月二十四日任同治三年正月初二日卸事臨桂附貢〕

兼理黃 槐〔同治三年正月初二日任是年五月二十七日卸事拔貢永康州人〕

署理李挺芳(同治三年五月二十日任五年九月初八日卸事附貢賓州人)

署理吳炳華(同治五年九月初八日任六年七月十一日卸事附貢昭平人)

兼理蒙秉仁(同治六年七月十一日任是年八月初二日卸事)

署理莫光甲(同治六年八月初二日任)

韋貞元(同治六年十二月十五日任象州歲貢)

白石寨巡檢

實任彭蔭枚(同治三年十二月十七日卸事廣東龍川人)

實任宋家聲(同治三年十二月十七日任河南鄭州人四年九月初一日故)

彈壓燕潤田(同治四年九月初八日任山西介休人是年十月初四日卸事)

代理梁澍棠(同治四年十月初四日任廣東人是年十一月二十三日卸事)

署理黎培續(同治四年十一月二十三日任湖南人)

李開榮(同治六年十一月十六日任廣東連州人)

竇家寨巡檢

張象吉（咸豐二年八月任）

陳人鏡（咸豐五年九月任）

兼理鄭其昌（咸豐十一年九月十六日任浙江人同治元年二月十二日卸事）

署理杜繼祖（同治元年二月十二日任是年五月二十一日卸事）

署理鄭其昌（同治元年五月二十一日任三年正月十七日卸事）

兼理燕潤田（同治三年正月十九日任是年五月十五日卸事）

兼理鄭其昌（同治三年正月十五日任四年九月初八日卸事）

兼理王恩紱（同治四年九月初任江蘇人是年十一月十六日卸事）

署任蔣志舒（同治四年十一月十六日任江西五年十一月初七日卸事）

實任徐 烜（同治五年十一月初七日任四川人六年五月二十六日卸事）

彈壓陳 洪（同治六年五月二十六日任湖南祁陽人是年七月二十八日卸事）

署任魏章喬(同治六年七月二十八日任湖北人)

典史

郝雲鵠(道光十四年二月任)

吳傳曾(道光十六年任)

白椿(道光十七年任)

陶兆恩(道光二十六年任)

陳瀚(道光二十七年任湖北人)

張象吉(道光二十八年七月任)

冉正棠(咸豐三年三月任合家殉難)

代理鄭其昌(咸豐十一年初六日任同治元年二月十二日卸事)

實授燕潤田(同治元年二月十二日任四年九月初八日卸事)

實授王恩紱(同治四年九月初八日任五年十一月二十二日卸事)

署理陳 洪（同治五年十一月二十二日任六年七月二十二日卸事）

寶授劉德藩（同治六年七月二十一日任湖南人）

卷之十一 職官志

(三百八六)

藤縣志卷之十二

名宦總序 德政 遷客流寓

凡百君子靖共爾位宦固不以大小殊也然善政不如善教仁言豈若仁聲故往往善教所及仁聲隨之豈虛附哉循吏傳謂漢世良吏王成黃霸朱邑龔遂召信臣所居民富所去見思果何能得斯於民乎藤自晉唐宋明以迄於今官茲土者雖未克盡紀其蹟而其中實有善教之留遺仁聲之翺洽者閭閻父老猶有一二能道之者不誠與召棠郇黍爭烈哉他如遷客賢偶然寄跡雖彼不無去國懷鄉之念而未始不爲斯地之大幸也用並紀之志名宦

藤縣志卷十二

名宦志

德政

晉

陳隱穆帝昇平十五年爲龍驤將軍開府永平郡時初設郡治彈壓最難隱任其勞
藤之受庇不少因志其駐師之處爲龍驤山

隋

裴肅字神封河東聞喜人少剛正有局度仕周釋褐給事中累遷御正下大夫後廢
於家開皇五年授繕部侍郎遷朔州總管長史轉貝州長史俱有能名仁壽中上書
左庶子張衡言於皇太子太子甚不悅煬帝嗣位執政者希旨以嶺海荒遐授肅永
平郡丞甚得民夷心歲餘卒時年六十二閭閻思之爲立廟彰江之浦(郡志載祀
縣名宦)

唐

李靖字藥師雍州三原人武德中攝孝恭行軍長史擊破蕭銑乃度嶺至桂州遣人
分道招撫其各大首領馮盎李先度甯長真等皆遣子弟來謁靖承制授其官爵凡
懷輯九十六州戶六十餘萬詔書勞勉授嶺南道撫慰大使檢校桂州總管靖以嶺

海荒遠非鎮威武示禮義無以善風俗乃率兵南巡至藤間疾苦延見父老宣布德
意所過悉如遠近懽服祀省名宦邑建東山祠祀之并祀八賢祠（參錄本傳）

李曉庭大歷初任藤州刺史時蠻酋梁崇據容州曉庭與經略使王翊進討克復
容州民賴以安（祀名宦）

宋

郎簡字廉叔杭州臨安人進士及第真宗時改秘書省著作郎知分宜縣徙知藤州
興賢育才移風易俗藤文學因以振興後去任士民咸慕之（祀名宦）

李萬淳祐間知藤州有善政嘗訪馮文簡公斷碑刻於石

周襄金谿人進士以員外郎任藤州知州清廉著聲一以寬簡爲治勸農桑蠲徭役
勤政之餘尤以詩書爲士民訓（襄省志作袞）

元

劉志行江西人元進士知藤州之鍾津縣尹有善政民愛仰之

文魁字華甫衡陽人至順三年以朝列大夫知藤州際兵革之餘披荆棘立州治修城池興學校求善訓士立法衛民蠻寇出沒藤獨無擾政化大行

馮思齊樂城人至正間知藤州律身廉潔馭下寬簡而民懷其德（粵西文載祀名宦）

明

趙文字夢得錢塘人洪武時舉賢良七年知藤州廉以自持政尚仁恕秩滿去民言及輒有流涕者（祀名宦）

蘇湖雲南人隆慶六年知藤縣懲欺隱興學校申飭鄉約復行條編各款訓民子弟招撫猺獞潔己愛民政教煥然一新任三載以外艱去士立去思碑（并爲立祠）

陳雅言長沙人萬歷二年知藤縣精明勤慎人不能欺即遠鄉僻民一見無有忘者弓田迫於覲行冊籍浹旬而就事不停留如此撰有題名碑記

劉炅江西南昌人萬歷二十七年知藤縣事接物坦衷與民休息捐俸建學育才造

土稅瑄起藤蒙二江稅於五屯採金人心皇皇與太守凌嗣音力爭其弊強項不屈有張思繩去思碑記

孫懋字德夫慈谿人正德間以論朱彬謫尉藤縣首議興學創建南麓書院時於政事之餘即詣講堂親爲諸生陳經析義諸生奮起彬彬咸謂得師轉官去士人思慕相尸祝於講堂并祀名宦

梁昌香山舉人崇禎七年任廉謹愷悌政先仁恕聽訟不加鞭撻皆得其情治甫三載百廢俱興革里排舊規編遼餉入糧闔邑稱便修明倫堂南麓書院改陽城復北樓皆捐俸不擾民

國朝

潘明祚山東進士康熙四十一年任藤縣教養兼修清白自矢縣舊例納糧外索費二分爲吏役承管公堂之需又有供應柴炭查封民船取辦祭器以及蛋戶魚稅民夫幫錢種種苛累明祚概行詳革勒石永禁民困以蘇卒於藤祀名宦

楊世昌雲南蒙自舉人雍正九年由昭平調任藤縣至日問民疾苦多善政尤以學校爲先重葺永安門內三元書院捐俸延師後以其地湫隘復於城南購地鳩工創建義學置膏火田畝士民咸感戴之

陳廷璠四川涪州舉人嘉慶九年知藤縣撫字心勞有鞭蒲示辱風城鄉設約正朔望宣講

聖諭親履郊原課農桑創建書院置膏火提名宿時復與諸生辨析經義手書學校規條值鄉會試輒行賓興典以鼓舞人材文教日興科甲滋盛先是俗頗惑風水改葬輒撿骨置塚中名曰葬金廷璠著正葬醒惑解剴切曉諭俱各痛改前習藤地近粵東有巨盜潛至境內意圖肆劫廷璠不動聲色卽行擒獲四鄉咸慶安堵後去官士民保留不可爲之尸祝於書院以志去思

馮秉剛太平人明通進士授藤縣教諭整飭學校風勵士林捐俸置科舉賓興業以爲諸生鄉試資斧培植人材意深且厚至今猶仰賴之

補編

漢

馬援字文淵扶風茂陵人也交趾女子徵側及女弟徵貳反攻沒其郡九真日南合浦蠻夷皆應之寇略嶺外六十餘城於是璽書拜援伏波將軍南擊交趾建武十九年正月斬徵側徵貳嶠南平援所過輒爲郡縣治城郭穿渠灌溉以利其民〔後漢

書馬援傳〕

隋

裴敬業爲永平郡丞惠政及民咸思之

唐

王翊字宏肱太原晉陽人大歷五年遷容州刺史容管經畧使自安史之亂頻詔徵發嶺南兵募隸南陽魯炆軍炆與賊戰於葉縣大敗餘衆離散嶺南谿洞夷獠乘此相恐爲亂其首領梁崇牽自號平南十道大都統及其黨覃向等誘西原賊張侯夏

永攻陷城邑據容州前後經畧使陳仁琇李抗侯令儀耿慎惑元結長孫全緒等雖容州刺史皆寄理藤州或寄梧州及翊至藤州言於衆曰吾爲容州刺史安得寄理他邑乃出私財募將健許奏以好爵以是人各盡力不數月斬賊魁歐陽珪馳於廣州見節度使李勉求兵爲援勉曰容州陷賊已久羣獠方強卒難圖也若務速攻祇自敗耳郡不可復也翊請曰大夫如未暇出師但請移牒諸州揚言出千兵援助冀藉聲勢成萬一之功勉然之翊乃以手相告諭義州刺史陳仁瑾藤州刺史李曉庭等同盟約討賊翊復募三千餘人力戰日數合節度使牒止翊用兵翊慮惑將士匿其牒奮起士卒大破賊數萬衆擒其帥梁崇率賊遁數百里外盡復容州故境翊發使以聞奏置順州以遏餘寇前後大小百餘戰生擒賊帥上獻者七十餘人累加銀青光祿大夫兼御史中丞

宋

苑成大字致能吳郡人乾道九年知靜江府廣西窘匱專籍鹽利漕臣盡取之於是

屬邑有增價抑配之弊詔復行鈔鹽漕司拘鈔錢均給所部而錢不至成大入境曰利害有大於此者乎奏疏謂能裁抑漕司強取之數以寬郡縣則科抑可禁上從之數年廣州鹽商上書乞復令客販宰相可其說成大出銀錢助之人多以為非下有司議卒不易成大說舊法馬以四尺三寸為限詔加至四寸已上成大謂互市四十年不宜驟改除敷文閣待制四川制置使（宋史范成大傳）

石安民字惠叔本省臨桂人少穎銳紹興乙丑進士為象州判官累決冤獄分教藤州善誘掖士皆有所興起

明

王守仁字伯安餘姚人嘉靖六年思恩田州土酋廬蘇王受反總督姚鏌不能定乃詔守仁以原官兼左都御史總督兩廣兼巡撫守仁在道疏陳用兵之非且言思恩未設流官土酋歲出兵三千聽官征調既設流官我反歲遣兵數千防戍是流官之設無益可知且田州鄰交趾深山絕谷悉獠獠盤據必仍設土官斯可藉其兵力屏

蔽若改土爲流則邊鄙之患我自當之後必有悔章下兵部尙書黃時中條其不合者五帝令守仁更議十二月守仁抵潯州會巡按御史石金定計招撫悉散遣諸軍留永順保靖土兵數千解甲休息蘇受初求撫不得聞守仁至益懼至是則大喜守仁赴南甯二人遣使乞降守仁令詣軍門二人竊議曰王公素多詐恐給我及陳兵入見守仁數二人罪杖而釋之覩人營撫其衆七萬奏聞於朝陳用兵十害招撫十善因請復設流官量割田州地別立一州以岑猛次子邦相爲吏目署州事俟有功擢知州而於田州置十九巡檢司以蘇受等任之並受約束於流官知府帝皆從之斷藤峽搖賊上連八寨下通仙臺花相諸洞蠻盤亘三百餘里郡邑罹害者數十年守仁欲討之故留南甯罷湖廣兵示不再用伺賊不備進破牛腸六寺等十餘寨峽賊悉平遂循橫右江而下攻克仙臺花相白石古陶羅鳳諸賊令布政使林富率蘇愛兵直抵八寨破石門副將沈希儀邀斬軼賊盡平八寨併增築守鎮城堡於五屯召其頑梗曲示訓懲獎進善良撫綏有道藤民賴以永安

王宗子字時行以例入太學得藤縣丞藤民獠獍參半抄畧無已時宗子至汰守衛兵老稚者而日訓討之甲士咸有鬪色所封培堡七十區明斥堠譏出入終其任獠無窺藤者畧興業妖民和義四郎者密邇大藤峽聲勢相倚宗子密禽之患乃息韓雍字永熙長州人浙江左參政廣西獠獍流剽廣東殘破郡邑殆徧成化元年正月大發兵拜都督趙輔爲總兵官以太監盧永陳瑄監其軍兵部尙書王竑曰韓雍才氣無雙平賊非雍莫可乃改雍左僉都御史贊理軍務雍馳至南京集諸將議方畧先是編修邱濬上書大學士李賢言賊在廣東者宜驅在廣西者宜困欲宿兵大藤峽扼其出入蹂其禾稻期一二年盡賊賢善之獻於朝詔錄示諸將諸將主其說請令遊擊將軍和勇率番騎趨廣東而大軍直趨廣西分兵撲滅雍曰賊已蔓延數千里而所至與戰是自敝也當全師直搗大藤峽南可援高肇雷廉東可應南韶西可取柳慶北可斷陽峒諸路首尾相應攻其腹心巢穴旣傾餘刃解耳舍此不圖而分兵四出賊益奔突郡邑益殘所謂求火而噓之也衆曰善輔亦知雍才是辦賊

軍謀一聽雍雍等遂倍道趨全州陽峒苗掠興安擊破之至桂林斬失機者揮李英等四人以徇按地圖與諸將議曰賊以修仁荔浦爲羽翼當先取二縣以孤賊勢乃督兵十六萬人分五道先破修仁賊窮追至力山禽千二百餘人斬首七千三百級荔浦亦定十日至潯州延問父老皆曰峽天險不可攻宜以計困雍曰峽延廣六百餘里安能使困兵分則力弱師老則財匱賊何時得平吾計決矣遂長驅至峽口儒生里老數十人伏道左願爲嚮道雍見即罵曰賊敢給我叱左右縛斬之左右皆愕旣縛而袂中利刃出推問果賊也悉支解刳腸胃分掛林箐中累累相屬賊大驚曰韓公天神不可以術詐也雍令總兵官歐信等爲五哨自象州武宣攻其北身與輔督都指揮自全等爲八哨自桂平平南攻其南參將孫震等爲二哨從水路入而別分兵守諸隘口賊魁侯大狗等大懼先移其累重於桂州橫石塘而立棚南山多置滾木礮石鏢鎗藥弩拒官軍十二月朔雍等督諸軍水陸並進擁團牌登山殊死戰連破石門林峒沙田右營諸巢焚其室廬積聚賊皆奔潰伐木開道直抵橫石塘及

九層樓諸山賊復立柵數重憑高以拒官軍誘賊發矢石度且盡雍躬督諸軍別遣壯士從間道先登據山頂舉砲賊不能支遂大敗先後破賊三百二十四砦生禽大狗及其黨七百八十人斬首三千二百有奇墜溺死者不可勝計峽有大藤如虹橫亘兩崖間雍斧斷之改名斷藤峽勒石紀功而還分兵擊餘黨鬱林陽江洛容博白次第皆定帝大喜賜敕嘉勞召輔等還遷雍左副都御史提督兩廣軍務雍乃散遣諸軍以省饋餉而遺孽侯鄭昂等遂乘虛陷潯州及洛容北流二縣雍被劾引罪帝宥之雍益發兵撲討時諸賊所在蜂起思恩潯賓柳城悉被擾掠流劫至廣東欽化二州皆應時破殄四年春雍以兩廣地大事殷請東西各設巡撫帝可之命陳濂撫廣東張鵬撫廣西而雍專理軍事尋以憂歸明年兩廣盜復起僉事陶魯言兩廣地勢錯互當如臂指相使不可離析近賊犯廣西臣與廣東三司議調兵匝月未決盜賊無所憚乞仍命大臣總督便會僉事林錦巡按御史龔晟亦以爲請乃罷兩巡撫而起復雍右都御史總督如故又明年正月雍疏辭新命乞終制不許雍抵任遣參

將張壽遊擊馮昇等分道討賊忻州入砦蠻及諸山峯獐掠州縣者摧破之蠻民素懾雍威寇盜寢息九年柳潯諸蠻復叛參將楊廣等俘斬九百人方更進而賊破懷集縣兵部劾雍奏報不實廣西鎮守中官黃沁素憾雍抑己因訐雍且言其貪欲縱酒濫賞妄費帝遣給事中張謙等往勘而廣西布政使何宜副使張敦銜雍素輕已共醜釀其罪謙還奏事虛實交半竟命致仕去雍有雄畧善斷動中事機臨戰率躬親矢石不目瞬自奉尊嚴三司皆長跪白事軍門設銅鼓數十儀節詳密裨將以下繩押無所假兩地鎮守宦臣素驕恣亦惕息無敢肆疾惡嚴垣中不爲崖岸揮斥財帛不少惜故難令行禁止民得安堵而謗議亦易起爲中官所齟齬公論皆不平兩廣人念雍功尤惜其去爲立祠祀焉家居五年卒年五十七正德間謚襄毅（明史

韓雍傳）

國朝

郝浴定州人康熙二十年巡撫廣西調劑戎務清理鹽政改折米之令除采銅之擾

定粵舡載送大兵接替之法絕雲南投誠家口遶道之害時撤回藩旆浴措置晏如
凡舊在藩邸工傭悉釋爲民一時政聲遠近無不稱善（一統志）

嶺表炎熱馬多斃浴爲奏請汰冗兵減營馬（金志）

彭鵬字奮斯莆田人康熙三十九年巡撫廣西先聲所至貪墨股栗下車後省刑布
德減稅輕徭粵西舊有魚膠鐵葉之供非本省所產每歲赴粵東購運鵬疏請免之

（一統志）

張若霈桐城舉人康熙六十年由嚴州府同歷治中遷知梧州府梧郡商賈輻輳東
省不逞之徒每潛入爲盜捕之急則逋還東省隔屬關提每至聞風遠遁若霈至專
意團練鄉勇申明賞罰以鼓勵之嚴飭保甲守望相助有自首改悔者收作撫丁分
隸卒伍中旣約束有人又有月糧以餬其口本地無勾引之人而東省怯篋者亦屏
跡梧廠爲本省公費所由出利源所在往往因緣爲奸若霈處膏不潤商賈稱便稅
課以充報最遷驛鹽道值鹽政敝壞

詔令詳議善策遂改爲官運官銷當創制立法之初頭緒繁多若需悉心經畫條分縷析盡中機宜國課無虧東西便之至今食其德焉其他有利於民者行之惟恐後以積勞成疾卒於官

按一邑所祀名宦必爲親民之官若總轄大吏非偏隅所得私也藤無志乘可考前明舊志亦殘缺無存惟查省郡各志及邑中家藏抄本內載裴肅郎簡孫懋李曉庭文魁趙文潘明祚俱祀名宦而現在祠內所祀又爲范成大韓雍張若霈彭鵬郝浴諸人竊意藤之循良應歆藤之俎豆裴丞郎守似得其宜若范致能韓永熙皆國家碩輔澤普嶺南不僅鐔津片壤從而祀之反嫌僭越第日久相沿不敢謬爲更易故各列其宦蹟以俟後之君子辨焉

新增名宦

梁昌香山人有善政祀名宦崇禎八年修縣志四冊十年告成今祀入賢宦祠
高攀桂號秋崖陝西澄城縣貢生政治廉明嘉慶二十一年修縣志合邑紳民議祀

入賢宦祠

卷之十二 名宦志

(四百零三)

卷之十二 名宦志

(四百零四)

名宦祠

隋

永平郡丞

斐肅(字敬業)

唐

僕射衛國公

李靖(字藥師)

藤州刺史

李曉庭

容州刺史

王翊(字宏肱)

宋

藤州知州

耶簡(字廉叔)

藤州知州

李萬

藤州知州

周襄

靜江府知府

范成大(字致能)

分教 藤州

石安民(字惠叔)

元

藤州知州

文魁(字華甫)

藤州知州

劉志行

明

藤州知州

趙文(字夢得)

藤縣尉

孫懋(字德夫)

藤縣知縣廣東香山縣人

梁昌

左副都御史提督兩廣軍務韓

雍(字永熙)

國朝

廣西巡撫

郝浴

賜進士出身藤縣知縣

潘作祚

藤縣知縣

楊世昌

藤縣知縣

陳廷璠

藤縣教諭

馮秉剛

廣西巡撫

彭鵬

梧州府知府

張若霈

梧州府知府

謝凝道

按名宦諸賢俱詳名宦志及補編茲不再贅近日所祠無趙文孫懋郝浴查舊志皆祠入名宦茲特補入以光前徽其餘陳隱馮思齊蘇湖陳雅言劉旻王守仁舊未入祠不敢擅爲增加斐肅細查舊志仍是一人而職官志敘爲二人疑是當年之訛

卷之十二

(四百零八)

遷客流寓

唐

李嗣真字承胄趙州柏水人永昌初以右御史中丞知大夫事時來俊臣燬獄方熾嗣真上書諫以爲昔陳平事漢高祖謀疏楚君臣行反間計項羽遂亡今殆有如平者間陛下君臣恐爲社稷禍不納出爲潞州刺史俊臣誣以反流藤州久得還〔節唐書本傳〕

宋之問字延清汾州人唐武后召與楊炯分直習藝館羣臣賦詩武后大稱賞至奪錦袍以賜官尙方監丞與韋維稱一臺二妙中宗朝爲修文館學士後貶嶺南過藤州有浮金亭詩邑人愛其才祀人賢

按宋之問操行不軌濫膺俎豆之薦省志業經刪削但以其藤州浮金亭等詩爲文人所節取相沿旣久姑存其舊

契茲承明開元間突厥默啜之疆迫奪鐵勒地回紇契茲思結渾四部以避之甘涼

聞四部怨王君竄繩以法遣使自訴上遣中使察之諸部不得直於是回紇承宗等俱流遠州契苾承明流藤州

李白字太白四川成都人興聖皇帝九世孫以賀知章荐詔供奉翰林後放還永王璘辟爲府僚佐璘反逃還彭澤璘敗流夜郎假道藤州寓赤水之廣惠寺右有巖白讀書其中因以李白名巖有詠紫藤樹詩「節本傳」

宋

秦觀字少游一字太虛揚州高郵人紹聖初坐黨籍出通判杭州以御史劉拯論其增損寶錄貶監處州酒稅使者承風望指候伺過失旣而無所得則以謁告寫佛書爲罪削秩徙柳州旋徙橫州又徙雷州徽宗立復宣德郎放還至藤州出游光華亭爲客道夢中長短句有云醉臥古藤陰下杳不知南北一日醉起索水欲飲水至笑視之而卒先自作輓詞其語哀甚時陳無已亦客藤黃庭堅詩日閉門覓句陳無已對客揮毫秦少游二子不知湍飽味西風吹淚古藤州蓋傷之也

蘇軾字子瞻眉山人以宣仁召用御史賈易輩論軾與弟轍作文詞譏斥先朝至紹聖初御史復以爲言謫英州未至貶甯遠軍節度副使惠州安置居惠三年貶瓊州會弟轍亦謫雷州同道藤州徽宗立徙永州還廉經北流乃作竹筏歷容過藤覽山水之勝流連彌久有浮金亭江月樓等詩至梧與子邁會後赦還

呂撫齊州人丞相頤浩子官至朝散郎貶梧州司戶秦檜追憾頤浩再竄藤州撫雖在貶所恒以詩書自娛

王循友知建康嘗罪秦檜族黨安置藤州鄭玘有嘲諛講和之語竄容州

李光字泰發越州上虞人登崇甯進士令開化除太常博士以論事貶陽朔縣高宗時參知政事秦檜以親黨鄭億年爲資政殿學士光於榻前面折之又與檜語詰上前因曰觀檜之意是欲壅蔽陛下耳目盜弄國權懷奸誤國不可不察檜大怒明日光丐去知紹興府中丞万俟卨論光陰懷怨望責授建甯軍節度副使藤州安置又以在藤州唱和譏刺四年移瓊州又移昌化光所至論文考史怡然自適年踰八十

以郊恩復左朝奉大夫至江州卒孝宗賜諡曰莊簡

爻山筆話

李令公之訛

蘇時學

廣右多李令公廟祀宋鈐轄李公師中又稱北府廟按李當宋仁宗時提廣西刑獄
構帥事有功於民民畫像立祠以祀事詳宋史本傳亦漢新息唐衛國之流也藤有
令公廟在八賢祠後八賢祀唐宋名人流寓於藤者歲月寔久人不識令公爲何許
人因訛爲靈公並朔三頭六臂之像又設華光神像並祀顏曰二聖八賢愈不可解
此與小說杜十姨事若合符契竊思令公當日與蘇黃輩同時嘗以詩相唱和令蘇
黃在八賢內人罕有問者公獨威靈顯赫振古如茲豈聖而不可知之謂神固當如
是乎

東坡至藤歲月

東坡以紹聖四年丁丑歲謫海南子由亦貶雷州五月十一日相遇於藤同行至雷

六月十一日相別渡海事見先生止酒詩序此先生初過藤之歲月也呂周輔言東坡與黃門公南遷相遇於梧藤間道傍有鬻湯餅者共買食之物惡不可食黃門置箸而歎東坡已盡之矣徐謂黃門曰三九郎爾尙欲咀嚼耶大笑而起秦少游聞之曰此先生飲酒但飲濕法也

元符三年庚辰先生南還六月過瓊州渡海七月到廉州有與鄭靖老書云到廉廉守云公已行矣某留此過中秋或至月末乃行作木筏下水歷容藤至梧又瓶笙詩序言八月二十八日劉幾仲餞別東坡是去廉在八月底則至藤在九月矣時藤守徐疇元用與其子端常邀先生與兒子過遊東山浮金堂先生戲作詩子過次其韻見斜川集然此詩不言月日又有藤州江上夜起對月贈邵道士詩末云相將乘一葉夜下蒼梧灘是邵道士與先生同下梧也道士名彥肅容州都嶠山人善鼓琴隨先生遊十日而別先生以詩送之考金石粹編有元符三年九月東坡書贈都嶠邵道士石刻是先生去藤尙在九月則至藤益爲九月無疑也又江上對月詩有端如

徑寸珠墜此白玉盤之句必爲九月旣望也此先生北歸至藤之月日亦可考而知之也

山谷未嘗至藤

黃山谷荆江亭卽事詩云閉門覓句陳無已對客揮毫秦少游正字不知淵飽味西風吹淚古藤州爲陳秦二子而作也第三句原屬無已第四句乃謂少游今藤志妄易第三句爲二子不知淵飽味遂附會其說謂無已亦嘗客藤不知無已官至正字而卒終身未嘗至粵安得至藤卽山谷此詩亦在荆江時作後雖謫粵之宜州亦未聞有至藤之事年譜具存事實可考今作志者據此詩附會無已併附會山谷謂山谷亦嘗客藤遂與唐宋流寓諸公並祀八賢祠雖山谷一代名賢脩食於藤原無愧色而妄語流傳羌無故實獨不貽識者之哂耶

二女墓

二女墓在藤東山之陰世傳秦少游僑寓藤州二女歿葬此余謂此事終屬傳疑據

少游北歸至藤不過旬日而歿豈旬日之內二女亦並歿於藤其可疑者一也若果真有此事則東坡北歸諸札痛少游者甚至何以竟無一語及之其可疑者二也又少游之卒在八月而東坡至藤在九月其時少游之喪已附范元長北歸何以二女獨留葬藤其可疑者三也或據李次山所傳義倡事謂二義音同二女卽義女之訛似爲近理但倡籍隸長沙與藤相去二千餘里傳言倡聞訃奔喪則時日已久秦喪必已去藤又言倡行數百里遇於旅館一慟而絕則倡歿並不在藤何以藤有其墓其可疑者四也具此羣疑實難了悟姑附辨於此俟識者審正焉

遷客流寓

明

解縉字大紳吉水人洪武戊辰進士上封事論時政剴切萬言改御史永樂初爲翰林學士直文淵閣時上方用兵交趾縉力言交趾古羈縻國通正朔時賓貢而已得其地不足郡縣上遂疏縉出爲廣西參議尙書李至剛誣縉怨望改交趾過藤州愛

藤山水寓水月巖盤桓旬月藤人士多就學焉

程文德字舜敷武康人嘉靖乙丑進士爲編修以言事謫信宜典史過藤州繫纜東山下慕浮金亭之勝因重修以記之兩廣督撫陶諧禮致文德於蒼梧主嶺表書院作六章示教曰自愛曰辨志曰務實曰尙行曰敦本曰持謙諸生從游者前植竹院後作棲鳳臺尋遷安福令累官大司成德行文章爲世所重（梧州府志）

藤縣志卷之十三

邑紳志

鄉賢祀

唐

貞觀進士交州刺史李堯臣

宋

三元大司徒謚文簡馮京

紹興進士國子監祭酒李奉政

紹興進士國子監祭酒李用謙

明

進士太子太保兵部尚書遼薊總督袁崇煥

大理寺正卿黃聚

按察司副使廣東提督學道喻漢

進士監察御史萬祥

福建邵武府同知喻河

解元湖南靖州知府傅鑑

江西建昌府同知楊霖

舉人廣東海豐縣知縣胡如孟

廣東香山縣知縣王好善

舉人廣東肇慶府陽江縣知縣霍榮

舉人浙江奉化縣知縣喻江

舉人廣東興甯教諭徐容

湖南茶陵州訓導傅惟宗

按邑紳諸賢詳官職科名茲不再叙久祠鄉賢軍興以來祠廢今按志重修祠宇以

揚南徽按舊志列祠不敢妄爲增易

卷之十三 鄉賢志

(四百十九)

卷之十三 鄉賢志

(四百二十一)

鄉賢補

南甯訓導鄧國楨

舉人陳璋

奉直大夫蘇秉星

明經進士蘇猗

明經進士朱桐

庠生朱如然

庠生覃嘉潤

庠生蘇欉俊

庠生楊廷檀

登仕郎李佳章

大學生石持高

卷之十三 鄉賢志

太學生 李文綱

太學生 石光玫

太學生 李亘章

太學生 莫日成

處士 王天長

處士 石持振

處士 陳煥琪

處士 吳朝翰

處士 石耀典

以上諸賢皆學問純正樂善好施賑災濟貧尤多義舉邑人重其德已於嘉慶年間奉祀書院之淨室後燬於兵今仍補祀書院中

監生何江樂善好施以孫宏元貴 贈奉政大夫紳民公議入賓興館永遠奉祀

蘇秉星字欽亮號象峰廩貢候選布經歷授奉直大夫好學不倦屢考優等而困於棘闈其孝友性成家庭雍睦于宗師以克敦孝友匾旌之與兄雪漁創建文峰塔以培風氣復營浮金亭存古蹟其好義有如此者前祀書院中紳民公議並請入賓興館永遠奉祀

貢生何瑞星正直無私鄉人敬服以子宏元貴 贈奉政大夫紳民公議請入賓興館永遠奉祀

蘇文珏字蘊若號詠沂壽八十二歲生員候選布理問授奉直大夫書畫皆精少多病棄舉子業事舉而不擾故暇豫致壽捐膏火以養士又捐米穀以賑饑義舉頗多紳民公議請入賓興館永遠奉祀

胡幾彥字經彰號敬業附生毓璠父存心仁慈教育多士善儒醫并堪輿鄉人敬信之 贈奉直大夫紳民公議請入賓興館永遠奉祀

何宏元附貢生原任陝西西安府同知有善政因母鄧氏年老詳請終養紳民公議

請入賓興館永遠奉祀

蘇時皓字占元號曉初持家勤儉克成先志多義舉聰明穎悟書藝俱佳惜不永年
候選按經歷 贈奉直大夫紳民公議請入賓興館永遠奉祀

藤縣志卷之十三

邑紳官職總序

邊其晉

舊志誌科名不記官職意以官職由科名而出故畧之也不知科名乃讀書之榮顯官職爲授政之樞績自來人才之盛皆以政事顯致君澤民載在史冊者較之科名爲重而畧之焉烏乎可况馮少保及第三元炳列史傳袁經略總制三邊功在社稷爲古今來非常之人建非常之功豈可僅以科名誌耶他若或由鄉舉而薦擢卿貳或由貢選而楛績旂常或由軍功而疊任煩劇或由捐輸而進秩清要其餘分守牧令司訓者更僕難數不盡以科名著是不可聽其久而湮沒也志邑紳官職

藤縣志卷之十三

邑紳官職志

唐貞觀(七年進士)

李堯臣(官交州刺史)

宋皇祐(元年三元)

馮京(字當世官參知政事鄉會廷試皆第一贈司徒太子少師謚文簡)

紹興(進士)

李用謙(官國子監祭酒)

李奉政(官國子監祭酒)

元進士

羅伯龍(官薦授柳州推官)

明洪武(進士)

魏 埏(官戶部主事五裕廂人)

明洪 武(鄉舉)

石景齊(官行人)

馮士聰(官以薦舉授岑溪訓導)

洪 武(貢生)

龔茂深(官知州)

建 文(鄉舉)

馮 景(官香山縣教諭)

永樂鄉貢進士

王 璘(官詞林端溪縣知縣)

鄉 舉(科分見鄉舉)

喻用中(官知縣)

王 璫〔官授萬州學正〕

石仕亨〔官公安縣知縣〕

盧顯成〔官宣府教授五袴廂人〕

黃 璠〔官由教諭陞授龍水知縣〕

鄒 煥〔官知府〕

傅惟宗〔官茶陵州訓導〕

貢生官職

楊善安〔官御史〕

黃賢相〔官御史〕

廖時英〔官主簿〕

蘇思敬〔官東莞縣知縣〕

廖康祐〔官廉州府推官〕

廖朝佐〔官靈山縣知縣〕

李廣〔官乳源縣知縣〕

陳思恭〔官香山縣知縣〕

宣德年鄉舉〔科分見鄉舉〕

熊顯〔官交趾知縣〕

宋德〔官保昌縣知縣〕

萬全〔官高州府通判〕

貢生官職

黃華〔官新會縣知縣〕

劉宗正〔官縣丞〕

孫誠〔官淮安府推官〕

黃細勝〔官蒙陰縣知縣〕

正統年鄉舉官職(科分見鄉舉)

李璿〔官海北副提舉使〕

蘇昌〔官廬州府同知〕

貢生官職

李以進〔官河陽縣知縣〕

蒙素〔官開建縣教諭陞知縣〕

李源〔官縣丞〕

蒙韶〔官魯府典寶〕

余玠〔官順德縣知縣〕

李昌〔官增城縣縣丞〕

吳知〔官曲江縣知縣〕

朱瑄〔官保昌縣知縣〕

張誠〔官崖州吏目〕

石堅〔官太僕寺主簿〕

霍思敏〔官賓州學正〕

鄧琮〔官衛經歷〕

劉觀〔官吏目〕

程琮〔官知縣〕

景泰年鄉舉官職（科分見鄉舉）

萬顯〔官封川縣知縣〕

石盤〔官順德縣知縣〕

陳用廷〔官涇縣教諭〕

陳聚〔官崖州訓導〕

胡杰〔官黔陽縣知縣〕

宋 經〔官文昌縣知縣〕

伍 璣〔官靖州知州〕

天順鄉舉官職〔科分見鄉舉〕

傅 鑑〔官欽州知州〕

蒙 晟〔官陽山縣知縣〕

徐 容〔官興甯縣訓導〕

王 博〔官陵水縣訓導〕

李 莊〔官廬陵縣知縣〕

黎 文〔官衡山縣教諭〕

天順貢生官職

梁 寶〔官吏目〕

伍 倫〔官吏目〕

張紀〔官照磨〕

馮彬〔官吏目〕

岑聰〔官衛經歷〕

黃賢〔官黔陽縣縣丞〕

成化進士

萬祥〔官江西僉事〕

成化鄉舉官職〔科分見鄉舉〕

王杰〔官文昌縣知縣〕

黃綸〔官高要縣知縣〕

胡欽〔官中書舍人〕

李霖〔官徐州學正〕

伍旭〔官湖州府通判〕

徐 瑞〔官崖州知州〕

李元祿〔官通判〕

徐 瑤〔官徐州學正〕

陳 策〔官湖州通判〕

李 球〔官南昌府訓導〕

余 華〔官文昌縣訓導〕

徐 璣〔官瓊州府通判〕

成化貢生官職

敖 翔〔官吏目〕

李 敬〔官知事〕

廖元安〔官長樂縣知縣〕

李 愷〔官經歷〕

張漢〔瓊州府通判〕

楊銓〔官照磨〕

黎奎〔官稅大使〕

林瓊〔官訓導〕

馮榮〔官德慶州訓導〕

李彝〔官吏目〕

歐經〔官經廳〕

祝聰〔官博羅主簿〕

林桂〔官嶧山縣丞〕

湖洪〔官經陵縣知縣〕

宋鎔〔官鞏縣知縣〕

蕭漢〔官吏目〕

宏治進士

黃聚〔官大理寺寺正〕

鄉舉官職〔科分見鄉舉〕

楊霖〔官建昌府同知〕

祝衍〔官通道教諭〕

徐璫〔官運副使〕

石壠〔官順德知縣〕

喻江〔官餘杭知縣〕

陳謨〔官南甯教諭〕

喻淮〔官國子監祭酒〕

喻河〔官邵武府同知〕

霍翔〔官橫州學正〕

林 著〔官國子監祭酒〕

唐繼仁〔官程鄉縣知縣〕

正德進士

喻 漢〔官廣東學政〕

鄉舉官職〔科分見鄉舉〕

霍 榮〔官陽江縣知縣〕

傅文瀚〔官潮陽縣知縣〕

胡 淮〔官連山縣知縣〕

正德貢生官職

廖 彪〔官主簿〕

謝 深〔官安定訓導〕

陳 樂〔官典寶〕

卷之十三 邑紳官職志

黃濟〔官府知事〕

宋隆〔官陽江縣知縣〕

董倫〔官府知事〕

蕭良〔官縣丞〕

張勛〔官教諭〕

王綽〔官廣濟縣知縣〕

宋燦〔官州判〕

林廷伯〔官廉州府訓導〕

霍桂〔官象州學正〕

伍雲龍〔官王府審理〕

霍棠〔官興國縣主簿〕

廖守魯〔官贛州訓導〕

胡瑞〔官訓導〕

程憲〔官永定訓導〕

黎琳〔官兩淮鹽運使〕

喻楨〔官茶關縣縣丞〕

盧尙賢〔官南辛縣教諭〕

徐鵬〔官龍溪縣知縣〕

胡紹德〔官益府審理〕

石元瑛〔官知縣〕

張一龍〔黎平府推官〕

王緯〔官東安訓導〕

嘉靖鄉舉官職〔科分見鄉舉〕

黃溥〔官文川縣知縣〕

卷之十三 邑紳官職志

陳乾(官通山縣知縣)

廖紹裕(官零陵縣知縣)

胡甯(官泰和縣知縣)

楊表(官南安府知府)

黎襄(官通判)

伍廷節(官海豐縣知縣)

隆慶貢生官職

黃三錫(官長興主簿)

祝詔(官灌陽縣教諭)

萬歷進士

袁崇煥(字元素官三邊總鎮兵部尚書詳史鑑人物)

鄉舉官職(科分見鄉舉)

孫夢熊(官江甯府知府)

胡如孟(官新興縣知縣)

王好善(官香山縣知縣)

吳學曾(官順德教諭)

廖坤英(官通判)

歐騰霄(官同知)

萬歷貢生官職

覃演(官灌陽縣教諭)

胡琦(官貴縣教諭)

覃一麟(官南甯府訓導)

霍有蘭(官汝甯同知)

胡與齊(官海陽縣訓導)

吳允文(官夏邑縣訓導)

莫之禦(官長樂縣訓導)

胡邦鸚(官瓊山縣主簿)

胡邦龍(官饒平縣縣丞)

胡越化(官訓導)

鍾思賢(官學正)

胡如顏(官江階縣教諭)

陳一信(官奉新縣縣丞)

程萬達(官縣丞)

郭文玉(官來如縣訓導)

蘇 偉(官南甯府教諭)

霍有椿(官永甯州學正)

覃敷教(官烏程縣縣丞)

石之璵(官養利州學正)

胡文煥(官慶遠府教授)

盧智(官永福縣教諭)

黃應中(官永康州學正)

黃民俊(官衛經歷)

覃滌(官廣甯縣訓導)

黃菊援(官廣州訓導)

鍾萬祿(官永淳縣訓導)

天啓鄉舉官職(科分見鄉舉)

廖錫蕃(官安定縣知縣)

國朝

順治貢生官職

徐懋縉(官遷江縣知縣)

康熙鄉舉官職(科分見鄉舉)

李雲龍(官靈臺縣知縣)

歐 學(官歸善縣知縣丁酉科廣東鄉試同考官調湖南嘉禾縣知縣丙午科湖

南鄉試同考官)

喻聖傳(官隆安教諭)

康熙貢生官職

胡貞弼(官灌陽縣教諭拔貢)

徐 璋(官武宣縣教諭拔貢)

鍾士英(官訓導)

黃國縉(官武緣縣訓導)

莫與京(官富川教諭)

王納言(官灌陽縣訓導)

鄧國正(官臨桂縣訓導)

霍沛(官衛經歷升西甯縣知縣)

覃國祥(官太倉州州判)

胡祚隆(官全州訓導)

何汝沛(官馬平縣訓導四十三都白馬人平生廉明壽九十歲)

覃經邦(官陽朔縣訓導)

胡良鈔(官灌陽縣訓導)

雍正貢生官職

蘇炯(官慶遠府教授拔貢)

莫躋(官永福縣教諭拔貢)

王待正〔官陽朔縣教諭副貢〕

李友梅〔官義甯縣訓導〕

喻詮德〔官博白縣訓導〕

乾隆

王必章〔官永福縣教諭見明通進士〕

鄉舉官職〔科分詳鄉舉〕

王待相〔官全州訓導〕

朱 洛〔官陸川縣教諭〕

胡其秀〔官永甯州學正〕

胡現星〔官山陰縣知縣〕

陳 憫〔官元氏縣知縣〕

陳汝瑞〔官新田縣知縣〕

蘇秉正〔官國子監典籍〕

張治〔戊申科舉人任富川訓導昭平縣教諭西隆州學正桂林府教授升河南舞陽縣知縣懷慶府水利通判有循聲八十致仕歸享年八十九歲太平鄉四十一都白沙村人士元子〕

江溥泗〔官興安縣訓導〕

馬廷璵〔官由教職升國子監丞俸滿引見以同知直隸州知州用〕

卓傑〔號豪軒荔枝垌人乾隆壬子舉人陝西知縣署山陽縣懷遠縣事補商州直隸州州同爲官三十年有政聲性穎悟好吟咏壽至八十三歲〕

乾隆貢生官職

梁巨瀚〔官昭平縣教諭 恩貢〕

霍士埏〔官教諭 拔貢〕

吳斯遠〔官柳州府教授 拔貢〕

王掄琪〔官陽朔教諭 副貢〕

張士元〔歲貢任博白縣訓導詳貢選者壽〕

蕭昌德〔官賀縣教諭〕

黃 紋〔橫州學正〕

徐殿琳〔官懷遠縣訓導〕

嘉慶進士

卓 憫〔號寬甫傑胞弟荔根坳人嘉慶庚申 恩科舉人已巳 恩科進士內閣

中書協辦內閣侍讀選山東登州府海防同知到任匝月丁外艱母老不仕歷掌

藤縣梧州傳經桂林秀峯各書院一十八年人品端方學問醇粹名士多出門下

有致遠堂詩文等集待梓 熙泰父誠祖〕

鄉舉官職〔科分詳鄉舉〕

胡爾英〔官由教職升江西信豐縣知縣有循聲其秀孫〕

胡世拔〔官陽朔縣教諭現星子世振胞弟〕

李中寶〔官靈川教諭〕

鄧作輔〔官融縣教諭詳鄉舉〕

嘉慶貢生官職

蘇厚垣〔官鬱林州訓導〕

吳斯璧〔官由教職升授直隸肅甯文安等縣知縣有該紳德政刊行〕

胡晉嵩〔官永甯州訓導〕

蘇秉晃〔官撫州府經歷〕

吳斯均〔官永安州訓導〕

霍士坪〔官慶遠府教授〕

蘇錫齡〔官北流教諭副貢厚垣子〕

秦作桂〔官賓州訓導〕

李 昺 官修仁訓導

石廷坪 官平樂府訓導

道光鄉舉官職(科分詳鄉舉)

卓熙泰 (原名希申號黼侯道光壬午舉人大挑一等山西知縣歷署榆社鄉甯屯留猗氏榮河渾源各州縣事題補襄垣縣所至有循聲在襄垣時捐廉創造書院延師課士欽加同知銜丁父憂回籍撫憲勞崇光委爲合邑團總咸豐年洪逆竄踞永安州兵備道許祥光委辦翼勇糧台撫院鄒鳴鶴保奏欽加運同銜賞戴花翎仍歸山西以同知直隸州補用後因里中被曾三股匪擾害赴梧州請兵不利遂往山西候補現任澤州府同知兼辦澤州蒲州釐防局保舉卓異以知府補用

蘇宏勳 官永福教諭

鄧澄瀛 官宣化教諭保選用知縣

蘇時學 官內閣中書

貢生官職

李配琳 (官南甯府訓導)

鄧端弼 (官永安州訓導)

何宏元 (官陝西西安府同知附貢)

黎德暉 (官安徽鳳陽府分府德政可歌署歙縣蕪湖合肥等縣縣丞)

石大綱 (官南甯訓導)

吳漸鴻 (官象州訓導原名盛鏘附貢)

咸豐三年進士官職

鄧國光 (官山西屯留縣知縣原名作澤見鄉舉端弼子)

附生官職

覃瀚元 (官縣丞升授黃梅縣知縣見保舉)

鄧作銓 (官主簿署開建縣知縣見保舉)

唐曆麟〔官富川縣訓導署興業縣教諭見保舉〕

同治二年癸亥恩科進士官職

卓誠〔號允齋熙泰長子咸豐丙辰科舉人同治癸亥恩科進士即用知縣分

發廣東署興甯縣半年多善政去之日民送傘額頌聲載道現丁內艱守制掌教

藤州書院〕

貢生官職

蘇啟禧〔官陸川縣教諭〕

吳迺鴻〔官全州訓導〕

楊熙春〔官興安訓導〕

鄧思道〔官南甯府訓導〕

石殿元〔廩貢署全州訓導〕

藤縣志卷之十三

保舉邑紳官職總序

邊其晉

古者士先器識而後才藝誠以經濟之才勝於文章之才也近時以制藝取士而奇材異能之士不得第科者率皆屈抑吾藤自軍興以來合邑城鄉幾無完膚幸賴諸君子不惜身家不愛性命竭力佐官軍恢復村堡碧柵二百餘所積勞至十五年之久籌餉至四萬六千兩之多卒使厥功克就地方清平勛亦偉矣此豈兀兀窮經吟詠誦讀者所能及其萬一也釐定後由

大憲保奏文武各就其本職而擢用之並廣永遠文武舉額各四名是亦英才卓犖者所藉以報効者也昔傅巖之霖雨遍及蒼生草廬之臥龍終延炎漢山林岩穴之人洵多楨幹干城之選也科名豈足以限人哉志保舉

新增保舉邑紳官職志 以年分先後序次

咸豐二年保舉文職

卓熙泰(原名希申詳官職鄉舉)

鄧作澤(改名國光由舉人保准以知縣選用見進士官職)

朱五美(由附生保准以縣丞選用後選山東蒲臺縣丞未赴任于四年因縣城克

復又保請開缺以知縣選用見官職)

覃瀚元(由附生保准以縣丞選用詳官職 以上保奏一案並 賞戴藍翎)

咸豐四年保舉文職

王家宰(由監生因縣城克復勞中丞保准以從九選用同治三年張中丞保准加

五品銜並 賞戴藍翎)

唐曆颺(由附生保准以訓導選用)

莫遇培(由府知事保准加州同銜)

莫祖培〔由廩生保准以府歷經選用〕

韋秀觀〔由監生保准以府經縣丞選用〕

卓 詔〔號槐卿熙泰次子監生咸豐元年赴永安州攻勦洪逆賞六品頂戴以縣

主簿卽選五六年間帶練克復藤城攻勦自良金鷄等處股匪撫憲勞崇光保奏

以府經歷縣丞選用擒獲匪首中阿卓八父子〕

鄧作銓〔由附生保准以主簿選用見官職〕

覃學緒〔由附生保准加訓導職銜〕

同治三年保舉文職

胡毓璠〔由揀選知縣因辦城鄉總局團務同官軍戡定梧州府屬各股匪張中丞

保准免選知縣以知州不論隻單月儘先選用並賞戴藍翎又於六年因歷辦團

局助勦出力再保准以本班遇缺卽選見鄉舉〕

霍康海〔由廩生於同治二年經前劉中丞保准以縣丞選用三年辦理總局仍歸

戡定梧州屬各股匪一案保准以知縣儘先選用六年又保准以本班遇缺即選並賞戴藍翎見選舉

歐華麟〔由拔貢因辦總局團務仍歸勘定梧州府屬各股匪案保准以知縣儘先選用六年又保准加五品銜見選舉〕

陳允善〔由拔貢候選州判同案保准以知縣儘先選用見選舉〕

盧彥彰〔由副貢候選教諭同案保准以知縣儘先選用見選舉〕

馬秉奇〔由廩生同案保准以訓導選用〕

陳光善〔由廩生同案保准以訓導選用見選舉〕

蘇錫傑〔由附生同案保准以訓導選用〕

徐詒堂〔由監生同案保准加州同銜〕

同治六年

鄧澄瀛〔由教諭任宣化時保准以知縣儘先選用丁憂回籍辦團本年保准加五

品銜見鄉舉官職

蘇啓禧〔由訓導保准以教諭選用見選舉官職〕

朱行表〔由附生保准以訓導用〕

黃堅寶〔由廩生保准以訓導選用〕

何若遜〔由附生保准以訓導選用〕

霍國霖〔由監生保准以從九選用〕

黃憲堯〔由監生保准以從九選用〕

咸豐四年保舉武職

石奇寶〔由武生保准以拔補千總用〕

莫本培〔由俊秀迭保把總千總守備銜同治三年歷辨總局團務保准以守備拔

補並 賞戴藍翎六年又保准以都司補用〕

朱顯訓〔由武生保准千總同治三年保准加守備銜〕

韋德鎮(由俊秀保准干總)

卓希丞(號後山邑增生伺子管理和平墟團局撫憲勞崇光 賞六品頂戴與姪)

卓詔擒拏土匪卓八父子

藤縣志卷之十四

選舉志總序 進士 鄉舉 貢選 授例附 贈馳

成周之制司徒以三物重賓興之典司馬以三升盡選舉之義厥法備矣自漢唐後或曲學阿世假經義以文奸或毀方瓦合藉標榜以樹黨於舉孝察廉之意何有焉惟科目一興得人最盛藤雖邊徼如李刺史馮殿撰皆不愧科名後繼起亦多知名士方今

聖天子興賢舉能尚實學黜浮靡甄掄人才至公且慎無論抱文章經濟之士可以蔚爲國華卽由太學職吏以自見者亦足濟選舉之窮廣仕進之路未嘗限資格以抑鬱英賢也至地贈以榮乃祖考龔蔭以澤及子孫則又

國家恩遇之厚其報塞復當何如哉志選舉

藤縣志卷之十四

選舉志

進士

唐

貞觀七年癸巳

李堯臣(官交州刺史詳人物)

宋

皇祐元年己丑

馮京(鄉會廷試皆第一官參知政事贈太子少師諡文簡詳人物)

政和八年戊戌

成杲

按成杲府志作重和元年進士今據文獻通考所載登科記改政和八年

建炎二年戊申

孔兼

紹興五年乙卯

李用謙（官國子監祭酒詳人物）

紹興二十一年辛未

李奉政（官國子監祭酒詳人物）

明

洪武二十四年辛未

魏 塤（五榜廂人官戶部刑部主事詳人物）

成化二十三年丁未

萬 祥（五榜廂人官江西僉事詳人物）

宏治三年庚戌

黃聚(官大理寺寺正詳人物)

正德九年甲戌

喻漢(五袴廂人官廣東學政詳人物)

萬曆四十七年己未

袁崇煥(官三邊總鎮兵部尙書)

按袁崇煥通志載平南籍東莞人今攷明史本傳載東莞人藤縣籍况其故居遺址現在藤邑白馬境內則其爲藤人無疑因地與平南交界其後人隸籍平南故通志相沿以爲平南人

國朝

嘉慶十四年己巳科

卓憫(甯風鄉荔枝垌人詳邑紳官職)

乾隆二年丁巳科明通進士

黃必章（甯風鄉大樓州人任來賓永福教諭）

進士

咸豐二年癸丑科

鄧國光（原名作澤卽選授山西懷仁縣知縣屯留縣知縣羅龍里都坡人）

同治二年癸亥恩科

卓誠（卽用知縣詳邑紳官職）

補記

徐瑤（明成化癸卯舉人丁未一榜進士徐容第三子現經採訪按舊志列入鄉

舉成化丁未進士只有萬祥而無徐瑤姑附記之）

鄉舉

明

洪武十七年甲子科

卷之十四 選舉志

（四百六三）

魏 埏（五袴廂人見進士）

洪武二十六年癸酉科

石景齊（官行人）

建文四年壬子科

梁嘉賓（解元）

馮 景（南隅廂人任香山縣教諭）

永樂六年戊子科

喻用中（五袴廂人官知縣）

永樂九年辛卯科

王 璘（西隅廂人任瑞溪縣知縣）

伍 倫（仁封鄉人）

石仕亨（仁封鄉人任公安縣知縣）

永樂十二年甲午科

盧顯成（五袴廂人任宣府教授郡志作盧顯誤）

永樂十五年丁酉科

鍾震（南隅廂人）

張壽（南隅廂人省志作壽誤）

王鏞（西隅廂人）

黃瑀（西隅廂人教諭）

黃衡（教授府志黃作王）

孔衡（藤縣籍懷集人）

永樂十八年庚子科

鄒煥（五袴廂人任知府有惠政）

楊璿（南隅廂人）

永樂二十一年癸卯科

傅惟宗〔仁封鄉人任茶陵訓導詳人物〕

王 溥〔西隅廂人〕

宣德元年丙子科

文 瀟〔西隅廂人府志作淵〕

熊 顯〔五袴廂人任交趾知縣府志作交州知縣〕

楊 川

宣德四年己酉科

宋 德〔仁封鄉人任保昌縣知縣〕

宣德七年壬子科

萬 全〔五袴廂人任高州府通判〕

正統三年戊午科

李 璿〔仁封鄉人海北副提舉使〕

正統十二年丁卯科

蘇 昌〔仁封鄉人解元任廬州同知〕

景泰元年庚午科

萬 顯〔五榜廂人任封川縣知縣府志作蒼梧人誤〕

景泰四年癸酉科

石 盤〔仁封鄉人任順德縣知縣省志府志作蒼梧人誤〕

李 裕〔任陽山縣教諭〕

石 瓚〔仁封鄉人盤子任知縣省志府志作蒼梧人誤〕

景泰七年丙子科

陳用廷〔西隅廂人任涇縣教諭郡志作廷用誤〕

陳 聚〔感義鄉人任崖州訓導〕

陳 暹〔感義鄉人〕

胡 杰〔五榜廂人任黔陽縣知縣〕

宋 經〔太平鄉人任文昌縣知縣〕

伍 璣〔南隅廂人任湖南靖州知州藤縣人容縣籍〕

天順三年己卯科

傅 鑑〔解元仁封鄉人任廣東廉州府欽州知州調湖南靖州知州惟宗從子詳

人物〕

蒙 晟〔仁封鄉人任陽山縣知縣〕

徐 容〔五榜廂人任興寧縣訓導〕

王 博〔感義鄉人任陵水縣訓導〕

天順六年壬午科

李 莊〔仁封鄉人任廬陵縣知縣〕

蒙 素(仁封鄉人任開建縣教諭)

黎 文(感義鄉人任衡山縣教諭)

唐 英(孝義鄉人)

潘 嶽(仁封鄉人任端州府推官)

成化四年戊子科

萬 祥(五榜廂人見進士有傳)

王 杰 五榜廂人任文昌縣知縣)

成化七年辛卯科

黃 綸(感義鄉人任高要縣知縣)

成化十年甲午科

胡 欽(五榜廂人中書舍人)

成化十三年丁酉科

李 霖(西隅廂人任徐州學正)

伍 旭(南隅廂人任湖州府通判璣長子)

黃 聚(西隅廂人見進士)

徐 瑞(五袴廂人任崖州知州調山西平定州知州容長子)

成化十六年庚子科

李元祿(仁封鄉人任通判莊長子)

張 端(五袴廂人)

成化十九年癸卯科

徐 瑤(五袴廂人任徐州學正容二子祀鄉賢)

陳 策(感義鄉人聚長子任湖州通判)

李 球(西隅廂人裕子任南昌訓導)

成化二十二年丙午科

伍 昂（南隅廂人璣次子）

余 華（義昌鄉人任文昌縣訓導）

徐 璣（五袴廂人容次子任瓊州通判）

宏治二年己酉科

楊 霖（西隅廂人任建昌府同知詳人物）

祝 衍（西隅廂人任通道教諭陞通判）

徐 璨（五袴廂人容四子任連副使）

宏治五年壬子科

石 壘（仁封鄉人盤子任順德知縣蒼梧籍祀梧州忠義孝弟祠併祀蒼梧忠孝

祠詳人物）

喻 江（五袴廂人用中曾孫歷任浙江餘杭奉化知縣祀名宦詳人物）

陳 謨（五袴廂人任南寧教諭）

宏治八年乙卯科

喻 淮〔五袴廂人江弟國子監學正有傳〕

喻 河〔五袴廂人江弟邵武府同知有傳〕

宏治十一年戊午科

霍 翔〔西隅廂人任橫州學正〕

林 蕃〔國子監學正〕

王 輔〔西隅廂人蜀府紀善〕

宏治十四年辛酉科

傅文溥〔解元五袴廂人鑑三子〕

宏治十七年甲子科

喻 漢〔解元五袴廂人江弟見進士〕

唐繼仁〔藤縣籍任程鄉縣知縣〕

按張宏進科名盛事錄內稱一縣連科兩解元即此

正德二年丁卯科

霍榮〔西隅廂人任廣東肇慶府陽江縣知縣有惠政詳人物〕

傅文瀚〔仁封鄉人鑑長子任潮陽縣知縣〕

傅文澂〔仁封鄉人鑑次子府志作蒼梧人誤〕

正德五年庚午科

徐鵬〔五袴廂人璨子〕

胡珖〔五袴廂人欽姪〕

正德八年癸酉科

胡淮〔五袴廂人杰姪任連山縣知縣〕

正德十一年丙子科

徐鵠〔五袴廂人獻子〕

嘉靖元年壬午科

喻 幹〔五袴廂人淮次子〕

嘉靖七年戊子科

黃 溥〔西隅廂人聚次子任文川縣知縣〕

嘉靖十年辛卯科

陳 乾〔感義鄉人任通山縣知縣有傳〕

嘉靖十六年丁酉科

廖紹裕〔南隅廂人任零陵縣知縣〕

胡 甯〔五袴廂人珖長子任江西泰和縣知縣〕

嘉靖三十一年壬子科

楊 表〔南隅廂人任南安府知府有傳〕

嘉靖四十年辛酉科

梨 襄〔任通判〕

伍廷節〔南隅廂人旭孫任海豐縣知縣〕

萬歷元年癸酉科

霍文謨〔西隅廂人桂子〕

萬歷四年丙子科

孫夢熊〔西隅廂人歷任永新新貴上元甯海知縣陞江甯府知府府志誤作江甯知縣〕

胡如孟〔南隅廂人任新興縣知縣致仕猶篤學詳人物〕

萬歷十三年乙酉科

王好善〔西隅廂人任香山縣知縣有傳〕

萬歷二十二年甲午科

吳學會〔五袴廂人任順德教諭陞平越府推官有善政〕

廖坤英〔寄籍蒼梧任通判詳列傳〕

萬曆二十五年丁酉科

姚文廣〔寄籍蒼梧藤縣靈風鄉人〕

歐騰霄〔靈風鄉人寄籍永安任安定縣通判陞同知有善政坐東林黨歸〕

萬曆三十四年丙午科

袁崇煥〔見進士詳人物〕

天啟元年辛酉科

康錫蕃〔西隅廂人寄籍蒼梧任安定縣知縣坤英次子〕

王之伊〔西隅廂人好善子〕

天啟四年甲子科

黎遵道〔仁封鄉人〕

天啟七年丁卯科

胡廷宰〔南隅廂人如孟子府志作蒼梧人誤〕

崇禎六年癸酉科

黎存淳〔南隅廂人〕

崇禎九年丙子科

歐 泰〔盩風鄉五屯所人〕

明末舉人〔科分失考〕

胡良錚〔西隅廂仁壽坊人〕

國朝 〔順治十四年丁酉始行鄉試〕

順治十七年庚子科

蘇高標〔西隅廂仁壽坊人〕

康熙十一年壬子科

李雲龍〔任靈臺縣知縣〕

康熙三十八年己卯科

歐 學〔仁封鄉十都鄉南村人任廣東歸善縣知縣調嘉和縣知縣〕

康熙四十四年乙酉科

王待緯〔西隅廂仁壽坊人〕

康熙四十七年戊子科

喻聖傳〔靈風鄉羅龍里陳村人任隆安教諭〕

康熙五十年辛卯科

蘇表憲〔仁封鄉九都赤水鎮人〕

康熙五十二年癸巳科

徐宣靖〔三都大龍村人雍正己酉貴州分試〕

康熙五十三年甲午科

蘇爲藩〔仁封鄉九都赤水鎮人〕

陳勳〔四都灤州人〕

雍正七年己酉科

陳汝琮〔南隅廂登俊坊人貴州分試〕

雍正十年壬子科

雍年十三年乙卯科

鄧剛〔義昌鄉二十二都沙村人〕

乾隆元年丙辰 恩科

黃必章〔甯風鄉大任里大樓洲人任承福來賓教諭見明通進士〕

陳璣〔仁封鄉十都回珠村人〕

乾隆六年辛酉科

謝錚〔西隅廂西坊澗人〕

乾隆九年甲子科

王待相〔西隅廂仁壽坊人任全州學正〕

何昇〔太平鄉四十三都黃駝州人〕

乾隆十二年丁卯科

朱洛〔感義鄉三十四都雙龍社村人任陸川縣教諭〕

乾隆十七年壬申 恩科

朱書〔感義鄉三十四都雙龍社村人衣尙子〕

胡其秀〔義昌鄉人二十八都都日村人任永甯州學正〕

陳璋〔孝義鄉三都神嘴村人〕

陳俊〔甯風鄉隨化里歐村人僑兄〕

乾隆二十五年庚辰 恩科

吳縉〔太平鄉四十一都白沙庄人〕

乾隆二十七年壬午科

胡現星（南隅廂西澗坊人任山西山陰縣知縣）

乾隆二十年乙酉科

陳 憫（甯風鄉隨化里歐村人俊弟借補昭平縣訓導調東蘭州學正任直隸元

氏縣知縣）

乾隆三十六年辛卯科

陳鳳翔（仁封鄉十都界坳人

乾隆四十五年庚子科

劉配先（感義鄉三十一都大化村人）

陳汝瑞（西隅廂仁壽坊人良材曾孫任湖南新田縣知縣辛酉科甲子科同考試

官）

乾隆四十八年癸卯科

蘇秉正（南隅登俊坊人炯子任臨桂縣訓導調西隆州學正補隆安縣教諭陞國

子監典籍)

乾隆五十三年戊申科

張治(太平鄉四十一都白沙庄人詳邑紳官職)

乾隆五十四年己酉 恩科

江溥泗(甯風鄉大梨里大梨坳人任興安訓導)

乾隆五十七年壬子科

馬廷瑛(感義鄉三十八都新車塘人任修仁縣訓導補富川縣教諭)

蘇厚培(南隅廂登俊坊人)

卓傑(甯風鄉三江里荔枝坳人備見陝西試用知縣)

乾隆六十年乙卯 恩科

吳聖錫(太平鄉四十一都白沙庄人斯均長子)

胡世振(西隅廂西澗坊人現星次子)

黃敬承 甯風鄉隨化里聖山村人

嘉慶三年戊午科

陳 鑰 西隅廂仁壽坊人汝瑞三子曾修縣志

嘉慶五年庚申 恩科

卓 憫 甯風鄉三江里荔枝埭人傑弟見進士

梁煥家 太平鄉四十二都大良村人巨瀚長子署荔浦訓導

胡爾英 仁封鄉中八都飛鸞庄人其秀孫由廩貢任宣化縣訓導調西隆州學正

上思學正授江西信豐縣知縣

嘉慶九年甲子科

胡世拔 南隅廂西澗坊人現星三
秉機甲戌大挑二等選陽朔縣

教諭

嘉慶十三年戊辰科

李中寶(仁封鄉十都壽富圖人佳章次子見官職)

十八年癸酉科

陳翹(甯風鄉隨化里歐村人俊孫乃書次子)

新增嘉慶二十一年丙子科

黃元棠(隨化里勝山人)

二十三年戊寅 恩科

鄧作輔(羅龍里都坡人見官職)

二十四年己卯科

李夢吉(四十一都谷山人)

道光元年辛巳 恩科

石 圭(九都赤水村人字立廷中式第十二名舉人)

盧壯量(三十四都驛面村人)

二年壬午科

張炳璘（三十四都夏垌人三十八名舉人）

卓希申（改名熙泰三江里荔枝垌人）

蘇宏勳（九都赤水村人亦考蒼梧籍見官職麟子

五年乙酉科

鄧端樞（羅龍里都坡人）

十一年辛卯科

唐良模（三十九都瑤垌人唐闕父）

蘇宏猷（九都赤水村人麟子宏勳胞弟）

十二年壬辰 恩科

蘇時霖（城南門外登俊坊人秉正孫）

十四年甲午科

胡延昌(原名日光號葵初中式二十八名舉人)

梁懿觀(四十三都高村人)

十七年丁酉科

鄧作澤(羅龍里都坡人見進士官職)

十九年己亥 恩科

劉丕基(隨化里古麗村人安邦子)

二十年庚子科

何恆光(四十三都白馬村人宏智子)

二十四年甲辰 恩科

鄧澄瀛(羅龍里都坡人作輔子見官職)

二十六丙午科

蘇時學(城南門外登俊坊人文珪次子見官職)

馬秉鈞〔三十八都新車塘人廷珂長子〕

咸豐六年丙辰特開補行元年辛亥恩科並五年乙卯科

卓誠〔三江里荔枝坳人佃孫熙泰長子見進士官職

鄧秉綱〔羅龍里都坡人作銓子〕

十一年辛酉補行二年壬子科並補九年己未恩科

胡毓璠〔三都汶塘人幾彥次子見保舉官職〕

李錫爵〔廣東順德人隸籍三江里〕

同治元年壬戌恩科並補行咸豐八年戊午科

韋錫年〔三江里務倫村人義良子〕

三年甲子科並補行咸豐十一年辛酉科

吳延良〔楊崗里孔村人〕

六年丁卯科

鄧慶麟〔羅龍里都坡人作吏子〕

國朝

欽賜舉人

嘉慶十三年戊辰 恩科

朱純卉〔感義鄉三十二都雙龍社人〕

黃懋官〔甯風鄉大任里大樓村人〕

十五年庚午科

陳鳳翹〔仁封鄉十都界垌人翔弟〕

吳斯垣〔太平鄉四十一都白沙村人〕

十八年癸酉科

陳 錚〔感義鄉三十四都金鷄村人〕

徵辟

元

羅伯龍〔以薦舉授柳州府推官年次無考進士〕

明

魏 埏〔五袴廂人洪武初舉文學任本縣教諭〕

馮士聰〔洪武八年薦舉授岑溪訓導〕

王 瑞〔永樂中舉人材特科授萬州學正〕

卷之十四 選舉志

(四百九十)

藤縣志卷之十五

選舉志

貢選

貢生

明

洪武年

龔茂深〔知州〕

霍效光〔西隅廂人〕

永樂年

楊善安〔西隅廂人御史〕

黃賢相〔五務廂人御史有傳〕

廖時英〔西隅廂人主簿有傳〕

蘇思敬〔仁封鄉人任東莞縣知縣〕

陳珪〔仁封鄉人都事〕

廖康祐〔西隅廂人任廉州府推官〕

廖朝佐〔五袴廂人任靈山縣知縣〕

王璘〔西隅廂人知縣〕

李廣〔太平鄉人任乳源縣知縣舊志作宣德貢〕

陳思恭〔香山縣知縣舊志失載今查補入〕

鄒煥〔同知〕

宣德年

黃華〔仁封鄉人任新會縣知縣〕

劉宗正〔義昌鄉人縣丞〕

孫誠〔西隅廂人淮安推官〕

黃細勝〔西隅廂人任蒙陰縣縣丞〕

正統年

黃璠〔西隅廂人任龍水縣知縣〕

李以進〔任河陽縣知縣郡志作典史誤〕

蒙素〔南隅廂人任知縣郡志蒙誤作李〕

李源〔甯風鄉人任縣丞〕

蒙韶〔五袴廂人任魯府典寶〕

余玠〔義昌鄉人任順德縣知縣〕

李昌〔義昌鄉人任增城縣縣丞〕

吳知〔五袴廂人任曲江縣知縣〕

陳勝〔南隅廂人〕

吳清〔南隅廂人〕

朱瑄〔五袴廂人任保昌縣知縣〕

張誠〔西隅廂人任崖州吏目〕

石堅〔仁封鄉人任太僕寺主簿〕

潘敏

景泰年

霍思敏〔西隅廂人任賓州學正陞益府長史〕

鄧琮〔孝義鄉人任衛經歷〕

劉觀〔感義鄉人任吏目〕

唐琮〔感義鄉人吏目〕

程瑄〔五袴廂人任知縣詳人物〕

黃觀〔太平鄉人縣丞〕

石安〔仁封鄉人〕

龍 禧（感義鄉人）

天順年

梁 寶（仁封鄉人吏目）

伍 倫（府學吏目）

廖 成（西隅廂人）

鄧 木（西隅廂人）

石 瑜（仁封鄉人）

張 紀（五袴廂人照磨）

李 欽（南隅廂人）

孫 浦（西隅廂人誠子）

馮 彬（五袴廂人吏目）

甘 誠（南隅廂人）

岑 聰(南隅廂人任衛經歷)

黃 賢(五袴廂人任黔陽縣縣丞)

黎 敬

成化年

敖 翔(五袴廂人吏目)

李 敬(義昌鄉人任知事)

廖元安(西隅廂人任長樂縣知縣)

李 愷(南隅廂人任經歷)

張 漢(感義鄉人任訓導陞瓊州通判)

楊 銓(感義鄉人任照磨)

徐 懋(五袴廂人)

黎 奎(五袴廂人稅大使)

林 瓊〔任訓導〕

馮 榮〔西隅廂人任德慶州訓導〕

喻 本〔五袴廂人〕

李 彝〔南隅廂人任吏目〕

郭 壽〔五袴廂人〕

霍世祥〔西隅廂人府志作蒼梧人誤〕

宏治年

歐 經〔仁封鄉人任府經歷〕

祝 聰〔西隅廂人任博羅縣主簿〕

敖 壽

祝 壽〔西隅廂人〕

林 桂〔西隅廂人任瓊山縣縣丞〕

湖 洪〔五袴廂人任經陵縣主簿〕

宋 鎔〔太平鄉人經子任贛縣知縣〕

張 瑜〔五袴廂人舊志作榆〕

蕭 漢〔五袴廂人任吏目〕

黃 然

正德年

廖 彪〔義昌鄉人任主簿〕

謝 深〔西隅廂人任安定訓導〕

吳廷富〔太平鄉人〕

陳 樂〔感義鄉人任典寶〕

廖 勝〔西隅廂人〕

黃 濟〔西隅廂人聚長子任府知事〕

宋隆〔太平鄉人經子任陽江縣知縣〕

董倫〔五袴廂人任府知事〕

郭清〔孝義鄉人〕

蕭良〔五袴廂人任縣丞〕

張勛〔教諭〕

王綽〔西隅廂人任廣濟縣知縣〕

林浩〔五袴廂人〕

胡閏

廖顯〔太平鄉人府學〕

嘉靖年

宋璨〔太平鄉人經子任州判〕

李叢〔仁封鄉人任雒融縣訓導〕

李 璵〔西隅廂人球長子〕

林廷伯〔廉州府訓導〕

霍 桂〔西隅廂人榮弟任象州學正陞思恩府教授〕

李 儼〔西隅廂人球長子〕

黃 璨

伍雲龍〔南隅廂人任王府審理〕

霍 棠〔西隅廂人榮弟任江西興國縣主簿〕

廖守魯〔五袴廂人任贛州訓導〕

胡 瑞〔五袴廂人任訓導〕

程 憲〔南隅廂人任永定訓導〕

黎 鰲〔義昌鄉人〕

廖 惇〔西隅廂人〕

黎琳〔義昌鄉人兩淮鹽運使有傳〕

喻楨〔五袴廂人淮長子任茶關縣縣丞〕

盧尙賢〔五袴廂人任南辛縣教諭〕

李楷〔仁封鄉人球次子〕

徐鵬〔五袴廂人璫子任龍溪縣知縣〕

程應坤〔主簿〕

喻縉〔五袴廂人〕

胡紹德〔太平鄉人任益府審理〕

何廷瑜〔藤縣籍〕

鍾兆相〔仁封鄉人〕

石元瑛〔仁封鄉人任知縣〕

廖偉〔西隅廂人僮弟〕

張一龍〔五袴廂人任黎平府推官〕

陳雅言〔感義鄉人樂孫〕

李 咸〔西隅廂人〕

喻 杞〔五袴廂人禎從弟〕

郭大治〔五袴廂人〕

王 緯〔西隅廂人綽從弟任東安訓導〕

隆慶年

黃三錫〔西隅廂人濟孫 恩貢任長興主簿〕

成邦猷〔太平鄉人〕

權可與〔南隅廂人〕

祝 詔〔西隅廂人任灌陽縣教諭〕

萬歷年

覃 演〔甯風鄉人任灌陽縣教諭〕

楊嘉謨〔南隅廂人〕

胡 琦〔太平鄉人紹德從子任貴縣教諭〕

覃一麟〔甯封鄉人任南甯府訓導〕

陸徐進

霍有蘭〔西隅廂人文謨子任襄府審理陞鄧州知州遷汝甯同知郡志鄧州同知

諱〕

胡與齊〔太平鄉人奇子任海陽縣訓導〕

吳允文〔太平鄉人任夏邑縣訓導〕

莫之禦〔西隅廂人任長樂縣訓導〕

胡邦鸞〔太平鄉人紹德長子任瓊山縣主簿〕

胡邦龍〔太平鄉人紹德次子任饒平縣縣丞〕

喻 珽〔西隅廂人〕

喻 美〔南隅廂人〕

胡越化〔西隅廂人訓導〕

鍾思賢〔太平鄉人學正〕

胡如顏〔西隅廂人任江都縣教諭〕

陳一信〔感義鄉人乾子任奉新縣縣丞〕

程萬達〔任縣丞〕

郭文玉〔西隅廂人任來如縣訓導〕

蘇 偉〔仁封鄉人任南甯府教諭〕

黃克修〔西隅廂人三錫子〕

霍有椿〔西隅廂人任永甯州學正〕

黎郊賢〔義昌鄉人襲子〕

覃敷教〔甯風鄉人演子任烏程縣縣丞〕

石之璵〔仁封鄉人任養利州學正〕

胡文煥〔西隅廂人任灌陽縣訓導調河池州學正陞慶遠府學正〕

盧智〔義昌鄉人任永福縣教諭〕

郭之龍

黃應中〔任永康州學正〕

石之球〔仁封鄉人璵從弟〕

祝思瓚〔仁封鄉人〕

盧鍾越〔五袴廂人尙賢孫〕

黃民俊〔任甯海縣縣丞陞衛經歷〕

馮嘉會〔西隅廂人〕

祝調元〔仁封鄉人〕

卷之十五 選舉志

(五百零六)

盧應正〔西隅廂人〕

尊 滌〔甯風鄉人任廣靈縣訓導〕

胡與景

黃菊援〔任廣州訓導〕

泰昌年

謝 爵〔西隅廂人 恩貢人監奉詔監滿授七品服色

天啓年

霍有章〔西隅廂人〕

李正芳〔甯風鄉人 恩貢〕

鍾萬祿〔仁風鄉人任永淳縣訓導〕

謝 俛〔西隅廂人〕

崇禎年

石化璠〔孝義鄉蘄洲人〕

張好德〔五榜廂人〕

林暢達〔西隅廂人〕

李萬芳〔西隅廂人〕

林暢茂〔西隅廂人〕

霍鍾翰〔西隅廂人有蘭子府志誤作中幹〕

鍾鳴殿〔太平鄉人忠賢子〕

莫大猷〔西隅廂人〕

李彥教〔孝義鄉人〕

胡廷藩〔南隅廂人〕

李文照〔甯風鄉五屯所人〕

黎就淳〔南隅廂人〕

胡建明(西隅廂人)

茂從先

陳良材(西隅廂人)

國朝

恩貢

雍正年

歐中崑(仁封鄉十都榔南村人學子)

乾隆年

李殿章(義昌鄉二十五都蜡垌人府志作李封悞)

霍廷植(西隅廂仁壽坊人沛六子)

張璇(太平鄉人)

朱衣尙(感義鄉三十二都雙龍社人)

梁巨瀚（太平鄉四十三都大良村人任昭平縣教諭）

覃光遠（甯風鄉三江里五屯所人）

鄧恒濬（甯風鄉四十六都都波村人）

程統綱（感義鄉三十都甘村人）

嘉慶年

陳鳳翹（仁封鄉十都界垌人見恩賜舉人）

朱林（甯風鄉三江里雙底村人見官職）

胡世揚（南隅廂城外西澗坊人現星姪）

陳鳳翹（仁封鄉十都界垌人）

周鴻謨（仁封鄉十都楊村人）

覃上輝（四十三都思盧人丙午恩貢）

（新增）道光年

蘇自芳

王汝瑾(三十一都羅紋村人)

林保初(二都富安村人丁未年三月周宗師考取府學 恩貢)

覃辰夫(四十三都思盧人上輝子癸亥 恩貢)

張炳瑞(三十四都夏塌村人)

陳光善(十八都太平庄人元善允善弟見保舉官職)

歐華吉(十都鄉南人)

同治年

霍康海(西門外仁壽坊人見保舉官職)

國朝拔貢

康熙年

歐 學(十都鄉南人見官職)

胡貞弼〔西隅廂仁壽坊人見官職〕

徐瑋〔三都大龍村人懋縉子見官職〕

林自興〔二十都海祿村人歲貢生林惟青子歲貢林尙儒之父〕

雍正年

蘇炯〔西隅廂仁壽坊人見官職〕

莫躋〔甯風鄉大任里朗府村人見官職〕

乾隆年

朱書〔感義鄉三十二都雙龍社人見鄉舉〕

霍十塏〔西隅廂仁壽坊人廷樞孫朝考一等即用教諭〕

蘇恒焯〔南隅廂登俊坊人〕

吳斯遠〔太平鄉四十都白沙村人縉子見官職〕

陳學治〔南隅廂登俊坊人汝琮孫〕

蘇厚培〔南隅廂登俊坊人恒焯姪〕

嘉慶年

吳盛銜〔太平鄉四十一都白沙村人癸酉拔貢斯璧子〕

黃時安〔太平鄉四十一都下嶺村人〕

道光五年乙酉科

馬廷珂〔三十八都新車塘人秉鈞父〕

覃國楨〔四十三都思廬人〕

十七年丁酉科

陳元善〔十八都太平庄人〕

馬 鐘〔三十八都新車塘人〕

二十九年己酉科

陳允善〔十八都太平庄人元善胞弟見保舉〕

咸豐十一年辛酉科

歐華麟〔十都邨南人授時子見保舉〕

胡毓璠〔三都汶塘人幾彥子見保舉〕

國朝

副榜

雍正年

癸卯科

王待正〔西隅廂仁壽坊人見官職〕

乾隆丙辰 恩科

王掄琪〔西隅邨仁壽坊人見官職〕

乾隆乙酉科

何宏任〔太平四十三都盧沙村人〕

卷之十五 選舉志

乾隆癸卯科

尊 熹〔仁封鄉十都孔廩村人蒼梧籍〕

嘉慶甲子科

程可法〔感義三十都甘村人統綱長子〕

嘉慶丁卯科

蘇錫齡〔南隅廂登俊坊人厚植長子見官職〕

道光十一年辛卯科

劉安邦〔隨化里古麗村人不基父〕

蘇時霖〔城南門外登俊坊人見鄉舉〕

十年乙未 恩科

盧彥彰〔三十四都馬曹村人第六名副榜見保舉〕

十七年丁酉科

蘇時學〔城南門外登俊坊人瑀子見鄉舉官職〕

二十四年甲辰 恩科

黃時彰〔三十二都腰古村人慰子〕

同治三年甲子科

韋品良〔三江里務倫村人〕

六年丁卯科

朱啓銘〔三江里雙底村人〕

國朝

恩賜副榜

嘉慶十八年癸酉科

江裕超〔甯風鄉大黎里大黎村人〕

新
增
道光十一年辛卯科

卷之十五 選舉志

蒙嘉彥〔九都待村人〕

二十九年己酉科

黃祖昭〔十五都勝村人〕

同治三年甲子科

陳爾直〔三都神咀村人〕

同治六年丁卯科

林中興〔附生現年八十三歲三場完卷撫憲蘇奏請 恩賜副榜〕

國朝

歲貢

順治

徐懋縉〔孝義鄉三都大龍村人任遷江縣訓導永福縣訓導〕

吳世望

陳于朝〔甯風鄉大任里古撥村人〕

康熙年

鍾士英〔西隅廂仁壽坊人任訓導〕

黃國縉〔西隅廂人任武緣縣訓導〕

莫與京〔藤縣學懷集人任富川教諭〕

王納言〔本姓胡二十二年任灌陽訓導南隅廂人〕

鄧國正〔任臨桂南甯訓導〕

霍 沛〔西隅廂仁壽坊人鍾翰子歷任興安縣訓導永淳縣教諭遷陝西西甯衛

經歷陞西甯縣知縣〕

梁飭珠〔藤縣學〕

霍 濟〔西隅廂仁壽坊人〕

覃國祥〔三江里瓦窰村人任富川縣訓導養利州訓導陞江南蘇州府太倉州

判

胡祚隆〔南隅廂西澗坊人任全州訓導〕

覃汝錫

林惟青〔上二十二都海祿村人拔貢林自與之父〕

胡英才

何汝沛〔太平鄉四十三都白馬村人任馬平縣訓導〕

覃經邦〔仁封鄉一都瓦窰村人任陽朔縣教諭〕

胡良鈿〔西隅廂仁壽坊人任灌陽縣訓導〕

鄧鼎

何丕杰

黃錫弼

吳士昌

霍廷樞〔西隅廂仁壽坊人濟長子〕

霍廷彬〔西隅廂仁壽坊人沛長子〕

蘇爲藩〔仁封鄉十都赤水鎮人見舉人〕

黃邦秀〔四十三都人銓天河縣教諭〕

林尙儒〔二十二都海祿村人拔貢林自興子〕

雍正年

李友梅〔義昌鄉十八都人任義甯縣訓導〕

蘇 珖〔赤水人〕

蘇 基〔西隅廂仁壽坊人岑溪縣籍〕

盧瑞生

馮 凍

霍廷杖〔西隅廂仁壽坊人濟子〕

胡祚盛〔南隅廂西澗坊人〕

黃國槐

何陳倚

張達才

陳汝勳〔甯風鄉四十八都姚村人〕

李廷獻〔義昌鄉二十二都蒙埔人〕

陳三傑〔仁封鄉十都界垌人〕

喻詮德〔甯風鄉四十六都羅龍里陳村人任博白縣訓導〕

王待相〔西隅廂仁壽坊人任全州訓導見舉人〕

乾隆年

蕭昌德〔元年府學任賀縣訓導〕

石 學〔赤水人一云九都孔良村人甲午歲貢〕

唐上仕〔西隅廂典賢坊人〕

黃 紋〔四十三都人銓橫州學正〕

陳 遷〔三十一都江山村人〕

胡建正

霍 炆〔義昌鄉二十五都河村人府志誤作玠〕

徐殿琳〔感義鄉三十一都桃源垌人任懷遠縣訓導〕

陳 懌〔三都大龍村人〕

鄧 憲

霍士型〔義昌鄉二十五都河村人炆子〕

謝 鉉〔南隅廂西澗坊人〕

胡 潏〔五袴廂三元坊人〕

陳汝玠〔甯風鄉大任里古撥村人子朝孫〕

祝 賦〔四都瀾洲人〕

羅 權〔甯風鄉三江里幕衣村人〕

陳 鐸〔西隅廂仁壽坊人〕

陳汝璋〔西隅廂仁壽坊人良材曾孫〕

吳 瀚〔西隅廂仁壽坊人〕

梁 鵬〔仁封鄉八都石塘村人〕

張士元〔太平鄉四十一都白沙庄人任博白縣訓導張治父壽八十三歲進士李

承報撰壽文

李似楮〔感義鄉三十二都大村人〕

胡子佩〔南隅廂登俊坊人〕

吳斯遂〔太平鄉四十一都白沙庄人縉子〕

莫如璉

劉配先〔感義鄉三十一都大化村人見舉人〕

覃 觀〔孝義鄉一都瓦窰村人〕

吳廷柏〔感義鄉三十四都大石塘人任灌陽縣訓導〕

盧 錫〔感義鄉三十四都陳村人〕

李 備〔感義鄉三十六都度村人〕

謝 璋〔太平鄉四十三都合水村人〕

何錫位〔太平鄉四十三都蘆沙村人〕

何讓能〔太平鄉四十三都蘆沙村人〕

李若桂〔義昌鄉二十五都東岸人〕

何 圖〔太平鄉四十三都梨村人孝廉方正鄉人欽仰壽七十八歲〕

梁樹湖〔仁封鄉八都石塘人鵬子〕

嘉慶年

林尙遂〔義昌鄉二十二都開塘村人〕

江朝宗〔感義鄉三十四都榮臺村人〕

鄧士彬〔西隅廂興賢坊人〕

盧宏灼〔義昌鄉二十五都山心坡人〕

甘觀光〔感義鄉三十一都柑子塘人〕

胡省〔感義鄉三十一都村坡人〕

吳琮〔甯風鄉楊峒里菴段都人〕

黃元楊〔感義鄉三十九都富雙村人〕

關璿〔西隅廂仁壽坊人〕

梁蒞中〔甯風鄉楊峒里思排村人〕

黎世德〔太平鄉四十三都冷水村人〕

陳乃書〔甯風鄉隨化里歐村人俊次子〕

曾光祖〔義昌鄉二十二都柏木塘人〕

陳敦仁〔西隅廂仁壽坊人〕

陳之棟〔西隅廂登俊坊人〕

張 宏〔感義鄉三十二都林村人〕

石士灝〔孝義鄉四都襍洲人〕

何敬壹〔太平鄉四十三都黎村人圖子文行兼優〕

覃基元〔十村孔廩村人蒼梧籍〕

吳斯埤〔四十一都白沙庄人〕

李若柏〔四十一都谷山村人〕

何天衢

蘇 紳〔南隅廂登俊坊人〕

胡晉鼎〔西隅廂仁壽坊人銓授永甯州訓導〕

蘇秉晁〔五袴廂登俊坊人歷任柳州府西林縣陽朔縣訓導陞江撫州府經歷〕

吳斯均〔太平鄉四十一都白沙庄人任永安州訓導炳子〕

蘇秉星〔南隅廂登俊坊人炯子秉正弟封奉直大夫〕

霍士坪〔西隅廂仁壽坊人濟孫〕

徐 焜〔孝義鄉三都大龍村人〕

梁光家〔四十三都大良村人〕

胡爾英〔八都人見舉人〕

蘇厚埴〔南隅廂登俊坊人署修仁縣鬱林州訓導恒焯子〕

吳斯璧〔太平鄉四十一都白沙庄人任博白縣教諭調甯明州學正灼子〕

霍士坪〔南隅廂仁壽坊人署北流訓導東蘭州學正慶遠府教授坤弟〕

秦作桂〔孝義鄉一都瓦窰村人慶遠訓導〕

朱 昂〔感義鄉三十四都雙龍社人署修仁訓導衣尙子〕

石廷珩〔孝義鄉四都襍洲人卽用訓導〕

新增道光年

梨依京〔二十二都脚山村人〕

石垣〔四都襍洲人字立元丙戌周學憲出貢李治弟子也〕

霍泰

祝贊明

陳志洸

黎依豐

梁培

程可傳

李灼暄〔四十一都谷山村人〕

林鳳班〔上二十二都麟塘村人十四年歲貢〕

吳浩賢

吳斯捍〔四十一都白沙村人〕

張業豐〔三十九都林村人丙申科考歲貢〕

李配琳

陳翼堯

卓侗〔號愨軒，胞弟道光戊戌歲貢，以教姪熙泰成材，賜封文林郎，爲人嚴毅。

樸勤課士，多方邑侯劉繼祖舉爲團長，擬禦盜十川，壽至七十八歲。〕

胡素顯

秦大緯〔一都瓦窰村人〕

吳盛鎬〔四十一都白沙村人〕

鄧端弼〔羅龍里都坡人〕

覃懋功〔三十一都北岸村人，丁未歲貢〕

莫世業〔七都森村人謹愿端和教授生徒百餘人〕

盧超朗〔十五都真勝村人〕

梁天授〔楊坳里恩排村人〕

覃讚彥

咸豐年

張敬業〔號富庭羅塘村人廩生鮑學憲考取歲貢現年七十歲性質樸甘恬退布

衣蔬食澹如也訓習子弟嚴謹約束咸豐初年著有覺世文曉諭盜感悟

解散〕

石雲亭

張炳瑞〔三年鮑學台考取 恩貢〕

盧繼錚〔三十四都馬曹村人孫學院考取歲貢郡廩生

吳沛滄〔三十四都新村人鮑學院考取歲貢

楊熙春(四十三都草村人見官職)

霍炳源(城西門外仁壽坊人)

李天注(七都白石河竹圍村人現年七十歲胞弟天涵廩生長男廷瑚庠生世代

書香)

盧冠瀛(三十四都陳村人鮑學院考取歲貢)

蘇啓禧(城南門外登俊坊人見官職時霖子)

蘇錫晉(城南門外登俊坊人)

陳步瀛(城西門外仁壽坊人)

莫鈞鑫(三十九都古雙村人)

韋業編(優貢生三江里務倫村人)

同治年

李華新(元年歲貢黃塘村人)

張朝墉(三年歲貢七年考取○○)

卷之十五 選舉志

(五百三十一)

卷之十五 選舉志

(五百三十一)

武選舉〔出仕武職附〕

武進士

國朝

雍正甲辰科

區士達〔官守備〕

區士連〔士達弟〕

武舉

康熙壬午科

霍 秩〔義昌鄉二十五都波塘村人任貴縣千總陞廂蘇營守備〕

康熙乙酉科

徐 珂〔三都大龍村人懋縉三子〕

曹成章

卷之十五 選舉志

(五百三三)

康熙戊子科

區章

雍正癸卯科

區士達〔見進士〕

區士連〔見進士〕

雍正癸卯科

胡致正〔西隅廂人〕

乾隆丙辰科

何煥文〔上八都人〕

乾隆辛酉科

黃懋善〔甯風鄉大任里大樓洲人〕

乾隆甲子科

吳炳〔太平鄉四十一都白沙庄人〕

吳焯〔太平鄉四十一都白沙庄人〕

乾隆庚午科

區澣〔五袴廂人〕

吳忻〔四十一都白沙村人〕

乾隆壬申科

吳鏞〔四十一都白沙庄人〕

吳漢〔四十一都白沙庄人〕

乾隆丙子科

黃流〔甯風鄉人〕

孫熾〔西隅廂人〕

黃必強〔東皇里河塘村人〕

乾隆壬午科

孫 燾〔西隅廂仁壽坊人〕

乾隆庚寅科

黃秉韜〔大任里大勝村人解元懋善從姪〕

乾隆辛卯科

李 槱〔三江里龍頭村人〕

石持廣〔三江里蒙藤村人〕

黃秉宮〔大任里大藤村人秉韜從兄〕

黃世英〔隨化里聖山村人〕

乾隆庚午科

朱昭亮〔三江里墨德村人〕

乾隆癸卯科

朱昭揚〔甯風鄉三江里雙底村人〕

乾隆丙午科

朱昭期〔甯風鄉三江里雙底村人〕

乾隆戊申科

朱昭交〔甯風鄉三江里雙底村人〕

乾隆甲寅科

朱昭彥〔甯風鄉三江里雙底村人〕

嘉慶庚申科

楊熾堅〔感義鄉三十都竇家寨人〕

嘉慶辛酉科

梁起高〔孝義鄉二都富安村人〕

黎德曜〔感義鄉二十二都蜡响村人〕

嘉慶丁卯科

朱龍章〔甯風鄉三江里新福村人〕

道光壬午科

覃榜賢〔三江里瓦窰山口人〕

道光辛卯科

吳希元〔大任里高灘人〕

出仕武職

張龍化〔十都新垌人康熙二十年任梧州左營千總見府志〕

徐雲龍〔十都大化村人任城守〕

劉忠〔一都人〕

咸豐年

石奇寶〔武生拔補千總署蒼梧勒竹汛把總〕

同治年

劉松芳〔行伍由廣東翁源入籍藤縣前署梧州協副將任慶遠協都司現署梧州協都司升用游擊補川叅將護送越南使臣往返防守廣東油欄太平門城樓克復藤城屢平巨匪性謙和平易有儒將風流子四人春齡候補訓導邑庠生春仁邑武生春輝童生人皆稱其盛德云〕

卓 識〔平南城守殉難詳義列傳〕

卷之十五 選舉志

(五百四十)

藤縣志卷之十六

選舉志

援例

明

黎敬〔五紵廂人宏治間任倉官〕

黃然〔五紵廂人宏治間任知事〕

霍柱〔西隅廂人嘉靖間任應天府知事〕

黃承雲〔西隅廂人崇禎間廩例〕

王澍〔仁封鄉人崇禎十一年奉上急公〕

冼之龍〔仁封鄉人崇禎十一年奉上急公〕

萬燦〔西隅廂人宏治間任增城主簿有治績祀名宦〕

易可照〔甯風鄉人任府經歷〕

黃瑛〔西隅廂人通考吏嘉靖間任廣海衛經歷〕

莫廷會〔仁封鄉人吏員萬歷間任茂名縣丞〕

黃桂喬〔吏員任湖廣靖州吏目〕

蔡瑞〔承差授驛丞陞巡檢〕

何守經〔太平鄉人吏員授橫州軍儲倉大使〕

莫一全〔南隅廂人吏員授巡檢〕

黃桂〔廣南人寄籍於藤吏員選全州倉官〕

國朝

通判

何安元〔四十三都白馬人任陝西西安府同知〕

府經歷

蘇廣祚〔南隅廂登俊坊人〕

易國紱〔二十五都雙門村人〕

縣丞

歐中嵩〔十都塢南村人〕

黎德暉〔二十五都蜡村人現任安徽廬州府合肥縣丞〕

蘇鳳光〔南隅廂登俊坊人任浙江烏程縣主簿加捐縣丞〕

從九品

蘇華賢〔西隅廂仁壽坊人〕

蘇天德〔西隅廂仁壽坊人先捐按察司經歷川運例改捐從九發安徽署貴池縣

丞〕

黃若寶〔三江里六題村人〕

鄧端規〔羅龍里都波村人〕

吳聖添〔四十一都白沙庄人任浙江湖鎮司巡檢〕

蘇天祐〔西隅廂仁壽坊人〕

未入流

吳斯準〔四十都自廟村人由武生任福建閩縣典史

千總

吳 湘〔四十一都白沙庄人分發江南衛○○〕

職 銜

布政司理問加捐四級

黃源洙〔大任里大樓洲人〕

布政司經歷加捐二級

蘇秉星〔南隅廂登俊坊人〕

布政司經歷

蘇 麟〔九都赤水村人蒼梧籍〕

何現星〔四十三都白馬墟人〕

梁 暉〔二十一都白梅村人〕

黃廷貢〔三十都翰堂村人〕

李喬楠〔七都白石河口人〕

吳聖鑾〔四十一都白沙庄人〕

蘇世智〔五衿廂人〕

布政司理問

蘇文珏〔南隅廂登俊坊人〕

朱 樹〔三江里雙底村人〕

韋拔墀〔大任里丹竹村人〕

朱昭瀚〔三江里雙底村人〕

吳殿邦〔三江里座坳村人〕

州同

黃必成〔大任里大樓洲人〕

吳文憲〔楊峒里孔村人〕

孫 燿〔二十五都波塘人〕

吳廷秀

胡祚達〔二十二都人〕

覃 瑚〔二十二都人〕

潘時遇〔大任里人〕

潘 璠〔大任里人〕

歐中崑〔十都 南人〕

胡中瑄〔西隅廂仁壽坊人〕

李 葉〔隨化里古灣村人〕

陳漢懷〔十八都太平村人〕

石士鈞〔四都襍洲人〕

黃元桂〔隨化里人〕

徐允中

梁 澄〔楊峒思排村人〕

何異蓮〔上八都洗村人〕

黃元棟〔隨化里人〕

吳體道〔楊峒里孔村人〕

唐健棟〔四十二都都厚村人〕

按察司經歷

吳日章〔東皇里東養坪人〕

蘇鳳亨〔南隅廂登俊坊人〕

州判

鄧恒滌〔羅龍里都波村人〕

翰林院孔目

鄧端臨〔羅龍里都波村人〕

千總

石 浩〔三江里蒙藤村人〕

麥元浩

吳 浩

吳 灼〔四十一都白沙庄人見贈馳〕

黃中濟〔隨化里人〕

吳浩偉〔楊峒里人〕

李 暉〔隨化里古灣村人〕

黃述洙〔三江里五屯所人〕

石廷玠〔四都禰村人〕

石浪〔三江里蒙藤村人〕

石昕〔四十三都交埔村人〕

江溥璣〔大梨里人〕

朱昭彥〔三江里雙底村人〕

吳日高〔東皇里東養坪人〕

黃壽光〔二十八都街口村人〕

朱昭藏〔三江里那祿村人〕

黃元榜〔隨化里人〕

黃中漢

黃世茂〔隨化里聖山村人〕

吳斯堅〔四十一都白沙庄人由郡庠捐〕

祝憲昭〔大任里人〕

陳 瑋〔東皇里江口村人〕

吳 槍〔楊峒里高灘村人〕

把總

黃必英〔大任里大樓洲人〕

黃元枝〔隨化里人〕

蒙瓊昌〔三十都黃村人〕

蘇鳳龍〔九都赤水人〕

朱昭朗〔三江里雙底村人〕

王汝璿〔三十都羅文洲人〕

黃中流〔隨化里人〕

吳錦〔四十一都白沙庄人由郡庠捐〕

卷之十六 選舉志

(五百五二)

藤縣志卷之十六

贈贈

唐

李馨字一川鐔津貢士以子堯臣貴封文林郎廣東道監察御史

宋

李玉禎字東山鐔津孝廉以子用謙貴封文林郎江西道監察御史

明

傅惟慶以子傅鑑貴成化二十三年五月二十一日封奉直大夫協正廣東廉州府

欽州知州

胡顯英以子欽貴宏治四年五月十三日封從事郎中書舍人

黃嗣以子聚貴宏治九年五月十六日贈文林郎大理寺左評事

喻本監生以子漢貴嘉靖元年五月贈文林郎湖廣道監察御史

孫鰲以子夢能貴萬曆二十年五月十一日贈文林郎貴州貴陽縣知縣

國朝

陳于夏城西仁壽坊人性淳樸不與俗競子三長嗣方次嗣平嗣植俱庠生以孫汝

瑞貴

贈文林郎湖南新田縣知縣妻宋氏

贈七品孺人

陳嗣植茂才永安門外仁壽坊人品行端方奉文選爲學子六長汝璋廩生次汝

璋歲進士次汝肆汝琳汝璟俱郡庠次汝瑞庚子鄉荐任湖南新田縣知縣孫敦仁

歲貢鈴國學鑰戊午科舉人四世同堂壽登大耋以子汝瑞貴

贈文林郎湖南新田縣知縣妻霍氏繼妻徐氏俱

贈七品孺人

蘇作楫城南登俊坊人家資頗裕仍以節儉自奉子三長炯選拔進士授義甯教諭

晉陞教授次淳貢生贈訓導職秉旻庠秉昆國學援例照磨秉暑監生秉正癸卯鄉薦任隆安教諭陞國子監典籍秉星由廩膳生急公授布政司經歷加四級楫壽終後以子炯教諭任內遇

覃恩贈修職郎桂林府義甯縣教諭妻譚氏

贈孺人

蘇炯城南登俊坊人任教授性豁達無迂腐氣子秉星布政司經歷加四級孫文曜文偉文傳俱國學文珏布政司理問文琦文璠俱庠生出繼孫世聰茂才世睿名列成均世智援例理問職炯以子秉星貴

誥贈奉直大夫妻孫氏

贈太宜人妾徐氏贈宜人

蘇淳貢生城南人生平慎於言語性雅逸飲人以和子秉晁由廩貢咨選學博遇俸秩滿陞江西撫州叅軍孫世智援例理問世睿名列成均淳壽七十餘以子秉晁經

歷任內遇

覃恩贈修職郎江西撫州府經歷妻王氏

贈八品孺人

張璇貢生四十一都白沙庄人家本寒素世以詩書爲業子二長士元歲貢任博白訓導次士選邑庠孫治以孝廉授富川教諭璇卒後以子士元官

贈修職佐郎廣西直隸鬱林州博白縣訓導妻吳氏繼妻朱氏俱

贈孺人

張士元歲貢任博白訓導四十一都白沙庄人長子漢邑庠次子治戊申科鄉荐任富川教諭調西隆學正邊缺滿撤回昭平縣司鐸孫業孔業文俱茂才士元卒於博白官署以子治富川教職任內遇

覃恩贈修職郎廣西平樂府富川縣以教諭銜管訓導事妻王氏繼妻黃氏俱

贈八品孺人

吳縉舉庚辰恩科孝廉四十一都白沙庄人博學能文持躬謙謹子四長斯遂歲貢
斯遵食餼斯遵邑庠斯遠選拔任柳城教諭陞柳州教授縉壽終後以子遠教諭任
內遇

覃恩贈修職郎廣西柳城縣教諭妻何氏

贈八品孺人

胡海璇八都人秉性剛直生平不苟於言語子其秀壬申孝廉以知縣分發四川改
授永甯學正孫考封職訓導璇以子其秀官

贈修職郎廣西桂林府永甯州學正妻覃氏

贈孺人

胡考國學生八都飛鸞庄人秉性端謹恒以濟人爲務子爾英庚申科鄉薦先由廩
膳援例任宣化縣訓導調西隆州上思州學正授江西信豐縣知縣考躬沐

覃恩以子爾英任內

封文林郎江西贛州府信豐縣知縣妻吳氏

封太孺人

陳英猷庠生隨化里歐村人性喜名勝玩山水所至輒爲流連多題咏子二長俊次
儻俱鄉薦儻借補昭平導訓調東蘭州學正任直隸元氏縣知縣猷以壽卒子儻教
職任內遇

覃恩贈修職郎廣西平樂府昭平縣以教諭銜官訓導事妻黃氏

贈八品孺人

黃廷宰甯風鄉大樓洲人莊以持已恕以接物子必章以舉人領明通進士任來賓
永福二縣教諭宰卒以必章官

贈修職郎廣西柳州府來賓縣教諭妻尹氏

贈八品孺人

吳炳四十一都白沙庄人與胞弟焯同榜領武鄉薦性豪邁不隨時俗素爲閭里所

敬畏子二長斯均由廩貢援例授思恩府訓導次斯培茂才孫聖錫乙卯賢書聖鑄
膠庠食餼炳以子斯均貴遇

覃恩賜贈修職佐郎廣西思恩府訓導妻覃氏

封八品孺人

吳灼庠生加捐衛千總四十一都白沙庄人性醇謹重義好施壽年八十有一督學
汪以碩德傳經表其墓子斯璧廩貢生授博白教諭候陞知縣孫盛銜癸酉拔貢即
用直隸州判灼躬沐

覃恩子教職任內

封修職郎妻李氏

封八品孺人

黃必馨四十八都大樓州人持躬嚴止雖列武庠而潛心經義手不釋卷以孫源洙
由布經加四級

贈朝議大夫妻楊氏

贈恭人

黃懋賢庠生四十八都大樓州人家素饒裕樂於推解以子源洙官

贈朝議大夫妻陳氏

封太恭人

黎權監生二十二都臘垌人性慈和雅量能容鄉閭服其器度子五長德暉安徽合

肥縣丞次德曜武舉次德皓國學次德普武庠次德暎茂才權年逾七旬以子德暉

貴

封修職郎妻霍氏

封八品孺人

朱如珖三江里礮底村人性質樸不尚靡麗以子樹急公授布經

贈儒林郎妻袁氏

贈孺人

陳士晃十八都太平村人不立異以鳴高凡事退一步頗好黃老術以孫漢懷州同

職

贈儒林郎妻蔣氏

贈安人

陳懋德十八都太平村人樂善好施廣修橋梁道路以便行旅以子漢懷援州同職

贈儒林郎妻覃氏

贈恭人

梁繪柏二十一都白梅村人持躬接物不矯情以冥俗以孫暉布經職

贈儒林郎妻劉氏

贈安人

梁任堂白梅村人性喜推解以子暉貴

贈儒林郎妻何氏

贈安人

蘇秉星迎恩門外登俊坊人秉正弟性生質直慎于取與子文珏布政司理問出繼
子世智布政司經歷星由廩貢援例布經加二級

誥封奉直大夫妻王氏

誥封宜人

馬良玆三十八都新車塘人性樸誠不尚華飾似子廷璵官

贈修職郎廣西平樂府修仁縣以教諭銜管訓導事妻龍氏

贈八品孺人

林櫛二十二都人持躬端謹接物謙和以孫林峻援例州同職

贈儒林郎妻楊氏

贈安人

秦輔世一都瓦窰村人性敦謹以節儉持家子四長作霖增廣生作楨作樑俱庠生
作桂以廩貢授慶遠府訓導孫大璋大瑚俱武庠大璉國學大經增生大緯廩生以
子作桂官

贈修職佐郎廣西慶遠府訓導妻傅氏繼妻梁氏俱

贈八品孺人

卓通章三江里荔支坳人勤儉起家積善餘慶以孫佃貴

贈奉政大夫妻戴氏

贈宜人

卓鳳儀三江里荔支坳人邑茂才通章子素志清尙禔躬端慤義方課讀禮法嚴明
啓迪後學耄耄不倦子六長傑乾隆壬子舉人次僚庠生三佃嘉慶己巳進士四佃
歲貢五儲國學六儼庠生皆藉庭訓成名以子佃貴

誥封奉直大夫以孫熙泰貴

卷之十六 贈馳志

馳贈朝議大夫妻伍氏

馳贈恭人

(五百六四)

人物志卷之十七

人物志總序

扶輿靈淑之氣原不可以方隅限卽其間崛起有人而才與德未能麟炳當時輝耀奕禩雖欲求佳傳之作法言之附烏可得哉藤雖嶺南僻壤土厚水清鍾毓賢彥代不借才况我不借才况我

朝重熙累洽其漸靡所及尤彬彬稱極盛焉故縱有隱顯之殊途而或著功業或抒文章或忠義激於風雷或節孝貫乎金石彼都人士之行昭然具在亦何秉彝攸好之容泯沒也夫志人物

藤縣志卷之十七 列傳 方伎

人物志一

賢良

唐

李堯臣鄧津人貞觀七年癸巳進士賜其里門曰登俊縣城南其故址也同年進士劉從建橋於其里即名登俊橋累官至交州刺史有異政祀鄉賢

宋

馮京字當世鄧津人雋邁不羣鄉試禮闈廷對皆第一父式爲商僑居江夏壯歲無嗣買妾得一女子間所自知爲官累賠償式惻然亟還其父不索直反歸數月而妻有娠里人募鼓吹送狀元至馮所遂生京京少登第時猶未娶張堯佐負官掖勢欲妻以女力辭之通判荆南軍府事還直集賢院判吏部南曹試知制誥避婦翁富弼當國嫌拜龍圖閣待制知揚州改江寧府以翰林學士召還知開封府數月不詣丞

相府韓琦語弼以京爲傲弼使往見京曰公爲宰相從官不妄造謁乃所以爲公重非傲也出安撫陝西請城古渭以斷夏人右臂除端明殿學士知太原府神宗立復爲翰林學士改御史極論王安石爲政矜張失當進叅知政事數與安石辨論爲呂惠卿所譖罷知亳州徙知成都府蕃部何丹方寇鷄棕關聞京兵至請降譏者欲蕩其巢京請于朝爲禁侵掠給糶器餉糧食使之歸夷人喜受盟帝一夕呼左右曰適夢馮京入朝甚慰人意乃賜京詔有渴想儀形不忘夢寐之語哲宗立范祖禹言京再執政初與王安石不合後爲呂惠卿所傾其中立不倚之操爲先帝所重乃以爲中太乙宮使兼侍講改宣徽南院使拜太子少師致仕紹聖元年薨年七十四帝臨奠贈司徒諡文簡神宗旌其里門曰得雋著有文集奏議三十卷

按京父壯遊江湖侍焉寓宜州游學湖湘作精舍于咸甯父客江夏方輿勝覽諸編因以稱宜州人江夏人咸甯人郢州人皆無定說攷宋藤州守李萬刻碑明金文仲跋僉憲富禮州志跋皆曰藤人且憲副華亭馮時可曾移檄於邑以文簡爲

藤人譜載公居連理塘右斯可爲藤人之確據矣

李用謙鐔津人自幼警敏博通經典紹興五年進士爲秘書郎兼崇政殿說書歷侍御史左司諫皆有直名上時政十六事切中利病後官國子監祭酒諸生服其學行卒贈銀青光祿大夫

李奉政用謙從子博學能文登紹興二十一年進士嘗上書言金人有入寇之志不見用出知戎城縣尋知和州疏論科舉事又論割棄唐鄧海泗四州與金人和非是累官翰林學士國子監祭酒與用謙並名重一時祀鄉賢

明

魏埴五袴廂人洪武十七年舉文學授本縣訓導登二十四年進士歷戶刑二部主事調桂林府通判持身謹厚和易近民有善政聞於時

楊善安西隅廂人洪武間以歲薦入太學任江西道監察御史以敢言直諫自許時有直御史之稱與魏埴同時雅相推重

廖時英永樂間歲貢學問該博制行端方任禮部郎中居官清慎爲時所重

黃賢相五袴廂人永樂間入太學後擢河南道監察御史數言時政得失稱旨加褒賞

程瑄字汝玉五袴廂人博學能文尤工書法景泰間應貢人監嘗以文章見稱歷事南臺咸見器重成化改元中丞高某薦補臺中力辭不就其恬退如此後選武緣縣知縣調石城縣知縣所在皆有善政人懷其德

萬顯字世舉五袴廂人景泰元年亞魁授封川縣訓導負應變才時地方寇起都御史韓雍檄領民兵防禦保障有功薦陞封川縣知縣清節自堅政事克舉葺築城垣盡心區畫民賴以甯卒於官士民感慕之

伍璣字子玉南隅廂人景泰七年舉人由容縣教諭判福建鹽運司尋知靖州剛直廉明興廢舉墜革除煩苛教育英才後以不獲當道去民咸惜之

傅鑑仁封鄉人舉天順三年賢書第一知欽州調靖州進階四品操守冰蘖各著惠

政尤善庭訓子三皆領鄉薦祀鄉賢又專祀赤水鎮解元書院

萬祥號致菴五務廂人成化二十三年進士以御史官江西贛州道僉事明允激揚有聞於時識喻漢於童年禮劉節於落魄人稱爲知人祀鄉賢

楊霖字宗說西隅廂人宏治二年以易領鄉薦授松江司訓歷大名府通判陞德慶州知州嘗劾管糧諸事及改用鎮守太監不避權要時論偉之卒於官祀鄉賢

喻江字潮之五務廂人宏治五年舉人授浙江餘杭知縣調奉化縣時有鎮守市舶者以和買土物爲名誅求甚急江爲報罷約以裕民凡相告訐誣諭而遣之所莅兩邑歷四考施澤於民最久浙中稱循良焉兩邑豎碑誌去思祀名宦卒祀鄉賢

喻河江弟宏治八年與兄淮同領鄉薦正德間任大理寺通判治洱河自乘舟探淺處卓木爲城以草障瀾疏洩之著令三年一浚民德之祀名宦與江漢同祀鄉賢

喻漢字宗之號桂泉江弟穎異性成過目成誦童稚時侍御萬祥一見卽器重之曰喻氏四傑季最白眉宏治十七年以儒士發解正德戊辰成進士一時知名之士無

願不與之交初授行人擢御史清戎中州有獲盜功陞浙江僉憲以卓異聞七膺薦剡轉江右憲副與李恮峒友善尋命提督廣東學政未任而卒歷官公正執法嚴明冰蘖矢操終身不易卒時殮具不給無子以姪嗣著作甚富足爲世模祀鄉賢

楊表字子儀南隅廂人嘉靖壬子舉人令如臯左遷潮州府教授因行役爲海寇過天星所劫臨以威武不爲所動飲瞰如常寇憚其量且懈於防遂誘巨魁爲反間計得脫尋陞瓊州別駕清風介節聲溢海隅晉南安府知府致仕家居蕭然壁立簡淡自如蓋稟於天性云

胡如孟字鄒甫南隅廂人領萬歷四年鄉薦授興濟教諭陞贛縣補新興知縣廉毅敏達德政四閩以父憂歸家廣訓士子談經析義孜孜不倦受其裁成者甚衆祀鄉賢

王好善字瑞榴西隅廂人領萬歷十三年鄉薦任廣東香山縣知縣廉慎持己慈惠愛民卓有政聲士民愛戴立祠奉焉祀鄉賢

袁崇煥字元素，澤州人。萬曆丙午舉於鄉，己未成進士，授邵武知縣，累官兵部尚書。督師薊遼，負膽畧，好談兵。遇老校，退卒輒與論塞上事，具曉扼塞情形。督遼邊功最著，死非其辜。事詳明史本傳。

廖坤，英南隅廂人。以蒼梧籍登萬曆甲午賢書，志氣高邁，才識明敏。任羅定州學正，遷尋甸別駕，署府事。會土酋鳳凌霄叛，攻破維摩，乘勝圍彌勒。英率郡兵救之，賊僞退數十里。復至圍，尋甸英櫻城固守，遣人赴省請援。一面嚴扃積薪爲殉節計。會援至，圍解，危城得保。祀梧州府忠義孝弟祠，并祀蒼梧縣忠義祠。

孝友

余全，義昌鄉人。父玠，正統歲貢，令順德。母李氏，全弱冠，籍諸生，有孝行。成化改元，峽寇鄭昂作亂，劫掠至藤，執全母去。全傾資追贖，寇益索賄，無厭。全慮母終不能脫，乃給寇曰：「家有藏金，母恐我年少游冶，不告其處。縱母歸，當盡取以爲質。」寇信之，久而不至。詰其故，乃瞑目大叱曰：「咄！我給汝耳。吾家故廉吏，安得有藏金？」寇怒。

遂殺之時年二十邑人皆爲之揮淚祀鄉賢

黃聚字朝會西隅廂人宏治三年進士歷官大理評事寺正性廉慎讞獄明允純孝之行信於族黨親疾嘗便溺侍奉無不至居喪廬墓哀泣盡禮歿祀鄉賢

石瓏字美中孝義鄉人罄子以蒼梧籍領宏治五年鄉書性至孝以母老不欲遠遊授靈山教諭九載左遷南通州司訓尋陞國子監學正出知順德縣以教養惠民有冰蘖聲弟瓚領鄉書仕亦有善政祀梧州府忠義孝悌祠并祀蒼梧忠義祠

霍榮字時秀西隅廂人性廉介撫弟事親克盡孝友弱冠聘婦雙瞽婦家以廢疾求退榮曰我以瞽退女將安歸卒娶之正德二年以鄉薦令陽江諭賊以禮賊解去士民德之凡其所行悉崇本冲和恕以接物乞休家居常置義田以恤族人卒祀鄉賢

黎琳義昌鄉人天性謹厚尤以孝弟爲本母病綿延三載琳朝夕侍床第未嘗稍懈推遺產以讓兄兄死復育其孤姪嘉靖初由歲薦歷官兩淮鹽運使廉潔自矢任六載歸不減寒素有負郭田數頃歲入輒以分恤族黨士林益稱其賢

陳乾字健之感義鄉人天姿穎異十歲通詩書能文章母病疽躬自拂拭毒久不得淨日以口吮之父所遺產悉推與諸弟嘉靖辛卯領鄉薦任通山知縣清慎自矢後以病歸士民思之

卓行

蒙瑛西隅廂人家赤貧炊烟常不舉廉潔自守纖介不屑受於人有從子自服毒草圖賴將以傾人之家產被誣者暮夜懷金詣瑛求脫訟瑛力却不受而潛解之事既寢人咸稱其正大光明焉

儒林

徐容五袷廂人天順己卯舉孝廉司訓興甯慨然曰政教誕敷首先學校誰謂廣文爲冷官散秩乎遂殫心造士以經術相摩厲士皆肅然從之服其有守教四子瑞璫瑤璨二孫鵬鴻先後登鄉薦卒祀鄉賢

陸蟾鐔津人洪武初負詩名好探覽名勝時往來楚越生平踪跡所至登臨憑弔之

作皆宕逸有奇氣

傅惟宗字肇本號竹坡仁封鄉人幼英敏嗜學工詩文解縉謫交趾過藤寓水月巖惟宗從而受業焉永樂癸卯舉孝廉授茶陵訓導年二十四棄職歸教授生徒以著述自娛與弟惟慶最相友愛凡族人婚嫁咸周給之都御史韓雍甚相禮重卒祀鄉賢

國朝

賢良

霍沛號東陽西隅廂人歲貢贈文林郎鍾翰之三子也性嗜學以孝友聞幼孤遇寇惟兄母是依被難無以自給採蕨供母燃松照讀弱冠游泮由明經授興安司訓一以振興文教爲己責勉士子以遠大自期上憲器重檄諭永淳尋陞陝西西寧衛經歷適丁母憂哀毀盡禮服闋署西甯縣時陝西方用兵縣當孔道軍書旁午他邑多違悞獲譴惟沛好謀成事切中時務大憲題實西甯任內惠政指不勝屈躬親詣學

課業論文邑中科名日盛既而痛兄年邁抱疴解組歸休士民攀轅者如失慈母西甯金太守所撰德行政蹟甚詳西浙鹽道高能徵銘其墓碑誌尙存

陳俊甯風鄉歐村人明經陳乃書之父孝廉陳翹之祖也壬申科領鄉薦性嚴毅子衿桃達之風見之皆抑然自下訓誨生徒一以理學爲宗弟僦少歲能文俊力爲督課僦年弱冠登賢書任直隸元氏令尤工於詩學有建安風骨論者稱爲二難蓋比之元方季方云

吳瀚仁壽坊人乾隆間選明經規行矩步律身嚴飭足跡不履公庭素爲鄉黨所推重築室講學以詩禮相授受庭訓甚嚴子煥章補博士弟子員

吳縉四十一都白沙庄人性醇良好學不倦乾隆庚辰科登賢書教授生徒列其門下者咸以得師相慶予斯遠選拔授柳州學博其餘諸子列明經遊泮璧皆以文學著名

胡現星字輔九號澗崖西澗坊人性醇厚嗜學領乾隆壬午科鄉薦歷爲當道器重

掌教義學訓課士子俱本蘇湖家法選授山陰縣知縣政尙廉慈山陰地瘠民貧凡官差經過護送馬匹以及文武各衙日用煤炭向皆派累四鄉二役最爲民擾甫下車即行裁革士民爲之立碑以紀惠愛解組後闔邑稔其清貧餽送者不絕于門皆却絕不受單車就道送至百里外者數百人星日衆父老勞矣新邑令亦良有司也勉事之衆皆泣下屋亦惻然而去及旋里日以詩書誨訓自娛雖貧妻不計也其後二子世振世拔先後登乙卯甲子鄉薦姪世揚膺己巳明經學行可風鄉里推重陳汝瑞字信玉號玉壺城西仁壽坊人家素貧四壁蕭然瑞處之晏如下帷讀書不倦有勸以摩肩權路者輒正色却之庚子登賢書乙卯以一等分發湖湘署茶陵州牧兼攝米泉篆清苦過於下士年餘士民議建祠致敬聞之力却大憲器重檄調新甯有縣尉受富人托夜獻千金瑞厲聲曰余不敢以伯起自方然却欲勉爲清白吏尉慙而退明年歲大饑瑞以爲往復申請溝中捐瘠矣汲長孺可法也遂發廩賑濟以故他邑多餓殍而甯民胥匡以生越兩載以治理詳慎授新田職時書役多積猾

去其尤而弊絕賦役多違例平其征而輸均士子應試者寥寥躬至書院講學而春陵文風日振桂陽巨盜越境滋害設法擒而剪之四野蒼黎咸得安堵年七十兩袖清風解組歸里栽後學勵子弟足不履於有司之庭子鏡鈴國學鎗戊午鄉薦人稱家學淵源壽逾古稀有八卒於家山東兗甯道熊方受誌其墓

方正

李僕字健紋號教亭一都瓦窰村茂才秉性剛方不徇時俗少負大志數戰棘闈不遇後徙居二十五都義昌東岸時都內士習頗靡僕日講學以課兒曹并築室以勸後進未幾諸子亦以經義轉相授受閱數十年間士風振起遠近之列明經博士弟子員者多出其門下子若松若槐蜚聲蠻序若柏若桂掄選歲貢孫則灼暢爲邑增廣灼暄食餼于庠灼朝亦列名郡序曾孫如夢吉補廩膳葩吉爲諸生方興未艾皆僕涵濡之澤所貽壽登八十人仰頌之

陳舜道城西仁壽坊人秉正疾邪行高志潔性耿介不樂沽名曾以賢良方正舉於

鄉公請咨部選用張邑侯正擬申詳道以疾堅辭力寢其事道雖武庠而優於文學
長子鑄次子銳名列膠庠皆其庭訓所貽年七十四以壽卒于家

劉配先三十二都行遠庄人以明經登庚子賢書立品端方鄉黨中薰其德而善良
者不可更僕數尤慷慨好義家雖貧遇故舊寒士不吝推解士林重之

胡晉鼎西隅廂人習尚書由廩膳生遵川運例報捐訓導晚歲銓永甯外翰以年高
不就職嘗正襟危坐終日無跛倚容生平慎于取與言語不苟鄉黨以爲難子克泰
食餼克安援例明經

陳暹三十一都江山村人賦性嚴毅博涉羣書怡情山水篤儒行不事浮屠由恩貢
銓授武宣教諭辭不就職病甚將卽世恐後嗣妄爲懺悔猶諄諄以佞佛爲戒

胡子佩南隅廂人乾隆三十七年歲貢性恬淡不與俗競幼喪親恒以不獲終事爲
恨期望必躬自省慕痛哭而後返自少至老終身不懈子孫騶孫駮皆名列膠庠

篤行

蘇紳虞貢生字奮超慷慨好施乾隆戊寅已卯連歲荒歉佃戶逋欠盡出其券焚之毫不取償至今黃華江水口踏路各鄉每遇荒年咸思慕不忘（子槐著監生次槐葱郡增次槐苗邑庠孫及曾元選蘭臺登賢書亦積德之報也

霍鍾錦勇士兄弟六原居城後錦與三四兄及弟遷感義鄉

國初豪猾黃量霸踞鄉村錦兄弟與角鬪三四兄皆遇害錦與弟鍾濂計殺量鄉賴平安

何江字沛然太學生四十三都白馬庄人性醇篤自少以孝友聞母蒙氏多恙江朝夕視膳歷久不渝母顧而樂之夙病頓愈江侍奉益謹母壽至八旬有六鄉黨稱其善于娛親嘉慶己巳歲大稔江出粟以濟鄉閭了無德色嘗訓其子若孫曰分多潤寡情也不宜稍有市惠之意輿論以此重之年登大耋卒於家子瑞星列明經現星授布政司經歷孫宏元以茂才資選通判知縣陳廷璠以醇厚可風旌其門

李佳章職員十都人國學景榮子也少孤事母盡子職朝夕進膳未嘗假手臧獲每

食必侍左右俟母飽乃食數十年如一日妻莫氏亦以善事其姑聞章生平見善若驚疾惡若讐時以百行孝居先十惡淫爲首二語持誦並以是訓誡於人鄉鄰有爭訟輒理論之人亦多感其化而息其爭尤以利濟爲心修道路造津梁歲旱議建古陂以濟田園當乾隆丙午丁未大荒出粟以周族里人咸德之復善岐黃方藥時蓄諸家求輒與之無吝色亦無德容故時人誦之曰里有章君寒谷回春子二長中奇貢生次中賢嘉慶戊辰登賢書人咸以爲盛德所致云

霍士坦字子和西隅廂永安門外人舉茂才事父母克盡子職性醇樸慎于出話人有非意相干者以情譴之以理論之鄉黨咸以爲士坦公寬平樂易恰與其名相副雙親垂白神頗不甯坦朝夕不離左右家人感其勞苦欲分任之則曰罔極之恩無分於衆安得以子弟故自諉乎敬事暇每執經義朗誦以娛親志

蘇秉星字欽亮登俊坊人以優廩貢生捐布政司經歷加二級

誥授奉直大夫性恬雅不苟然諾博涉羣書嘗登浮金山慨古蹟湮沒倡衆修復捐資

先用以濟急需至今浮金亭繼宋元之美皆此舉之力也登臨遊覽咸思慕之

吳國樑號毅峯茂才四十一都白沙庄人博學敦行耄而不怠以正直表率鄉閭子弟沐其教而成名薰其德而善良者不一而足尤篤於族誼置義田周貧乏刻石以垂不朽族人德之長子烱國學生次熯庠生次灼庠生加捐衛千總孫斯璧任博白教諭邊俸候陞

文苑

胡其秀感義鄉都目村人少穎悟博通典籍經傳子史過誦輒不遺忘登乾隆壬申科賢書分發四川署資州事改授永甯學正訓課士子俱以經術爲重年高解組歸里教授嶠清學舍人皆奉爲楷模子考援例太學孫爾英庚申鄉薦任江西信豐縣知縣

霍士塏城西仁壽坊人性嗜學好網羅舊聞凡同學以軼事相詢無不悉其源委乾隆癸卯科以諸生選蘭臺赴都門朝考第一後以疾終于家士論惜之

蘇恒焯字巨章號闇齋登俊坊人少失怙與弟秀焯相友愛博學能文領乾隆乙酉科選拔爲諸生時試屢冠軍學使咸以大器相許壬午年戰棘闈銜鑑堂閱其文議以掄元以弟秀焯卒于桂林哀痛不赴二場典試者索其經文不獲深爲惋惜年三十未竟其志而歿子若孫克承先緒咸能以詩禮世其家

方技

黎鯨少補學宮弟子員隱於醫每切脉凡五臟癥結無不洞見有副使張某召視疾不再劑而疾已愈他皆類此八旬後步履益強蓋深得養生之術者

馬知章鐔津人爲道士獨持道德衛華二經曰真宗在是矣同邑契嵩雅重之嘗銘其所贈目爲道交

契嵩李姓鐔津人七歲出家通經史志行修潔慶歷初觀察李謹奏賜紫方袍以昭寵異尋抱所著書游京師府尹龍國王仲儀上其書仁宗覽之詔付法院編次賜號明教禪師自丞相而下莫不尊禮著有嘉祐治平二集六十餘萬言其切法燈藏之

洪禪師宋時人少持齋好誦釋家言常焚香誦經善念修持寓崇善寺中結廬以居正體危坐狀如泥塑竟日不飲食鄉之好善者每以衣糧助之九十餘戶解而去成二谷山士著得異術嘗乘一鳧渡江遇孕婦其術不神遂沉溺屍逆流附岸鄉人立祠祀之

按成二省志郡志皆作程二茲因纂錄方伎正擬照舊付梓忽鄉人於谷山中得有明萬歷己丑年坊丁岑亞一重修成二廟宇碑記始知成誤爲程因改正之里人李若柏有記

鄧三二係二十一都根竹村道士嘗出遊見一雷神從地奮起霹靂一聲忽然墮地鄧睨視之見牛方產子牛已驚斃知雷觸血隄乃用淨水遍洒雷乃升騰次日再過其地忽獲一書字近符籙檢閱再三知是五雷法不敢褻玩携歸焚香默誦盡精其教每與人祈禳無不立應歿後猶時顯靈于里內里人疑爲仙去遂于糯垌墟立祠之稱爲鄧公（聞鄧公祀在岑溪甚靈應）

隱逸

藤人以詩名者最先爲陸先生蟾先生生於唐遭五季衰亂抗志不仕宋初尙在隱居攸縣司空山好神仙辟穀屢月（見雅言集載）與逸人王元廖融任鵠王正已輩皆一時名士爲詩相善（見郡閣雅談）所傳有瀑布子規諸咏後同邑僧契嵩爲作傳云 陸蟾藤州鐔津人也以能詩名於楚越間其瀑布咏則曰靈源人莫測千尺掛雲端嶽色染不得神功載亦難夏噴猿鳥凝秋濺斗牛寒待到滄溟日爲濤更好看此詩人尤稱之客死於攸縣之司空山余少時遊衡山會隱者高闈謂余曰昔陸先生子之邑人也方國初時廖氏家以詩盛而四方詩人慕廖氏來衡山頗衆獨先生陸某許多警句雖慕廖融亦相推高然先生不止能詩而已矣頗知王霸大畧亦俟有所遭遇故其詩見志如前詩後句云待到滄溟日爲濤更好看而常幅巾布衣好秉高節所至閉戶自處不肯與常人交接余聞其風且歎之曰陸先生邑人也能以詩高出流輩是亦賢矣而負道守節不爲阿世苟合而欲自有所遭遇雖孔

孟尚不得其志而生也不亦難乎然天下如陸生徒死於邱壑者何限（以上鐔津集陸蟾傳）陸蟾聞子規詩云後夜入清明邀人何處聽花殘斑竹廟雨歇峴山亭樹罅月欲落窓間酒正醒衆禽方在夢誰念爾勞形（見雅言系述）案陸先生者唐之逸人也當五季衰亂之時卒能以名節自全不爲苟合志趣洵不可企及矣顧昔之論先生者多未詳或以爲宋末時人（三管英靈集）或以爲洪武時人（藤縣志）甚或書陸爲凌（十國春秋誤作凌蟾）而先生之姓氏幾隱先生之志節亦泯沒而不彰尙論者將烏從而取證歟曰是當以先生之友及傳先生者正之當時友先生者若王元廖融任鵠王正己輩今皆見於全唐詩是唐人也傳先生者嵩公北宋人也夫友先生者同乎先生者也傳先生者後乎先生者也同乎先生者唐人後乎先生者北宋人而先生顧爲宋末明初人有是理耶請以質諸世之論先生者 司空山在攸縣東四十里左右有三十六峰舊名麒麟山又名溫泉山南齊司空張崇棄官隱此因名岳臨封人也

藤縣志卷十七

人物義烈序

邊其晉

古來富貴而名磨滅者曷可勝道惟忠義非常之人稱焉以此浩然之氣與天地爲不朽者也吾藤自咸豐四年軍興以來官紳禦侮士民敵愾十五年中殉難者數萬人其中尤爲激烈或力戰捐軀或從容赴義皆入祀昭忠奏請謚卹同享俎豆於千秋而原其當時之苦衷則蒿目時艱置性命於不顧並不計及於後日之歆祀也卒賴繼起有人終歸廓清使執簡以書者記其忠烈之義於無替然亦實賴先賢輩之抗義不屈殞身不顧使匪徒爲之奪氣爲之寒心後之人乃能逐漸擒斬使當年揭竿稱雄者盡就誅夷皆神靈之默佑不可謂非吾藤之厚幸也今日焚香楮薦牲醴有所觀感者可以奮然而興矣志義烈

人物志卷之十七

義烈

元尙書普顏明宣國公焦璉死國難大司馬袁崇煥死詔獄皆功業煊赫忠義尤為激烈舊皆未祀宜補入

總兵 忠烈 李坤

贈遊擊銜梧肇鎮中軍營守備 羅文舉

贈南甯衛經歷寶家寨巡檢 黃新德

此三人係明末忠義殉難因前未設忠義祠今建昭忠祠請入奉祀以慰忠魂

咸豐同治年殉難忠義

誥授朝議大夫署藤縣事思恩府知府世襲雲騎尉劉繼祖(詳兵防)

勅授文林郎署藤縣知縣 宋尙述(詳兵防)

勅授文林郎藤縣知縣 翟登峨(詳兵防)

勅授登仕佐郎藤縣典史冉正棠（詳兵防）

梧州協右營把總署藤縣城守千總鄧紹邦（詳志畧）

署平南黃村汛兼城守事卓識（三江里人詳後）

五袴廂拔補外委周瓊英

拔補千總劉喜忠

城鄉總局團長監生蘇敦和

城廂練長軍功六品蘇振興

寶家團長附生楊際春（詳後）

四十三都團長黎志良

何善錦

何元華

吳文遠

軍 功 六 品 監 生 鄧肇基

軍 功 八 品 何 信

軍 功 九 品 黃德輝

增 生 何宏禮

監 生 潘茂樟

二 都 團 長 軍 功 八 品 林拔藻

軍 功 六 品 李榮光

軍 功 八 品 梁廷植

團 長 黃素任

增 生 朱聖仕

增 生 劉品儒

三 十 一 都 團 長 貢 生 劉衛國

貢

生 鄺肇堂

十

都

團

長

附

生

陳華圖(詳後)

從

九

歐寅時(詳後)

監

生

李遇旦

監

生

歐茂蘭

二

十

二

都

團

長

吏

日

徐憫

職

員

徐彝

監

生

黎英弼

監

生

徐綏臻

四

都

團

長

武

生

唐定葆

監

生

鄧秉燿

七

都

團

長

從

九

李迪雲

府 知

事 莫遇培(詳後)

一 都 生

員 秦濟川

武 生 吳錫

二 都 甲 長 軍 功 八 品 陳淮樞

一 都 十 四 都 生 員 盧秉晃

李兆雲

十 五 都 團 長 武 生 陳璽光

四 十 一 都 南 岸 候 選 從 九 黃時瑄

三 都 義 憤 團 長 軍 功 八 品 胡毓琳

三 十 二 都 團 長 軍 功 八 品 黃二田

貢 生 黃肯堂

廩 生 黃仁山

例授登仕郎賞加升銜梁雨階

三十一都監生王家村(詳後)

監生容有莊(詳後)

列傳

歐寅時號春及年六十歲十都垠南村人遵籌餉事例報捐從九性剛毅精堪輿歷法咸豐元年賊風肆起鄰境滇羅鄉股匪連年侵擾公協辦團練屢挫賊鋒七年閏五月初十日匪首范十四糯米九等佔踞八都開來村公督練救援既獲勝捷乃身先練衆迫近賊巢四面合圍賊無去路公大聲疾呼招邀各團奮力攻擊前隊練勇撲近寨邊各以磚石擲其巢將入寨門賊拚死突圍而出勢甚兇猛練退却公退稍後因被執賊利公多藝欲降之始給之以利不應繼迫之以害不懼賊恚甚而無如何也時有同伴與難者勸之使從公毅然曰大丈夫生斯世死則死耳若稍自貶損生無以對君父死何以見祖宗越十數日佗僚以死絕命時有詩云賊氛如癩復如

瘋遍地蔓延白轉紅莫道救時無藥食斷根還有過江龍(草藥名賴疾用之最效)
又云六十年來數已終君恩未報望無窮總然白骨纏青草尙有丹心貫太空同治
五年奉

上諭着照七品以下官陣亡例給予全葬銀一百兩一次致祭銀陸兩並與其殉難次子
令復入祀本籍府縣昭忠祠

劉品儒號席珍年五十四歲二都富安村人補邑增廣生性嚴毅勤課讀歷年辦團
盡心盡力道光三十年團防戒嚴有武弁鄧某追賊過其村無衣帽形景踉蹌裝疑
其爲賊也公命解縣將入城始知誤公親釋其縛鄧某不之怪且謂公胆識過人咸
豐四年土賊滋熾遍勒打單公置弗聞賊亦不苛責九年三月潯州逆匪下攻梧城
不克竄回藤逆首大口扒即梁贊率黨萬餘圍公村時署縣宋公尙述教諭黃公槐
訓導龔公濟定典史陳公人鏡均先出圍籠調團援救公誓衆死守命將閘門鑰槌
閉其竅使不能開示無去志居無何賊衆練單不能支遂被陷村內大小男婦及寄

寓者被殺五千餘人公與其難同治五年奉

上諭照兵丁陣亡例議給卹銀並人祀本籍府縣昭忠祠

陳華圖號五雲十都楊村諸生也道光二十八九年間小人道長屢被侵欺慮土匪勾引外匪爲地方害嘗陰召官兵先圖內應不克賊愈銜恨公志不稍變咸豐初年以來督辦團練心力俱瘁九年九月二十一日蒼梧須羅鄉匪首張華洸莫石戊等糾邀平南大坡容縣自涼各股匪數千圍陷十都先圍公村並分紮黨羽在村之左右上下顧龍觀龍華寺處截來援團練公率衆晝夜巡防禦敵月餘各村練勇及官兵壯勇在外援救不及於十月二十三日夜四更時分村陷男婦被戕者二百餘口被擄者二百餘口公登時遇害同治五年奉

上諭入祀本籍府縣昭忠祠

莫遇培號書農七都塘村人遵籌餉事例報捐府知事保舉州同銜歷年辦團捐資出力咸豐七年閏五月蒼梧須羅鄉匪首范十四糯米九梁寶四等佔踞八都開來

村公督練赴援失利被執不屈死之同治五年奉

上諭人祀本籍府縣昭忠祠

楊際春三十都竇家寨諸生也咸豐五年自涼股匪猖獗竇家達自涼僅十里許日夕防堵靡有甯晷公以爲巢穴未破不足以斷其根也是年九月因集衆攻之並會商署縣周誠之挾兵以進公當前隊奮勇力擊賊披靡日中失利被執公罵不絕口賊深恨之時團內欲以千金贖其身賊弗許寸磔以死同治五年奉

上諭照兵丁陣亡例議給卹銀並入祀本籍府縣昭忠祠

王家材三十一都羅紋洲人援例授國子監太學生自涼逆首覃亞兒晚聚黨暨旗四行滋擾各處鄉村被迫脅從者不可屈指計公竭力辦團誓衆抗拒咸豐五年覃逆率黨千餘圍其洲賊衆練寡抵禦不及遂被陷公死之同治年奉

上諭照兵丁陣亡例議給卹銀並入祀本籍府縣昭忠祠

容有莊三十一都都萌村人援例授國子監太學生咸豐年間自涼股匪猖獗附近

村莊均遭荼毒都萌與自涼密邇也該股匪屢逼打單公堅不肯從賊恨之愈深五年日覃逆率黨千餘圍其村屠之公遇害同治五年奉

上諭照兵丁陣亡例議給卹銀並入祀本籍府縣昭忠祠

卓誼希承子咸豐五年隨堂兄卓詔帶練赴藤城中途遇匪被拋火藥俟燒傷斃命

卓儉

卓端邦

何毓芳

何 溫以上練丁俱荔枝垌人與卓誼同難

卓 識狀貌魁梧胆畧過人帶練赴永安州攻勦洪逆賞戴六品頂六年潯逆擾梧州赴梧堵禦守北山炮台保舉拔補外委委署平南城守事八年正月因逆首張高友擾入藤境與匪開仗力竭被執遂被害極慘屍首分離刳腹剖心未蒙 卹典

鍾 英石橋人團長與識同難

劉鎮遇河村人

伍 周木依村人

張恒安羅塘村人以上練丁俱與卓識同難

梁建宮石橋村人咸豐七年平南土匪曾三擾害年七十餘歲持械擊斃數匪力竭被難

梁成源大木根村人甲長咸豐七年平南土匪曾三糾黨來擾率練倡先奮擊被害吳詳道座桐村人軍功六品咸豐十年潯逆陳開糾同卓八父子攻陷村堡時年二十九歲見其父殿邦被賊緝擄持械向前奮擊斃匪數名遂被慘害捨身救父義烈可嘉

張朝堯咸豐六年八月中旬大坡賊匪數千距三十二都高田村十八日三十四都團長盧彥彭起六都團練攻擊獲賊左耳六十餘隻解縣時在高田對面黎坡開仗陣亡

黃祖江十八日對仗陣亡

黎上齡十八日攻賊獲賊耳二隻被賊斬傷越日而斃

張朝塔

盧世華

李廷瑚

張炳統

李一經以上六人咸豐四年八月中旬大坡賊踞三十六都古打村十四日三十九都團長莫大勳起三十四都練丁攻擊敗陣而亡

李卓才係九都孔良團長于咸豐三年帶練守城十二月十二日間賊匪迫近村庄回家捍禦時賊匪充斥攻陷城砦無數矣卓才力挫賊鋒突于是晚二更被賊首周亞水殺斃

石湖九都人六品軍功與李文茂打仗陣亡

黃錫恩正記子

黃正記三十八都大坡人全家二十餘日被難

蕭引鳳

蕭遇貴

蘇和俱在城人與匪打仗遇害

吳秀七都人打仗遇害

胡秀清二都人在城殉難

何信之軍功八品四十三都黎村人咸豐七年八月初九解米救梧城至大瀉江口被賊害沈沒于江

鄧肇基監生四十三都平羅村人咸豐九年十一月初八日夜被賊陷公局仗斃

何元華四十三都柔寮村人咸豐五年四月初七攻良均賊巢陣亡

何宏禮生員四十三都白馬村人咸豐七年五月十一日在白馬江中遇賊害

黎敬法四十三都都印村人咸豐十年十月十七日往救上垌陣亡

潘茂樟監生四十三都藤底村人咸豐八年七月二十三日賊攻該村陷陣死之

咸豐四年賊攻縣城二都團長林拔蔚帶練三十餘名把守西門城陷巷戰死難者團長林拔蔚團勇莫寶之馮天球梁在念黃本正周亞考宋耀祖莫華啓胡中游宋遠視廖保劉闡庭胡水弟曾麗日羅紹綸諸人

咸豐九年縣主移寓富安村艇匪下游初本不敢正視後因在郡會同下海賊萬餘遂於三月二十四日進攻富安衆團奮勇擊死賊數百賊幾欲退時悍賊大口扒迫進遂致衝破營堡與賊戰死者數百人茲擇其尤者而誌之與團長劉品儒等同時殉難者則有梁榮懷胡中浪李玖居胡顯珠黃素觀團勇梁丕顯李堅瑚梁在和朱啓淵岑文才楊錦元莫居之胡中涵廖品洪胡建基馮天德李留善梁秉珏梁秉壽胡時宜梁敏觀李元荐胡中治莫拔廷朱聖辛梁漢元梁本詩黃元厚梁亞灶諸人皆死於難

從九品李迪雲七都大村人帶練救城被賊炮擊死

何定家二都古佩村人七年殉難

何在與年十八歲父定家咸豐七年被逆首范十四擄去號泣累日欲以身代伊母徐氏恐子去而父不歸堅阻之欲贖父歸逆賊索價過奢定家遂遇害與誓殺賊十一年力戰於富安村賊敗去十一月二十二日擊賊死者無數爲流炮所中尙殺賊一人方始斃命今入祀昭忠祠

梁熙懷四十三都人壽八十二歲賊入崩村時罵賊遇害

李永燠七都地英村人咸豐七年被擄脅之不屈賊怒支解之尸暴山路上數日其子世林尋得埋之

梁美珍七都楞地村人咸豐六年被波山艇匪追至大江邊無路逃生遂投江而死尸流去葬魚腹中矣

黃瑞紳七都坦背村人被張華洸六賊衆焚其屋以年屆七旬不及逃走遂被戕死

於路旁十數日其子貞全偷埋之爲賊所見捉貞全去父子殉難尤爲慘烈

咸豐四年三月三十九都救洞頭砦在羅平隘口接仗殉難者 梁珍李 槐陳正

言林○達諸人

咸豐五年正月救上坳殉難者李瑞文林時枸黃秀芝林發芝李有成陸在寬諸人

咸豐九年四月救上坳殉難者羅官左黃大養羅永新李正林李彩芝諸人尙有李

恒章林諒春黃釗發李官秀黎奇壽李正順林名桐羅汝光林啓發黃啓楠十餘人

皆三十九都殉難之激烈者

盧德昭

黃文貴(三江里羅塘村人咸豐五年隨團長韋道良帶練勇復縣城被火藥燒死)

覃裕安(太平嶺人) 區載先(五屯所人) 黃 信(五屯所人) 李 德(五屯

所人)

邱景龍(雞籠坳人以上五名係咸豐七年四月二十五日平南川一里土匪勾連

艇逆攻破三江下里南股敦倫團各村營堡被匪殺斃)

張恒安 (羅塘村人咸豐八年攻剿平村張高友股匪失利被殺)

許建清 (嶺頭村甲長咸豐七年六月攻剿平南川一曾三股匪賊巢被賊殺斃)

陳 四 (封川縣人咸豐十年七月充南勇來三江里防禦匪攻務倫營堡打勝仗

趕賊被賊炮斃碎屍)

梁勝賢 (嶺桶村人與陳四全日被賊殺)

吳從道 吳汝金 吳汝光 (此三名係十里村人咸豐十年十一月卓八攻十里

村與匪對敵斃命)

吳詳道 (軍功六品係團長吳殿邦之長子常竭力辦團)

吳定邦 (軍功八品團長歷年出力辦團)

吳憲文 (監生團長屢次督辦團務)

吳思道 (軍功八品甲長)

吳紹文（從九品銜）

吳惠政（耆老）

陳宗珠（甲長）

陳宗儒（甲長咸豐十年八月初九日座洞堡破居民被匪斃命男婦一百九十一人不能盡錄特記團長甲長紳耆數人

方時英（隊長六品軍功）

黃安芝（隊長）

座洞堡破所招南勇斃命者一百六十九名不能備錄特記隊長二人其餘自軍興以來或力戰捐軀或從容就義或全家盡節入祀昭忠者尙有一千四百五十一人不知其詳不能備載以俟後之君子查明再爲補入

卷之十七 人物志

(六百零六)

藤縣志卷之十八

人物志二 節孝 耆壽

節孝

龍氏西隅廂王克讓妻夫卒氏奉舅姑甚盡孝道舅歿既葬姑憐其少勸改適氏泣曰舅姑一也且此身既爲王氏婦矣敢有他志姑泣而從之永樂間旌表有翰林張叔豫作序

萬氏諸生林俊妻夫卒時年二十六撫孤子奉舅姑堅心不怠有孝廉議繼室氏覺閉門求自盡姑備防得不死議亦寢而勵志益堅年八十餘嘉靖十八年有司以其事聞旌表其門

張氏李可信妻信歿氏守苦節六十年如一日宏治間有司白於督學姚鏞旌之
李氏庠生霍文諫妻諫歿氏二十四誓不再適事瞽姑撫二幼艱苦備嘗舐姑目復明人稱孝感所致長子有菁庠生次子有章歲薦壽七十八歲嘉靖間知縣林傑旌

其門曰賢母之門

李氏胡瑛妻瑛早亡無嗣氏事姑孝謹姑亡營葬如禮嘉靖間知縣林茂桂白其事於督學旌其門曰貞德又曰貞節之門

李氏胡英妻英死年二十五無子誓不二志事姑以孝稱姑歿葬以禮萬歷間督學黃佐旌其門

國朝

吳氏白沙村人年十七適譚清洋二十二歲夫卒遺一女姑先逝翁病在床有叔尙穉氏以冰檠自矢孝養病翁撫育幼叔立嗣子又亡翁亦旋故血盡淚枯之際營葬翁夫爲叔娶妻爲女擇塋皆摒擋於十指也守節三十年雍正十三年旌

胡氏蘇嗣龍妻生子棟夫死氏年二十守節當吳逆變亂後百苦備嘗奉老姑撫幼子教育成名數十年無少懈苦節若冰霜人咸敬之雍正十三年請旌

蘇氏生員陳汝瑾妻二十四歲夫亡守節始康熙五十四年終乾隆十五年孀居二

十餘年建旌表坊

羅氏廬沙村何之驥妻年十八于歸二十三夫故貞節自守事姑孝親侍湯藥數載如一日教子嚴爲邑廩生守節四十六年康熙六十年卒年九十九歲

黃氏鍾元才妻二十四歲而寡遺弱女三歲貧無宿糧又無伯叔兄弟可依奉侍老姑綉衽以供朝夕女旋歿氏曰是本不足以代夫後吾所以不死者爲姑非爲女也及姑以壽終氏手營殮葬悲痛之聲與紡績之聲相間聞者莫不墮淚苦節四十一載

黃氏石鞏倉妻二十五歲而寡遺孤在襁褓翁姑痛子俱病賴氏醫治侍奉得愈俱享長年子亦成立守節三十二年而歿年五十七歲

張氏年十六歸增生關作聖二十四歲夫亡無子只一女氏悲痛欲身殉翁姑止之擇幼姪爲嗣撫育之長爲諸生事翁姑訓嗣子克盡其道守節五十六載壽八十乃終人稱貞壽

關氏生員徐殿璿妻生二子長三歲次纔五月而夫亡年二十四歲躬操井白勤女紅事姑曲盡孝養次子已娶婦梁氏旋又溘喪姑悲悼成疾垂危氏百計醫治得痊至八十六歲乃終氏治家極嚴三世孀居門庭寂靜紡績樹畜成長子釗隸國學有孫八人卒年七十四梁氏亦學於姑二十三歲而寡矢志冰霜年六十終

胡氏生員謝霖妻于歸五載生二女而夫亡慘泣欲殉親族解勸乃誓守志爲夫立嗣家貧親操井白紡績孝事孀姑撫幼叔二女日夕不倦及叔長完娶氏望其生子以立夫後而久不獲憂鬱得病猶含淚以夫嗣託囑叔姒而終守節二十餘年

王氏年十八適胡致浩生一女而夫亡年二十一歲以柏舟自矢孝事翁姑爲夫立嗣守節六十餘年刻苦如一日

吳氏胡建和妻年二十五歲夫亡無嗣守志事姑養葬俱稱子職立嗣子二督誨極嚴門庭肅穆四十餘年飲冰茹蘗鄉里敬之其次子有女受蘇聘年十九婚有期矣增忽病故女聞之閉戶投繯父母驚覺解救女不食勸之曰女欲奔喪乎亦宜少食

乃少進粥父母送至蘇家成服誓不適人終年六十八歲人稱烈女并附載

霍氏年二十適生員張珣二載珣故遺幼孤氏孝事翁姑撫訓孤子名列庠序姑卒

氏哀毀成疾旋卒計守節二十九年

吳氏龍巷村黃正弼妻二十一歲而寡孝事翁姑生養死葬皆氏十指所給爲夫立

嗣

李氏襍州廩生石鞏芳繼妻二十五而寡前妻生有長子已娶又有幼子氏誓志撫育之越二年長子又亡媳朱氏亦能守節李訓幼子入學朱恪遵姑訓計姑媳守志各三十餘年一門二節鄉人過其閭皆肅然起敬

石氏十六歲歸尊君瑗三年夫故止生二女矢志守節代子職以事翁姑立姪爲嗣飲冰茹蘖五十年稱清節焉

唐氏陳嗣寶妻十九于歸二十三而寡有一子笄笄孤寡謹事孀姑教子寓慈於嚴康熙六十年子汝球入庠氏年五十一矣至七十五歲曾孫遶膝四世同堂具報請

旌

鄧氏羅龍里陳興道妻十八于歸二十二歲夫故生一子氏矢志守節養老親撫幼子苦節數十年

胡氏陳銓妻年二十一而寡無子誓志守節家貧無以爲養捫指十指以養舅姑爲夫立嗣撫如已出苦節歷三十年

徐氏吳國璉妻年二十生一子甫三歲夫亡氏以姑病子幼堅志守節越二年姑亡喪葬盡禮督學 王以安貞叶吉旌之子錦庠生孫枝繁茂

胡氏邨南村歐中堯妻十八于歸二十生一子二十二歲而寡親老子幼誓志養老存孤踰年翁故又踰年子亡哭夫之淚未乾而復哭翁哭子淚盡聲枯吐血暈死者再立嗣子洲入邑庠四十病故孫秉常庠生

陳氏孫汝滯妻年二十一而寡無子生一女立嫡伯汝霖次子爲嗣氏秉禮守貞事翁姑克盡孝道訓子寓慈於嚴操同冰雪

雙節婦霍氏貢生鄧爲鎬妻十七于歸二十四而寡遺孤二氏之方結褵也翁姑以其嫻姆教篤愛之及翁姑繼喪氏相夫成禮迨夫又逝呼天搶地痛不欲生顧念藐孤勉取淚堅守日夕忍泣撫訓二孤其叔若鎬娶吳氏性亦淑順與氏最善氏方喜謂足相助理吳復新寡慘痛如氏氏勗之曰媼勿然叔有遺孤其善撫之以報泉下吳遂相依守志一子將受室旋復相繼而亡于是吳無能延殘喘矣霍又百端勸之曰媼忍捨我去俾我獨苦耶時霍次子已嗣長房乃擇一孫以承繼吳氏之子同心勤儉後霍子灝例貢次子淳名列成均吳孫士標亦蜚聲黌序霍氏五十七而卒吳壽八十六而終

劉氏霍慈妻蒼梧副榜劉昌明女十八于歸生一子二十二歲夫病剗股和藥以進不治悲愴絕粒翁姑以大義責之乃就食數月孤兒復夭氏於半夜吞金幾死得救一家密防乃已立姪爲嗣撫如己出翁姑旣歿貧無以給衣食氏不以爲苦也族黨皆憐而敬之

黃氏廩生霍灼妻生一子一女夫亡氏二十三歲矢志守節孝事翁姑辛勤育子子十堯入邑庠

黃氏鍾甲才妻生一女年二十歲夫故矢志守節有姿色人皆慕娶之媒灼以無子諷氏正色拒絕即閉戶自經得救不死嗣後防範愈嚴非至親姊妹不與相見家貧針黹易食女既嫁獨居三十餘年過其門者無不哀敬之合邑聞其事於學使沈賜扁曰椒辛桂芳

陸氏黃懋文妻以拒強暴被殺乾隆五十五年旌

韋氏黃文朝妻貢生世輝之母二十三歲生子世輝未及三月夫亡氏哀毀踰節奉侍翁姑婦道克兼子道教育幼子慈母更作嚴親相夫七載守節二十四年嘉慶四年詳請題旌

謝氏郡增生蘇槐葱妻年二十二夫故遺二孤氏憂勤不倦教子成名長子恒焯登蘭臺次秀焯亦以茂才著督學鞠使覽其文奇之語人曰此藤之大小蘇也居無何

二子相繼淪亡氏益悽慘長媳廖氏年二十九次媳黎氏年二十四矢志相依姑媳守節聞者卜其必昌孫厚埴任繆林學正厚培以選拔膺王子鄉薦曾孫錫齡以副榜授北流教諭三世同居一門濟美人皆以爲貞節之報云

黃氏仁壽坊邑庠陳嗣方妻二十八夫故時家素貧氏紡績度日教遺孤寓嚴于慈長子汝琇援例入成均次汝瑾蜚聲巖序次汝琮領鄉薦任貴州分試氏皆目擊後孫錕補博士弟子員曾孫學治爲蘭臺首選知縣王恂以清標彤管旌其門

王氏永安門外廩生蘇桂芳妻年二十八夫故守節壽七十歲子天植國學天德援例候補按察司經歷

張氏西隅廂蘇華贊妻年二十四贊亡氏守節以姪天德爲嗣撫如已出後嗣子援例選叅軍孫應榮游泮氏現年七十四歲

蘇氏城西霍爲勳繼室年十八于歸越三載夫歿遺一孤撫育恩勤時老姑多疾氏不離左右十餘年無何姑逝而子亦旋亡氏勞勞孤苦與幼孫相依爲命卒年八十

有三

秦氏城西庠生霍士堯妻善書數事翁姑盡道二十三歲夫故無子氏慟欲身殉翁姑泣勸乃誓志守節擇猶子生員釗爲嗣辛勤撫育寓嚴於慈知縣謝克猷以懿德揚芳千總譚雲蛟以節孝凝香旌其門

梁氏城西霍士莊妻年二十八矢志守節屏跡閨門日夜吞聲撫孤成立未幾子復以疾故氏痛不欲生因念夫後復立嗣以延一脉現年五十有一冰蘖之操妯娌推重焉

孫氏永安門外蘇天植妻年二十七夫故守節不預外事閨門肅穆人咸欽之現年七十四歲

吳氏城西霍鏐妻年二十八夫故家貧無子矢志守節現年五十而淒苦之狀聞者爲之惻然

秦氏永安門外處士霍鈺淳妻淳故氏年二十有四家廉柏操益堅撫猶子湘源爲

嗣教以成名現歷苦節二十有七年

歐陽氏年十九歸于孫錦事翁姑以孝聞二十六夫故氏欲以身殉妯娒以姑老子幼力阻之氏苦志勤勞以成家業現年五十有七歲

唐氏處士胡繼祖妻年二十一歸于胡未週歲而繼祖病故家徒壁立零丁孤苦越三十餘年始得爲夫立後聞者無不憐之

鄧氏西澗坊處士胡現徽妻徽家資淡薄病故遺一子甫五齡氏苦心茹蓼撫孤成立婚娶無何子逝媳亦孀居姑媳耐貧冰霜共矢氏現年六十有五歷苦節四十年如一日

霍氏年二十適城西胡晉晨生一子一女晨故氏矢志撫孤時年方二十五歲秉性莊嚴娣姒見之無不肅然起敬勤勞數十載以積儉成家子嵩齡列茂才科孫曾皆頭角森列現年八十有五目擊四代蓋貞而且壽云

秦氏登俊坊蘇明焯妻年二十于歸二十三歲夫亡無子氏誓志守節事病姑奉養

無缺撫嗣子教訓辛勤現年七十三歲

王氏城南登俊坊蘇霆燦妻二十七歲夫故守節冰蘖之操現歷三十餘年梓里重之

蘇氏西澗坊胡世操妻二十七歲夫亡氏守節二十餘年終年四十八歲始終如一妯娌敬之

覃氏一都瓦窰村秦大瑚妻年十九歸秦數月夫亡無子守節三十餘年如一日現年五十三歲

謝氏一都瓦窰村秦上鏞妻十八歲歸秦未一年夫亡無子矢志守節立嗣延後現年六十歲太守謝凝道以筠操柏齡旌其門

文氏二都富安村梁炳嵩妻二十二歲夫故氏矢志守節凜若冰霜無子爲夫立嗣教育如己出終年九十歲嗣子臬庠生孫起高武舉人皆以爲清節之報

梁氏二都古涪村何仕秀妻年二十四生二子夫故次子方襁褓氏貞心苦守撫孤

成立終年五十有一孫雲超列郡庠

何黃氏二都瓦塘村何旭瑠妻夫故無子年二十五爲夫立嗣守節二十餘載現年五十有六

朱氏三都神嘴村庠生陳上寀妻賦性貞烈年二十九夫故氏矢志不二念切育孤慈嚴並至壽八十四歲長子玠列成均次子璋領乾隆壬申鄉薦孫文矩國學正矩爲邑增廣生皆氏教澤所貽

盧氏三都大龍村徐濤妻天性賢淑年十九歸徐孝翁姑敬夫子二十八夫亡氏洗盡鉛華操嚴冰雪撫遺孤而曲盡教誨子植德植緒俱列成均壽七十六歲而終

許氏三都大龍村蘇漢妻年二十三夫故苦志守節壽七十四歲子懋本庠生

黎氏三都大龍村蘇湫妻年二十四夫故苦節自貞壽八十三歲

陳氏三都大龍村徐對妻年二十三夫故苦節自貞現年七十二歲

莫氏四都楊洲庠生石城妻二十五歲夫亡其子尙在襁褓氏貞潔自守撫孤成立

數十年無間於人言

嚴氏四都襍洲蘇正元妻夫亡止一子氏守節育孤家貧弗易其志二十七孀居現年六十有五備歷苦况不聞怨聲

蔣氏四都襍洲石士欽妻生二子欽故氏年二十九矢志守節撫二孤俾至成人長廷坪早歲食餼資選學博次廷璨亦以詩禮自守皆蔣氏義方之訓責而成之氏現年五十三事繼姑克盡婦道尤爲族黨之所推重

陳氏四都石士宏妻善事姑二十五歲夫亡時適抱孕慮夫不克有後朝夕禱告惟祈遺腹生男以延夫嗣後月餘果生一子陳氏撫育成人光復前緒亦貞節之報也現年五十四歲

蒙氏四都石中玳妻二十一歲夫亡無子家人以其無嗣或有諷以改適者氏自矢曰昔吾翁早逝吾姑無子而能守吾何爲不然也願無違先人之志遂立後承繼貞守三十餘年現年五十四歲

李氏襁洲鄧峙昭妻前生一子出繼夫兄及二十九歲峙昭病故無子族議並立承祧其子名權援例入太學善事嗣母無有二心亦李氏曲成之教也現年七十有七鄧氏四都襁洲石士堂妻二十二夫亡無子守節自誓凜若冰霜擇嗣承繼鄧氏視如己子前志稱李氏朱氏姑媳一門二節而鄧氏又踵其後現年六十有八鄉人過其門莫不益爲之起敬

李氏襁洲梁遂高妻年二十九孀居無子守節自誓立嗣承繼其嗣建業援例入成均鄉里咸以爲母氏之教

梁氏七都塘村莫易黨妻年二十一夫亡氏貞節自守立嗣承祧壽八十二歲嗣子大治國學生

黎氏七都莫可正妻正亡氏年二十四貞潔自勵嚴飭閨門勤勞艱苦五十餘年現壽八十有二嗣子大沼列太學

廖氏九都赤水鎮李釗凡妻年二十二釗卒子世雫亦繼逝媳柳氏年二十一姑媳

相依並勵永操閨門整肅廖現年八十有五柳現年六十有七人無間言可稱一門雙節

莫氏十都墪南村邑庠歐充妻二十五歲夫亡無子氏矢志守節事姑盡道爲夫立嗣現年六十七歲子遞時援例太學孫華國華石俱邑庠學使朱方增以柏操荻訓旌其門

黃氏十都平城村李煥然妻早寡無子家赤貧紡績自給守志不二氏年五十族人設衆租以贍其朝夕氏有餘復以分族中匱乏者人皆重其節義

陳氏十都州村黃掄授妻年二八歸黃十八夫故氏貞潔自矢久而彌堅現年六十有七終身如一日也

李氏十都墪南村周綸妻歸門二年綸故氏永霜嚴勵清守苦節數十年

盧氏十五都眞聖村黃耀易妻年十七歸易十八歲夫卒無子氏勵志永霜撫育嗣男以延夫後現年五十一歲

甘氏十八都富羅村陳書傳妻生二子二十八歲夫故氏矢志孀居艱苦備至祇求子克成家以無愧夫後現年八十有二

陳氏十八都程教村庠生甘秉德妻年二十八夫故守節自貞壽七十一歲

李氏十八都黃堂村覃經妻年及笄歸覃生一子二十二夫故氏孀居自勵百折不回上事翁姑下育幼子現年八十有二貞固之操堪銘閨閣

李氏十八都合水村甘可清妻二十八歲清卒氏矢志守節壽八十有六抱貞心以享遐齡應與尋常高年有別

甘氏十八都寶村覃光璵妻生二子年二十八夫故氏盟心金石從一而終善事翁姑義方訓子年逾九十而志節彌光

石氏三江里朱棖妻年十九于歸未逾年夫故無子撫猶子昭蘭爲嗣氏矢志操時深菽教蘭能承志名列膠庠現年七十三歲貞節歷數十年如一日

李氏牛嶺村嚴奕華妻生一子年二十八夫卒氏誓不再適撫子成家子旋故氏復

育幼孫艱苦備至悽慘終身歷年九十有一里人咸哀而敬之

梁氏富甯村陳王造妻生一子年二十五夫故氏以冰淵自勵撫育孤兒提攜成立歷年九十有九節與壽而並高

覃氏十八都富甯村陳書一妻年二十九夫亡氏誓志終身再不他適終年六十九歲

陳氏十八都羅同村雷紹陽妻十七歲歸陽生一子夫故氏矢志守節撫孤成立壽七十二而終

李氏十八都羅同村徐行妻歸門後生二子二十七夫卒氏秉心貞潔上事孀姑下育幼子守節六十餘年

甘氏十八都富甯村陳猷妻年三十猷故氏守節撫孤終年七十餘

盧氏十八都黃堂村李紹經妻二十五歲夫亡氏抗節自甘不事絲飾貞苦三十餘載而歿

覃氏三江里朱朝忠妻年十八歸朝二十三夫故氏孀撫二子成立家道日隆現年七十長嗣名列成均

覃氏十八都黃堂村徐儒游妻二十五歲夫亡氏秉節堅貞現年八十有七俾後嗣昌熾皆氏勤勞之教

覃氏二十一都糯垌墟新村鄺贊昂妻年二十四守寡子尚幼穉與姪分爨家漸凌替氏獨貞心撫育勤于耕織現年五十子克成家業日昌大皆氏勤勞之力居多

蘇氏二十二都都宦村李露章妻年二十三夫卒氏矢志存孤終身不二日督耕夜紡績曲盡勤勞以克成夫後年六十有三慈愛之忱猶未墜云

李氏二十二都馬埇村蘇敏政妻年二十八歸蘇未週年而夫逝氏矢志靡他松筠柏操撫育嗣子克成夫後艱苦備至歷四十餘年如一日

李氏二十二都古道村覃惠昌妻幼通孝經善楷書年十八歸惠二十夫故氏慟欲以身殉因有遺腹越四月生一子名啓後氏時上事翁姑下撫弱息子稍長出就外

傅夕回親自督課弱冠列名庠序未幾旋亡幸有幼孫氏復晨昏曲誘不輟現年五十有六以婦職而兼父道一身維持兩世閨壺中殊不多觀

秦氏二十二都沙村覃雅昌妻生二子年二十三夫故氏泣對幼子斂跡閨門幾經撫摩淬厲次子方人泮而又亡氏艱苦爛深現年五十有二子若孫時加訓誨慈愛勤勞尤無一息少貸

楊氏二十二都葉村林櫛妻賦性貞靜年十七歸櫛生一子尙儻越三載而夫亡氏敬事孀姑慈愛幼穉淬勵六十餘年子列辟雍進士後以孫貴贈恭人

鍾氏二十二都葉村州同林榑妻天性淑慎及笄歸榑生二子二十八榑亡時次子方在襁褓而祖姑及孀姑已老氏一人奉養無缺撫孤成立卹患和隣子尙倫尙儀並列園橋孫曾進饗官者四族戚待舉火者數十家壽登八十鄉里咸欽仰之

區氏二十二都蒙亮村張奕孝妻年十七歸張生二女二十八夫故氏從一而終清操不二撫夫兄次子爲嗣勤勞以克成夫後現年八十目擊一堂五代

胡氏二十二都葉村林尙依繼室年二十七夫故氏無所出矢志孀居撫育前室子一如已出現年七十有餘惠愛後昆猶綖綖未已

李氏二十五都扶南村盧昭理妻嫻內則年二十六生一子一女夫故子方週歲氏屏跡閨門不事鉛華惟知孝翁姑撫幼孤恒以不克善承夫後爲慟稱未亡人五十餘年子宏耀列成均仲孫匡遊泮水一堂四代現屆九旬

胡氏二十五都大述村鍾振紀妻年二十三夫亡無子氏永棄自矢撫姪毓冕爲嗣慈訓有方子由郡庠援例明經氏逾六旬而歿

黎氏二十五都老鴉村庠生秦煥章妻生一子一女年二十四夫故氏刻意盟心終始維一事翁姑育孤幼勤勞艱苦五十餘年四代同堂壽八十遠近咸欽其閨範孫

錫儒列國學

卓氏二十五都大述村鍾振泰妻年二十歸鍾越三載夫亡遺孤爲範甫一歲氏痛哭幾死者再四姑泣而勸勉之氏乃矢志終身孝事翁姑撫育後裔貞勤六十餘載

孫熙邑增生

黃氏二十五都大述村梁文林妻年十八夫亡無子立姪爲嗣氏矢志靡他善承夫後艱辛三十餘載嗣子棠列鬻宮卒年六十有一

梁氏二十五都雙門村易世倫妻年十七歸易越兩月倫卒氏誓無他志斂跡閨門現年五十三歲雖至親亦罕見其面

黃氏二十五都老鴉村徐奮庸妻年二十二夫故氏育嗣子如己出歷費勤勞莫光夫後子揚弱冠遊泮現年六十有二寓巖於慈操持罔懈

黎氏二十八都上堡霍芳妻二十七夫故守節撫孤勤于紡績壽九十有二子宏章遊泮水孫瓊瑒俱列名于庠

孫氏二十八都上堡霍宏保妻年二十八夫亡矢志守節其姑岑氏亦早歲孀居一體冰操俱壽八十有六

易氏二十八都上堡橋頭村霍賢妻年二十一夫亡無子氏柏舟自誓撫姪爲嗣殷

勤訓誨期無愧爲夫後壽七十六而終

蕭氏二十八都上堡霍宏才妻年二十四夫故無子氏冰霜自勵茹荼集蓼撫姪爲後愛不忘勞歷年六十有八嗣子瀚食餼于庠孫光昌廩名譽序人皆謂氏清節餘慶所貽

梁氏二十八都上堡霍貴次妻生一子宏佳甫四歲貴故氏年二十七矢志撫孤操心慮患曲盡義方閱歷七二餘年克成夫後孫泰食餼于庠

蒲氏二十八都上堡黎球妻年二十七夫故氏自勵冰操艱難備歷現年七十有二黃氏二十八都上堡梨勝松妻年二十四夫亡氏刻勵貞操終身誓不他適現年五旬餘

霍氏二十八都上堡林璵妻年二十四璵卒無子氏孝事舅姑誓不易志取嗣承繼現年七十餘

唐氏二十八都上堡大村蘇秀輝妻年二十四蘇卒氏哀慟幾絕指天自誓孀居六

十餘年始終如一

胡氏二十八都上堡霍宏嘉妻年二八歸于嘉二十四嘉死氏痛不欲生妯娌勸以立嗣乃止現年六十有七

徐氏一都瓦窰村庠生陳繼賢妻性貞淑及笄歸賢克導婦職生一子一女而寡年二十六盟心金石從一不渝敬事耄耋老翁勤誨孤兒艱苦二十餘年子占鰲列庠序現年五十有四閨範可風

梁氏三十都梨司坤妻性節烈年十八歸黎十九歲夫死氏慟水漿不沾誓死與夫同穴夫將殮氏卽自盡家人救之無及爲之擇地合葬以遂其志焉

甘氏三十都边田村蘇潤秀妻年二十二夫亡守節卒年五十歲

梁氏三十都河口村甘成德妻年二十八夫故守節六十二而歿

唐氏三十都翰堂黃超宏妻年二十八夫歿無子氏執義自誓爲夫立嗣以終身卒年六十有二

程氏三十都楓木榔林現朝妻年二十生一子夫卒氏飲泣撫孤四十一歲子又亡氏勉樹孀媳相依爲命壽八十三歲而終

梁氏三十都旺村蒙熾瑁妻年二十一夫故守志不渝現年五十一歲

周氏三十都農維賢妻年二十二寡居終身無二志現年五十嚴厲堪欽

馮氏三十都旺村蒙瓊輝妻年二十夫亡氏守苦節現年六十歲如一日

霍氏三十一都監生劉觀球妻年十八歸劉生一子一女二十二夫卒舅姑老邁子

女幼穉仰事撫育氏獨任之守節六十餘年八十四而終

劉氏三十一都楊英魁妻年十八歸魁到門五日魁赴郡應試病故氏聞訃誓不欲

生姑嫜妯娌咸勸以善留夫後因遵姑命擇伯氏次子廷樞爲夫嗣氏視如已出殷

勤教養愛不忘勞後子廷樞遊泮水孫熾堅中嘉慶庚申科武舉氏皆日擊壽八十

餘而終

王氏劉連高妻年二十歸劉生一女二子二十七高卒次子尙未週歲家本寒素氏

守志不渝勤于紡績善事舅姑撫育幼穉後子成家創業長鐸次鑑俱列成均皆母氏之力壽八十二而卒

何氏楊桃妻年二十四寡居二子尙在懷抱氏誓不二志甘守淡泊撫孤成立苦節五十餘年

黃氏三十都文田村蒙揀臣妻年二十四喪夫志凜冰霜始終不變人欽仰之壽八十一而卒

馬氏三十一都陳中訓妻夙嫻婦道善事舅姑年二十四寡氏以未亡人自矢現年八十有五貞守六十餘年無異議

劉氏三十一都陳普喜妻年及笄歸劉生一子一女二十二夫卒氏誓死守節孀居四十餘載現年六十有二

馮氏三十一都劉璿妻年二十二而寡有遺腹後二月生一子連遭舅姑之喪貧不聊生氏全憑女紅自給殯葬盡禮撫立遺孤現年六十有二節而且壽

朱氏武生劉雨才妻年二十歸劉生一子二十七夫故有遺腹逾月又生一子氏泣撫孤幼義不悖夫備歷艱辛克成夫後貞苦三十餘年現年五十有八

孫氏三十一都王榮昌妻昌故無子氏年二十四以死自誓擇姪爲嗣屏跡閨門現年五十有九不渝其素

何氏三十一都楊時清妻年二十四夫故無子氏皎然不移取叔氏子爲夫後堅志苦守撫嗣成立現年五十有四

蒙氏三十一都庠生王奂昌妻素性貞淑克修婦職年二十九生一子一女夫赴闈得疾回而亡氏以死自矢事舅姑撫幼子閨門整肅現年六十有三

劉氏三十一都楊時敬妻生一子一女敬卒氏年二十六矢志不變孀居自勵撫孤裕後現年五十有七苦節三十餘年

徐氏三十一都潘洞村朱純統妻年二十夫故無子氏矢志孀居撫育嗣姪以延夫後年六十一以完節終

許氏三十二都上佳村朱燦妻年二十二夫故氏矢志守節不渝嘉慶十年學使祁
墳以勁栢長青旌其門壽壹百零一歲

覃氏三十二都雙龍村庠生朱易妻性賢淑孝事舅姑年二十四夫故氏冰蘖自矢
撫孤垂後教子義方子長純學爲邑增廣次純修列成均孫一元一凱俱膺國學壽
七十有三

陳氏三十二都上佳村廩生朱輝妻年二十八夫故氏矢志不渝壽八十有五以完
節終

何氏三十二都上佳村朱琨妻年二十二夫故氏秉節不改撫孤成立訓以義方卒
年五十子繼培膺太學孫一新列名于庠

甘氏合水村李朝敬妻二十五夫故氏安命守節撫孤成立歷七十餘年無異議

朱氏三十二都高田村梁現禮繼妻年二十七夫故子建勳方半歲舅姑年俱八十
氏能上事高堂下撫孤幼現年五十有五孀居歷久不渝學使朱方增以彤史褒貞

旌之

李氏三十二都周村陳有良妻良卒氏年二十四貞潔自矢終身不易撫育三子成立翁年八十有四氏能率子奉養無缺現年五十有五閨範肅清

吳氏三十二都周村陳有紀妻生一子紀亡氏年十八以未亡人自矢久而不變壽年七十有五勁節可風

謝氏三十二都李村盧昌陞妻年二十六喪夫無子氏慟哭欲以身殉誓不二志晝夜紡績撫育嗣子以延夫後現年五十七內外無議

霍氏三十二都驛面村盧壯仕妻年二十四而寡氏苦節自矢翁老子幼服勞撫育殷勤不倦現年五十有一學使朱方增以霜筠勵操旌之

胡氏三十二都雙龍村朱昂妻年十八夫亡氏盟心守節歷久不渝現年六十三歲胡氏三十二都良均村生員朱濬妻性嚴厲濬故無子氏誓不二志擇立夫嗣艱難備歷二十八歲守節現年七十有九爲里人欽重

盧氏三十四都山脚村張清妻年十六歸張十七姑亡十八翁逝十九喪夫遺腹生一子名業思家極貧女紅自給矢志不移卒年六十有四鄉閭咸敬而憐之

巫氏三十四都金鷄村黃開發妻年二十五夫故矢志不變守節存孤勤苦五十餘載卒能克昌厥後壽八十一而終

盧氏三十四都營台村吳翰偉妻夫歿無子氏年十九誓死守志擇立夫嗣勤勞教誨七十五而卒

黃氏三十四都營台村吳翰元妻年二十六守節七十歲而終

羅氏三十四都營台村吳翰魁妻生一子夫亡氏年二十四節凜冰霜誓不再適成立夫後孀居六十餘年人無間言

伍氏三十一都大灣村監生陳經元妻十八于歸二十四夫亡氏守節撫遺孤以勤儉成家孫祖仁名標太學氏八十四歲而終

氏十八都陳廣透妻年二十三夫故守寡備歷艱辛久而不變現年六十五歲

陳氏黎村韋君漢妻年十九于歸二十八歲夫故氏守節二十年毫無怨言終年五十八歲

霍氏三十四都富獲村陳炳儀妻年十八于歸二十二歲夫故遺腹生一子氏矢志苦節撫孤現年五十二歲

陳氏感義鄉三十四都盧傑煌妻年十七適盧舅姑遽喪遵禮殯殮家貧甚氏隨夫以耕種營生二十一歲生一子甫四月而傑煌即去世氏誓不他適歲飢無以舉火氏含淚撫孤勤儉成家現歷三十五年苦節

林氏感義鄉三十四都營台村吳宏德妻十八爲吳家婦二十生一子夫亡子亦旋夭時孀姑梁氏哀慟幾殞氏飲血哀慰誓以事姑終姑得不死殯殮後家貧如洗氏苦志勤儉卒能置產立嗣以延夫後姑現年七十二林亦五十餘

李氏三十四都高村梁霽妻秉性貞慎年二十九夫故矢志終身冰兢不懈現年八十有六節壽並高

吳氏山脚村張沂妻夫故無子氏年二十撫姪業盛爲嗣以母道而兼父道教子成名現年五十有六人以爲有古媛風

歐陽氏度村三十六都李允元妻年二十八夫故生一子甫二齡氏守節撫孤壽六十一歲子拔材國學

梁氏三十六都吳殿瑛妻生一子方數月而夫亡氏守節撫孤至于成立娶媳黃氏未數年子又故黃亦守節姑媳傭居堅操不易梁現年八十有二黃亦年逾六旬

莫氏麗山村黃成光妻年十九而寡矢志守節擇猶子以延夫後現年六十一歲

梁氏三十八都新車塘馬廣隆妻年二十六隆以病卒氏苦志守節教子成名次子廷璵領壬子鄉薦任富川教諭壽七十五而終

李氏三十八都馬良玖妻年二十九夫故守節冰蘖之操歷數十年人無間言現年六十三歲

秦氏馬廷琦妻恪守婦道年二十二夫故守節有以他適勸者氏嚴以拒之矢志益

堅現年五十歲子作彰援例入成均

陳氏甘秉德妻年二十八夫故氏哀毀踰節殯殮後守志彌堅誓不改適現年七十
一歲

陳氏覃挺妻二十二歲夫故守節氏不競繁華惟以未亡人自矢現年五十有二

李氏梁蘇寵妻生一子名基寵卒氏年二十八矢志守節撫孤成立婚娶未久子亦
旋亡哀慘之聲聞者爲之流涕又復朝夕調護孤孫恩勤備至迄今孫長氏亦年逾
七旬

林氏梁基妻二十四歲夫故守節撫育遺孤現年五十四歲

梁氏李果愈妻年十九夫故柏舟自矢撫育繼子如已出現年五十三歲

莫氏三十九都高鄉村林萬遙妻年二十七夫故無子守節立嗣無有二心現年五
十四歲

胡氏李友桂妻年二十八歲夫亡守節現年五十八歲

袁氏龍廷珏妻二十二歲夫故氏堅持冰操誓不他適現年五十六歲堪以節義勸人

陳氏三十九都甯村邑庠唐國賢妻年二十四子方週歲夫亡氏欲身殉恐子無人撫育莫延唐氏一脉矢志堅貞辛勤教子親見其孫瑛入邑庠壽八十三歲

李氏二十五都何村林宇炘妻性貞淑年二八歸炘克修婦職生一子方逾歲而炘亡氏哭幾傷生念遺孤無所倚只得自勵清操矢志不二歷盡艱難幸保孤兒成立二十歲守節現年六旬有一

李氏三十九都廻龍村黃燦中妻年十八于歸未逾年而寡飲冰茹檠矢志不移現年五十五歲

黃氏三十九都林村庠生胡清妻年二十八夫故家赤貧氏安于寒素矢志守節撫孤能造教以成名氏壽八十有二孫博甯食餼膠庠氏猶日擊

黃氏莫汝德妻年二十九夫故守節壽七十三歲孫讓倫庠生

李氏四十一都白沙村吳斯茂妻年二十二茂故嗣子旋亡氏哀啼飲泣誓不獨生
妯娌咸勸阻之而死殉之志不渝也越旬日絕粒卒

胡氏四十一都白沙村增生吳滄繼妻二十七夫故守節孤撫斯茂未幾茂亡氏育
孫曾成立歷苦節四十餘年堅貞之操可對天日

盧氏四十一都白沙村吳香榮妻年二十九夫故遺一子氏撫孤成立勤儉持家至
八十一歲而逝

胡氏四十一都白沙村吳煥妻年十七歸煥二十三喪夫遺子斯堤斯埠氏矢志守
節寓嚴于慈二子克遵母訓堤進庠埠膺選明經闔節足風現年六十八歲

胡氏四十一都白沙村吳煥妻十八歲歸煥生一子二十九歲夫故守節教子斯培
成名氏現年七十五歲孫盛銜郡增廣生

石氏四十一都白沙村吳斯培妻十八歸培二十歲生一子越七月夫亡翁姑繼逝
氏矢志冰霜三喪盡禮教子盛釗庠生人咸羨之現年六十二歲

石氏四十一都白沙村吳斯揚妻年二十三歲夫故守節立嗣勤儉持家現年五十一歲

陳氏四十一都白沙村吳斯堤妻年二十四歲夫故守節撫姪爲嗣現年五十一歲

石氏四十 都下嶺村黃姚妻年二十歸姚生二子二十八歲姚亡氏痛不欲生姑

霍氏勸以撫育遺孤乃從命飲冰茹蘗清苦異常嘗胆斷機嚴慈並濟長子慰乾成

名譽序孫時安癸酉選拔時定甲戌遊庠氏皆目擊壽七十五而逝次媳關氏慰坤

妻年二十七坤亡矢志柳舟遵姑家訓現五十一歲

喻氏四十二都新基村陳汝炎妻年二十四守節撫孤壽八十一歲

蘇氏四十二都新基村陳鏗妻年二十四守節歷三十餘年子物故復撫幼孫成立

壽七十六歲

胡氏四十二都都厚村唐瑛妻年二十一夫故無子止生一女矢志守節立嗣以延

夫祀終年五十七歲

陳氏四十二都都厚村蘇眉海妻二十五歲而寡生一子方二歲矢志守節慈育幼

孤終年六十九歲

蔡氏四十二都上架村韋純璋妻夫故無子守節立嗣以延夫祀終年七十六歲

林氏四十二都滿村陳儒瑄妻年二十二瑄亡只一子氏守節終身育孤成立終年五十九歲

楊氏新基村陳志妻二十二歲生一子未週歲夫故貞節自守育孤成立孀居四十餘年臨終猶以保家之道囑其子焉

梁氏四十二都都厚村蘇蘭蓀妻年二十八夫故子九甯方數歲氏守節撫育至于成立娶媳黃氏未數年甯又故黃亦守節梁氏壽八十六歲黃氏壽七十八歲

陳氏四十二都都厚村唐奇偉妻二十六歲夫故教子成立壽八十三歲

石氏四十三都麗水村胡子僑妻年二十八夫亡遺腹生男矢志守節育孤成立經營家業井井有條壽八十歲孫恒晃例貢生

何氏庠生石獻妻無子生二女夫亡守節爲夫立嗣撫育訓誨如同已出壽八十一

歲子至銓國學

韋氏四十三都交埔村石 璋妻年二十五夫故孀守撫孤善承夫志教切義方子

至剛名列膠庠孫昭曜噎皆蜚聲譽序听千總職邑人咸稱善節之報壽終八十有

三

梁氏四十三都思廬村覃作模之妻年十五歸覃踰月夫故矢志孀居不以貧而易

志育夫弟之子上珙爲嗣苦節三十九年終年五十四歲病中猶以勉讀父書爲囑

何氏四十三都冷水村黎嗜妻二十六歲嗜故貧而苦節善事孀姑撫孤成立歷三

十載艱苦備嘗年五十六歲而卒

石氏四十三都白馬村生員何涓妻涓亡無子氏年二十六誓志孀守育從子以承

祧歷三十餘年現年六十有一(敬事繼姑閨範可風)

鄧氏四十三都白馬村何池妻年二十八夫故無子潔操自勵孝事翁姑撫姪現星

爲嗣克光先志現年六十有三

祝氏麗水村胡煥妻年二十三歲夫故堅心矢志守節善事孀姑慈教幼子歷數十年如一日現年七十六歲子恒晃貢生

覃氏黨洲村李配珍妻年二十二歲夫故無子矢志守節孝事翁姑爲夫立嗣現年五十二歲

王氏四十三都平羅村李果恒妻二十六歲恒故守節五十餘年現年七十三歲子若孫皆勤儉克家允承厥志

李氏四十八都筋竹江口陳璠妻年二十七歲夫亡閱六月生遺腹子名遠獻氏上事翁姑下撫幼子不辭勞勩時切義方守節數十年如一日現年六十有九其子遠獻名列膠庠

何氏三江里朱昭華妻年二十四生二子夫卒氏能體夫志孀撫二子成立克光前緒守節二十七年而終

李氏永安門外仁壽坊增生胡中琳繼妻年二十夫故氏無出撫前妻子四教以成

名晉晨自幼出繼晉昇晉昂晉冕皆茂才氏勤勞不倦守志五十餘年間里罕有識其面者

秦氏三十一都平尋村胡在燕妻年二十七孀居家極貧氏飲冰茹蕞至老不渝現壽七旬有八計歷苦節五十餘年

劉氏三十都莫丕才妻年二十九夫亡遺腹三月生一子姑早逝又無兄弟妯娌氏甘貧守節奉事老翁撫育幼子全憑紡績自給數十年來家漸豐裕子如書孫奇蘭俱援例太學現年九十有四

胡氏蒙藤庠生石沼妻年二十四夫故守節數十年訓子大齡弱冠遊泮現年五十五歲

郭氏三江里屯城覃光緒之妻年二十二夫故氏悲慟幾絕者數次矢志守節至九十三歲而終人稱貞壽

吳氏三江下里屯城覃光溥妻年二十三夫亡守節凜若冰霜至六十歲而終

游氏三江下里座峒陳元輝妻年二十四夫故孀居壽八十一歲而終

周氏三江下里木依村伍日榮妻夫故守節時年二十有九卒年八十有三

梁氏三江下里嶺頭村許振球妻年二十九夫故氏矢志守節壽八十一

陳氏木依村黃君侶妻年十九夫故守節壽六十八歲以宗節終

羅氏三江下里座坳吳顯瑞妻年二十一夫故氏撫孤兒嚴慈並到現年八十有一

黃氏三江下里木依村馮朝輝妻年二十六孀居一室安之若素飲冰茹蘗無有悔

心現年七十有一

劉氏三江下里屯城梁廷遠妻年二十四守節現年六十八歲

易氏潘瑛妻二十三歲夫故矢志貞堅遺腹一子氏孝事翁姑義方善後守節六十

餘年監生超榮卽其子也

粟氏潘琮妻二十七歲夫故矢志守節事翁以壽終撫孤成立至老猶勤女工五世

同堂現年八十六歲

黃氏大任里何源榮之妻年二十七夫故無子守節不二立嗣承祧四世一堂現年八十有五

梁氏趙世魁妻二十二歲夫故守節翁姑繼歿氏喪葬盡禮守節三十餘年現年五十四歲

陳氏大樓州村生員 贈朝議大夫黃懋賢妻年二十九夫故孝事翁姑慈教幼子以子源洙官

誥封太恭人終年八十五歲

馮氏隨化里庠生徐不凡妻年二十四夫故子方三歲氏守節撫孤勞瘁不倦壽八旬而逝

黎氏隨化里梁資榮之妻年二十六夫故氏守冰雪之操不以貧苦變其志年六十六而終

高氏隨化里塘村石藏珍之妻年二十二夫故遺一子名鎮邦氏矢志守節撫孤成

立得入武庠現年六十五歲

王氏隨化里沙村劉一昌之妻年二十七夫故子未週歲氏守節撫孤現年六十有三孀居三十餘年

王氏隨化里塘村梁可禮妻年二十四禮亡氏矢志守節非至親族戚罕見其面現年五十有四

王氏隨化里逢村周才隆之妻年二十生一子未週歲而夫亡上有老姑恒多疾病氏敬侍湯藥弗懈撫孤成立家貧弗易其志現年五十歲

潘氏三江下里村卓鳳鸞妻二十一歲夫故氏矢志冰蘖爲夫立嗣苦節三十餘年子僚庠生住荔枝村

莫氏四十六都都波村鄧恒淳妻于歸之夕淳死已篤扶見氏淳涕泗交流痰湧不能出聲良久稍定囑氏曰我病必不起我死卿勿守以悞青春氏泣曰從一而終婦節也君果不測妾其敢有異志數日淳卒氏慟幾殞者數次矢志守貞爲夫立後聞

者莫不憐而敬之嗣子端木庠生

易氏都波村鄧時雨之妻年二十六夫亡氏矢志守節凜若冰霜義方訓子子有鎬國學孫恒潛明經氏終年八十有四

徐氏二十五都祝中瑜次室生三子年二十九歲夫故二子旋亡正室張亦繼逝氏獨嚴厲自持視正室子至陟一如已出勤勞教誨以爲善後計迨家日昌熾慈嚴並著舉孫四贊昌入太學贊明食餼于庠壽八十七歲而終

黃氏四十三都梁霸妻年二十九夫沒氏矢志守節五十餘年現年七十九歲勤勞善後子士權列國學

羅氏黎文景妻生二子夫故年二十八歲守節教子成立壽八十五歲次子槐恩授九品

朱氏三十一都楊廷楷妻年二十八夫故氏矢志無二守節不移現年六十二歲

烈女黃大姑三十一都洛塘村農家黃定中之女自幼受同里李維棟之聘年十八

婚期將近維棟忽歿父將許字別家女覺暗泣誓不他適又恐顯抗父命遂投水而
亡時乾隆五十年八月事也

胡氏庠生胡懿灼女性節烈自幼聞名於蘇雲燦年十八婚有期矣燦忽病歿氏方
以盤取水聞訃至擲盤痛哭即欲懸梁父母防之得不死號泣不食父曰女欲奔喪
乎吾送女往氏首肯及至門燦已就木矣氏呼天搶地對棺自誓不負其夫願爲蘇
家婦擇猶子爲嗣以延夫祀艱難備歷並無悔心知縣吳鳳來以栢舟誓志旌其門
人稱烈女

韓氏庠生梁拱漢妻年十八夫卒貞節自守壽七十而卒於乾隆四十一年學使王
懿修以苦節常貞旌其門住楊峒里思桃村子維坤國學

秦氏九都赤水李世霑妻年十五于歸十七歲守節現年七旬嗣男增生之珏皆氏
撫育教訓成名

俞氏八都孔鄧村劉昌德妻監生劉瑤之母年二十七夫故貞潔自矢整肅閨門現

年六十三歲始終如一至老不倦

節孝

孫李氏附城孫鑑妻年二十歸孫未幾夫故苦志守節享壽八十有四歲

霍秦氏附城霍欽博妻年二十一夫亡苦志守節享壽八十有八歲(見耆壽)

胡馮氏三都汶塘村胡杰妻年二十四夫亡苦志守節持家訓子勤儉可風享壽九

十有九歲

胡吳氏八都瓊埭村胡爾芳妻年二十四夫亡苦志守節歷久不渝享壽九十二歲

(見耆壽)

歐陳氏十都垠南村歐華林妻年二十歸歐越年夫亡苦志守節爲夫立後鞠育成
人德性溫和言笑不苟事翁姑克盡婦職內外無間言享年五十有 歲

陳李氏十都楊村陳可亭妻年十八歸陳凡七歷年而夫亡無所出翁試用訓導華
祝無次丁叔翁貢生華岳華季子俱幼未有兒息欲繼立外房又恐有異議氏媼聞

自守癸癸子立形影相弔苦志者已三十餘年現年五十有歲抑氏生長富貴不挾以驕人貞靜幽閒御下寬而閨門肅尤爲閭里所欽敬云

李歐氏十都平城村李邁妻年十八歸李二十夫亡苦志守節子球登太學次琳進邑庠壽五十歲

歐林氏十都垠南村歐華璧妻年二十一歸歐凡七歷年而夫故時遺藐孤子一名毓泗女一甫襁褓越五月遺腹子毓洙生氏苦志守節鞠育而訓之以方如是者既有年子女三人俱克自成立享年四十有七而終毓泗登太學

歐李氏十都垠南村歐毓漢妻年十八歸歐越年夫亡無子氏痛夫早故不欲生絕而復甦者數四故多方慰諭乃稍自排解爲夫立後苦志守節現年四十五歲

黎馮氏二十五都臘塌村黎世弼妻年十八歸黎未逾月而夫故苦志守節爲夫立後鞠育成人生平貞順慈祥和睦婢媵現年七十歲

黎陳氏二十五都臘塌村黎清弼妻年十九歸黎不旬日而夫故苦志守節冰霜自

矢擇猶子承祧夫祀爲人孝順慈惠閭里咸欽現年六十一歲

胡唐氏二十八都平尋村胡永基妻年二十七夫亡苦志守節現年九十一歲爲人

貞順慈孝可爲里黨風(見耆壽)

盧霍氏三十二都腰古村盧壯士妻年二十四夫亡矢志守節撫養孤兒事翁姑克盡婦道學使朱方增以松筠守節旌其門享壽八十有九歲(見耆壽)

李文氏一都瓦窰村人邑庠生文選之女適七都白石河口李永杰自二十適杰二

十一歲夫故守節至八十歲咸豐三年吳學憲請旌給賜節比柏操匾額

文黃氏一都大橋村人庠生文宏本之妻守節年八十歲

石蘇氏九都孔良人石萃懷之母年十七適石門懷未生而夫故壽六十八歲

黎莫氏八都義良村人卓瑄之嗣母年二十適黎姓逾年夫故抱育兒子卓瑄爲子

現年六十八歲

王孫氏三十一都人王煥昌妻謂瑚母苦志守節壽九十六歲羅紋村人

張吳氏山脚村人庠生業盛之母年二十一歲守節壽九十二歲

李胡氏三十四都陳村人年十七守節鉅元妻

李成氏咸豐六年往外家途遇馬王伏路賊迫之不屈斬髮廩生李拾元妻

伍周氏木依村伍日榮之妻卓傑卓間外祖母年二十九歲夫亡守節孝事翁姑壽

至八十餘歲嘉慶二十五年奉 旨旌表

吳許氏座峒村邑庠生吳建柱之妻監生吳經邦之母監生吳修道之祖母年三十而夫亡守節撫孤教養成立景苦彌堅身勞益健道光甲辰年七十歲學憲李承霖題以稀年貞操四字匾額壽至八十六歲尙未旌表

吳覃氏座峒村監生吳建業之妻布政司理問吳殿邦之母監生從九吳秉鈞之祖母年三十而夫亡苦節克貞撫孤成立性情溫厚勤儉與家咸豐辛亥年七十歲學憲孫鏘鳴題貞順延齡四字扁額壽至八十一歲尙未旌表

李文氏九都待村人義勇李可珍之妻增生文經邦之女咸豐三年賊劫村庄拒賊

而死

蘇李氏係庠生蘇羽儀繼室生於康熙甲寅年生子名讓方數歲夫故李氏撫育教訓成名無病而終壽九十七歲

林黃氏上二十二都葉村郡庠生林忠大妻失偶矢志守節撫嗣子如已出壽八十六歲

何胡氏廷瑜妻四十三都黎村人二十八歲守節撫二子一女成立貞淑莊敬壽八十四歲道光三年奉旨旌表

何李氏何一濟妻四十三都黎村人壽九十二歲乾隆五十九年府學師(李左)給德門壽母匾額

覃梁氏作模妻年十七歲守節已請旌表

覃胡氏增生啓夫妻年二十七歲守節夫弟恩貢辰夫以長子煥邦過繼氏自幼撫養視如己出現已食廩餼氏今年已六十五歲其精神尚健可卜期頤

覃全氏廩生煥邦妻年二十四歲咸豐七年避盜冷水堡是年堡陷氏被擄至大馬河投水而死前已入祀昭忠祠以上三人俱四十三都思慮村人

李覃氏定枝妻二十六歲守清節其子五歲而卒四五日間夫又辭世遺腹男紹彌現年二十八歲

何李氏旭璟妻年十八歲從夫克循婦道逾四載夫故無嗣氏日夕泣號水漿不入口諸妯婢勸之曰子堂上有白髮之姑柩前無斬衰之子今若此不幾遺而夫九泉之恨乎氏始覺悟因以夫同母兄生員何洞然之次子定郡爲子飲水茹藥矢死靡他平生慈和淑順即下人僕從未嘗遠色疾言撫孤成立後壽七十六以壽考終二都古佩村人

何陳氏旭瑚妻監生雲鶴生母生二子夫故氏撫育遺孤克勤克儉延師訓誨不吝貲財二子並列成均鶴生六子三巖六就例監生次子雲衢出嗣胞兄旭現生四子次明光四日章均列膠庠現年八十六歲二都古佩村人

何周氏二都古涪村人童生在翰妻增生雲超長媳年方十八歸夫家越三歲夫卒生子敏學甫週歲姑常臥病夫有弟妹尙未成人氏奉事病姑照顧弟妹撫育幼孤操井臼勤紡績歷久彌堅婚嫁弟妹撫孤成人數十年如一日也行無少失口不言勞因勤苦過度血氣大衰年五十而終

何黃氏古涪村人旭琚繼室年二十歲歸夫家越三歲夫卒矢志守節繼定修爲嗣孝事翁姑終身不怠道光十三年池學憲賜以節孝可風匾額九十一歲而終已見舊志茲又詳叙

梁歐陽氏（武生天保妻稍有姿色賊入崩村欲拉強奸堅拒不肯遂遇害

林李氏（拔芹妻賊入村以姑老扶之走賊追至舉刃氏以身護姑被數刃而死姑遂免）

梁亞妹（拔材女年十四歲與母逃賊賊至殺其母見女清秀留之佯順從乘賊不意出小刀向小肚刺殺之女亦爲餘賊所殺

唐徐氏（思禮洲人年八十五歲二十八歲守節治家訓子性慈和五代同堂）

唐陳氏（中年守節視嗣子如己出性慈和享年五十六歲係布經歷唐就元嫡母）

唐李氏（生一子方過歲守節治家嚴肅矢志堅貞上奉公姑下撫孤兒訓誨成名

皆由母教現年七十二歲族里尊重之係布經歷唐就元生母 楊學院賜

栢舟永矢四字匾額）

唐何氏（生一子中年守節治家訓子係軍功六品唐就信之母現年五十五歲）

胡霍氏（都目村人申倫祖母十七歲守節善事公姑恪修婦職撫育

嗣子教導有方壽九十餘歲曾孫滿堂與家立業人稱賢孝節義云二十八

都人）

胡邱氏（都目村人監生胡琮繼母年八十餘歲少年守節子孫繼起鄉里莫不頌

爲母儀焉）

貞女蔡氏（字阿聰讀書知禮許字楊姓父母俱逝依兄嫂聞楊卒投水而死見蘇

琴航詩)

胡李氏 (在城南門外人夫千繡夫沒無子女氏矢志栢舟以賢孝聞邑紳明府朱

星槎五美廣文蘇亨階啓禧屢稱其節孝賢明咸豐四年避亂於隨化里依

子姪寄寓以憂勞病終享壽六十有八歲邑紳胡億祚之堂伯母也)

劉蒙氏 (下八都坳口村人廩生應昇妻處士蒙發子長女以賢孝聞咸豐十年二

月匪掠八都伏草莽中十六日晝絕食夜出飲水鄰人偵知之告昇應昇至

外家棘刺遍體三日而殞亦烈婦之尤苦者年三十八歲子二長出嗣雙光

次業儒)

唐孔氏 (思禮洲人現年五十七歲二十八歲守節唐就華妻也懿行可風人稱賢

孝)

唐黎氏 (思禮洲人年二十八歲守節養嫡姪爲嗣唐就然之妻也現年五十九歲

三十年如一日其持家訓子可風末世)

李胡氏（七都人天保妻布經喬楠長媳庠生胡培緒女于歸二年夫亡苦志守節現年六十一歲人稱其清風苦節）

莫王氏（童生莫與透之妻現年八十三歲二十八歲夫故守節孫學臺旌其閭曰筠節松年）

林黃氏（鳳楷繼妻二十六歲守節周宗師賜額鵠貞烏哺壽八十四歲）

羅何氏（官統繼妻二十八歲守節張宗師給賜孝慈貞壽四字現年六十三歲）

黃成氏（維昌妻二十四歲守節吳學政給賜松貞冰潔四字同堂四代壽六十九歲）

黃成氏（運揆妻二十七歲守節吳學政給賜松貞蘭潔四字同堂四代壽八十二歲）

李梁氏（果愈妻十八歲守節同堂四代曾經請旌壽八十一歲）

林郭氏（葉葱妻二十八歲守節現年六十三歲）

林莫氏 (萬遙妻二十四歲守節曾已請旌給賜節孝可風四字壽八十六歲以上

八人皆三十九都)

黃唐氏 (社埭村人黃建創妻年五十三歲咸豐十年十一月大洪賊匪過境唐氏

偕女十姐十一姐子穎達媳謝氏合家避入營寨被賊攻破合家遭害皆不

肯從賊以全貞節)

黃唐氏 (石塘村人童生黃居廣妻年二十八歲守節奉事翁姑繼胞姪爲嗣年五

十歲)

蘇梁氏 (登俊坊人時霈妻署陸川縣教諭啟禧母年二十九歲夫亡守志壽六十

一歲讀詩書嫻禮教孝事大母和妯娌睦宗黨子三人皆克承志其懿訓嚴

明足以垂訓人咸稱道之

唐黃氏 (三十九都瑤洞村人處士良修妻軍功六品天授母署興業縣教諭唐胤

嗣胞叔母也年二十七歲夫歿守節撫育兒女堅貞守節壽六十五歲

韋陳氏（業超妻現年八十五歲副榜品良母中年守節鈕學院賜勁節鮮葩匾額）

吳韋氏（座堀村人永灝妻年二十四歲夫以難故誓志守節遺腹生一子撫育成

人敬翁姑和妯娌終身無有非議之者壽六十八歲）

韋黃氏（務倫村人君良妻黃氏年二十六歲守節貞堅自矢育二幼子勤儉持家

現年七十一歲）

吳覃氏（座堀村人翰繼妻年二十五歲夫被洪潦身死柏舟自誓無異心鞠育前

室一孤子慈愛備至壽七十五歲孫曾蕃衍）

藤縣志卷之十八

耆壽（女壽附）

在城

胡廷藩（明崇禎歲貢順治年間膺鄉飲大賓縣令以德同四皓高誼可風旌其門

壽八十歲）

霍澤 在城人遷二十五都住避寇猶能訓弟壽八十二歲以弟沛貴贈文林郎

陳嗣平 (邑庠西隅廂仁壽坊人性慈惠膾鄉飲大賓壽八十四歲)

陳嗣植 (庠生西隅廂仁壽坊人趙學使以其守正不阿給以文割選爲學長壽八十歲四代一堂)

十歲四代一堂

孫汝楫 (西隅廂人庠生壽八十二歲生平正直嫉邪不隨流俗)

陳汝璟 (庠生仁壽坊人壽八十一歲性剛方爲鄉黨所重嘗與貢生胡晉高重建

聚奎坊以存古蹟)

陳鉞 (庠生西隅廂人善歧黃濟人頗多壽八十歲)

蘇高顯 (庠生迎恩門外人壽八十四歲以詩禮世其家)

霍埈 (國學西隅廂人壽八十六歲性廉靜素不與人爭競)

關珣 (仁壽坊人壽八十二歲和平樂易子弟喜爲親炙)

胡致郁 (南隅廂監生壽八十九歲性坦易不露稜角)

孫熾（武舉壽八十一歲見選舉正大端方）

女壽

阮氏（城西邑庠生陳嗣平繼室壽九十二歲四代一堂）

梁氏（霍廷彬妻壽八十八歲）

麥氏（陳秀興妻壽八十一歲）

李氏（全州訓導胡祚隆妻壽八十二歲）

黎氏（西澗坊廩貢胡中琦妻壽八十四歲）

徐氏（永甯訓導胡晉品妻壽八十四歲）

李氏（仁壽坊陳欽妻壽八十三歲）

徐氏（城西增生胡晉昂妻壽八十一歲）

唐氏（城南例貢蘇玆妻壽八十五歲）

李氏（永安門外庠生孫得坤妻頗解詩文壽八十三歲）

羅氏〔城西關珣妻壽八十二歲〕

羅氏〔城南太學生蘇升焯現年八十六歲〕

一都耆壽〔女壽附〕

陳 鏞〔武生瓦窰村人現年八十二歲四代同堂持重可風〕

秦文炳〔庠生瓦窰村人謙和正直壽八十三歲子庠生漢乾隆間遷居二十五都

秦 奇〔瓦窰村人壽八十二歲品行端方五代同堂〕

女壽

祝氏〔瓦窰村李維標妻壽八十六歲〕

霍氏〔瓦窰村秦煥璣妻現年九十六歲朱學使以萱榮五代旌其門〕

一都耆壽〔女壽附〕

劉鴻才〔富安村人性好學現年八十二歲〕

莫期榮〔富安村人現年九十二歲賦性淳樸〕

廖秀瓊〔現年九十歲操行正直爲鄉曲所重〕

梁達光〔現年八十四歲性淳篤不阿所好〕

何旭炯〔現年八十一歲和易近人〕

女壽

周氏〔古涪村何仕達妻現年八十二歲〕

李氏〔富安村胡勝彥妻現年九十一歲〕

三都耆壽〔女壽附〕

徐 灝〔大龍村人壽九十四歲性淡逸不樂仕進〕

何偉盛〔鷄藤村人壽九十七歲年高而持躬不懈〕

覃成偉〔瑯脚村人壽九十六歲治家頗有紀律〕

黎上坤〔神嘴村人壽八十六歲平易近人〕

徐 份〔庠生大龍村人壽八十二歲恒以詩禮爲子弟訓

徐宣翰〔庠生大龍村人壽八十歲秉性耿直無疾而逝〕

曹瑞習〔大龍村人壽八十五歲 恩給九品頂戴〕

朱廣積〔白沙村人壽八十四歲勤於農務力田爲業〕

徐 傅〔峻塘村人壽八十三歲以耕讀世其家〕

蒙尙志〔陳王村人壽八十六歲有韜光匿彩之風〕

吳熙朝〔平政村人壽八十三歲不立崖岸而中有分辨〕

黃作睿〔大龍村人壽八十三歲樸素不尙浮誇〕

黃昌業〔大龍村人壽八十三歲生平自食其力〕

徐 澇〔邑庠現年八十一歲精神矍鑠至老不倦妻周氏齊眉見女壽〕

女壽

吳氏〔大龍村邑庠徐份妻壽八十二歲〕

甘氏〔大龍村陳占魁妻壽八十六歲〕

蘇氏（大龍村舉人徐宜靖妻壽九十一歲）

祝氏（神嘴村舉人陳璋妻壽八十歲）

林氏（大龍村附貢徐宜鋪妻壽八十四歲）

謝氏（大龍村徐僖妻壽九十六歲）

歐氏（吉嶺村監生陳宗煒妻壽九十二歲）

李氏（富露村陳瑚妻壽九十五歲）

祝氏（富露村吳素璣妻壽八十五歲）

梁氏（富露村吳素昌妻現年八十五歲）

吳氏（神嘴村陳有甯妻壽八十五歲）

韋氏（大龍村廩生徐灝妻壽八十六歲）

周氏（大龍村邑庠徐澆妻現年八十一歲）

盧氏（監生徐宜翊繼妻大龍村人壽八十四歲）

秦氏(吳世澤妻富露村人壽八十三歲)

黃氏(蘇嘉賢妻富露村人壽八十五歲)

四都耆壽(女壽附)

陳廷鳳(襍洲人壽一百四歲天啓年恩賜大理寺壽官)

鄧 埒(襍洲人壽九十歲恂悞無華)

梁任殿(襍洲人壽八十五歲安分不越繩尺)

石士模(襍洲人壽八十二歲教子成名咸登庠序)

李愈植(襍洲人壽八十歲性恭謹而謙冲有度)

祝始榮(襍洲人現年八十五歲不立異而仍不隨俗)

蔡嗣恒(襍洲人嘉慶十四年 恩給九品頂戴現年八十二歲)

李曜旻(襍洲人嘉慶十四年 恩給九品頂戴現年八十歲)

女壽

李氏（潯洲鄧步妻壽八十一歲）

蒙氏（潯洲李愈妻壽八十歲）

李氏（潯洲任邦妻現八十八歲）

九都耆壽（女壽附）

蘇鳳龍（把總壽八十一歲赤水人謙光可挹）

鄒匹魯（庠生壽八十一歲儀型後進）

李遂生（庠生壽八十六歲任郵可風）

蘇正（庠生壽八十三歲正直不阿）

鐘仲侯（壽八十三歲耿介和平）

鄒宗孟（壽八十五歲衆濁獨清爲人所重）

女壽

胡氏（壽九十歲陳偉君妻）

胡氏〔壽八十歲蘇純章妻〕

戴氏〔壽八十三歲蘇純宏妻〕

黃氏〔壽八十六歲黎毓成妻〕

李氏〔現年八十四歲鍾萃君妻〕

十都耆壽〔女壽附〕

歐鏡松〔鄞南村人壽九十六歲崇禎年間建坊今圯〕

周 誥〔鄞南村人邑庠生人品端方鄉閭共仰現年八十二歲妻何氏偕老現年

八十歲〕

女壽

梁氏〔楊村陳炫琪妻現年八十二歲善秉內政鄉里敬仰同堂四代二子俱登國

學〕

十五都耆壽

黃時中〔真聖村人嘉慶二年 恩賜九品頂戴壽八十九歲〕

蔡英智〔壩河村人嘉慶二年 恩賜九品頂戴壽九十二歲〕

盧鎮煥〔真聖村人壽八十三歲人品誠樸〕

黎鼎揚〔河塘村人現年八十二歲老成不倦〕

莫瑞吉〔真聖村人壽九十五歲鄉黨推重〕

十八都耆壽〔女壽附〕

覃榮德〔賓村人壽八十一歲忠厚待人〕

覃長文〔賓村人壽八十八歲爲人誠信〕

覃紹任〔國學生賓村人壽八十二歲持家有道子孫國學〕

李贊柏〔黃堂村人壽八十五歲人稱篤實〕

李應蕃〔黃堂村人壽八十二歲和氣可親〕

梁士經〔黃堂村人壽九十六歲大小不欺〕

盧正端〔黃堂村人壽八十一歲不事文飾〕

黎廣遠〔程教村人壽八十一歲安居守分〕

李紹宗〔黃堂村人壽八十五歲 皇恩寵錫九品頂戴〕

黎能龍〔牛嶺村人壽八十五歲忠直貽後〕

高廷鰲〔牛嶺村人壽八十三歲性和順〕

徐 榮〔牛嶺村人壽九十四歲率真無偽〕

覃萬餘〔富榮村人壽八十四歲樸實篤慶〕

雷紹雨〔羅同村人壽八十二歲勤於耕耘〕

李梓宴〔覃村人壽九十二歲力田起家〕

李振秀〔黃堂村人壽九十四歲守分明理〕

李焯華〔黃堂村人壽八十四歲處世和平〕

覃待華〔黃堂村人壽八十四歲性情純厚〕

李遇芝〔文教材人邑庠生 欽賜登仕郎壽八十九歲〕

覃齊齋〔黃堂村人壽八十三歲待華子言語不苟〕

陳渭清〔富羅村人壽八十四歲性純樸〕

陳渭輿〔富羅村人壽八十七歲真誠足重〕

陳廣通〔富羅村人壽八十六歲性和直不妄〕

陳照任〔富寧村人現年八十七歲忠厚可愛〕

陳獻佳〔烏院村人現年八十六歲容如壯歲〕

胡以揚〔波堂村人現年八十三歲安居守分〕

甘趣古〔邑庠生程教材人現年八十歲善持家睦鄉里〕

唐子品〔覃村人忠厚可嘉現年八十一歲〕

女壽

甘氏〔富羅村陳咨妻壽八十一歲〕

李氏〔富羅村陳定鄰妻壽八十二歲〕

甘氏〔富羅村陳書傳妻壽八十二歲〕

陳氏〔黃塘村李贊柏妻壽八十歲〕

盧氏〔黃塘村李應蕃妻壽八十三歲〕

黃氏〔黃塘村李紹_四妻壽八十二歲〕

嚴氏〔雷紹雨妻壽八十一歲〕

陳氏〔雷振迅妻壽九十二歲〕

高氏〔黃堂村李振秀妻壽八十三歲〕

陳氏〔黃堂村李焯華妻壽八十六歲〕

陳氏〔古謝村張維新妻壽八十二歲〕

李氏〔富甯村覃萬餘妻壽八十一歲〕

陳氏〔賓村國學生覃紹任妻現年八十四歲〕

黎氏〔富羅村陳廣超妻壽八十三歲〕

李氏〔黃堂村盧庭英妻壽八十二歲〕

覃氏〔太平村陳懋德妻壽八十歲〕

謝氏〔陳渭輿妻壽九十四歲〕

甘氏〔陳廣通妻壽九十二歲〕

二十一都耆壽〔女壽附〕

李文煇〔大地村人八十三歲縣主張濬以齒德俱尊旌其門妻徐氏現年八十歲

黃世通〔根竹村人現年八十六歲安居正直〕

蕭獻新〔地麻村人壽八十一歲 恩賜九品頂戴素行循謹

區世祥〔古龍村人壽八十二歲 恩賜九品頂戴〕

蕭獻廷〔地麻村人現年八十歲善持家〕

女壽

李氏〔古淡村蔣聚順妻壽八十六歲〕

高氏〔地麻村監生蕭屏妻現年八十二歲〕

陳氏〔望夷村李贊育妻現年八十三歲〕

上二十二都耆壽〔女壽附〕

黃芝現〔增生綠雲村人壽八十四歲性嗜學以善及人〕

黃惠政〔增生綠雲村人芝現子以詩書傳家壽八十一歲〕

張奕仁〔蒙亮村人現年八十七歲謹厚可欽不同流俗〕

黃能育〔監生良村人壽年八十四歲友愛慈祥刑于足式親見一堂五代妻蕭氏

現年八十三歲〕

女壽

李氏〔綠雲村黃一昌妻壽九十二歲〕

黃氏〔葉村林挺妻善書能文壽九十二歲親見一堂五代〕

覃氏〔綠雲村黃敏政妻壽八十七歲〕

鄧氏〔綠雲村增生黃惠政妻壽八十五歲〕

二十二都耆壽〔女壽附〕

曾高海〔柏木塘村人壽八十五歲道義自完〕

梨宣揚〔都宦村人壽八十七歲言不欺人〕

蘇 棹〔都宦村人壽八十二歲勤儉治家〕

蘇若喉〔都宦村人壽八十六歲處世誠實〕

蘇 瑋〔都宦村人壽八十三歲若喉子待人誠信〕

林廣昌〔都宦村人壽九十歲勤儉成家〕

李 煥〔大社村人壽八十八歲耄猶勸善謙尊而光〕

胡致正〔武魁見選舉壽八十五歲人品端方礮面村人〕

胡大成〔礮面村人壽八十五歲致正子善堪輿岐黃〕

黎 宸〔都宦村人現年八十四歲謙抑可愛〕

覃 凌〔榕木根村人現年八十八歲嘉慶十四年 恩給九品頂戴〕

李成煥〔都宦村人端謹好善鄉里推尊現年八十三歲〕

梨子千〔蜡垌村貢生品行端方現年八十二歲〕

女壽

李氏〔都宦村林子偉妻壽九十三歲〕

唐氏〔礮面村胡致正妻壽八十一歲〕

梁氏〔礮面村胡致正妻繼室壽九十歲〕

黃氏〔礮面村胡大成妻壽八十四歲〕

李氏〔沙村州同覃瑚妻壽八十五歲〕

梁氏〔沙村武生覃漢華妻壽八十二歲〕

何氏〔黎宸母壽八十五歲〕

李氏（黎宣揚妻現年八十三歲）

胡氏（蜡桐村貢生梨子千妻壽八十二歲）

徐氏（蜡桐村監生黎紹泗妻壽八十三歲）

覃氏（石床村黎恂妻現年八十七歲）

二十五都耆壽（女壽附）

李發奠（扶南村人端謹樂善壽九十七歲）

黃用周（山心坡人壽八十六歲厚道可欽）

伍雲璵（汶村人勤儉有方壽八十七歲）

秦濟（老鴉村人壽八十一歲純正無邪惠眷後昆）

吳喬望（東岸村人壽八十九歲持謹謙厚）

徐養信（號仁山老鴉村人壽八十四歲謙尊而光積善餘慶）

徐鏡（老鴉村人壽八十歲物恒可法）

鍾 鎮(恭坳村人壽八十四歲古道照人)

李發葆(扶南村人壽八十五歲義氣整族)

李維善(陶村人壽八十五歲 恩賜九品精於星學)

黃 暉(陶村人壽八十一歲善貽後昆 恩錫九品)

梁成高(大述村人壽八十六歲 恩錫九品)

李 僕(東岸村生員號教亭望重鄉評樂善不倦壽八十歲推解可風見人物)

林全植(河村人壽九十一歲 恩錫九品)

林全樹(河村人壽八十一歲 恩錫九品妻李氏同壽)

林 靜(河村人友愛不替壽八十五歲)

鍾明憲(大述村人慷慨好善和而有節壽八十一歲呈革金古攬之累里人賴之)

祝 仁(蓮塘村庠生正直敦厚壽八十六歲)

黎子揖(上鄉村人壽八十二歲碩德可崇)

黃健忠（羅輿埔人壽八十六歲性近古昔）

祝至廣（蓮塘村人現年八十四歲勤儉忠厚）

梁文高（蓮塘村人現年八十二歲爲人謹樸）

伍帝堅（羅碗村人現年九十歲和順宜人）

伍雲遠（汶垌村人壽九十歲性誠實）

黎邦信（上鄉村人壽八十二歲老而不倦）

女壽

蕭氏（扶南村黎宣獻妻壽八十六歲）

陸氏（扶南村黎廷恩妻現年八十四歲）

唐氏（蓮塘村黎沃林妻壽八十五歲）

覃氏（柏木州李發菁妻壽八十二歲）

胡氏（原五粉廂廩生盧煥妻隨其子岸生嘉言嘉行遷居二十五都扶南村壽八

十六歲)

秦氏(原一都瓦窰村庠生李瑄釗妻隨其子庠生李僕遷居二十五都東翰村壽

九十歲)

吳氏(大述村鍾坤妻壽九十六歲)

陸氏(大述村鍾明雲妻壽八十九歲閨範堪規奕禩)

蘇氏(山心坡生員盧嘉言妻壽八十八歲)

韋氏(陶村李維善妻壽八十七歲)

祝氏(東翰村生員李僕妻壽八十七歲子五相夫佐教咸俾成名)

梁氏(河村林全植妻壽八十六歲)

周氏(米岡村鍾明賢妻壽八十二歲)

龔氏(大述村梁成高妻壽九十二歲)

覃氏(扶南村李發葆妻壽八十九歲)

胡氏（大述村鍾振綱妻壽八十九歲）

龔氏（陶村生員黃峻妻壽八十八歲）

何氏（山心坡李配禮妻壽八十八歲）

李氏（東翰村吳喬望妻壽八十六歲）

覃氏（新簾村監生龍朝雲妻現年九十四歲）

莫氏（扶南村李發素妻現年八十八歲）

黎氏（參垌村鍾鎮妻現年八十三歲）

李氏（山心坡庠生黃寅妻壽八十歲）

二十八都耆壽（女壽附）

霍其俊（寮埔村人壽八十二歲爲人直諒）

黃世治（街口村人壽八十二歲性樸實）

陳聖魁（大村人壽八十一歲處世和平）

嚴訓明〔上河村人壽八十三歲待人忠厚〕

嚴致君〔上河村人壽八十二歲訓明子性情和藹〕

黃長治〔街口村人壽八十四歲持家有道〕

霍 芬〔麥地村人壽八十五歲良俊子行事真實〕

霍 岐〔麥地村人壽八十六歲逢人勸善〕

林秀深〔獨塘人壽九十六歲秀旺弟爲人謹厚〕

林秀旺〔獨塘村人壽八十六歲慈藹可親〕

徐殿理〔古卞村人壽八十七歲和睦鄉里〕

蒙廣俊〔荳地坪人壽八十四歲處世和平〕

魏學宏〔古卞村人 恩授修職郎邑侯張潏以齒德重邦旌其門壽九十三歲〕

黃廷璋〔街口村人壽八十四歲爲人醇謹〕

林秀清〔獨塘村人現年八十歲秀旺弟處家和睦〕

蔣純章〔妻梁氏同現年八十六歲〕

周秉就〔獨洲村人現年八十三歲正直可風〕

女壽

林氏〔荳地坪蒙國惠妻壽八十六歲〕

劉氏〔多文村梁 妻壽九十一歲〕

黎氏〔大村陳聖華妻壽八十七歲〕

宋氏〔富裕村蔣 妻壽八十六歲〕

岳氏〔寮埔村霍茂妻壽八十一歲〕

梁氏〔街口村黃廷璋妻壽八十七歲〕

歐氏〔街口村黃世治妻壽八十五歲〕

蔣氏〔福隆村黃君爵妻壽九十四歲〕

陳氏〔福隆村霍宏猷妻現年八十六歲〕

林氏(古凍村陳 妻現年八十二歲)

黃氏(古卞村魏學詮現年八十七歲)

三十都耆壽(女壽附)

蘇上魁(壽八十五歲品行純良九品頂戴)

莫負伯(年八十歲忠厚傳家)

曾良玉(年八十六歲樂善好施)

蒙科燕(壽八十四歲妻黃氏現年八十四歲聞善必喜)

盧煜昌(庠生祁學使以盛世英耆旌其門壽八十九歲敦厚樸誠)

蘇異常(壽八十二歲篤於友于)

黃遠登(壽八十歲人善必稱)

黎允臣(壽八十八歲劉學使以幽人貞吉旌其門妻楊氏壽八十八歲性正直)

蘇異量(現年八十歲家庭親睦弟異蔚現年八十知縣司光峻以壽似增川旌其

門

女壽

羅氏（黃體純妻壽八十六歲）

黃氏（黎乾有妻壽八十三歲）

覃氏（廩生黎璣妻壽八十四歲）

吳氏（廩生黎璣妻壽八十七歲）

蒙氏（甘成華妻壽八十歲）

莫氏（蘇上魁妻現年九十四歲）

莫氏（黃世烈妻壽八十一歲）

三十一都耆壽（女壽附）

孫裕華（忠厚可嘉壽九十四歲）

魏學沛（公平正直壽九十一歲妻李氏壽八十七歲德福與俱五代同堂）

楊英發(年高德邵壽八十七歲學使劉鳳誥以壽考維祺旌其門)

區發崙(忠誠和易妻何氏中饋克修並壽八十一歲)

馬光漢(忠厚與家壽八十五歲夫妻並壽河柳村人)

劉連槐(好讀儒書和平樂易現年九十三歲)

楊桂(庠生謙恭正直高義可風現年九十三歲)

女壽

岑氏(孫廷瑜之妻壽一百三歲邑侯陳廷璠以淑德由頤旌其門)

黃氏(胡致瀛妻壽九十九歲)

馬氏(陸垣章妻壽九十八歲)

莫氏(鄭伯偉妻壽八十三歲)

劉氏(莫文連妻壽八十四歲)

鄧氏(魏學官妻壽八十三歲)

陳氏（何湘妻壽八十三歲）

何氏（劉連珠妻現年八十四歲）

周氏（陳以編妻現年八十二歲）

三十二都耆壽（女壽附）

朱衣遜（上佳村庠生忠厚慈惠壽八十一歲）

盧昕照（和堂村人廉潔忠直祁學使以和氣一堂旌其門）

陳元綱（陳村山人義方訓子祁學使以年邵品端旌之壽九十五歲）

黃世現（黃沙村人安貧守分現年九十三歲）

朱衣讓（雙龍村人增生壽八十八歲妻高氏壽八十九歲夫妻並歲）

陳南華（周村人樸誠守分現年八十四歲）

黃仁甫（腰古村人勤儉守分壽八十一歲）

朱昊（雙龍村人生平忠厚現年八十七歲）

盧熹照(駟面村人讀書循理享年九十四歲恩給八品修職郎邑令黃開雲以梁

苑賦客旌其門)

朱翰(高坡村人監生現年八十四歲妻蘇氏現年八十二歲)

梁美高(高田村人生平忠厚壽八十四歲)

梁廷偉(嶺頭村人勤儉現年八十歲)

李帝照(高田村人不履公門壽八十三歲)

李廷芳(高田村人儉樸年八十四歲)

李廷相(高田村人人品端方壽八十一歲)

李子球(石端村人忠厚傳家壽八十歲)

李仲佳(高田村人祁學使以名隸木公旌其門現年九十歲)

李仲達(祁學使以熙朝人瑞旌其門現年八十一歲)

黃洵正(盧算村人忠厚可愛壽八十八歲)

成員樾〔羅屏村人知縣王詩以年高德邵旌其門壽八十五歲〕

岑翹炳〔富坳村人性忠良現年八十歲〕

朱光遠〔富坳村人勤儉成家壽八十歲〕

龍延照〔富坳村人公正和平壽八十四歲〕

高仞高〔嶺頭村人質樸忠直壽八十歲〕

女壽

岑氏〔李廷現妻壽八十歲〕

盧氏〔李廷楊妻現年八十三歲〕

梁氏〔李廷榕妻壽八十歲〕

盧氏〔附監生朱點妻壽九十五歲教子成名〕

謝氏〔黃永燦妻現年八十四歲〕

岑氏〔梁美光妻壽九十八歲〕

李氏〔歐延誕妻現年八十歲〕

三十四都耆壽〔女壽附〕

林 鎬〔邑庠西埔村人勤學不倦好談忠孝壽八十九歲〕

吳 玠〔古秀村人壽八十五歲課子成名知縣謝克猷以桂蕊先芳旌其門〕

江裕純〔榮臺村人壽八十歲妻盧氏壽八十二歲清白傳家書香繼美鄉鄰所重〕

陸瑞奇〔陶洞村人壽八十六歲勤儉昌後〕

李上榮〔平山村人壽八十歲樸厚持躬義方昌後〕

梁廷槐〔西岸村邑庠生壽八十二歲妻霍氏壽八十一歲和氣致祥書香繼美〕

盧健斗〔現八十歲心平氣和爲里閭所重〕

楊拔桐〔現年九十一歲貽謀不倦克遂義方〕

張 淳〔夏垌村人現年八十歲克厥祖基督課子孫不倦妻梁氏偕老〕

歐陽宥深〔富竹村人壽八十四歲忠厚居心〕

女壽

霍氏〔山脚村張彩南妻善事姑現年一百零五歲五世同堂子孫四十餘人子國

學者二孫游泮者三督學使祁墳以畫荻揚休旌其門

施氏〔陳良謀妻善秉內政壽八十六歲子錚 欽賜舉人孫翼昂邑庠翼晃郡廩

翼星國學〕

梁氏〔大村貢生李似耦妻壽九十六歲〕

江氏〔大村生員李似稷妻壽八十九歲〕

梁氏〔夏垌村張淳妻現年八十歲〕

黃氏〔夏垌村張潤妻現年八十二歲〕

賓氏〔富竹村歐陽湖深妻壽八十二歲〕

羅氏〔富竹村歐陽積深妻現年八十二歲四世同堂〕

李氏〔水岸村霍璠妻壽八十五歲〕

三十六都耆壽(女壽附)

黃 旻(思便村人壽九十六歲和睦鄉里)

梁坤宸(黃鑿村人立品純樸壽八十六歲)

黃 炅(思便村人現年八十四歲勤儉傳家)

女壽

馬氏(黃鑿村李烜興妻壽九十七歲)

陳氏(鐸村歲貢李儻妻壽八十四歲)

曾氏(黃鑿村吳文敬妻現年八十四歲)

三十八都耆壽(女壽附)

馬秀餘(新車塘人壽八十八歲性謙遜)

馬廣仁(新車塘人壽八十四歲安分自守)

馬廣林(新車塘人壽八十五歲聞善輒喜)

馬廣顯〔新車塘人壽八十三歲性情忠誠〕

馬廣昇〔新車塘人壽八十四歲衣冠古處〕

趙廣璋〔野鴨塘人壽八十八歲性慈和〕

龍廷偉〔古達村人壽八十四歲性謙光〕

黃永茂〔壽八十一歲古樸〕

李愈樟〔河口村人現年九十歲居心樂易〕

李廣相〔浪灘人現年八十八歲治家有法〕

趙剛〔野鴨塘人現年八十四歲廣璋子善干調攝〕

馬廣迎〔新車塘人現年八十歲勤儉〕

女壽

楊氏〔馬廣昇妻八十三歲〕

潘氏〔龍顯瑞妻壽八十七歲〕

梁氏〔龍廷偉妻壽八十四歲〕

黃氏〔龍廷舉妻壽八十四歲〕

三十九都耆壽〔女壽附〕

陳尙綸〔龍慶村人壽八十五歲勤儉成家〕

李廷華〔垌頭村人壽八十三歲不尙文飾〕

梁蘇寵〔勝塘村人壽八十歲和睦鄉里〕

林宗輝〔高墘村人壽八十五歲任郵鄉里〕

陳世連〔龍慶村人現年八十一歲平生無訟〕

胡 洋〔駟面村人現年八十歲忠厚可愛〕

女壽

覃氏〔勝塘村莫光謨妻壽八十二歲〕

李氏〔勝塘村莫光謨妻壽八十六歲〕

成氏〔塢坡村李 妻壽八十七歲〕

韋氏〔垌頭村李 妻壽八十五歲〕

胡氏〔高塢村李子英妻壽八十九歲〕

林氏〔勝塘村梁蘇憲妻壽八十三歲〕

韋氏〔垌頭村李 妻壽八十二歲〕

何氏〔勝塘村莫 妻壽八十二歲〕

梁氏〔勝塘村莫踰閑妻壽八十二歲〕

岳氏〔舖塘村李 妻壽八十九歲〕

李氏〔勝塘村梁蘇潛妻壽八十一歲〕

李氏〔高塢村林琦妻壽八十七歲〕

梁氏〔芳垌村林翰妻壽八十四歲〕

盧氏〔林村胡灝妻現年八十九歲〕

陳氏〔大田村李探妻現年八十二歲〕

黃氏〔勝塘村梁 妻現年八十五歲〕

梁氏〔勝塘村莫 妻現年八十二歲〕

韋氏〔陳村坳唐奇照妻現年八十六歲〕

李氏〔垠頭村梁楊桂妻壽八十八歲〕

四十一都耆壽〔女壽附〕

吳朝翰〔白沙庄人壽八十五歲性純厚舉義好施至今鄉人咸欽仰不已〕

吳國樑〔庠生白沙庄人壽八十四歲老成典型邑侯賢之舉鄉飲大賓〕

吳 灼〔由庠生捐千總壽八十一歲妻李氏並壽藤北白沙庄人見贈馳〕

張士元〔白沙庄人歲貢壽九十餘歲見貢選張治父〕

吳 燭〔白沙庄人庠生壽八十七歲見功貴〕

黃維漢〔登洲人壽八十七歲性持重〕

女壽

梁氏（白沙庄武舉吳忻妻壽八十六歲）

霍氏（白沙庄生員吳國瑄妻壽九十歲）

黃氏（白沙庄庠生吳煥妻壽八十五歲）

秦氏（白沙庄武舉吳漢妻壽八十三歲）

關氏（白沙庄吳國棟妻壽八十一歲）

梁氏（旺村坳嚴宜和妻壽八十七歲）

霍氏（下嶺村附貢黃元經妻壽八十三歲）

蘇氏（下嶺村生員黃炯妻壽八十七歲）

李氏（下嶺村吳斯立妻現年八十歲）

四十一（都耆壽（女壽附））

黃仕通（樟村人壽八十四歲安分不奢）

鄧宏珪(謝屋村人壽八十五歲忠厚待人)

鄧美宗(宏珪子壽八十二歲勤儉教家)

謝定超(石腮村人壽八十七歲閉戶自好)

謝定萃(石腮村人壽八十三歲不預外事)

周文邦(裡河村人壽八十二歲勸人息訟)

何衍(掃塘村人現年八十三歲勸人息訟)

女壽

莫氏(江口村 宗賢妻壽九十三歲)

葉氏(都厚村唐國泰妻壽九十三歲)

謝氏(都厚村登仕郎唐球妻壽八十一歲)

李氏(謝屋村鄧宏珪妻壽八十五歲)

余氏(石腮村曾瑞文妻壽九十七歲)

何氏〔石腮村謝定越妻壽八十七歲〕

陳氏〔石腮村謝 妻壽八十三歲〕

龍氏〔大坳腰村何一選妻壽九十歲〕

胡氏〔許村訓導何英才妻壽八十八歲〕

陳氏〔許村何滔妻壽八十一歲〕

梁氏〔江口村陳宗繼妻現年八十四歲〕

林氏〔都厚村登仕郎唐珖妻現年八十一歲〕

王氏〔滿村陳儒球妻現年八十一歲〕

梁氏〔石腮村謝定遴妻現年八十三歲〕

黃氏〔石腮村謝才會妻現年八十三歲〕

黃氏〔裡河村生員何儻妻現年八十歲〕

四十三都耆壽〔女壽附〕

覃 澐 生員思盧村人壽八十歲純厚爲鄉隣所推書香繼世)

李榮明(黨洲人壽八十歲訓子成名純謹爲隣里所重)

胡靜珍(黃漣洲人壽八十四歲品行純良)

李國通(壽八十五歲勤儉和洽鄉隣)

何維槐(壽八十二歲守分安居品行謹慎)

周汝儒(良振村人 恩賜九品壽八十歲)

黎 槐(冷水村人壽八十歲義方啓後)

何作霖(邑庠生壽八十三歲謙和爲鄉俗之望)

李振謨(羅密村人壽八十八歲性直好義)

黃定昌(壽八十五歲厚實待人義方啓後)

楊元耀(壽八十四歲和平樸直四世同堂)

覃作樾(思盧村人 恩賜九品嘉慶戊辰學使祁墳士旌以年邵品端壽八十七)

歲

何世珍〔都印村人壽八十四歲慈和好義〕

覃上照〔冷水村人壽八十四歲勤儉守分〕

王廣位〔燕塘村人壽八十二歲勤儉守分〕

王顯球〔燕塘村人壽八十六歲勤慈克啟後人〕

韋勝琳〔大塘村人壽八十二歲勤儉守分〕

謝世聚〔平羅村人壽八十二歲品行樸直〕

何尙梓〔白馬村人壽八十三歲持身不苟和洽鄉里〕

何汝沛〔白馬村人由歲貢選馬平訓導勤于課藝後致仕咏其九十自壽詩中有

云身閱四王稱盛世日觀三代慶餘年又杖銘云遠觀桃熟三千歲近看梅

開九十春果符其言以九十歲卒見貢選〕

石至鈞〔現年八十三歲品端行正〕

周 景〔現年八十一歲郡庠生勤儉治家〕

謝錫晃〔現年八十一歲守正不阿〕

覃作楫〔勤謹和平義方啓後思盧村人年八十二歲妻何氏年九十六歲〕

黃順宗〔黃塘村人現年八十一歲勤儉安分〕

何 燿〔九品頂戴現年八十六歲〕

何 求〔黎村人現年八十四歲性純厚〕

女壽

莫氏〔冷水村黎鳳岐繼室壽八十一歲〕

黎氏〔燕塘村王顯榮妻壽八十三歲〕

羅氏〔生員覃滂妻壽八十歲思盧村〕

黎氏〔生員覃作槐妻壽八十三歲思盧村〕

莫氏〔李昌宗妻壽九十二歲〕

莫氏（陳宗兆妻壽八十歲）

羅氏（梨文景妻壽八十五歲冷水村）

侯氏（楊維學妻壽八十八歲）

何氏（梁杲妻壽九十三歲）

徐氏（周景妻壽八十四歲）

祝氏（監生石至銓妻壽八十歲）

鄧氏（庠生石至剛妻壽八十歲）

覃氏（白馬村何煇妻壽八十五歲）

朱氏（白馬村附生何炳妻壽八十二歲）

胡氏（水口村李維蕃妻壽八十九歲）

何氏（水口村李榮妻壽九十七歲）

楊氏（平羅村鄧偉明妻壽九十二歲）

胡氏〔大埔村鄧祥雲妻壽九十七歲〕

李氏〔冷水村生員湯朝瑚妻壽九十二歲〕

周氏〔羅平村陳儒紹妻壽八十四歲〕

張氏〔燕塘村王廣勝妻壽八十二歲〕

陳氏〔黎槐繼室現年八十一歲冷水村〕

李氏〔周憲章母現年九十七歲五代同堂〕

唐氏〔石至鈞妻現年八十三歲〕

胡氏〔黎村何莊巒母壽八十四歲〕

李氏〔黎村何莊巒妻壽九十二歲〕

陳氏〔謝晃妻壽八十二歲〕

黃氏〔謝朝仁妻壽八十歲〕

潘氏〔都印村劉炯妻現年八十六歲〕

柯氏（獨洲村李都華妻壽八十六歲）

四十六都耆壽（女壽附）

鄧有行（都坡村人壽八十二歲妻石氏壽八十四子恒沈壽八十歲次子恒滄現年八十八歲三子恒沼壽八十四歲四子五子一孫俱年逾七十歲高年萃於一門洵盛事也）

鄧恒漢（都坡村人壽八十三歲不事文飾）

梁元滔（陳村人壽九十歲力田成家）

姚鐘英（莫村人壽八十八歲居家勤儉）

莫祖德（平樂村人壽八十六歲性厭繁華）

梁漢淋（塘源村人壽八十七歲鞠人息訟）

吳彥聰（平樂村人壽八十歲好談陰陽）

鄧恒灝（都坡村人現年八十七歲謙謹可敬）

吳樹鎬(雙村人現年八十歲忠直待人)

女壽

胡氏(陳坡村國學鄧有裘妻壽九十四歲)

謝氏(莫村姚待科妻壽九十七歲)

覃氏(陳村吳自明妻壽九十八歲)

黃氏(蔡村莫若珍妻壽八十六歲)

李氏(都坡村武生鄧有佐妻現年八十六歲)

何氏(都坡村鄧有裝妻現年八十歲)

蘇氏(都坡村監生鄧恒浩妻現年八十八歲)

董氏(平樂村唐成俊妻現年八十九歲)

霍氏(陳村吳聯紀妻現年八十九歲)

歐氏(莫村吳鍾英妻現年八十九歲)

吳氏〔陳村曾彥著妻現年八十三歲〕

何氏〔獨洲村李毓華妻現年八十六歲〕

四十八都耆壽〔女壽附〕

黃必馨〔武生太樓村人壽八十歲以孫源洙官贈朝議大夫〕

陳孔教〔生員壽八十一歲老猶好學〕

吳乾伯〔壽八十八歲和鄰睦族〕

吳廷尙〔壽八十七歲謹慎不苟〕

吳晉康〔壽八十六歲心氣和平〕

吳仕僖〔壽八十六歲愛談陰騭〕

吳廷佐〔壽八十六歲勸人息訟〕

吳仕昌〔壽八十四歲待人慈和〕

吳廷秀〔州同壽八十四歲富而不驕〕

吳廷光(壽八十三歲性情謙益)

吳 桑(武生壽八十一歲不驕不僭)

陳時顯(現年八十四歲和平可愛)

女壽

何氏(黃英妻壽一百七歲目擊五代)

陳氏(黃懋儒妻壽八十六歲)

盧氏(州同吳廷秀妻壽九十九歲)

卓氏(陳時英妻壽八十歲)

王氏(監生黃懋忠妻現年八十六歲五世同堂)

三江里耆壽(女壽附)

覃良臣(三江里人郡庠生壽九十七歲性喜詩書)

游君宰(大塘村人現年八十三歲老而持躬不懈)

朱崑（新福村人壽八十三歲子孫列成均庠序登武鄉薦者不一而足蓄德所

致）

朱棟（盤龍村人庠生現年八十六歲性情安和與物無忤）

女壽

鄧氏（蒙藤村石持振妻壽八十八歲五代同堂）

陳氏（蒙藤村石持甯妻壽八十二歲四代同堂）

譚氏（覃國成妻壽九十歲）

黃氏（監生覃國祐妻現年八十二歲）

羅氏（新福村朱名登妻壽八十五歲）

關氏（新福村郡庠生朱嶠妻壽八十三歲）

馬氏（覃嘉濬妻壽八十三歲）

鄧氏（新福村朱如杰妻壽八十五歲）

黃氏(監生覃良忠妻現年八十五歲)

唐氏(新福村朱嶸妻壽八十四歲)

石氏(新福村朱如熹妻壽八十五歲)

高氏(新福村庠生朱楹妻壽八十歲)

鄧氏(新福村貢生朱桐妻現年八十二歲)

何氏(黃 妻壽一百八歲)

三江下里耆壽(女壽附)

覃奕著(屯城人壽八十九歲性質直)

邱萬灝(蓮花嶺脚人壽八十歲古樸)

覃洪錫(歲貢屯城人壽八十歲惠能和睦鄉黨)

梁廷選(石橋村人壽八十六歲長厚可風)

何漢濱(荔枝村人壽八十六歲謙謹友愛)

羅譽江（監生木依村人現年八十歲性正直）

卓鳳鳴（荔枝村人壽八十六歲嚴正可風）

鍾應芳（石橋村人現年八十八歲謙恭待物）

張秀成（羅白塘人壽八十歲性勤厚）

覃 鎬（岸生屯城人現年八十歲善氣薰人）

王仕傳（上廂人壽八十八歲任郵可嘉）

王君灼（屯城上廂人現年八十三歲長厚可風）

趙天樞（下廂人壽八十六歲真誠待物）

歐朝奇（盤興村人壽八十七歲和平接物）

韋陳成（木依村人壽八十五歲性情忠厚）

蕭良偉（武倫人壽八十五歲秉性謙恭）

歐上配（下廂人壽八十二歲鄉黨推重）

謝顯祖(木依村人壽八十歲持躬謹飭)

羅譽瀚(木依村人壽八十七歲以善及人)

歐上達(屯城下廂人壽八十五歲性純厚)

女壽

何氏(屯城歲貢覃洪錫妻壽九十六歲)

戴氏(荔枝村卓通章妻壽八十一歲)

黃氏(河東柳元興妻壽八十九歲)

鄧氏(荔枝村何漢朝妻壽八十五歲)

王氏(武倫村韋定榮妻壽八十三歲)

邱氏(荔枝村韓裕經妻壽八十三歲)

張氏(武倫村江益宇妻壽八十四歲)

陳氏(屯城增生覃光裕妻壽八十六歲)

陳氏〔武倫村蕭連禎妻壽八十四歲〕

游氏〔嶺桶陸萬鍾妻壽八十七歲〕

李氏〔蓮花嶺脚邱萬灝妻壽八十三歲〕

李氏〔屯城下廂歐上達妻壽八十二歲〕

鄒氏〔座桶吳天受妻壽八十二歲〕

潘氏〔木依村陳有銓妻壽八十歲〕

何氏〔屯城覃光義妻壽九十三歲〕

周氏〔座峒吳顯邦妻壽八十九歲〕

劉氏〔盤興村歐朝奇妻壽八十四歲〕

董氏〔木依村羅譽瀚妻壽八十二歲〕

伍氏〔木依村監生羅譽江妻現年八十四歲〕

廖氏〔木依村韋陳成妻現年八十八歲〕

許氏〔木依村陳景泰妻現年八十一歲〕

陳氏〔荔枝村王恒仁妻現年八十一歲〕

鄧氏〔嶺頭村許彩顯妻現年八十歲〕

鄭氏〔屯城下廂曾子榮妻現年八十歲〕

游氏〔屯城上廂劉漢清妻現年八十四歲〕

王氏〔屯城庠生覃光德妻現年八十歲〕

吳氏〔屯城覃光憲妻現年八十歲〕

大任里耆壽〔女壽附〕

何瑞璽〔好善樂施壽八十八歲〕

章善畧〔壽九十七歲五世同堂積善餘慶〕

莫路〔壽八十三歲四世同堂碩德羣推〕

莫文〔庠生壽八十五歲壯而癩堅〕

龍魁元〔九品頂戴知縣夏維衡以年高行篤旌其門現年八十六歲〕

莫勝榮〔學使祁墳以樂比啓期旌其門現年八十歲〕

潘仲伶〔八品頂戴祁學使以熙朝黃耆旌其門現年九十歲〕

女壽

潘氏〔趙宗瑞妻現年八十五歲四世同堂〕

何氏〔監生許汝濟妻壽八十三歲四世同堂〕

潘氏〔何瑞璽妻壽八十歲〕

李氏〔莫量英妻現年八十歲〕

隨化里耆壽〔女壽附〕

徐 昊〔隨化上里人現年八十五歲守分樂業〕

栗天贊〔隨化里人現年九十歲老猶好善〕

高若雲〔蒼梧籍庠生現年八十一歲教子有方〕

鄧上信(現年八十歲妻祝氏現年八十歲德福兼優)

羅英才(現年八十一歲精神矍鑠)

黃登選(樂善好施壽九十一歲)

藍映燦(詩書教子壽八十二歲)

徐作伊(壽八十八歲學使祁墳以儀型閭閻旌其門)

黃色焜(八品頂戴壽八十八歲知縣夏維衡以杖國耆英旌其門)

莫能禦(望重鄉閭壽八十三歲)

女歲

鍾氏(劉有梅妻壽八十一歲)

譚氏(劉祈躬妻壽八十五歲)

李氏(附貢黃紹繼室壽八十四歲)

徐氏(梁奇高繼室壽九十三歲)

藍氏（粟國榮妻現年八十六歲）

陳氏（監生石宏陶妻現年九十三歲）

張氏（梁雲高妻現年八十三歲）

徐氏（藍昂妻現年八十二歲）

梁氏（庠生高若露妻現年九十三歲）

隨化里下里耆壽（女壽附）

李定正（古灣村人附監生壽八十二歲妻陳氏壽八十五歲恭儉持躬）

陳顯達（歐村人賦性質直乾隆十八年膺鄉飲大賓壽八十二歲）

覃錫俊（古麗村監生覃誥之祖現年八十九歲妻梁氏壽八十二歲知縣陳廷璠

以鴻案齊眉額其門）

女壽

徐氏（李定寅妻隨化里古灣村人壽八十三歲）

秦氏(徐倓妻隨化下里古灣村人壽八十六歲)

王氏(古麗村劉李坤妻工詩教子以義方子孫俱登庠序壽八十五歲)

大黎里耆壽(女壽附)

陸朝燕(大黎垌人壽八十七歲長厚可風)

江象賢(大黎垌人監生壽八十七歲持躬謹慎)

江毓章(大黎垌人從九品壽九十歲目擊五代)

江丹超(大黎垌人壽八十七歲夫妻並壽)

郭衛生(大黎垌人壽八十三歲性樸誠)

女壽

陸氏(大黎垌江裕燦妻壽八十七歲)

區氏(大黎垌 妻現年八十三歲)

廖氏(江丹超妻壽九十一歲)

黃氏（大黎垌郭衛生妻壽八十八歲）

劉氏（大黎垌江鰲亭母現年八十一歲）

鄺氏（妻現年九十七歲五世一堂）

黃氏（二十五都大述村鍾振英妻現年八十三歲）

朱氏（二十五都徐順嘗妻壽九十三歲）

耆壽傳

韋勳（三江里武倫村鄉飲樂善好施捐資廣修橋梁道路壽登八十 恩賜八

品知縣劉序拔陳廷璠各以尊讓節敬懷仁抱義旌其門）

鄧有襄（庠生羅龍里都波村人承先志以惠後昆置義田以周族黨壽膺八十士

林推重）

補探耆壽

何能品（四十三都大良村人現年八十四歲 恩錫九品）

黃殿榕(二十九都佾生壽八十九歲妻覃氏現年八十三歲)

徐詔(二十五都老鴉村人康熙間爲五里總練智勇過人捕盜有功鄉里德之

壽九十二歲知縣陳獻德潘明祚王學齡張廷樞各以望重鄉評能挽流俗

一鄉之望才堪保障旌其門)

何大恩(一都瓦窰人舉鄉飲壽八十八歲四代同堂)

何滿潮(一都瓦窰人天恩子壽八十四歲持重老成 恩錫八品)

何演(滿潮子壽八十三歲嚴正不阿四代同堂)

陳綱(孝義鄉蓮子埔人忠厚勤儉壽九十五歲五代同堂)

秦奇(一都瓦窰人壽八十二歲秉性雄偉五代同堂)

吳殿珍(三十六都黃鑿村人壽八十八歲長子相邦現年八十七次子相國現年

八十二長媳黃氏現年八十五次媳李氏現年八十一一門高年鄉閭以爲

難得一

何海仁（七都人壽八十九歲齒德堪欽）

伍仕陞（二十五都汶垌村人壽九十五歲耄期不倦）

蔣國賢（三十一都古淡村人壽八十七歲性質樸）

蔣獻經（三十一都古淡村人壽九十一歲 恩錫九品）

蔣上華（三十一都古淡村人壽八十七歲老成持重）

覃廷遇（三江里石橋村人性樸誠現年八十一歲）

陳 鍾（大任里高撥村人壽八十二歲忠厚傳家）

陳 鉞（大任里高撥村人壽八十歲老成典型妻韋氏壽八十一歲）

祝朝蕃（三十八都人國學壽八十一歲有智畧）

胡亮璧（三十八都林村人壽八十二歲長厚可風）

黃潤柱（楊峒里東莞村人現年八十二歲學使祁墳以望重閭閻旌其門）

補採女壽

楊氏(三十九都喻能純妻現年九十三歲)

李氏(一都瓦窰村陳釗妻壽八十七歲四代同堂)

梁氏(一都瓦窰林何演妻壽八十二歲四代同堂)

霍氏(三十二都古道村佾生覃漢春妻現年八十歲)

李氏(四十六都羅龍里陳業成妻廩生陳謨之母也年三十三而夫故氏敬事翁

姑並無懈怠教子成名闡範足式現年八十歲朱學使以籌衍貞範旌其門)

黎氏(九都赤水李燦朝妻現年八十歲朱學使以彤管揚輝旌其門)

何氏(四十三都國學岳相妻中年守節克勤克儉子洞然名列膠庠壽八十五歲)

何氏(雙底村朱楫妻壽八十歲)

鍾氏(西隅廟國學霍之舉妻壽八十三歲)

宋氏(二十五都汶垌村五雲傅妻壽八十四歲)

蘇氏(西隅廟庠生霍宏峻妻壽八十歲)

吳氏（三十九都羅友璧妻壽八十八歲）

黎氏（三十四都夏垌村貢生張潤母壽八十二歲）

黃氏（三十四都夏垌村貢生張潤妻現年八十一歲）

吳氏（三十九都大塘村喻聖化妻壽九十一歲）

謝氏（三十四都張琛妻壽八十四歲）

藤縣志卷之十八

人物志

在城耆壽

關 培(年八十五歲)

蘇文珏(年八十二歲性謹樸善書畫夫妻同年並壽布理問)

蘇世睿(年八十六歲監生恬淡和雅)

蘇厚埴(年八十五歲行端望重)

蘇堅璧(年八十四歲郡庠夫妻並壽)

蘇堅琮(年八十二歲監生)

胡世揚(年八十一歲歲貢端正善書)

霍士坪(年八十二歲廩貢署馬平訓導謹樸持重)

霍士峻(年八十五歲附生)

霍 埴(年八十五歲鄉飲大賓)

霍鉉鏗(年八十二歲附生)

霍鉉達(年八十四歲附生)

霍鉉洋(年八十七歲附生端謹教學至老不倦)

孫立德(年八十六歲)

霍鉉鏢(監生年八十一歲)

李朝智(年九十一歲妻柳氏年八十歲姪維昌八十歲)

胡式望(年八十三歲)

都耆壽

秦 楚(年八十三歲監生温厚和平瓦窰村人)

文宏業(年八十四歲監生端正質和大橋人)

文宏榜(年八十五歲安分守樸宏業胞弟從九銜恩賜登仕郎道光二十六年

周學憲獎褒

文宏矩〔年八十五歲厚重強健宏榜胞弟〕

秦奉熹〔年八十七歲勤正訓蒙瓦窰村人〕

劉儒漢〔年一百零一歲佛子領人〕

文宏燦〔年八十歲從九銜〕

文廷瑞〔年八十四歲佾生妻康氏年九十六歲大橋村人〕

文英紀〔年八十六歲恩授登仕佐郎妻李氏年八十四歲乾隆二十一年請旌瓦窰

人〕

文遠〔年八十四歲恩授登仕佐郎繼室劉氏年九十六歲孫榮五代道光十年

請旌一都瓦窰人遷居九都待村〕

文運〔年七十八歲繼室李氏年八十一歲瓦窰人遷居白沙村〕

文治邦〔恩授修職佐郎遠子乾隆丁亥年七月初四日生至道光二十六年八十

歲蒙邑侯劉繼祖請旌蒙給恩照一道准給人品頂戴現年一百零二歲妻劉氏現年九十四歲夫妻俱存瓦窰人遷居九都待村勸善不倦子孫百口長孫創基廩生文平邦〔恩授登仕佐郎乾隆甲午年閏十二月生至道光二十六年經劉邑侯請獎曾給發恩照一道生于瓦窰遷居九都待村壽八十六歲治邦弟〕

鄭有球〔年八十一歲柳山人〕

三都耆壽

胡懿焜〔年八十三歲恩授登仕郎生平樂善好施舉人即選知州毓璠曾祖大猷村人〕

胡朝堂〔年八十四歲恩授修職郎生平樂善敬惜字紙毓璠祖父〕

徐植緒〔年九十二歲監生妻蘇氏夫妻皆遺腹所生舉案齊眉樸實醇正大龍村人〕

徐高昭〔年八十七歲守本分務農〕

周海〔年八十二歲增生性耿介善堪與岳埔村人〕

胡德澤〔年八十四歲恩授登仕郎樸正和平大猷村人〕

黃裕和〔年九十歲忠厚善良大龍村人〕

陳正矩〔年八十八歲附生樂善急公好施子孫昌熾神咀村人〕

梁健瑚〔年八十七歲務農爲業雖老不衰沐浴村人〕

林廣立〔年八十六歲務本力農精神如壯河塘村人〕

陳則傲〔年八十二歲性和平精星卜吉嶺村人〕

徐其憲〔年八十歲監生爲人嚴正剛直大龍村人〕

陳成儒〔年八十二歲樸實勤慎富屋垵人〕

徐煬源〔年八十六歲守分務農大龍村人〕

七都耆壽

黃務選〔年八十六歲東永村人〕

八都耆壽

莫爾全〔年八十五歲樸實善醫開來村人〕

黎畏天〔年八十歲義良村人〕

九都耆壽

何聚淮〔年八十歲大地村人〕

蒙嘉毅〔年八十歲佾生待村人〕

蒙嘉彥〔年八十三歲欽賜副貢續配李氏年八十四歲待村人〕

石相臣〔年八十二歲孔良村人〕

李紹禮〔年八十一歲審塘村人〕

李暢思〔年八十四歲任田塘人〕

石汝興〔年八十歲孔良村人〕

石萃懷〔年八十三歲孔良村人〕

龍達祥〔年八十四歲監生茅恬村人〕

十五都耆壽

陸煥成〔年八十四歲平頂寨人〕

梁秀文〔年八十六歲檢拾字紙焚埋高嶺至老不輟田寮角人〕

二十二都耆壽

黎德暉〔年八十五歲見官職臘坳人〕

黎德皓〔年八十一歲監生好惡不苟臘坳人〕

十五都耆壽

徐奮曜〔年八十歲六品軍功路宋村人〕

胡永彰〔年八十四歲樸實謹厚平尋村人〕

二十八都耆壽

林 崑〔年八十四歲軍功六品武生子補用千總拔凡五代同堂橫崗村人〕

林立村〔年八十六歲五代同堂〕

陳士湛〔年八十歲〕

三十一都耆壽

王建昌〔年八十五歲監生羅紋村人〕

王浩昌〔年八十五歲監生〕

王登昌〔年八十八歲監生王家宰祖父〕

王澤昌〔年八十二歲監生〕

王偉昌〔年八十歲監生〕

王惠昌〔年八十五歲羅紋村人〕

王汝瑾〔年八十歲見選舉大垌尾村人〕

馬德祐〔年八十四歲河柳村人〕

馬兆珩〔年八十六歲河柳村人〕

何溥光〔年八十二歲河柳村人〕

劉匡才〔年八十八歲國學生夫婦齊眉羅紋洲人〕

鄺正通〔年八十二歲羅紋洲人〕

鄺正達〔年八十二歲正通弟〕

陳祖武〔年八十四歲羅紋洲人〕

甘其卓〔年八十四歲羅紋洲人〕

三十二都耆壽

盧壯嚴〔年八十八歲精神康健猶以讀書自娛邑庠生嘉昭子〕

黃元連〔年八十八歲道光元年恩給八品修職郎邑侯黃開雲以香山德望旌其

門腰古村人〕

黃象緒〔年八十歲按察司照磨銜元連子腰古村人〕

黃象著〔年八十四歲邑庠生腰古村人〕

李拔序〔年八十四歲腰古村人〕

黃正立〔年八十一歲新榮村人〕

黃學遠〔年八十一歲石基坡人〕

陳政雲〔年八十六歲石基坡人〕

陳政雨〔年八十歲政雲弟夫妻並壽〕

謝立註〔年八十三歲新榮村人〕

李超梧〔年八十四歲平塘村人〕

邱奇相〔年八十六歲河兒口人〕

黃仁甫〔年八十一歲象著祖父〕

三十四都上里耆壽

張 溯〔年八十三歲黃邑侯開雲稟請賜登仕郎郡增生業盈父〕

黃成齋〔年九十六歲〕

李樹華〔年八十一歲監生〕

李樹英〔年八十四歲周學院旌表熾昌繁衍〕

李邦璉〔年八十五歲〕

陳五典〔年八十三歲〕

盧德昭〔年九十二歲丁學憲旌表監生成豐七年十一月初旬大坡自良賊攻入

營寨斬斃入梧州昭忠祠〕

盧 偉〔年八十九歲丁學憲旌表〕

三十四下里耆壽

李中行〔年八十一歲係李贊詩之父良佐之祖鴨塘人〕

徐立正〔年九十一歲生於乾隆丁丑夫妻並壽並終道光丁未生四子長子英齡

年七十三歲次子郡庠生夢齡年六十六道光丙午年恭逢

皇太后萬壽 年九十歲者 恩賜七品職縣主劉繼祖稟詳〕

楊守博〔現年八十五歲生於乾隆癸卯年住外坳〕

楊靜博〔現年八十五歲生於乾隆癸卯年住外坳〕

李長春〔現年八十三歲生於乾隆乙巳年住外坳〕

三十六都耆壽

黃京熹〔年八十八歲思便村人〕

黃居均〔年八十二歲邑庠生夫妻並壽思便村人〕

黃京瑚〔年九十六歲思便村人〕

黃居智〔年八十五歲思便村人〕

李遇觀〔現年八十一歲黃鑿村人〕

潘思敬〔年九十歲廣村人〕

黃奕臣〔年八十四歲黎山村人〕

歐仕和〔年八十五歲思便村人〕

梁美臣(年八十三歲守貧食力黃鑿村人)

三十八都耆壽

馬廣智(年九十歲拔貢廷珂祖忠厚傳家)

馬拔凡(年八十二歲拔貢廷珂父樂行善事)

馬良鞏(年九十歲)

馬良瑜(年八十七歲)

馬超文(年八十三歲)

馬超揚(年八十歲)

馬廷瓚(年八十歲)

龍芳(年八十二歲邑庠夫妻齊眉古達村人)

龍位臣(年八十一歲夫妻並壽)

劉子厚(年八十歲)

黃子炳〔年八十一歲〕

黃志華〔年八十二歲古達村人〕

李似楠〔現年八十一歲籐竹頭村人〕

李懋配〔年八十五歲學使李承霖以瓊液駐顏旌其門浪灘村人〕

梁會朝〔年八十二歲秧地村人〕

李 億〔年八十九歲由村人〕

李健琚〔年八十五歲由村人〕

四十一都耆壽

吳斯蕃〔年八十九歲正直和平精擇日白沙村人〕

彭永立〔年八十一歲蛇嶺頭人〕

張 治〔年八十九歲窮達有爲見鄉舉官職白沙村人〕

四十都東皇里耆壽

吳 橋(年八十二歲貢生德性純厚和睦鄉里東養坪人)

補探者壽

蘇 謙(號夏舉羽儀子赤水人考取蒼梧庠生壽八十有一子民俊庠生壽考)

門書香不絕

甘濟中(生於乾隆壬申年恩賜修職郎壽九十歲)

蘇始昭(生於乾隆壬戌壽八十八歲)

蘇克受(生於乾隆庚子年爲人忠厚足不至公門現年八十七歲)

周興賢(城內人壽八十二歲)

李 沼(號午齋庠生生于乾隆甲戌年爲人正直遵朱子家訓自處儉樸喪不設

齋神佛不入祀典者不拜坐臥之處書有格言手不釋卷六經子史無所不

覽家中書籍多於坊間從學者難以數計門生成名百數有餘壽八十歲)

鍾毓芳(下八都金板坦人壽八十五歲)

陳會堯〔修職郎上三十二都人並妻徐氏五代同堂夫妻並壽年九十七歲白髮〕

齊眉生平樂善好施至老不倦〕

韋應發〔四十三都思慮村人壽八十歲〕

韋達德〔四十三都羅平村人壽八十八歲道光二十五年學憲李承霖給里敦加〕

〔豆匾額〕

胡亮淵〔四十三都羅平村人壽八十五歲〕

韋天漢〔四十三都羅平村人壽八十一歲〕

韋接元〔四十三都陶村人現年八十九歲耳目聰明〕

何求〔四十三都梨村人壽九十一歲嘉慶十一年祁宗師給積厚流光匾額〕

何渾然〔壽八十一歲監生妻梁氏壽九十四歲二都古佩村人〕

何洞然〔壽八十一歲生員二都古佩村人〕

覃作楚〔壽八十五歲生員四十三都思慮村人〕

覃作極〔壽八十六歲恩授登仕郎四十三都思廬村人〕

覃達夫〔妻朱氏夫妻同壽八十五歲四十三都思廬村人〕

覃寅夫〔現年八十歲四十三都思廬村人精醫〕

覃作楫〔壽八十六歲四十三都思廬村人〕

覃懋模〔壽八十一歲四十三都思廬村人〕

黃理才〔壽八十七歲保正三十都人〕

黃色中〔壽八十五歲三十六都思便村人〕

黃贊中〔壽八十二歲〕

黃京瑚〔壽九十六歲〕

黃時中〔壽八十六歲〕

歐現龍〔壽九十四歲見五世〕

黃京熹〔壽八十八歲子居均邑庠生壽八十二歲〕

歐士和〔現年八十八歲〕以上七人俱三十六都思便村人

楊耀光〔壽九十八歲八塘村人〕

歐士瑜〔壽八十七歲見五世古總村人〕

姚建禎〔壽九十歲銅頭村人〕

吳易通〔壽九十一歲〕

吳宗昌〔壽九十二歲〕

梁蒞觀〔壽八十八歲〕

李遇觀〔現年八十一歲正直行世〕

以上四人俱三十六都黃鑿村人

潘思恭〔係兄弟同胞壽九十二歲〕
敬〔壽九十一歲度村人〕

潘達登〔壽八十五歲其子海淳壽八十六歲孫思煥壽八十一歲三代八旬以上〕

李延凡〔壽八十四歲見五世〕

李炳常(壽八十八歲)

李文是(凌雲父年八十七歲忠厚和平與人無競溫縣主撰文祝壽)

何旭瑞(二都古佩村人仕秀長子舊誥梁氏節孝所生縣主黃給予登仕郎匾額

壽八十二歲子定洲定淮壽八旬人稱壽星門云)

何雲路(古佩村人旭珖仲子妻莫氏生二子在諒在茂縣主張給予登仕郎匾額

壽八十歲妻莫氏現年八十八歲康強無恙)

萬德立(二都大羅村人壽八十一歲妻吳氏壽八十四歲)

潘翰元(二都嶺背村人壽八十六歲)

劉遠淮(年八十五歲公正不阿充爲約正排難解紛鄉內賴以少訟 恩賜登仕

郎)

林德柱(保初父年八十七歲重義不吝每多推解輒以業勉人 恩賜登仕郎)

梁 杲(邑武舉起高父年八十四歲廉靜寡慾堪以鎮俗妻何氏年九十三歲見

舊志四十三都人

蕭源暉（秀文父年八十九歲子孫滿堂）

梁寬懷（年八十二歲老成醇厚鄉里欽敬）

何珠琇（字晉璧白馬村人附貢生生平樂善好施妻黎氏並壽八十八歲四十三都人）

唐守仁（思禮洲人年八十歲字安齋號樂山贈儒林郎性純和正直排難解紛精堪輿擇日人咸欽重之係布經歷唐就元祖父）

唐守繩（思禮洲人年八十五歲勤儉治家係主簿唐就達祖父四代同堂）

唐守智（思禮洲人年八十六歲精堪輿）

唐守義（思禮洲人年八十四歲四代同堂）

黃錫瓌（思禮洲人年九十三歲勤儉治家和平忠厚主簿黃啓宏祖父）

何圖（字擴素號松岡梨村人年七十八歲父一濟母李氏弟慕及求父早故歸

性孝友學問淵粹因慕放蕩析居屢贖給之求掌家務能以天倫化導之教授生徒受業者數百人倉猝間亦矩步方行人敬畏焉處世無疾言惡聲人有不肖事惟恐松岡之聞之也乾隆十二年入庠十五年超增三十六年補廩五十七年出貢不願祿仕母壽九十餘間寢視膳數十年如一日也母終葬祭以禮終於嘉慶八年四十三都人)

胡 壯(字豪光都目村人爲人謹厚處世和平孝行公正待人以禮壽八十餘歲

程裔麟(年八十三歲海文父武生在靈在霄曾祖父三都新洲頭人)

程海文(年八十歲利道父武生在靈在霄祖父三都新洲頭人)

李惠偉(年八十三歲正遊父三都燒灰埧人)

李永焯(七都人現年八十歲公平正直耕田爲業)

張承機(七都人現年八十二歲爲人公平務農守分)

李天源(七都人現年七十八歲正直無私兼通藝術耕讀爲業)

黃錫瑰（思禮洲人壽八十一歲忠厚和平八品軍功黃受朝之父）

林昌榮（壽八十七歲）

林日進（壽八十一歲 恩賜修職郎）

林俊榮（現年八十一歲 恩賜修職郎）

林日智（壽八十四歲）

林日秀（壽八十六歲）

林日輝（現年八十一歲）

羅延瓊（壽八十二歲）

羅延琪（壽八十六歲）

羅延璇（壽八十一歲）

羅永業（壽八十三歲五代同堂）

羅會仁（壽八十三歲）

羅德庸(現年八十一歲)

黃恩傳(壽八十二歲)

黃上遙(壽八十歲)

黃連拔(壽八十六歲)

黃連振(現年八十二歲四代同堂 恩賜修職郎)

黃瑞現(現年八十歲 恩賜修職郎)

梁敬坤(壽八十四歲)

梁業生(壽八十三歲)

梁樹進(壽八十三歲)

梁廣漢(壽八十二歲)

梁廣海(壽八十五歲)

梁燕相(壽九十歲)

梁聖嘆（壽八十八歲）

李都成（現年八十歲血氣未衰同堂四代）

李業成（現年八十七歲 恩賜修職郎）

李運程（壽八十四歲）

李運青（壽八十六歲）

林秀青（壽九十四歲登仕郎妻李氏壽八十二歲）

林宗輝（壽八十四歲 恩賜登仕郎）

林鳳樹（壽八十八歲 恩賜登仕郎）

李樹發（現年八十三歲）

林正璠（現年八十四歲）

李炳地（壽八十六歲布政使司孔賜額年高德劭四字妻徐氏壽八十七歲）

羅建業（現年八十歲血氣未衰同堂四代）

林遠安〔壽八十四歲妻何氏壽八十六歲〕

李振達〔壽八十五歲〕

李廷華〔壽八十三歲〕

黃恩傑〔妻鄧氏同壽八十五歲 李學臺旌其額曰雙松累葉次子亨中府庠三

子凌裘縣庠四子凌霞監生長孫煥瑜州同三孫煥璠九品四孫煥衢廩貢

六品銜試用教諭〕

以上三十九都人

卓鳳耀〔荔支垌人壽八十八歲友恭篤慶五世一堂以姪佃貴 馳贈奉直大夫〕

韋 勳〔務倫村鄉飲介賓壽八十二歲善行已載舊志妻陳氏壽八十二歲〕

韋業纘〔務倫村人壽八十二歲〕

吳顯然〔西瓜嶺人壽一百零四歲〕

鄧端球〔嶺頭村人現年八十九歲〕

邱 漢〔螺山村人現年八十五歲〕

吳 定〔西瓜嶺人壽九十九歲顯然之子〕

江昌遠〔竹園村人壽八十三歲〕

甯奉天〔嶺頭村人壽八十三歲〕

陸世燧〔嶺埔村人現年八十二歲〕

唐奕良〔羅龍里人壽八十歲精醫術主簿唐如珍之祖父也〕

唐奕模〔羅龍里人現年八十三歲和平公正〕

唐奕書〔羅龍里人現年八十一歲〕

唐耀芳〔羅龍里人現年八十五歲鮑學臺准給衣頂監生唐啓成之祖父也〕

在城女壽

霍秦氏〔現年九十歲鎡冠妻慈惠康健生員錦海知縣康海母〕

蘇孫氏〔現年八十九歲應榮妻溫柔康健子百章府廩生百朋軍功監生孫鍾英

府廩生曾孫濟才

蘇鄧氏〔現年八十五歲廣祚妻良玉母瑞麟祖母象樞道凝象台曾祖母〕

蘇馬氏〔年八十四歲秉正妻〕

蘇陳氏〔年八十四歲郡庠堅壁妻夫婦齊眉〕

蘇關氏〔年八十八歲布理問文珏妻夫妻並壽〕

蘇喻氏〔年八十七歲星煥妻〕

蘇文氏〔年八十二歲堅珍妻〕

蘇秦氏〔年八十一歲明焯妻〕

蘇王氏〔年八十歲霆焯妻〕

孫雷氏〔年八十六歲立德妻夫婦齊眉〕

霍吳氏〔年八十二歲宏鏗妻〕

蘇王氏〔年八十八歲秉星妻〕

蘇李氏〔年八十三歲華賢妻〕

蕭陳氏〔年九十八歲嗣原妻〕

蕭甘氏〔年八十七歲世榮妻〕

蕭歐陽氏〔年八十二歲朝贊妻〕

一都女壽

蒙李氏〔年八十六歲恩賜副貢嘉毅妻待村人〕

文康氏〔年九十六歲佾生廷瑞妻瓦窰村人〕

文李氏〔年八十四歲英紀妻瓦窰村人〕

文劉氏〔年九十六歲文遠妻目見五代遷待村人〕

文李氏〔年八十一歲文運妻遷白沙村人〕

文劉氏〔年九十四歲夫治邦現年一百零二歲齊眉並壽遷待村人〕

二都女壽

梁黎氏(年八十五歲勤順和健武舉起高妻富安村人)

三都女壽

吳蘇氏(年一百零四歲寒素康順吳智妻三都富露村人)

徐蘇氏(年八十四歲武生徐煬妻大龍村人)

徐蘇氏(年九十二歲監生桓緒妻孝順慈祥夫婦齊眉大龍村人)

胡徐氏(年八十歲慈祥和順監生幾智妻)

陳周氏(年八十三歲)

徐龍氏(年九十歲烜源妻)

徐蒙氏(年九十一歲之麟妻)

徐蘇氏(年八十二歲冕妻)

八都女壽

胡莫氏(年八十八歲柔順勤樸知縣爾英孀人瓊埔人)

九都女壽

祝曾氏〔年八十二歲振烈妻待村人〕

梁陳氏〔年九十八歲周漢之母待村人〕

石陳氏〔年九十六歲貢生石學之妻孔良村人〕

李梁氏〔年八十三歲秀琦之妻孔良村人〕

李陳氏〔年八十四歲淮昌之母孔良村人〕

二十二都女壽

梨陳氏〔年八十三歲慈和柔順監生德皓妻臘垌人〕

梨吳氏〔年八十二歲孝順慈惠縣丞德暉妻 勅封孺人臘垌人〕

三十一都女壽

胡黃氏〔年八十八歲康健和順目見五代永熙妻平尋人〕

馬孫氏〔年一百零二歲沛湖妻五代同堂河柳村人〕

王陳氏(年八十八歲天柱妻登昌母家宰曾祖母羅紋村人)

王鍾氏(年八十五歲澤昌妻羅紋村人)

王朱氏(年九十一歲王俊昌妻王汝瑾之母目見五代大垌尾村人)

王劉氏(年八十歲奕昌妻羅紋村人)

王馮氏(年八十三歲偉昌妻羅紋村人)

楊蒙氏(年八十六歲武舉楊熾堅妻慈和康健竇家寨人)

楊宋氏(年八十一歲庠生楊上朝之母楊士壯之妻河柳村人)

馬潘氏(年八十二歲德經妻河柳村人)

馬梁氏(年九十五歲德坤妻河柳村人)

馬李氏(年八十二歲耀珥妻河柳村人)

劉王氏(年八十八歲監生劉匡才妻夫婦齊眉羅紋洲人)

陳王氏(年八十六歲監生朝勳母桂心村人)

陳梁氏〔年八十七歲祖武妻夫妻並壽〕

孫馬氏〔年八十三歲上贊母河柳村人〕

楊陳氏〔年九十七歲庠生時中妻豆家寨人〕

馬孫氏〔年八十二歲德堂妻河柳村人〕

蘇陳氏〔年八十八歲健榮妻〕

蘇廬氏〔年八十二歲萌春妻〕

馬姚氏〔年九十二歲沛璵妻河柳村人〕

三十二都女壽

陳周氏〔年九十二歲政雲母〕

李吳氏〔年九十歲超梧妻〕

朱胡氏〔年八十三歲邑庠生朱溶妻〕

陳林氏〔年八十一歲政雨妻夫妻並壽〕

邱霍氏〔年八十歲〕

三十四都女壽

吳祝氏〔年九十一歲宏序妻〕

陳梁氏〔年九十九歲良陞妻五典母〕

陳廬氏〔年九十八歲良齋妻〕

陳龍氏〔年八十五歲良隆妻〕

張霍氏〔年一百零六歲貢生業豐祖母祁學憲旌表畫荻延休〕

張王氏〔年八十四歲貢生業豐母〕

張李氏〔年九十二歲附貢生潤妻李學憲旌表老福世昌〕

張梁氏〔年八十三歲舉人炳璘祖母淳妻業謨母白沙村人黃邑侯開雲撰壽文

舊治係四十一都

張朱氏〔年八十五歲監生業謨妻〕

張黃氏〔年八十三歲增生業訓妻〕

三十四都下里女壽

李黎氏〔年九十六歲似彩妻生五子長男中大壽八十五歲二男中長壽八十三

歲〕

李黃氏〔年九十八歲似楡妻生三子次孫全球壽八十一歲〕

李梁氏〔現年八十四歲中有妻生於乾隆甲辰年五月〕

李何氏〔年八十一歲贊詩妻良佐母鴨塘人〕

魏鄒氏〔年八十六歲立龍母道光二十五年李學院賜匾〕

溫黃氏〔年九十九歲生於雍正五年住雞潭村〕

三十六都女壽

潘歐氏〔年八十一歲源林妻度村人〕

黃李氏〔年八十七歲邑庠居均妻夫妻並壽思便村人〕

黃余氏〔年八十三歲邑庠居正妻思便村人〕

黃覃氏〔年八十二歲京琰妻思便村人〕

三十八都女壽

龍馬氏〔年八十二歲邑庠龍芳妻古達村人〕

龍黎氏〔年八十一歲位臣妻夫妻並壽古達村人〕

黃龍氏〔年八十五歲子衛妻古達村人〕

劉梁氏〔年八十二歲子良妻古達村人〕

黃梁氏〔年八十二歲殿純妻思黃村人〕

馬梁氏〔年九十六歲良有妻青草村人〕

馬梁氏〔年九十三歲廣璞妻新車塘人〕

馬龍氏〔年八十一歲良玳妻舉人延典母贈安人祁學憲爲撰壽文〕

馬梁氏〔年八十六歲邑庠延班妻新車塘人〕

龍覃氏〔年八十八歲邑庠拔靈母現朝妻古達村人〕

四十八都東皇里女壽

吳黃氏〔年八十一歲千總日高妻東養村人〕

五十六都楊峒上里女壽

吳胡氏〔年八十二歲監生浩琛妻孔村人〕

吳鄧氏〔年九十一歲茂聚妻下馬村人〕

補探女壽

蘇羅氏〔蘇羽儀之媳蘇儒卓之妻壽八十三歲〕

李嚴氏〔監生李世露之妻生於乾隆甲辰壽八十歲〕

李萬氏〔李德成之妾生於乾隆乙未壽八十二歲〕

李莫氏〔李德智之妻生於乾隆丁亥壽八十歲〕

蘇陳氏〔蘇慰民妻生於乾隆甲午壽八十八歲〕

石鍾氏(監生石璽之妻生於乾隆甲辰壽八十五歲)

周梁氏(隨化里瀚麓村人監生周傑妻現年八十一歲係署全州訓導石殿元之

岳母樂善好施至老不倦)

韋龍氏(韋相遇之妻壽一百零五歲四十三都思廬村人)

韋羅氏(韋相達之妻壽八十五歲四十三都思廬村人)

胡陳氏(胡永貞之妻壽九十三歲四十三都羅平人)

韋唐氏(韋有鰲之妻壽八十一歲四十三都羅平人)

覃韋氏(天詔妻壽八十四歲四十三都思廬村人)

覃黃氏(世瑞妻現年八十八歲三十都人)

覃陳氏(祥夫副室現年八十八歲三十都人)

石曾氏(監生廷佩妻壽八十歲二十都人)

何黃氏(古涪村人旭珖妻梁氏節孝之仲媳子雲超增生庶出二子雲路登仕郎

雲翔郡庠孫六郡廩生嚴恭卽其第五孫也壽八十一歲其庶光氏八十歲里人送有雙壽屏

光莫氏（古涪村人彩亮妻壽九十歲）

萬周氏（二都大羅村人方黠妻壽八十三歲）

林梁氏（武生瑞邦祖母年九十八歲五代同堂）

胡莫氏（武生胡釗母年八十七歲子孫滿堂多列膠庠）

唐黃氏（思禮洲人年八十七歲唐守鳳妻）

唐李氏（思禮洲人年八十三歲布經歷唐就元繼祖母）

唐李氏（思禮洲人年八十一歲軍功六品唐裕豪母）

文梁氏（思崖村人年七十二歲生一子中年守節孫學院賜報竹孫蕃匾額係監

生文廣模生母）

岳廬氏（白塘村人年八十四歲邑庠岳健植妻）

周劉氏(丹村人仕績妻監生業昌母年九十歲和順慈惠七都人)

周喻氏(丹村人澗妻武生善安叔母年八十歲柔順和平七都人)

莫李氏(現年九十二歲七都大村人勤順康健異光妻生四子孫十二人曾孫貳

十人玄孫三人五代同堂)

胡馮氏(年九十八歲三都汶底村人和順慈柔)

程梁氏(年八十三歲裔輿妻三都新洲頭人)

莫廬氏(庠生希珂母現年八十二歲三十九都人)

莫陳氏(如階妻壽九十七歲三十九都人)

覃梁氏(新村人壽八十四歲六品軍功覃闡光母府知事覃舒芬祖母)

唐何氏(三十七都瑤洞村人係道光辛卯舉人唐良模之妻署富川訓導唐履巖

之母郡庠紹武祖母壽八十歲莊敬慈惠善行可式)

唐祝氏(思禮洲人壽八十歲軍功六品唐裕迪之母)

唐梁氏（思禮洲人壽九十歲八品頂戴唐就旺祖母）
李黃氏（黃鑿村人壽八十四歲心性慈和李高廂妻）
黃覃氏（思禮洲人素性慈和壽八十一歲黃普書妻）
林梁氏（萬勝妻李宗師賜額老福堪嘉壽九十一歲）
林李氏（傑榮妻現年八十一歲）
林盧氏（萬隆妻壽八十八歲）
羅林氏（宏業妻壽八十八歲）
羅胡氏（官綱妻五代同堂現年八十九歲）
梁蒙氏（品生妻同堂四代壽八十七歲）
李韋氏（鳳忻妻同堂四代壽八十九歲）
李羅氏（健懋妻同堂五代壽八十九歲）
李羅氏（監生樹橋母五代同堂壽九十七歲）

李韋氏(萬寵妻壽八十二歲)

李黃氏(鳳觀妻壽八十歲)

李黎氏(健忠妻八十一歲)

莫黃氏(增生適閑妻壽八十九歲)

以上十三名三十九都人

女壽(福德積厚感召天和堪紀史傳者一人)

卓伍氏荔支垸庠生卓鳳儀妻佐夫訓子慈嚴備至俾六子俱各成名壽九十三歲

五世一堂壽終時子媳內外齊眉者各六七十歲以上人子傑舉人僚庠生備進

士侗歲貢儲監生儼庠生孫熙泰舉人曾孫誠進士元孫其煥庠生六子之子若

孫列膠庠食廩餼綿書香者甚多代有偉人九十祝壽時烏燕千百集於屋蓋天

命元烏之發祥也非厚德載福積之久而發之光者不能有此真吾藤之福星也

許馮氏(梅妻壽九十六歲)

何陸氏（振之妻現年八十五歲）

區莫氏（日華妻現年八十五歲）

韋吳氏（業成繼妻壽八十三歲）

蕭陳氏（科林妻壽八十三歲）

許江氏（大猷妻現年八十三歲）

卷之十八 人物志

(七百七十)

藤縣志卷之十九

藝文志總序

德行本也文藝末也志以載一邑之事凡關於忠孝節義足以振綱常裨國家者請之德行自宜詳哉言之至於文藝即如潘江陸海亦不過撫景抒情之膚藻云爾烏足志然四教以文爲首四科以文爲殿有獻而文不足徵亦稽古者所愀然也况實有衛公太白之遺蹤東坡少游之題詠其動人祗徇感發者豈全無風雅以資採擷也耶志藝文

藤縣志卷之十九

藝文志

歷朝古文

唐

書

上西岳書

李靖

公爲桂州行兵總管時嘗手書刻于石宋紹興丙寅秋七月右朝請郎知藤州軍州事施珪重立于邑之東山公祠

布衣李靖不揆狂簡獻書西岳大王閣下靖聞上清下濁爰分天地之儀晝明夜昏乃著人神之道又聞聰明正直依人而行至誠感神信不虛矣伏惟大王嵯峨擅德肅爽凝威爲靈術制百神配位名雄四岳是以歷像清廟作鎮金方遐規歷代哲王莫不順時禋祀興雲致雨天寶肯從轉孽爲祥何有不賴嗚呼靖者一丈夫爾何得

進不偶用退不獲安呼吸若窮池之魚進退似失林之鳥憂傷之心不能自己社稷
凌遲宇宙傾覆奸雄競逐郡縣土崩遂欲建義橫行雲飛電掃斬鯨鯢而清海岳卷
氛禳以闢山河使萬姓昭蘇庶物昌運卽應天順時之作也又大寶不可以妄據欲
仗劍竭節未有飛龍在天捧忠義之心身傾濟世志吐肝膽于階下惟神鑒之願告
進退之機得遂平生之志有養德之時終陳擊鼓若三閭不對亦何神之有靈然後
靖即斬大王頭焚其廟建縱橫之畧亦未晚也惟神裁之

宋

記

刻斷碑記

李萬知藤州

由薦送至試京其一也公本藤州人登儒科隨父商遊學湖廣遂應鄂舉名爲三元
仁宗皇帝榜尋書序藏本與几閣之文旣無所訂正訪諸耆舊及馮之族亦無以驗
其詳卽郡志直謂六字皆宸翰意必有所憑據惜哉歲月浸遠文簡公又寄籍他邦

至于文獻不足徵也萬因假手于茲每謂此事中州猶不多見詎敢不揭而揚之以稱先朝褒寵之意於是慕而勒諸石期與藤之山川爲不朽且冀有遺響于家家之後者云淳祐元年李萬書

元

重修藤州城記

吳瓊

廣右之地西接苗蠻南連交趾惟藤最爲衝要蓋以其左右江東流而經其城之北繡江北流而逾其城之東二水環流接於東廣舟車輳集人物繁稠古城方有五百丈自宋末歸附至今圯壞久矣至治間始有峒寇自右江乘舟出沒行劫往來任守牧者每遇警急立柵隄防而已矣天歷乙巳寇猖獗從繡江下攻陷其城殺傷軍兵自後來攻一十七次縱火焚蕩民舍官廨神廟悉爲煨燼至順辛未春朝列大夫三峯文侯魁來知是州下車之初首詢被陷之故慨然發憤遂集諸父老會議因古城舊制而增補之務在于不擾而辦然以本州版籍遭火不存乃督屬邑各社農業丁

口驗丁數派每十丁修築一丈立定規模傳之久遠但有損壞隨令修葺于是民皆
歡喜趨役旬日間城塹新而秋毫不擾敵樓雉堞聳漢凌雲爲嶺外之傑觀矣乃分
布軍兵措備攻戰之具嚴加守禦至四境亦設徭目官給旗號法令嚴明隊伍整肅
壬申二月初二日寇有四百餘徒乘舟至城門侯乃將帥軍士赴敵殺獲旗頭蘇爲
等三人射傷頗衆又分攻東南二門城中築禦謹密寇各退散向梧而去是歲五六
月間寇數次往來皆潛踪而過不能爲害癸酉正月二十七日有寇千餘徒乘船數
百艘是夜熾于城之西岸見城防守嚴備不敢向前而下梧遂流攻劫封肇諸邑殺
戮軍民橫屍蔽江至二月初十日從州北潛地而回於是州人益感侯之力而遠方
商旅鄰郡士庶扶老携幼而來托者如歸焉侯乃西郡世家顯仕于朝自負器望出
守于藤適際蠻寇作孽嶺外二廣海北三道多罹其害獨藤城殘破之餘得侯爲完
修蠻寇避不敢犯譬猶迴狂瀾於旣倒屹砥柱于中流焉信其難矣其他豐功盛德
形于歌頌登于篇章于此畧之可也茲以藤人父老備修城之蹟徵言書之于石于

嘉是事而敬公之德遂爲之記

元

三元書院記

費克忠(學正)

院以書名士子藏修者也書院以三元名因馮京故址得之也京邑之甯風鄉人父商還妾而積陰德故京鍾山川清淑之氣雋邁不羣嘗讀書城西後遊學湖湘遂應鄂舉名冠三元仕宣徽南院使以太子少師致仕卒贈司徒謚文簡而城西故址今尙存也景泰元年八月蠻寇劫城儒學師生奔竄避患而絃誦寂無聲冬十二月廣西僉憲督學湯公按臨登城遍歷偶得京故址遂命誅茅編竹爲屋數間俾師生爰居爰讀景泰三年二月唐侯來知縣事首詢儒雅至草堂喟然嘆曰寇未息而茅已敝矣宜用陶瓦以易有司責也故址外有空地三片邑人江通濟朱來進地乃捐已俸錢六十貫買之庶幾綽綽有容越九月功簡農聚易以木瓦計匠三百餘工費銅錢二十餘緡借民力不傷民財故皆樂於趨事赴工而忘其勞是月朔興工二十九

日豎柱方畢天使刑部郎中陳公金行人郭公仲南廣西藩參侯公臣僉事莊公琛適至衆喜曰此書院嘉祥之兆也大尹以三元書院四字請莊公大書揭于楣使諸生出入游息接目驚心欲爲三元也命記之余惟山川秀氣鬱積之久亦必有生于其間正統丁卯邑之蘇昌已爲解元後之遊書院者又豈無馮蘇其人也然則書院之有益于人事大矣大尹因往推來嘉惠後學亦崇儒道化民俗之深意也大尹唐侯名禮字敬身舉以賢良方正浙江武康人也景泰三年十月吉日記

浮金亭記

費克中（學正）

余觀古藤形勝在東山一景繡江經其下罈水湊其東春水旣溢秋波未消白川之東南望之山勢宛然如浮玻璃蒼烟喬木斜陽古道空實相映遇日成色者皆是也舊有浮金亭在今東山李衛公祠前宋紹聖間蘇東坡遷南海艤舟登眺舉酒賦詩曰愛此小天竺時來中聖人又曰江月夜夜好山雲朝朝新蓋言其江山形勝似天竺雲山江月如錢塘使人胸次灑落殊不知瘴鄉之爲瘴鄉也吁蘇子遠矣此堂隳

矣山水寂寞草木堙鬱亦已久矣泰定戊辰龍江秋山孟公主簿鐔邑越明年秋稔
人和政事多暇頗放情於山水之間樂于爵酒之外因與僕浮江而東及暮渡江而
西秋水潔盡月影在山江風徐來江月相盪秋山顧曰此非其浮金之真體歟于是
引棹于江之濱據胡床而賦詩有漢光射潛蛟細細波浮金之句僕亦有月光波影
自溶液江風細細金鱗浮時正中秋之夕也得非興廢有時邂逅今夕秋山遂有意
於此矣他日追索遺址以其路崎曲不便騷人墨客之所登覽焉秋山性廉介好山
水綽有古人之風每見一泉一石必徘徊顧戀而後去及至東山之下繡江之上得
一亭之地與光華亭對倚碧山俯長流竹樹交映日月浮動比舊址尤嘉誠爲此州
之勝遂相率居城士夫構亭于其上亦匾之曰浮金雲烟沙鳥風帆浪泊變化往來
氣象萬千使人登斯亭俯仰慷慨而忘寵辱憂危之心果謂瘴鄉而已哉當與金山
浮金堂錢塘天竺同一勝概云

疏

議處廣西地方事宜疏（節錄五屯）

韓雍

看得梧州府藤縣地名五屯約有獠人二三千係斷藤峽左臂臣等初到廣西訪得五屯獠人洪武八年頭目覃福招集八百六十四名編充桂林右衛中所左軍覃福陞授千戶職事管領覃福病故無人管束不服清勾者名尙有在衛當軍者五十餘名已著令本管流官正千戶李慶齋文前去撫諭著令把截斷藤峽賊奔要路各種隨卽自首出該補伍軍丁一百六十五名亦就留在彼把守臣等議得前項獠人雖已向化出力把截道路若非設立土官衙門管束終非經久之計行據該堡稱覃福孫覃仲瑛素爲獠人信服堪任土官又看得正千戶李慶頗有才識熟知夷情合照遷江屯田千戶所事例於今處地名古贈開設五屯屯田千戶所衙門就令正千戶李慶掌印管事覃仲瑛爲本所世襲土官協同李慶管事各官將該管現在獠民盡數編作士兵其現已投首在官併逃亡軍丁清理出官與同士兵相兼操備無事守

把本處與斷藤相連白石寨十二磯蒙江口地方有警聽調殺賊仍將違人所種田土稅糧優免五年庶使夷心悅服地方有備

藤峽善後疏〔節錄〕

韓雍

藤縣五屯藤峽之左臂也實生獞人與猺異黨洪武初獞首覃福親率其黨八百人願充戎伍高皇帝嘉之以福爲正千戶使率其屬編隸桂林福既物故而部曲散亡潛歸故窟生齒日夥今且三千先此藤峽之役臣遣千戶李慶招之諸獞莫不挺刃應援臣以爲南蠻之俗憚見流官兼懷舊穴曩者遠驅省界所以脫籍逃亡若比照遷江屯所就于本土開設千戶衙門因俗統治以李慶爲之長帥以福孫仲瑛爲之吏目築城分哨以控東隅而黃丹白馬蒙江十二磯有警皆其責任

置處八寨以圖永安疏〔節錄五屯〕

王守仁

增築守鎮城堡於五屯照得斷藤峽諸賊既平守巡各官議調漢土官兵數千於潯州以防不測該臣看得各賊既滅縱有一二漏網其勢非三四年亦未能復聚爲今

之計正宜剿撫並行蓋破滅窮兇各賊者所以懲惡而撫恤向化諸獠者所以勸善
今懲惡之餘即宜急爲勸善之政使衛軍有司各官分投遍歷向化村寨慰勞而存
恤之給以告示賜以魚鹽因而爲之選立尊長諭以朝廷所以征剿各巢者爲其稔
惡也今爾等向化村寨自宜安心樂業益堅爲善之心但有反側悖亂者卽宜擒送
官府自當重賞以酬爾勞其漏殄諸賊果能誠心悔惡亦皆許其歸附待以良民夫
使向化者勸於爲善而日加親附則惡黨自孤賊勢自散不復能合縱遺一二終將
屈而順服矣乃今則不然賊旣被剿而猶屯兵不散使漏網之徒得以藉口搖惑遠
近其向化村落又畧不加恤奸惡之民復乘機而驅脇虐害之彼見賊已破滅而復
聚兵已心懷驚疑矣而又外惑於賊黨之煽搖內激於奸民之驅脇遂勾結相連而
起此近年以來所以亂始平而變復作皆迷誤於相沿之弊而不察也今各賊新破
勢決未敢輕出雖屯數千之衆不過困頓坐食徒穢擾民居耗竭糧餉而實無益于
事吾民久被賊苦今始一解其倒懸又復自聚無用之兵以重困之此豈計之得者

哉惟於各寨之中相其要害之地創立一鎮以控制之此則事理之所當行亦正宜乘此掃蕩之餘而速圖之者其在斷藤牛腸諸處則既切近潯州府衛不必更有所設至於四方各寨遍歷其要害險阻則惟五屯正當風門佛子諸巢穴而西通府江北接荔浦各處猺賊是爲緊要之區宜設一鎮以控御遠邇而舊已有千戶所統率官兵亦幾及一千之數困於差徭日漸躲避于附近土目村寨官司失于清理止有五百其後上司不問地方之艱難又于五百之中分調哨守于他所其餘遂不滿二百既而賊亂四起守禦缺乏則又取調潮州之兵數百以來協守五屯事紛亂人無所遵兼以統馭非人故地方遂至大壞且其屯堡牆垣亦甚卑隘不足以壯威設險今宜開拓其地增築高城度可以居二千之衆而設守備衙門于其內取回五百之中分調哨守于他所之兵其自潮州調來協守者則盡數發還原衛以免兩地各兵背鄉離土之苦往復道途之費仍于附近土寨目兵之中清查揀補其原避差役者務足原數一千選委智畧忠勇之官一員重任而專責之使之訓練撫摩敷之以

威信而懷之以仁恩務在地險既設而土心益和自然動無不克而行無不利參將
兵備各官又不時親至其地經理而振作之或按行其村寨或勸督其農耕或召其
頑梗而曲示訓懲或進其善良而優加獎賜或救恤其災患或聽斷其是非如農夫
之去稂莠而養嘉禾漸次耕耨而耘鋤之無事之時隨意取調附近土官兵欸或百
人或七八十人以協同哨守爲名使之兩月一更班而絡繹往來于道路以慣習遠
近各巢之耳目自後我兵出入自將無所驚疑果有兇梗當事舉動然後密調精悍
可用土目一二十人如尋常哨守然以次潛集城中蓄力養銳相機而發夫無事而
屯數千之兵則一月糧餉費踰千金若舉每年無屯軍之費用之以築城設險犒賞
兵士招來遠人亦何事不成何工不就此增築城堡以據要害所謂謀成而敵自敗
城完而寇自解險設而賊自摧威震而奸自伏正宜及今爲之而亦事勢之不可已

爲者出

南藤書院記

陳紹儒
左布政
南海人

廣西藤縣學舊有南麓書院者祀孫先生毅菴公者也先生諱懋字德夫浙之慈谿人正德辛未進士令浦城徵諫垣嘉靖丙戌副憲廣東禁戢羅校時八虎氣焰猶蒸誣下詔獄謫尉藤縣藤故稱腴壤也先生至藤樂序弗飭士知向方遂議興學殿廡齋閣俎豆絃歌一時俱興藤之齊民苦時法令滋章遂議寬民徵輸協助之條不擾不煩諸所餉役之法風行梧桂間無弗就理者先生以其餘力創南麓書院東麓學宮先生時詣講堂親爲書生陳經析義諸生奮起彬彬咸謂得師先生晚說詳歐陽恭簡公學記中先生轉官去藤之士人失慈母相尸祝于講堂去今五十餘祀矣嗟乎先生之時何時也武宗朝先生丁丑冬以南京吏科給事中進諫曰自古國家信用奸邪靡不至禍都督朱彬梟雄儉邪蠱惑聖心無所不至去年導引于南海於功德寺昌平寺等處警駭人聽今又導出居庸臨宣府過大同致誘擄朔應諸州當時轉戰使鎮兵弗集狂虜蹈來幾何不蹈已往之轍臣實寒心是朱彬在一日則爲一日宗社之憂今人言皆曰容一朱彬國之安危未可知也先生疏指稜稜春秋之史

魚未爲直漢廷之汲黯未爲忠也藤尉之謫去先生進諫之年曾未幾時而先生之謫居遂爲風教首善之地當時開祠報祀固民彝之不容己者哉萬歷戊辰守蒼梧道王君元相督學道鍾君繼英兵巡道王君一卿率郡守相經營因于是量工程材拓地南北一十四丈東西七丈前門一座凡四楹高一丈廣九尺題曰南麓書院前堂五間十二楹高一丈四尺廣一丈九尺深一丈八尺題曰正教遐思三畏堂五間十二楹高一丈五尺廣二丈二尺深三丈一尺題曰景賢祠置先生神位于中先生名節兩全曾孫臺諫振養所謂得全全昌矣盛德必百世祀然哉萬歷六年戊寅秋八月吉日記督修知縣陳雅言

重建浮金亭記（嘉靖）

程文德

亭在宋時已有之按知州趙崇德謂蘇東坡先生所建元教諭費克忠又謂先生遷瓊時過亭下艤舟登焉惜藤志無傳不能得而稽矣然亭以先生有名則建與不建何論也文德貶官信宜尉寓梧嶺表書院者十月至是過繡江繫纜東山下閣亭思

一遊焉則云圯廢久矣顧望欷歔不能釋明日偕學博士姚文祿守備指揮王良輔里人前知縣霍榮暨蒼梧之士從遊者甘師孔何若魯易大慶輩二十二人尋其故址咸莫能辨已而犯烟露披荆棘見圭石出茅畦間封苔蝕土凜剔視之則克忠記也嗟乎嗟乎昔賢之遺山川之勝而任其墟莽者曾不一動心哉其謂之何于是文德諭于衆曰孰新是役吾當記之於是令招文選請具甃磚蕭鳳請購材良輔請餼工文祿請釐飾御史曾守約觀風至又毀淫祠助之不踰月而亭成榱桷燦煥然一新而所謂浮金亭者于是乎偉觀矣然余則有感焉夫茲山在唐若李靖李白李德裕宋之間在宋若東坡兄弟若陳無已秦少游若黃山谷李光諸賢皆嘗登臨而品題之而藤已有聞然則今日之新斯亭者豈徒爲山川哉夫世固有過其故居而覲焉思避者有其身之所藏而子孫恥認者乃今于昔人遺跡而汲汲不暇焉相去一何遠哉然則登斯亭者可以觀可以興矣勵景行之思撫今古之變任開繼之責彰山川之靈斯于諸賢有光乎雖然亭不常新也自紹聖至大歷自大歷至我明正

統自正統至今日數百年間亭幾興廢自今以往當復何如豪傑之士不待亭而後與斯可矣夫風雨如晦雞鳴不已者思賢也苟因物而遷與迹俱泯此余之所重爲感也百世而下聞茲言者必謂先得我心之同然者乎

遷復學記（萬歷戊午季春）

馮純仁

藤南粵善地而藤學之設從來遠矣按藤于唐宋爲州治舊邑學在城南嶺上距城二里舊鐔津縣學在河東富壽坊今學之建肇自宋時荆于城南在舊州學嶺之右側洪武十一年改藤州爲縣治學亦隸縣科甲之盛實首于粵曩時則有三元四解叔姪祭酒父子榜首兄弟同登人文迭出猗歟盛哉至萬歷庚子因堪輿家言改遷今學之右嶺遂致氣脉暫阻屢議遷復未有爲之所者邑侯李公甫下車諸生霍有翬謝爵莫大猷徐思業等以遷學宮請公慨然任之規畫估計策請于上臺捐俸五十金鳩材諏吉與諸僚佐及藤人士協理成之不費公帑不煩民力凡所宜有成一新焉有先師殿有東西廡有戟門有櫺星門有明倫堂有東西齋有儀門有儒學門

其啓聖祠鄉賢名宦祠文昌閣敬一亭次第修之繚以周垣規模輪奐經始于乙卯冬越丙寅秋竣其役葦等思翊樂成猷善厥終始迺白純仁狀列其事勒諸石方今海內郡邑悉置宮牆俎豆先聖敦教化育人才此王政首學校盛典也公奉命蒞藤遐不作人每朔望集諸生講學于明倫堂博雅洽聞才猷練達發抒妙義殆無剩旨昔文翁興教司馬相如爲師甯獨蜀有學也今茲之建地復厥舊構造維新菁莪樂育賢哲勃興名卿鉅相何患不爲藤有雖豪傑之士卓然于風氣之外然非紀渚子養雞則不能諸士勗之子日望之後有攷藤學者究其所由興遷復之功安可誣也公諱廷幹字國柱關西三元人甲午進士唐相國李公靖與公同枌社有功德於藤今世祀于藤之東山藤人報德乎公宜與衛公併矣是爲記萬歷四十六年春三月吉旦

重修縣學記略

歐陽鐸

藤有學自洪武甲寅歷嘉靖乙酉凡百十餘祀日趨於壞也固宜而孫公毅菴適至

然猶慕職也皇皇然以爲已責惴惴然慮民之病之也募工於傭取材於淫祠以丙戌三月始事殿庭門廡若齋舍饌堂次第維新以其餘力於學東作南麓書院備堂學舍咸備前闢重門門之左爲育賢坊示民以志也於是藤之學遂甲於他邑毅菴公事閒輒至書院親以爲諸生講解考業肄習俱有定法藤之士益知趨向駸駸乎齒於中州矣毅菴出進士宰蒲城民稱其惠召還給事南京屢建大議時稱其直參議廣藩轉副使兵備嶺南之人士於今稱其公仁無間以讒逮至京下詔獄賴天子明聖左遷藤縣慕平生剛大之氣廉靜之節練達之識乃罔非學罔不爲教諸生何幸而得師哉毅菴名懋浙之慈谿人述邦人之意以記來請者教諭謝宗孔訓導劉温章海

重修李衛國公祠記

陳 洙

未達而志足以攝其才既達而才足以伸其志士必得靈長之氣於天地凝之堅而守之正行則順而施則裕於以合出處于一轍會始終于一致聲譽流一時公業蓋

一代不以沮而撓不以抑而虧不恃克而餽不既滿而覆也於戲世道之下移人才之放失而人物之塗炭自六朝至而大業末亦可謂極矣當是時呼吸若窮池之魚進退似失林之鳥抑之而不虧衛公也道梗長安而身危阻兵峽州而勢危沮之而不撓衛公也斬蠻再縛孽蕭公之志申矣其曰王者之兵弔人而取有罪曰宜示寬大以慰其心曰震威武示禮義以變其風俗則所以爲中何其大且仁使中志有餒雖克也克或餽禽叛於丹陽摧堅于定襄斥地陰山以至漠北老師西海而走死伏允公之志益申矣以過致謝不辨責讓叅議廟堂恂恂沈厚則其所以爲申何其久而壯使中志有矯不幾乎滿且覆然史之爲贊先英國而後公是固爲失倫且但謂公畏遠權迫功大而主不疑又辨公特以臨幾果料敵明根於忠智而已其於行師之正而用心之仁肫誠孚人主而恭讓儀羣辟者不列一辭是猶傳神者步位不移似則似矣宜于風度充潤而英華流動者力斯不能預則亦無怪乎置公于奸勳後也公爲嶺南撫慰大使所過問民疾苦延見長老宣布天子德意今藤縣古藤州公

遺惠地也州人以是祀公君子以爲宜公上西嶽大王書真蹟施珪刻之湖州亦有公祠其碑文章翌又移刻之皆宋士尙德也不以爲不宜壬午夏孟御史大夫崑山葉公過謁神祠祠就廢又有婦人配像公斥毀去準古禮式亦題公官封且譏新祠于是僉憲袁公凱度其費宜理問邱君春任其成責旣成以則爲文以祀之又繫之祠庶使祀公者讀之于凡筵得以侑夫祀事其辭曰

紛桓桓兮啟筵颯颯兮駐雲駟艾旂兮椒糈儼中堂兮我延奮天弧兮長矢旣誓以生兮亦誓以死殛不祥兮吮厲盍允茲庇休兮炎州瘴里藤之山兮嶢嶢媿凌烟以遊以遊滴神駒兮蠶水歲無苦旱兮靈悃悃芬杜若兮藤之州蕙櫜翩兮桂舟莫我濼兮我居我居甯止靈容與兮中流邈瑤光兮紫府雲往旋兮倏風而雨彷彿兮顧且留戀遺黎兮錫祐錫祐兮踟躕緬瑟兮吹竽杳冥兮終古永報祀兮不渝（天

順六年六月）

祭唐衛國李公文

葉盛
右都御史

惟衛國公臣巨唐兮乃將乃相聲皇皇兮功蓋一時勤四方兮南踰服嶺無留行兮
有惠在民民弗忘兮睠茲古藤世烝嘗兮西嶽有書今壁藏兮銀鈎鐵書鸞蛟翔兮
英風勁氣凌寒芒兮我嘗修謁心瓣香兮鶴鷗薜荔遵頽廊兮猗粉繪混冠裳兮
檄守土斥滌荒兮靈棲載新潔且明兮仍主以木榜厥堂兮名正禮存神樂康兮茲
惟告成辰之良兮桂酒盈尊薦蕉黃兮公佑遺民垂無疆兮尙享

藤州舊志跋

富禮(僉事)

宋馮文簡公藤州鐔津人也實我先丞相鄭公之壻前史載文簡勳名事業甚盛州
志缺而不載因而不止此吾意是州僻在海隅人物鮮少無有能詳山川之險易風
俗之盛衰人品之優劣如文簡之傑然者特起爲一時之名臣又弗克取摭舊聞爲
州故實則其他概可知矣洪武甲寅孟春禮分司至藤訪求文簡之後有名籍字文
百者爲社學師則亦莫能叙其世之一詳嗚呼海變桑田閱閱漸盡故家世族之子
棄其先業家乘散逸雖文獻足徵漫不復省添題州志之末俾爲子孫者蚤自樹立

無墜厥緒庶幾厚倫敦俗之一助云

修明倫堂記

霍榮（邑舉人）

天下郡縣學宮之制悉有講堂居聖殿之后匾曰明倫蓋以爲弟子講明倫理之所而詩書禮樂之文必於是而肄焉顧使弗葺飾以表師道尊聖賢而後俊髦之士欲周旋進退無所歸宿所係特重藤梧郡屬邑舊學宮在縣治之南肇建于宋至元毀于兵國朝洪武七年同知金文仲復建天啓成化相繼重修迄茲歲久棟宇垣墉日就圯壞嘉靖壬寅顏侯來宰吾邑始謁先師進諸生講學畢徘徊顧瞻仰首太息以爲堂乃學校首善之地頽廢至此實令之責但新政未布民心未孚欲速不可爰次第舉事凡六年政通人和乃畜財應費官弗勞民易以從樸一撤其舊而更新之復建東西二齋基址而皆悉仍其舊宏敞堅緻則過之未期月而工完民無告勞以其役使有時經營有法故也旣而師生樂其成學職蔡君崔謂予發身此學目覩厥成宜有言記予不敢辭乃颺言曰古帝王之治天下必設庠序立學校所以植三綱五

常漢唐宋以來悉因之而不敢易我國朝幅順數萬凡荒陬僻壤無不建立學師以講明人倫大典况藤爲尙表名邑而涵濡聖化之大者哉宜顏侯急所先務與寮案輩共成其美如此繼令師居於斯以爲教子弟待於斯以爲學當仰體朝廷作養之恩與顏侯悵之意益加琢磨淬厲將見賢才輩出風俗益淳斯無負於斯堂之修矣

顏侯名參江西安福人申戊子鄉試卓有幹局百廢俱舉此特其一端云爾
明故知靖州中順大夫傅公墓表

吳廷舉(尙書)

傅爲吾藤縣世家出宋中書侍郎獻簡公堯俞之後初自鄆徙江都至侍御史賢生教授紹改官北流典史遂貫於藤三傳曰彥忠彥忠生德亮德亮生惟慶字肇吉皇封奉直大夫欽州知州公之考也妣鍾氏封宜人以正統丁巳年八月十一日生公爲長子公諱鑑字斯昭性敏志愨有遠度少游庠校學殖克碩天順己卯中廣西鄉

試第一人成化辛卯授廣東欽州知州欽多盜每爲政梗公始立團里諸堡募土兵分駐諸鄉以衛良農肫肫拊循近悅遠來向之流亡襁負而歸餘孽冥頑者尙搖毒鄉落公單車詣巢窟諭以恩威皆叩頭歸誠公與之粟以生且分授荒田并給牛種督令事耜取其徭賦如齊民咸帖然以定永樂鄉與上思州鄰上思之人侵我那陶等八村地八村民訴諸上官上官檄公往理公召兩土氓以大義問之上思人口塞不能譁遂歸侵地民感入骨初如昔貼浪各都奸民以其村十九叛入安南前政屢招撫不克至是其黨黃鐵等三十餘戶聞風來歸公納之安奠如故於是流人及徭獍向化者皆還集舊業凡爲戶一千一百有奇口五千七百有奇公視官民居處之大弊者營起之乃修建州治添葺城堞造梁利涉省刑薄斂歲旱禱於天雨隨注民稱誠格至於興學造士力尤勤篤九載考勩書最循良詔進階奉直大夫協正庶尹錫之制誥以耀旌勸旣而銓曹奏以公優於治郡轉知湖廣之靖州再進階朝列大夫秩從四品公治靖猶治欽而每加意學校人才有宋以方者學富而貌不瀾公

識於童子中曰彼石中藏玉也送就試果領薦未幾登甲科授官戶部郎中至今州人士以公有水鑑云公在靖兩載政益修又民用大康膏澤充溢而公雅挹恬澹未及一考自陳素尙乞致其事遂得請以歸民泣挽不得每著歌誦兩邦之聲洋洋焉公家居益謝紛養高爲東園書室西園草亭又種竹構室額曰竹堂假仰其中且以自號所有事者教子而已子三人竝領鄉薦而其季復爲第一邦人夔稱傅解元家以爲美談正德庚午公遇詔復進階中順大夫旣數年以疾卒實甲戌年六月十三日享年七十八公配鄒氏封宜人子男四曰文瀚文澈文溥即三鄉進士文瀚任潮陽縣知縣其幼文淑蚤卒女一人適宋昌邑庠生孫男楷等俱生員概梅樞曾孫男燁焯諸子以乙亥年十二月廿三日葬公於縣南古達村之延壽山乞子表其墓子爲公鄉人夙荷教誼樂道公善而三子之請且勤於是不辭大書以表之曰吁嗟公乎其爲政有翼渤海之循其制操有陶彭澤之高其教子有寶燕山之義有一於此足範時俗矧兼乎三故表者不特爲邱壟計與綿其芳聲厥惟其子孫之法邦人之

華而四方之宏勸也哉

傳

節婦傳

張叔豫（翰林）

龍氏節婦梧州藤縣義昌人也自幼執女道莊靜貞淑甫笄歸同邑士族王克讓氏事舅姑以孝謹聞勤女工爲家計未嘗少怠閭里稱之曰賢凡八載不幸而克讓早逝蓋洪武庚戌歲也年二十六子瑞甫五歲克葬其夫暮旦號泣凡三週歲服闋姑憐其年少欲令嫁龍誓曰吾聞烈女不更二夫吾結髮事王氏者八年夫亡不卽死以姑老而子幼耳豈可辱身而虧大倫乎必若甯死姑知其志不可奪乃從之自是事姑益勤內外修飭者三十餘年育孤子瑞嚴慈相濟及長俾受經學由庚辰舉授廣東萬州文學凡所經書咸秩秩如克讓存貞節之心始終如一日永樂甲申邑司訓楊彬具實事上當道具聞於朝廷極言龍氏之行足以勵世俗詔有司旌表其門以爲教勸也於是朝大夫及閭里稱之能文者悉咨嗟歌詩以美之因其弟鄉貢進

士王璘居詞林徵子爲文嗚呼人生天地豈徒然哉惟彝倫之道而已否則羣羣而生隊隊而死與草木等亦奚以爲自世教衰微彝倫之斲綱常之壞有不勝言者我國家承運刮磨湔洗四十餘年禮樂之化三尺之童亦知向方梧郡雖居嶺右龍氏乃卓然立于人道知天理民彝亘萬古如一日我國家之治化非前代可及也在昔衛共姜不易守義賦柏舟之詩以自勵貞節之風凜乎千載之下予嘗惜遭孔艱志遂而身不耀今觀龍氏一女子之身爲婦而能義於夫爲母而能訓其子世歷歲遷松柏可凋而節不爲之改其視共姜可無愧矣當夫太平之時身膺顯榮止足以耀遠近不足以榮閭里夫振廣右之義凡以垂令譽于無窮其于共姜所遇又不可同年而語也予承恩執筆隸太史氏每觀前志忠臣烈女未嘗不抵掌嘆賞而躬逢聖明之世歷觀盛典于是爲書嗚呼書故重璘之請用是弗辭序其端俾凡爲詩列于次庶後之傳義有所考云永樂丁亥五月書

藝文志

國朝

記

石鼓山文昌閣記

學使 郝 墳山西人

甲子秋余奉

命視學粵右越明年皋月按試梧郡適藤邑義昌江文昌宮落成諸生請爲文以記其地

南連岑溪北接蒼梧上通常甯墟下達黃華口三眼堡二水合流石鼓獨鎮蓋山川

極其靈秀鄉人士於此翕然卜吉作宮亦振興文教之一端也而使者於此竊有以

諭諸生焉考天官書斗魁載匡六星曰文昌宮司將相祿命周禮大宗伯以禋燎祀

司中司命使民知所受有中以正其德所稟有命以定其志自道家謂

梓潼真人掌籙文昌宮政令十七世之事蹟又詳載化書中迄今祠宇遍天下矣而拘

儒慎以因緣果報爲疑是狃於狐鳴魚帛之見未識聖人神道設教之意而善爲崇

奉也夫因報之說與儒者之教雖若有異而望人以真修實悟則無不同

帝君之垂訓也簡而易明切而易從人果設誠致行立身名教雖不必沾沾持齋禮懺神必錫之以福其或陽奉陰違始勤終怠卽陳俎豆薦馨香神其饗之乎然則崇奉之道可知已書曰非知之艱行之惟艱傳曰神所憑依將在德矣化書亦曰欲回劫運先正人心諸生其提撕警覺滌慮洗心學必由其統文必濟於用凡出入起居時若

帝君之臨上而質旁所謂福田利益將有不期而自至者毋謂廟貌奕奕遂足以近七曲之光布三清之化也抑又聞之命出於天已定者也而爲善遠惡則福自我求命卽由我立士爲四民之首將謀處有守出有爲可不思所以安身立命乎若夫申呂由崧嶽而生傳說乘箕尾而去至今載在史冊矧

帝君之降而爲人顯而爲神又何疑焉惟存真而戒妄積德而累功以之繩己因而感人由是風俗淳美文教聿興庶不失作官之意亦使者所厚望也諸生其勉旃

捐建義學記（見學校下）

知縣楊世昌

勸修水月閣序

知縣王永緒

蓋聞花宮福地奠形勝於金湯蓮社虎溪繪高情於雲衲矧茲閣也名標水月地鎮藤州繡浪環岩蓮白普陀湧出重巒遶檻錫從天竺飛來三十二大士之相儀特開一面八十種隨形之妙好具應千呼笑指風帆都成寶筏喜依竹樹別現香花何期金粟宮中忽罹塵劫遂令韋馱殿裏欲號懶殘豈上海之婆娑徒懸幻鏡或天地之包幕祇是空漚然而脩廢蹟者守土吏之司若夫勦盛事者都人士之力願布金滿地梵宇重輝尙助饌伊蒲優曇叶瑞由是起道樹新鹿園蔭鷺池之雪笠俯鷺嶺之江潮匪惟香阜供瞻自有林間鸚鵡柳亦白衣感願信來天上麒麟廣種福緣力完善果會見上方佛現同興讚美之詞定知一法乘分共登清淨之域是爲引

新建藤州書院記（見學校）

知縣陳廷璠

重修雷祠序

知縣陳廷璠

歲戊辰小春余釋篆六日禘洲雷廟告竣二三父老搢紳先生儼然前席請觀厥成
申飲饒焉余熾舟登祠展謁瞻其棟宇金碧輝煌輪焉奐焉俯仰週迴而肴核既具
爰就席酒數巡咸避席以誌叙請余謂夫廟之建始在縣署唐貞觀間以其地爲署
始遷此附祀三界凡筮仕是邦者必先謁而後蒞任前人記之詳矣至其神靈之赫
濯歷朝之修舉遺老猶能言其概何以叙爲且余解棘離難如釋重負方將向晦宴
息不欲奉中書君召尙何以余之序爲哉父老搢紳復長跪請曰非爲是也夫人有
願見而不可復得者則必丐其手澤而存之於勿替今君侯之行迫矣臥轍攀轅旣
不可屢作願得華翰藉神道以設教鐫諸金石置之山巔水涯間庶幾異日者野人
游女讀峴首遺碑而思叔子望棠蔭而念召公耳敬以爲請余感其意弗可却觴而
語之曰子亦知夫神之所由祀乎昔之爲此豈第以其殷殷虺虺風掣電驚百里
動萬物已哉將以通神明之德而存陰陽之撰也易曰山下有雷頤天下雷行无妄
有養物育物之象焉雷行天上大壯風雷益君子以遷善改過非禮弗履有教道焉

雷電噬嗑雷雨作解雷電皆至豐有折獄慎刑之義始余之莅斯土也園林荒廢田野不治爲之課而耕勸而織擊而雞豚廣而荳菽棗栗榎楠莫不並治使幼有所長而老有所養蓋取諸頤與无妄焉繼欲藤人之知所學也傍爨序而爲之舍廣置生徒歲時令節飲射讀法共講夫三德六行日漸月摩相偕大道蓋取諸益與大壯焉迨夫教養備舉郊遂有移而梗化不率者則誅其元惡大憝而赦其眚災亦差合刑期無刑之意蓋取諸噬嗑取諸豐與解焉審是則神之資吾治也不旣大乎况

聖天子出震乘乾爲宗廟社稷主順理而動日月不過而四時不忒猶復震來虩虩保泰待盈吾儕小人宜何如恐懼修省出以大其經綸人以謹其言動哉吾願崇斯祀者毋徒咤其馳風掣電驚百里動萬物已也於是二三父老搢紳先生恍然悟舉然思曰至哉言乎此足以通神明之德而存陰陽之撰矣謹奉教洗盞更酌旣醉而退次其言以叙爲

勸修縣志序

高攀桂

邑之有志猶國之有史也井田學校賦役戶口一覽洞然其間立德立功立言炳烺日星者披之恍如面對即閭巷之匹夫匹婦激烈發乎至性奮興異乎凡流芳聲懿範亦得與境內之名山大川相爲久遠志之所關厥典洵鉅藤邑爲牛紀之次在禹貢揚州之南秦漢屬南海蒼梧郡晉時特置永平隋唐以來改藤州我

朝因有明之制定爲藤縣先民有言曰南方之學得其精華以故豪傑挺生名人林立如登俊坊李刺史三元坊馮殿撰多繡坊萬僉事聚奎坊胡如孟諸前輩經濟文章光昭前代其他嘉言懿行尤指不勝屈然皆考古者旁搜遠紹而得之卒未嘗勒爲成書著其發跡其將何以爲風俗勸矧

國朝

聖聖相承重熙累洽百有餘載矣邑之忠孝廉節有待闡揚者知必較盛於昔苟聽其湮沒弗彰亦殊覺政典之未備余奉檄蒞茲土索志不可得慨然思欲編輯顧甫下車簿書鞅掌未遑也越數月地方安堵余亦幸獲餘閒敬邀同寅爰集紳士議以興修

縣志之舉採訪宜勤纂錄毋懈要令體不謬於作者義堪信於將來其難其慎以成信史第鐫刻公費支用頗繁都人士務希鼓舞輸金共勳美舉庶幾經紀人倫敦崇風烈發潛行以啓幽光可以備國史輯軒之採可以作桑梓景仰之模而慷慨樂捐之士其芳名亦藉此志以並垂不朽豈不休哉豈不懿哉是爲序

置科舉賓興稅業序

馮秉剛

余閱觚賸至食德祠一篇而知善念之發引而彌長謀於始者貴善厥終慮其成者乃能普美利於無窮也觚賸之言曰粵東瓊海去省城甚遠赴科者廖廖甚或阻於中道順德梁廷佐司鐸定安迎養其母馮氏於署日覩其事因呼其子而謂之曰教與育皆汝事也諸生缺資斧於赴科子甚爲汝恥之因出簪珥及所治之絲葛廷佐善承親志前後共置田三百畝三千計所入以爲諸生赴科往返之費後人思其澤建馮氏祠於居丁庄之左焉落成設位以祭四方來者千有餘人番禺屈翁山題其額曰食德良有以也余自丁巳會試續榜明通奉

命教諭藤邑蓋十年於茲矣竊謂教官二字顧名思義者殊少試問歲食

朝廷之廩祿所陶而鑄者何人所育而成者何士撫心內問惄然滋愧因思藤屬科名

連綿接踵甲子科發四人同登但其中之磊落英才缺資斧而裹足不前者間有其

人馮氏一女流猶創此義舉豈昂然一丈夫而獨斬此念乎爾時適有蘇子嘉文兄

弟持一賬來問其價則曰百金問其稅則曰糧米二斗零問其業之廣闊則曰魚塘

二口舖十八間瓦屋者二其餘茅房及近城脚居住者不算時卽稟命於母母曰善

哉此舉也爾父生前見一讀書子無不多方以玉成之爾今此舉可對先人於地下

而無愧矣因出數年所積俸金傾囊而買之且與諸生定其界而計其值謂脩而築

之擴而充之歲可得貳十餘金焉其時邑侯林公有志於昌明者請蓋印而立戶焉

名其戶曰三元蓋望諸生之元元以相接也諸生其勉乎哉及其鋒而用之往無不

利也慎無躊躇而志不滿爲之善其刀而藏焉斯可矣且余前於乾隆十年內置有

稅米三斗餘開戶於藤籍異日解組後言旋故里日與諸公話舊談新其時之搏扶

搖而上者有人連茹而彙征者有人重爲梓里增光余亦與榮施焉維時踵其事者則有王生 瑛陳生汝璋胡生晉昇吳生鴻麥生德憲霍生士壇因并書以誌所有善後事宜開列於左焉

太平橋記

邑拔貢霍士壇

藤之東南百里有義昌江焉川流峻急灘勢怒號陸地有崇山雄嶺林藎蒼蔚南連岑邑西接容州東北控鬱水之隈中間列五堡之地村居綿密棋布星羅土田膏腴風俗醇樸頗稱樂土薦紳家之業大半存焉江流雖小舟楫可通江之兩岸陸地聯絡商賈市集之區則三眼堡是也堡右司署分治茲土堡之上流五里許西岸水澗間有名砂礮橋者尤爲四方要路向置板橋接濟每至春夏山瀑迸流河水高溢水冲橋去不一而行者苦涉置者煩累癸未冬余因稅租過其處忽見疊石如鱗掛影如虹煥然一鞏橋在焉余遂薄舟造橋時鳩工將訖顧衆父老曰斯誠美舉然以山陬桑落何能興此巨工父老僉曰是非一年之計數人之力也厥來有由在昔丙子

之歲是地方竊甚於萑苻里內苦之凡失耕牛十不緝一即幸獲之被盜之家或貧不能理即申理焉亦有倖脫者盜風愈劇已卯年又有盜牛案經稟前令邱明府衆父老議曰若再漏網室無甯居矣因衆萃資斧詣縣公陳明府廉察按律懲盜復定爰書令盜伏狀包保是方通里有失罪即及之後有犯者互包不貸永著爲例案牘存房衆皆叩首稱善及歸計所費資斧還不及半良以邱侯明決事無留滯故也於是剩者既難分布因設爲雷廟會本每年資息捐贖執事名曰執事會捐置之餘仍存貯以備公用本年共計餘息三十遂建議修築此橋於是在會者既踴躍捐輸會外者更同心廣施共儲百金此橋因以成焉茲事告竣而君適至請更定其名而記之將勒貞珉以垂不朽余曰橋之所資起於廟會會之托始起於攻盜盜之寢息起於邱公今

聖天子在上河清海晏地平天成六合慶太平之象也邱公蒞吾邑息盜安民克布太平之政也是年以後條例遵守鼠竊寒心夜戶不閉里內享太平之福也一日成橋萬

年鞏固往來之人如履周行共由太平之路也卽以太平名橋父老以爲何如衆皆曰諾於是援筆記之

遷建文昌閣序

陳汝瑞

聚精揚紀文昌也而天府圖書離宮甲第

帝君之靈實司之蓋戴匡之六爲天文梓樞之化爲人文兩而化一而神北極持衡西川發跡權莫有尊於此者吾藤文昌閣素爲神所式憑自邑人誤聽形家言建鬻宮右科名稍遜於昔前渾齋吳太守以公事臨鐔津集諸士子諭曰浮金山之巔二水文瀾合流雙注其地上應魁杓宜遷建文閣以挹其華守雅意培毓且夙擅星學衆聞言唯唯然功程頗大亦遂有志未逮丁酉鄉試後憶前言建議捐輸咸踴躍計獲朱提七百有奇爰鳩工於戊戌之冬遂告竣於己亥之秋登峰造極傑閣巍然同事囑序於余余思度原陟嶽望楚觀京列於載籍釐然可考况安文星於齊雲中吾知其必有合也昔東坡學士以爲勝同天竺地類錢塘其留題也有江月夜夜好山雲朝

朝新之句今特蔚爲奎光燦爲文光蒸蒸日上月異而歲不同其象已宛然可見本此以掇巍科射金門奏刀而解操券而獲行將纍纍乎如貫珠且有加而無已矣抑又聞之詩曰孝友

帝君踐其實書曰陰隲

帝君著其文以身教以言教立坊樹表啓迪無窮苟克是彝是訓是訓是行尙氣節礪廉隅名教中自有樂地則蓄道德而能文章秋風折桂曲水題名望之非奢受之無慝風水之真還於方寸求之勉哉同人余亦願隨君子後焉是爲序

東山文昌閣記

撫州府
經歷 蘇秉晁

自古文教昌明英才磊落振一代之風聲垂千秋之金鑑雖曰天命豈非人事哉藤州地界邊隅粵稽志籍由唐宋以迄元明人才輩出或以巍科顯或以經術傳其間奉祀文昌推崇開化代不乏人誠以帝君乃文章宗主桂籍權衡佑啓斯文萬世永賴者也我

皇上右文振武崇祀聖神所在春秋太牢致享所以承天運與育人材典至渥也矧屬後
儒可不仰體

朝廷培植文教之至意也耶藤有文閣由來尚矣自己亥年移徙東山嗣後折桂蟾宮
題名雁塔視前較盛第風摧雨蝕難禁瓦墮椽傾而居士遊人未免驚心怵目爰集
城廂都里人士設簿簽題喜人心踴躍竭力捐輸不數旬間已獲八九百金隨庀材
鳩工擇吉興作經始於庚午之秋落成於辛未之春仍其故址改三層爲五層易舊
閣爲新閣煥然矗立氣象萬千將見天篤生材地靈人傑後之掇巍科傳經術者焉
知不駕唐宗邁元明仰慰

宸衷於萬一也耶晁非能文承諸公命謹述閣之巔末鐫諸堅珉以垂不朽云爾

谷山成公廟重修碑序

李若栢

大凡載筆泐石均以紀人紀事而傳蹟也其間所註事蹟詳畧或有異同未聞紀一
人其事蹟同而姓氏異者如省郡誌載與邑誌家藏抄本皆云程二者谷山土著也

有仙術乘鳧渡鬱涉而得道鄉人立祠祀之至其世代未審始自何時其祠宇傾頽已日久僅存壇址至今遞年祭祀不衰丁亥冬鄉里鼎建修復開闢舊址得前明岑亞壹重修遺碑內云勅賜靈顯成二公其姓氏則與誌載異其里居遺址行次則相同因知所傳非兩人而誌載之程即成也且邑內只有一谷山而谷山別無二壇址益知遺碑之成即程也不然胡一人而姓氏各異歟豈成程之音聲相近土俗流傳訛程而爲成耶抑秉筆相沿誤成而爲程耶據鄉耆則皆以岑亞壹遺碑成姓爲的即參之誌所云土著得之况土著則遺碑定有本姓氏族今碑內成姓記名有七程氏並無一人其氏族宗派似有可據按此則遺碑比誌載爲近茲廟宇落成村衆質疑請額於余余因據遺碑而顏之曰成公廟非故背誌而從俗也是爲記

勤修文昌合祀三寶序

李若桂

蓋聞周占寶氣嶺繫永薦於千秋漢夢金身俎豆常聞於百世漫謂禪林明覺毋庸廟貌巍峨吾坊有三寶寺創自前朝曾煥翬飛壯麗沿來此日已頽黝聖光華且地

近鷲塵殊非華嚴勝槩境隣湫隘難言香積名區爰鳩梓里同人共作瑤臺盛事高
升鳳嶺慈雲偕雁塔齊輝聯奉文昌法雨乘春風並洽非係一椽一木可造巍樓必
須僉力僉謀方成巨閣雖連年積蓄未得有餘而各用浩繁正多不足則傾囊樂助
是所望於羣公庶募匠經營得共襄夫美舉將見畫棟一新甘露祥雲捲率羣欽瓔
珞文星高拱騰蛟起鳳瑤池並樹風聲千載芳名隨當泐石數言弁簡以勸善緣

甯垆文昌閣兼祀三寶記

歲貢李若桂

事之有關於人心風俗者不得以彼此之跡議之事之即風俗以勵風俗因人心以
正人心者尤不得以彼此之見歧之非無殊於彼此也其意在此而不在彼也余於
甯垆文昌閣兼祀三寶而得其說焉我

國家崇儒重道薄海內外建學以育生徒即建閣以祀文祖誠以文昌者風化所自起
人材所由興豈祀典無稽無關民義之顯晦所得而爭先也嘗見羽衣緇裳之流雄
飾寺觀嚴設象貌以崇奉其教非特務爲觀美也且使人知欽畏而嚮懼罪福焉上

人整躬善俗夙奉斯文詎任因陋就簡莫知所以宗主幾何不爲釋老羞瓊圃梨先生積善於鄉思建文閣久矣適村有舊三寶祠先生始則勉鄉人建三寶以並文昌繼則啓鄉人遷三寶以合文閣殊途同歸俾得相觀而益善旣詢謀僉同且協情宜俗遂羣然擇地於鳳嶺之岡環翠如簪橫流似帶有凌厲塵寰之槩得藏修息游之所捐金募勸而心齊比材鳩工而力殫不數月而傑閣巍然上層文昌樓中塔三寶閣前有亭而亭設講堂下有門而門開夾室翼兩廡廡列三楹繚迴垣垣蔭佳植是豈羽衣繡裳之所爲令人知欽畏嚮懼罪福已乎蓋將鼓歌絃誦於此被三台七宿之化沾時雨春風之澤英才輩出蔚爲國華掇秋香春色於金門揚黼黻經綸於玉陛斯時也謂三寶慈祥附文昌鼓舞以效靈可矣卽謂誠敬所式憑同一正人心勵風俗焉亦可矣則是舉也其果崇法界之三千乎抑表戴匡之六曜乎後之生長於斯者苟無負先生經營培育之意則所謂在此不在彼者亦正所謂挹彼注此也是爲序

重建勅封忠毅武德將軍廟序

陳 憫

太平埠千戶覃公廟年久傾壞歲乙未鄉紳士商民等簽金鳩工庀材重建之既竣思勒石垂遠屬序於憫予思公之前代世有功德公繼祖武而克成之公之始祖秋圃公諱登龍乃慶遠南丹人也由進士授高州刺史其孫校尉普偉公諱夢顯者即公之曾王父也初爲南丹大總目調習士兵元至正七年因黃得甯以妖術叛寇藤州甯風五隘校尉公以士兵擊平功陞世襲百戶總攝大小頭目此五屯啓疆之始也十三年藤州檄招四方佃民開業校尉公糾家隣屬三百餘家移之五隘給牛給種校尉公之子公之王父也龔校尉公諱廣成率衆墾闢成業陞科此五屯之士田始入王圖然猶未歸服也越世至公諱福加伯者行派也少有大志邊夷帖服迨明祖洪武元年上命平章楊璟定廣西檄諸夷歸化公時年十八卽集羣蠻從璟四年辛亥勅合清田額藤州委吏唐榮祥屬五隘於公得士兵計千奇屬公調練公思夷情狡猾血陳五隘乃大藤峽右臂若非設策化導恐非永遠計建議侃侃時尙書

行中書省叅政高萬傑如其議公遂鼓率家丁糾合諸徭隣郡有志從軍者得兵八百餘編附桂林右衛報効俾徭在軍者知朝廷恩威消其根蒂明祖嘉之陞授世襲千戶率其屬以守禦自是威服五屯矣十九年丙寅大藤峽滋蔓公奉命擊賊提前軍附使劉綏哨奮擊斬級蠻潰遁公乘勝深入寇伏矢中頰終於軍馬奔不墜衆悉駭此公忠貞報國有光先烈者也明祖嘉其忠義勅封忠毅武德將軍時年三十有六也後人感其功立廟祀之因其靈應故爲廟號聲靈赫濯普洪遠於遠邇無求弗應有感皆通士農工商莫不歌功頌德樂薦馨香蓋百有餘年於茲矣今因棖桷之傾頽虔思重建樂輪奐之壯麗敬事焄蒿明之征蠻有功者動稱部堂韓公禋祀勿替而公與之並垂不朽謂非豐功偉績之所致乎詩曰令德不忘公之謂歟因不揣謏陋參考公之族牒紀始末以爲序

石牛嶺山記

陳 儻

隨化三江里之間有山呼石牛者以其狀肖鳥健而名也崛起平田之中絕不粘連

衆嶺巍峨崇隆上巖雲霄綿亘三十餘里遠望之儼若翠屏之列焉攀躋其巔則下視白雲飛鳥之背其上則諸峰羅列巖洞玲瓏令人應接不暇峰之有名者若羅織峰觀音峰佛修峰偕背峰獨石峰七星峰巖之有名者者如甕欄巖龍窟巖七星巖其餘峰巒巖穴無名者不計其數若夫夕陽返照峭壁生斑晚霞低墜深壑藏紅忽而罡風鼓盪樹杪齊鳴竇窾響答猿啼鶴唳之聲弗絕於耳蓋天開勝景離奇變幻之嘉妙雖畫工不能繪也茲山儻峙於通都大邑爲騷人墨客遊覽歌咏其名早與永嘉山水並傳久已乃蟠結於荒僻之處人跡罕到爲禽巢獸走之區名遂泯沒而弗彰良可歎哉

重建浮金亭序

蘇秉正

亭創自宋蘇東坡饒山水之勝爲吾邑名跡宋之季世鞠爲茂草元學正費克忠有志復古重建其亭於山之腰倚崖俯江景尤清絕至明而亭復圯太史程文德謫官信宜舟過東洋聞其勝登尋遺址與邑令招文選等謀復之文選等樂從遂相協助

復建諸巔自宋迄元明斯亭屢興固茲山之靈亦諸公之力也夫一亭耳歷三代而不滅是自古名勝未有肯聽其泯沒也者聞諸公之風其亦可以興矣况我

國家政通人和百廢俱舉藤雖僻在邊徼固雅化之區也勝跡無多得一可以不朽斯亭屢建於諸名人勝朝皆然矧在

昭代寧無繼美者乎己亥歲在學諸同人遷建文閣於浮金山之巔最爲得所觀者卜文運之大興乃青鳥家猶以文星未得帶印爲言議者卽舉復山腰之亭以對固其宜也夫復一亭而風水由此益古跡由此存一舉而二美備善何如之喜我同人悉皆有志踴躍捐助推秉正與弟秉星共董其事秉正承衆志豈敢告勞與弟竭力經營庀材鳩工朝夕督視兩閱月而亭告成景象煥然觀者咸羨尤有宜者閣峙山之巔亭倚山之腰上下輝映山川增色每于

帝君誕期凡我同人衣冠濟濟慶祝於閣燕飲於亭多士之萃卽兆文明之興矣至閣外烟雲亭前風月茂林芳草飛鳥鳴禽一一爲山中景色增輝實一一爲吾邑文章添

秀又豈第供遊目悅騁懷稱山水奇觀僅繼東坡克忠文德諸公之美而已哉

雜體

觀風示

劉序拔

爲觀風事照得黼黻太平文章實操連會鼓吹大雅長吏首作風趨玉振金聲筆陣
爭雄於此日薰香摘艷心藻先發乎人文維此藤州夙推名邑星分牛女地接羊城
居甌北而雄嶠南會三江而凌八桂澤詩書以同俗歷秦漢而逮今登俊橋邊李堯
臣名題雁塔潭津縣裏馮文簡績著龍圖蓋靈山之地有靈士毓英靈之氣繡水之
瀾如繡人成錦繡之文所以節義文章莫此爲盛科名甲第振古如斯本縣幸宰是
邦私心竊期雅化版笏參衙之暇願聽絃歌蒲鞭視事之餘還尋翰墨雖出鹿門之
日自問百里非長却臥牛衣之時共信一經莫釋當夫棘闈風冷忝吟夜月五秋即
至槐市官貧甘坐寒氈十載問八口之無恙止仗心耕喜五色之不迷猶堪目織下
車伊始校士維殷畧觀風規曾經月課然而寥寥行卷之士等諸落落向晨之星全

豹未窺名不盈於夾袋屠龍有技足何劍乎蓬門用令衆美咸陳羣賢畢至升堂授簡拈韻分題謹詹長至之期時屬陽生之候日晷添其一線功用足於三餘璧在天中據几光陰不短梅開嶺上含毫字句皆香爲春爲夏爲秋可要成而課最或文或詩或賦各奏技以呈能謫僊之管移來水月巖邊花放使君之劍化去紫藤岸畔龍吟將見鳳翥龍翔森然筆圃韓潮蘇海浩乎文淵本縣旣無美之不取生童宜有長之盡獻身經作吏友仁早凜夫居邦邑有澹臺公事何妨乎至室屆期掃署毋有遐心

決科示

陳廷璠

竊以周重賢書漢隆制舉故俊秀有三升之典辟召設四科之名恭惟

聖朝崇重儒學

嘉惠士林列鄉國學以儲才分春秋闡而取士時逢

盛典欣文運之宏開士果通經應懷才其欲試本縣創修書院最重人才期文教之振

與延名師而講授傳來衣鉢誰爲奪錦之人歌罷霓裳定有攀蟠之客若夫才高鸚鵡自登鯉於龍門果其筆健麒麟應徙鵬於雲路然而未知花樣織錦徒工不信文章點頭亦幻李宗閔之玉笋悉屬名流唐涼公之宮袍皆着寒素要皆功深帷下名貴榜頭者也藤州爲兩粵名區三元故里追芳踪於曩哲步趨者應不乏人拾地芥於今朝功名中豈非同志諸生肄業以來揣摩有得或發揚風雅或標舉性靈或鼓吹五經或笙簧六籍即有分門別戶無嫌異曲同工惟期按部而就班造車而合轍爾茲當秋闈伊邇本縣准於某月某日招闔邑鄉試諸生齊赴本衙局試以闈中首場制藝三篇試帖一首盡兩日一夜之長用徵所學即以決科屆期掃署毋有遐心特示

正葬醒惑解

陳廷璠

葬之爲言藏也上世不知葬親因委棄而泚見於賴爰藁埋而掩發見之天良也厥後製衣衾美棺槨尸必以殮恐日久體化而骸骨無束也棺必慎緘慮外有所入以

侵其內也夫豈不知衣衾與棺槨亦非可以長博而勿壞然觀現在之親體無傷人子之孝思稍可自盡耳至於風水陰陽之說動以利害決以禍福其理本屬渺茫然受斯道之不見關於賢人君子而流行於後世者非盡無稽之論考地理切要之害在風水而風水兼分陰陽傷於陽者易見傷於陰者難知一中其害非骸骨倒亂卽泥水滿棺其子若孫每顛倒流離而莫可救挽而闕閔之家不在龍脈之奇異華表之輝煌卽支結真龍自有的穴常見葬乘生氣山水之環抱斷不至於無情世澤綿延幾成定理余爲先大夫卜穴曾究心堪輿驗之故塚頗信其有徵驗而通觀其故所謂吉地不過葬者不受風水之侵而得安然以藏也其受風水之傷者本實先撥枝葉焉能無害乎藤邑士民處化行俗美之世應明仁人孝子之心余蒞任三載與士民日日相接深喜其不違三代直道之公而獨於遷葬事宜不惟不明乎陰陽風水並失乎天理人心嘗有控告墳山動云驚變骸鑊或盜葬骸鑊及至四鄉每見山巖削壁嵌列骸鑊至數十之多詢諸父老僉稱自原塚中揀其骨而彙聚於鑊欲卜

地擇吉以待葬者嗚呼夫非若人之祖先若人之父母若人之手足骨肉乎謂避凶地以求吉地骷體已不能納地氣之精卽有旺氣可乘恐占驗亦在顛倒流離之數又况死者已受棟骨之苦乎夫人伐草木于已墓之側則有驚塚之詞前後葬墳則有截脈阻向之說今自掘其塚而自暴其骸盛以瓦罈大悖乎棺槨衣衾之義他人爲之罪將若何揆之天良胡以自解乃相習成風都人士莫指其謬以至闔邑失其所安父母斯民奚忍膜視用特平情勸諭自茲以後我士民萬勿受愚於惑世之堪輿致囿於俗而自殘其本卽有萬不獲已值不得不遷之地亦惟預卜吉所擇定葬期備製小棺妥序骸骨衣衾一切一如初殮隨即入壙以安乃心地地理總結云陰地不如心地心地者培養天良之謂也文王澤及枯骨謂之仁若取入土久安之骨雜亂而甕盛之甚且待葬而暴露之慘孰甚焉願我士民痛改前習總求其本心之安得乎天理之正取信風水風水亦自可憑此後發祥當未有艾

重修李衛國公祠小記

知縣黃開雲

唐衛國李公武德中以桂林大總管南巡至藤間民疾苦時有遺愛邑人立祠東山以祀之數百年來靈異顯著藤之士民無不敬且畏焉然祠居山巔風雨飄零易於剝蝕近則頹朽難堪予登謁之下輒怒焉有所不安蓋人廟思敬人情也若廟貌弗崇仰瞻弗嚴則無以斂其氣肅其容而使人敬非祀之實喪之也於是捐廉以爲之倡好義樂施者相率醵金匝月之間廢者興缺者補土木之工于焉以竣祠雖修葺倘看守無人將不數年復仍其故因以餘資權子母設廟祝月給以費俾其司出入啟閉晨昏灑掃繼至今廟貌嚴而章程立藤之士民得以於時祀之而不致於褻吾知公之靈爽式憑其錫福降祥雖百年如一日也是爲記

辭立名宦傳說

高攀桂

世所謂不樂沽名者伊何人乎三代下惟恐不好名苟有可以致名之具而故却之是矯也然無其實而得其名能無慝乎卽得其名而浮其實亦猶之乎愧也夫一行作吏循分稱職此不過可告無罪勿于禍譴耳其爲實也幾何其爲名也幾何虛而

張之濫而廁之於虛過矣余捧檄蒞茲土碌碌未有奇節幸四境寧謐公餘偕諸君子偕修邑乘竊欲詳考古名宦續以則其成效如隋之裴丞宋之郎守元之文令治力民庸允堪經世詩曰高山仰止景行行止雖不能至心嚮往之然才疏政拙雖勞形案牘蒼黎藉以粗安而戴月奔馳究未能步芳踪于萬一每憶周官六計撫衷爲之惕然乃邑志將成縉紳父老呈請爲余立名宦傳言藤向苦盜往往劫竊頻聞余抵任宣講

上諭立十家牌實力奉行盜風頓息且明慎用刑而不留獄昔之羈候待質者下車不旬日而不釋之寓慈於嚴請立傳以垂不朽甚矣諸父老之戴余也甚矣諸紳士之愧余也余捕盜其能如陳鎬之化賊爲良乎其能如張敞之市無偷盜乎其能如龔遂亂繩之喻佩犢之訓乎古也清其源余也遏其流矣察察之明孑孑之恩庸有多乎且余之不敢列於名宦也豈自今日始哉曩者治武宣巨盜方熾余設法擒捕著有成效上憲以爲然將所議規條通飭遵照時亦主修縣志衆以列余於名宦之紀余

操穎刪其傳而弗錄夫不爲宣武之名宦其敢爲潭津之名宦乎此其尤大彰明較著者也抑吾更有與爾民約者旣險建而求明決不如相安於任恤之風業羈候而思察釋不如斂跡於公庭之上探囊胠篋夜半有力者負之而走然後偵之緝之不如敦詩說禮俗美風醇縱有伏莽匪人早已懷慙裹足信斯言也則爾民之所以自愛者深而其所以報余者亦已至矣立傳何爲

霍東陽墓誌銘

高能徵

康熙乙酉年三月廿一日致仕西甯邑侯姻臺東陽霍先生終於家葬於感義鄉龍虎嶺之原余筮仕兩浙重關阻隔訃信未通及歲杪回鄉抵藤城適姻姪廩生廷彬庠生廷樾廩生廷櫛庠生廷植廷權述狀請余以誌墓焉余斯時念切姻親潸然泣下惻然有感恩思少訂金蘭長同仕宦所稱莫逆者舍先生其誰與雖音容已渺德政猶存若以不文辭豈不湮沒無傳哉爰爲之銘曰先生諱沛字於時別號東陽距其生順治乙酉年月日兄弟三人長諱澤次諱濟先生則行三世居藤邑高太父諱

桂嘉靖歲貢任思恩府教授曾太父諱文謨萬歷癸酉科賢書以功貴俱晉贈奉政大夫修政庶尹太父諱有蘭萬歷歲荐屢官汝甯府同知誥授奉政大夫父諱鍾翰崇禎歲貢以功貴贈文林郎先生劍江之華胄也幼孤邁寇惟兄母是依避難之餘時當窮困饔飧不給從兄採蕨以承歡膏火無資繼晷燃松以照讀年二十應童子試卽冠軍與仲兄同遊泮水爲學道閔公所器重科歲屢拔獲等四戰棘闈三經獲荐以數奇未售領康熙廿五年歲進士越五載授興安司訓先生情深孝道志篤友恭當簡書命至猶不忍一日偶離焉長兄命曰揚名顯親亦孝道之一也於是始受徵書登仕版當兩任司鐸之日皆以振興文教爲己責初至興安詢門下諸生得故廢學遺址在縣署右卽捐俸倡修日與門下英俊講求經義勉以遠大自期宜督學台特爲鑑拔列諸剡章之中因奉檄諭永淳興安邑侯暨僚友薦紳門下士共製榮陞一序有豈僅兩庠桃李兼收百粵絃歌丕變之句余觀興安永淳兩學多士濟濟咸誦斯言誠非虛語俸滿陞陝西西甯衛經歷奉母隨任尋丁母憂寢苦枕塊哀毀

盡禮服闋復前職署西甯縣事是時陝西內方用兵縣當孔道軍書旁午使車繹絡他邑多以遺悞獲譴惟先生好謀成事知勇兼全後藩台額大人奏題遂補其缺惠政良多指不勝屈即如案牘偶暇每遴諸生於學中肄業衡文課士不懈自是邑中盛列鄉榜綿綿不替其克盡厥職如此及告休日衆皆詢詢羣聚於道曰陰雨膏民菁莪造士我侯之德侯其禕而獨奈何遽言解組歸田耶先生示曰在官時久切丹誠報國思兄際當隨旅夢還家緣接遙書痛兄年邁抱疴情瀾切矣民不得已祇攀轅而送之有西甯府金太守撰先生行述事甚詳也披閱之而神往矣嗟嗟先生其宛在乎韓子云莫爲之前雖美不彰莫爲之後雖盛不傳今觀榮陞序行述錄豈徒口碑而已哉即使後之未瞻眉宇者猶得藉此而知先生之德行政績昭昭若揭也是爲銘以誌

題朱錫鬯跋李衛公西嶽書後

蘇時學

昔之論西嶽書者唯明楊東里所云最爲中肯

國朝朱錫鬯力斥其僞謂衛公不應自知後來富貴若此斯言誤矣唯衛公謂不能自知故再三以質諸神寶窘迫無聊之想爾朱氏又謂公微時若以帝王自許者然書中所云曰大寶不可妄據又曰捧忠義之心身傾濟世顧何嘗作非分想耶又以斬大王頭焚其廟宇語不類公然此公年少氣盛時語若如本傳所云已在險阻備嘗之後矣傳曰唯其有之是以似之朱氏以書生之見妄測賢豪宜其齟齬而不合歟

藤縣志卷之十九

藝文志

重建三元書院碑記序

蘇厚培

從來造物不擇地而生才英賢不諉天以自棄吾藤自李祭酒以來代有文人而科名之最盛者則莫如宋三元馮文簡先生先生以皇祐元年登第自鄉貢禮闈廷對皆第一歷官至樞密副使太子少師致仕卒贈司徒謚文簡南渡後刺史李公萬來知藤州慕先生之爲人訪其遺趾得斷碑於草莽中而重刻之所謂六字皆宸翰者

是也明永樂間創迺書院落成而督學湯公適至知其地爲先生故里遂以三元命名而祀先生於其內其文皆載諸郡志夫淳祐去先生之世未遠况斷碑記石刻元則州守金公文仲跋之明太令華亭馮公亦別有記事歷三朝夫豈盡不足傳信哉而省志則以爲宜州人方輿覽勝諸篇又或謂江夏或謂咸甯郢州迄無定說大抵聞達之英人人欲得以爲邑乘光且先生實通籍他鄉遂致所見異詞所聞異詞耳噫吾竊以爲過焉昔吾家東坡昌黎廟碑不云乎公之靈如水之在地中焉往而不也在也然則先生之爲藤人與非藤人前記有之固不必辨至其科名之赫奕學術之深醇不避奸回不事權貴偉節豐功卓卓在人耳目聞先生之風其亦可以興矣壬子之歲邑中諸君子以院宇湫隘且日就傾頽謀更新之而余與吳君煥章等實承乏其事三閱月而功告竣繼自今登斯堂也景仰餘風當有瞿然起者有志之士毋以邊陲之地自限毋以降才之殊自諉切磋砥礪以上副

聖天子壽考作人之意則此舉也可以振文風可以綿祀典何莫非諸君子之力也哉是

爲序

石田村改建蔭橋序

平南副榜楊震坤

石田村之下流曰石田河有浦焉相傳陰橋舊迹也丁未之秋都人士捐資鳩工繼建以石越戊申春告竣而陰橋名焉是橋上通平容下通蒼梧往來必經旱潦必越建以石定久遠也在昔或數十年或百餘年其朽廢摧折瓦礫幾盡以視世之結石如長虹如雁齒歷百千萬年遺蔭無窮者未逮也莫爲之先雖美弗彰莫爲之後雖盛弗傳橋之陰而蔭也或曰美蔭曰遺蔭曰樾蔭曰廣廈蔭蔭等也而美蔭遺蔭樾蔭焉乎九二曰鳴鶴在陰其子和之荀子曰木成陰而衆鳥息焉陰蔭等也而橋之先後久暫異焉者好花易蕩不如庭草之長蔭也縹瓷易墜不如埴錕之長存也則由是爲百千萬年計其籍此美蔭遺蔭何如且較樾蔭廣廈蔭又何如也至若青囊家聚陽益蔭之說道家因果福蔭之稱是又事有必至理有固然俟之而已門人蘇子自芳走書囑余道遠言畧未能究知其狀謹以所聞爲之記

白沙庄遷建文昌廟序

陳 鏞

東山之右劍水之左勝地也梅里之裔渤海之派望族也淳峙相涵毓爲文藪以故人爭濯磨皆悠然置身木天中雅不喜瞿曇誕說惟以崇奉文昌爲楷模蓋以玉衡燦玉尺繩操紫極之權以照三能天文之與人文道固有流通而無間者歲在辛未暮春之初里族薦紳先生以文昌禋祀舊建閣於水之涯有漣漪微動之風少崗巒層疊之勢咸議更諸爽垲地敞而宏遠矚流泉近依青嶂思仰止而景行切問源頭而活水來於以妥神靈而興文教吾知其光遠而自他有耀也厥志先定詢謀僉同用是注於茲挹於彼爰啓此確乎不拔之基夫興土木思創建所在多有而鳩工庀材難於集腋往往爲犍爲朱提所苦茲乃一布一泉資不外索姑洗以迄黃鐘計數月而觀厥成麗其室魁其閣旅楹閑列暉鑿袂榭堂筵飛甍延屬崇門元雲垂高雖曰得於有力便於取携苟非夙欽孝友之徽鼓舞文明之教曷克按日程功趨事而不愆於素纘自今何天之衢綿綿奕奕渤海莫非學海梅里先占梅魁東山月朗步

月分香劍水龍光見龍協吉洵所謂揆文奮武博大昌明也豈不休哉豈不懿哉余不文承董事諸君子及門下士囑序於余殆未可以譏陋辭也謹縷紀其巔末于石是爲序

大任里下黎列聖宮碑序

邑進士卓 憫

明有百吏幽有百神所以庇民也利則興害則除吏之職也民之有所不便者奔走赴愬於吏吏必爲之經營區處以遂其欲惡之心福則錫禍則祛神所司也民之有所仰賴者俯伏乞靈於神神必爲之陰扶默佑以愜其禱祈之願故民之畏吏也如畏神民之敬神也如敬吏然吏顯而神隱吏有分職而神無分司吏於民之所求核以事理之當否復度己職任之及與不及所求遂有應有不應民每不能悉稱其意以去民之於神則無論事之公私大小輕重難易欲求則往而求焉求之亦往往而應卽有不應亦無譴訶及之是以民畏吏之嚴而樂神之寬其敬神也益虔於敬吏下黎有列聖宮一方之福庇也創自嘉慶年間圯於道光十四年秋潦神失所依民

矢所庇者數年今士民復鳩工庀材因其故址宏其規模庭堂門廡煥然一新自今而後祥可祈而集災可禳而去疑可問而決爾嗚時若年歲順成人物之康阜風俗之和輯神之爲靈昭昭也其所覆庇者豈有旣哉先王以神道設教旣成民而復致力於神故置祀較置吏尤詳凡以庇民而已祠之重建也尙有古之遺意也乎董事之勞襄事之力俱不可泯宜勒之貞珉以示來者

待村永福院碑文

乾隆十四年庠生蒙勉吾

昔漢明帝夢金人自西天而下遂創白馬寺而佛乃興於中國及後漢馬援平西粵而藤州始闢是以馬伏波得受封於永樂寺中而佛又興於西粵也如是藤之南去城七十里許有仁封鄉之七都自漢隋而唐建永樂寺於霸利山庄崇奉三寶諸佛爲仁封鄉之香火其湛露宏敷恩光普照鄉之宦衿士庶羣食德而無窮迨生齒日繁坊屯茂盛奉祀多艱遂衆議而分祀焉而我九都待村得一右尊三寶而建永福寺於唐貞觀之初其庇祐無疆者不可悉數如明代成宏正嘉時有傅惟慶傅鑑傅

文溥傳文瀚傳文澂父子解元鄉科接踵其一時之文人蔚起皆崇奉三寶觀音羅漢諸佛之所恩被合祀勅封遊天三界威靈之所赫奕而春祈秋報叩之則靈奕世皆然是其庇蔭無疆者故名之曰永福寺奈土木有朽爛之態牆垣有頽頹之虞寺宇已無大壯之觀矣不有重修其何以妥神靈而崇功德乎

古聖宮碑文

乾隆三十三年蒼梧增生羅續

力足開天浩氣與雷雨風雲並永功能闢地英風共桑麻菽粟齊長蓋德載乎神而神克顯神依乎德而德長新報偉烈於當年祈豐功於奕禩立廟禋祀孰云得已而不自己者乎若古者首三才之聖作衣裳之聖制器用之聖造耒耜之聖補天柱而立地維之聖皆繼天地之生而不爲久出六極之外而不爲高入八極之下而不爲深長於終古而不爲老立廟以隆誠云當也惟有手足卽有衣裳有江河卽有飲食我人被服耕鋤是孰開啟是孰呵護是非聖人之精氣游魂主持其間又烏能有是豈得漫爲不經孟浪之談而阻立廟之議哉但嫌於列在祀典有所不敢吁大成至

聖家塾皆師夫非祀之所載者乎則聖之彰彰我人尸祝之誠非僭也丙戌歲之始
父老曰自生民以來迄天壤海隅皆古聖之固結而維繫也隆諸皿食一以報生率
黎庶飲和食德前古萬年之功一以冀雨暘寒燠捍患禦災終古萬年之蔭

藤縣重建 文廟記

提督學院孫欽昂(河南滎陽人)

殷人奠於兩楹之間楹故南向也韓昌黎處州廟碑云巍巍當座以門人爲配座亦
南向也惟藤則有異藤邑屬於梧其山曰爻其水曰鑿其廟祀

孔子在南門外學嶺之麓獨東向致之志建廟於元至順朝至

國朝康熙間改而南向輒不利於科名故乾隆間復易而東向以爲必如是而地乃效
其靈也形家之言姑勿具論咸豐甲寅歲兵燹頽仍宮牆灰燼邑人傷之思有以復
之而未果適前唐令鳳翔來攝邑篆周視廟之遺址慨然曰事有亟於此者哉乃謀
諸紳耆爇於大吏釀金鳩工由殿而廡而祠而堂而亭而池而門而垣以次畢舉工
未竣而瓜及今邊令其普力葺其事廟貌奕奕輪奐並美舍菜上丁以樂以舞觀禮

嘖嘖稱歎禮成將記諸石而請於使者謹按學記凡始立學者必釋奠於先聖先師說者謂庠聖舜師稷契序聖禹師益皋校聖湯師尹朱膠聖文師望散皆祀之於學無所謂廟也自

孔子玉振金聲舉先聖先師之名而一之唐以下乃貌之而爲廟元以下乃顏之而曰文復別置所謂學舍固已歧廟與學而二之矣惟門曰禮門路曰義路與夫堂曰明倫猶有立學遺意學者顧之得無思乎夫天下之數典而忘者比比矣今藤兵革甫息得賢侯爲之倡率咸殷然知所嚮往歌于邁而從公洵邊庠之盛事也果由是進而思之則當春秋釋奠朔望宣講之時入禮門而卽嚴非禮斯真入禮門矣由義路而時懷非義斯真由義路矣升講堂而返躬自省惟恐倫紀有虧不堪對越乎聖賢斯真可以升堂矣亦安見東山泗水之風不遇諸爻山鐔水間哉是役也經始於乙丑十二月落成於丙寅十二月周曆之日唐令長沙人邊令封邱人同治六年仲春督學使者滎陽孫欽昂謹記董事者別書於左

重修藤縣書院記

孫欽昂

古無書院之名國學鄉學而已今成均治璧海之旁以爲講堂學舍俾國子生鼓篋其中猶存古制不以書院名也至郡縣書院與類宮多不相屬其有與類宮相屬者命名雖異乎古其制亦於古爲近余以爲制無今古在育才之良有司而已藤邑書院在學嶺麓類宮左側甲寅之亂與類宮同時被毀絃冷誦輟閱十年矣乙丑之冬乃與類宮同時興修易寒暑而工竣藤人之詞旣請余記其類宮並請余記其書院余忝司文衡每以不能振興文教爲愧故巡試所至進諸生諄諄勸誡授之以小學復授之以塾規而惓惓之懷殊有未已今乃聞善若此是亦學校振興之機也願能已於言哉按其狀書院建於嘉慶十一年知縣事者陳廷璠實倡事院之制中爲講堂軒其前齋其旁廚其隅房其門而垣以繚之其後爲

文昌殿 魁星樓其上拜亭其下三代祠又其後也計爲屋若干楹凡昔之火於寇者以次鼎之而育才之地一新院故置田二百餘畝約稅米八石有奇每年取租穀三萬

四千餘勛軍興以來畛域漫漶課程乾沒至是按籍而稽釐剔焉追償焉凡昔之蝕於蠹者以次復之而育才之費一如其舊天下有迹出於因而事同於創者此類是矣嘗考書院之名肇自南唐宋初學校未立時則有四大書院曰鹿洞曰嵩陽曰嶽麓曰睢陽而鹿洞爲尤著故呂東萊記之特詳然其意在黜王氏之新說以表章正學今則無新說之惑矣所患者士子役於聲利不能敦崇實學耳且不僅惟是李訂江袁州記曰假官借師苟具文書則道尼不行蔡士英南康記曰以養士之資果匪類之腹亦任斯士者之過然則爲

國家愛惜人才裕養之之具擇教之之師俾來學者朝斯夕斯相觀而善窮經稽古措諸躬行出可爲忠臣處亦不失爲孝子蒸蒸然人文蔚起非良有司其誰屬哉非良有司其誰屬哉是則余之所厚望也夫至率作之有司暨紳董始終其事者與擬宮同別爲書之

同治六年仲春上澣

重修藤縣文廟碑記

梧州府知府劉楚英（四川中江人）

朝廷崇儒重道有加無已所以端風化正士習也

皇帝御極之三年因給事中王憲成奏曲阜

聖廟請飭勸修一摺通諭天下曰山東曲阜聖廟爲先師子舊里各省學宮均爲教育人材之地自應隨時修葺以肅觀瞻着各該督撫通飭所屬敬謹查勘有無應修要工壹併妥籌辦理用副朝廷崇儒重道至意欽此仰見我

朝建國君民教學爲先故直省被賊竄擾之區一經收復靡不通飭所屬敬謹勘估次

第興修誠以

聖人之道如日月經天江河行地不可一日間斷

聖人之廟卽不可一日任其傾圮典至鉅也粵西軍興以來各府州縣文廟學宮半燬於賊兵燹之餘求其巋然獨存者不可多得卽求其董事興工規復舊制者亦不數數

觀咸豐九年冬楚英奉

天子命來守梧州彼時所屬如容縣岑溪尙爲賊踞藤雖未淪於賊然以濱大江故水陸受敵民不敢居賊亦不之踞豐草荒榛蔽塞街衢卽

聖廟之零斷片瓦迭經賊毀無有存者吁可慨也

同治三年冬余重守是邦越明年乙丑宰斯邑者爲唐君鳳翔下車伊始有事於廟集邑中之紳耆爰咨爰度經之營之甫一禩而宮墻依然崇閣殿廡煥然金碧矣非邑令之賢能紳耆之樂善烏能相與有成若是哉於以見物之廢興有時世之治亂有數而官民之好義急公人事爲有權也而藤之風化從此端矣而藤之士習從此正矣將見詩書之氣化夫兵戎俎豆之馨薰爲良善後來之賢秀於曩哲胥於是焉肇基之矣舉

朝廷所屬望於郡邑者無不於是焉仰副之矣是役也仍其址於縣南崇其規於嶺麓經始於同治乙丑季冬落成於丙寅季冬倡修之令爲前署藤縣知縣唐鳳翔現任知縣邊其晉董其事者則儘先選用知州舉人胡毓璠儘先選用知縣拔貢歐華麟

選用知縣前任宣化縣教諭舉人鄧澄瀛儘先選用知縣恩貢霍康海侯選縣丞蘇時習補用守備莫本培也例得並書而自元之至順三年創建迄於本朝嘉慶二十五年重修所有官紳姓名並列碑陰以志不忘

同治五年歲次丙寅季冬之月辛丑朔

重修縣城序

知縣邊其晉(河南封邱人)

先王之設險也所以守國古人之設關也所以禦暴防患者莫不以民而保於城以城而保於德豈僅誇金城之千里侈石城之百仞而已哉藤之城自晉始唐武德時始成之元時重修皆草創粗備而已明初築土城東北樹柵天順間始甃以磚石四隅建門設敵樓焉成化時韓襄毅公委謝知縣重修增其式廓自是而沙主簿李知縣及縣令梁香山公皆增修之 國朝則有知縣宋旭之修李文炎之修張潯之修要皆捍衛民生藉資一邑之保障者也道光二十八年知縣劉繼祖號小竹偕首捐修事雖因而實創也咸豐元年知縣張鵬萬續修工始竣意美法良始不至有

土崩之憂瓦解之慮四年秋艇匪李文茂土逆馮六攻陷城池連年盤踞而城垣民居盡爲茂草仁人君子大有黍離北風之感焉同治元年知縣陳延齡字鶴翔者商同胡君毓璠霍君康海朱君五美歐君華麟莫君本培蘇君百朋籌款捐修加高加厚增炮樓炮台九座之數君子者當滿目瘡痍寂無人烟遍地狼烽之時毅然以一邑之興復爲己任身家性命所不恤成敗利害所不許卒能告厥成功使合邑之盜賊土匪揭竿稱雄者盡歸掃滅自是而三廂七里二十四都復睹庶富之盛直與河西之寶融浙東之錢瑛比肩抗衡藤邑雖小亦一時人才聚會之盛也晉不敏三年四月令斯邑時各匪林立兵勇及紳民尙不及匪黨之多十月撫逆復叛陷數十村皆因與諸君商議剿撫設法齊團堅壁清野並誘令各匪爲自利之計然後以勇練蹙其元惡匪始不能支踉蹌逃遁年底始粗定唐君鳳翔四年五月到任而三吉板羅復叛唐君剿平之晉五年七月復任三吉復叛十月又剿滅之現在四鄉清平復見天日附城民居商戶修葺十有八九是誠賴斯城之成以表率一邑奠安人心不

徒誇九仞七仞三仞之規模三雉五雉七雉之雄峙也晉中州鄙人不善爲文因胡公崑山之請不敢辭也廼摭拾遺事爲文以記之未知能副諸君之雅望否也

同治六年丁卯九月九日

重修縣署記

知縣邊其晉

縣署之設所以移風易俗察民聽訟凡月吉讀法年終考政以及地方之山川人物年歲豐歉科名盛衰祀典興廢催課惰勤與夫防患于微圖安於危諸大綱胥於是乎在豈僅官吏棲止苟圖逸居而已哉若吾藤縣署之修有不可不志者已署爲州舊治建自唐時明初州牧趙文重建之洪武十一年始改爲縣自邑令唐禮方俊廖大佐王宗子迭次修葺而廖修尤爲美備蓋鳩工庀材以成輪奐之美者也

國朝邑令蒲珩之修更足以追踪前人比美往哲洵兩朝之賢守令卓然可風者也厥後邑令張純陳士修李文炎劉元鰲陳廷璠皆節次重修之要皆宣上德而教忠孝抒下情而正風俗大有關於國計民生者也道光十一年溫鵬翀又修之咸豐四年艇

匪梁培友土匪馮六攻陷城池焚燬之六年艇匪李文茂陳開等復陷此城焚燒殆盡拆毀無存官吏只數人皆棲止城外之破廟中真不勝茂草黍離之感矣同治三年甲子夏余縮符茲邑時風鶴烽煙猶未靖也居民廬舍尙無存也丙寅秋七月仍來舊治時頭門大堂諸工唐君鳳翔已修之奉

藩局兩憲籌撥銀三百兩爲余興修之用乃因其舊而大修之自宅門川廊二堂三堂上房東陪房六間西陪房四間廚房及東西門房印房六房科房三班上下班房照壁土地祠皆勉竭愚力以修成之東陪房之東修一望江樓爲登高望遠賓客觴詠之地自丙寅八月鳩工至丁卯六月告成非徒壯觀也非爲晏安也非不知位如傳舍他人入室也非不計衙爲公廨後賢享成也但以莫爲之前雖美弗彰莫爲之後雖盛弗傳唐君既擅美於前余亦不敢不步武於後况非常之原黎民滋懼藤遭兵燹以來已十有五年矣若不奮然修葺必量力計費而後爲之幾何不併一縣之事而盡誤之耶幾何不併一縣及後來之事而盡誤之耶况披荆斬棘國乃稱強

建舍修橋德爲彌大異日印纍纍綬若若源源而來者皆余兄弟輩也是亦大公無我之心云爾謂爲諸友人之公署也可謂爲余與諸友人永遠同有之公署也可余不敏樸而無文然不敢以固陋辭也是爲記

同治六年丁卯八月

建修捕署記

知縣邊其晉

藤邑自軍興以來衙署民居蕩無一存久矣鞠爲茂草沒爲瓦礫散而之四方者十有四年矣幸天心厭亂人心思治劫運已過生機已萌是亦吾邑一大轉移也同治甲子四月余縮符斯邑時兵燹未已官吏只數人樓止破廟中真不勝秋風黍離之感城內外編茅而居者僅四五十戶閱城時周圍俯視見萬家烟竈盡爲灰燼有不禁爲感慨而歎息者矣丙寅七月仍來此地因而起學宮修廟祀建衙署疊次剿滅三吉剩表大岸狼扶諸匪寨民漸復業地亦效靈連年豐稔抑亦吾藤之福耶時署縣尉陳君洪清正勤慎竭力劬勩然猶棲止城角於應辦公事諸多未便亟延胡君

毓璠商欲建修胡君慨然任之勸捐銀數十金余急欲落成廼獨任其事計自同治六年丁卯二月鳩工五月告成約費三百餘金非敢多事也非敢市德也但以義之所在欲使諸事就緒不得不勉力撐支以期於共濟時艱亦曰食其地者忠其事受其祿者盡其心成敗利鈍毫不介意未知諸君子或以我爲癡或以我爲狂或以我爲愚拙皆余之所不計也是爲記

同治六年丁卯六月

關帝廟碑記

知縣邊其晉

帝武聖人也自三國分鼎以來廟貌盈天下者千五百餘年矣豈僅以其義烈炳於日星忠威侔於天地而已哉蓋有可以楷模世道式法人心爲歷代所不可及者常留於兩大之間而悅服於奕葉之世愈瞻仰而愈不能一刻忘懷者也請試言之青燈觀史則極其儒雅赤面如心則極其坦率扶漢則義不返顧忠之至也伐魏則志不少回義之極也視奸雄如無物武之神也處極困之事而淡然有所不搖當極難

之時而毅然有所不顧後人睹其像者咸肅然起敬呼爲我夫子稱爲武聖人緣得其具體而微者即名重旂常姓標史冊後世若羊叔子杜武庫郭汾陽李西平曹武惠狄武襄韓襄毅王文成諸公但能學其餘緒已足爲古今來之擎天柱石矣下至文人學士傑士雄才少能師承其意者無不稱名臣誌顯宦宜大千世界若往若來者皆願學未能如七十子之服孔子也吾故曰自生民以來未有如我夫子也若乃護國佑民禦災捍患猶其餘事耳不然自漢唐宋明以來忠之至義之極代有名人而氣象之尊嚴胸懷之磊落神武之威毅意志之恬和何以效其一體而不間得其全神也故曰夫子也聖人也自生民以來未有如武帝者也藤邑自道光五年陳公修廟以來咸豐四年盡燬焉同治五年唐公惺園重修未竟余時已復任九月始告成庶幾吾邑之賢士大夫觀其廟貌者咸奮然興起不至若他邑之僅以香火爲事祈福避禍而已也余固鄙陋不文因衆人之請不敢辭也遂叙其建修之始末而爲之記

同治六年九月二十日

藤邑風俗利弊說

知縣邊其晉

古者太史陳詩以觀民風司徒省方以察民俗凡以興利除弊因民之所宜而順導之意至美法至良也藤雖僻處海隅不考其利弊而善爲之謀則與國之大計無補民之請命無術是宜申明而詳說之也考藤邑東接梧郡西連潯境東南瀕容縣界爲三江之要害貨物往來之所亦盜賊出沒之區陸則西北之大岸狼扶風門佛子古稱盜藪南則竇家金鷄東則糯峒諸險要巨匪盤踞十有七年矣雖屢經招安強橫猶昔民居此土者一苦於賊再苦於兵三苦於胥吏之需索是宜不惜重費先清賊擾早爲撲滅則勇可裁撤節正項以甦民困然後嚴禁胥吏有犯必懲庶幾盡一分心民受一分之賜矣余於甲子四月捧檄斯邑值四郊多壘守土者之取也時莫亞寅據狼扶許多良據大岸何先拔據滿村覃乃輔據竇家戴九温自振等據糯峒分地稱雄余陽與聯合陰謀翦除羣不逞之徒兇悍過甚仇怨尤多因乘其嫌隙

設謀間之五月間招勇齊練招致許多良以滅狼扶擒莫逆誅之八月復招勇及黃姓練丁攻滅許多良殲其父子叔姪悍賊二十餘人十月張廷喜復據糯峒陸七據公扶揭竿而起者幾百餘村矣因倣古堅壁清野及寓兵於民之意令各匪及民團之強有力者互角其利而分爭其地野無所掠砦無可攻且殺傷過多飢疲已甚盡皆逃散因而招勇齊練會合官軍攻破糯峒公扶二砦丙寅秋七月仍紹舊治三吉猶爲賊據余與經歷柯益帶勇剿滅其砦而西北一帶無劇匪矣丁卯二月復招勇會同叅戎胡高志攻温自振破其砦擒斬之時覃乃泰猶據寶家疊次諭以禍福乃泰感悟遂遠徙他處十一月讓其故地於楊姓計兩年有餘擒斬巨匪莫亞寅許多良雷七莫十三黃卷成許大鍾江三千傍温自振倪啓理陳毓瑞等凡著名大盜皆駢首就戮是亦人心思治之一大轉機也外匪旣平宜謀生計按此地深山窮谷地廣而人稀土沃而物茂所產桂茶葯料竹木穀米及菓品應用各物甚多皆順流而鬻於粵東得價易而育生便其人崇尚禮義輕財好施凡鄉試會試及赴部投供有

志上進者無不竭力贊助文廟書院武廟昭忠諸祠闔邑捐資閱兩年而工竣其好義急公有如此者而自奉儉約食不粱肉衣無錦繡居然有唐魏之勤儉焉以故代有名人崛起而興由於風俗之純良使然耳惟是勇而好鬪恃強輕生刁而健訟誣直作枉然寬以容之緩以懲之漸次更張可化澆漓繼自今宅爾宅田爾田苟撫綏得宜則內匪不興懼怨家之蹈其瑕隙也外匪難合知民若之善於戰守也匪少則易於斬馘匪多則艱於糧食寓兵於民呼之立至因餉於地取之勿奢官民和浹即可收指臂之效備干城之選矣計二年有餘所得逆產盡撥賓館暇則作養人材急則籌補軍需邑紳胡毓璠霍康海諸君咸以爲然民皆欣然樂從士氣爲之一振如寶家諸團足以捍自良瑯南南各砦足以禦新利留利足以制大岸太平足以備風門大江自赤水襍洲濛江白馬北流自老鴉金鷄木路寶家分團防守以靖內奸而禦外侮以裕民食而培士風實諸紳籌畫之力爲多余材慙蠢測智等蛙鳴久思林泉欲爲匏瓜之繫濫廁簪紱勉竭駑駘之庸因抒所見聞強爲臆說以俟後之君

于是爲說

同治七年三月

賓興館記

邑舉人卽選知州胡毓璠

古者以三物教萬民而賓興之所以集梧岡之鳳招萃野之鹿而儲菁莪之用備圭璋之選者典至鉅也意至深也降及叔季或以資格限人或以世山取士於是海上之明珠巖穴之楨榦未能以一第爲榮宣力王家此古人所以有版築之難逢毛錐之自薦恒致嘆於懷才莫展不能投封侯之筆破長風之浪也吾藤自宋朝馮三元文簡公發跡以來代有偉人若叔姪祭酒父子解元兄弟聯芳應運而起者類皆羽翼盛世冠冕人倫以爲上國光咸賴賓興鼓舞足爲科名之一助也迄咸豐四年甲寅之變士民蕩析離居無暇爲文教計自同治二年癸亥冬經官軍剿辦諸匪就撫四年夏署縣唐公惺園五年秋縣主邊公退齋清釐善後規模始定所有廟宇縣署捕署義學書院均次第修復煥然一新所歉賓興弗講育材未備時義學左側有周

家破壞牆屋地址一連三進唐縣主捐置建造公寓瓜及時公請歸作賓興館而育材之地備矣惟是經費缺如不足以鼓勵士氣良可慨也適奉張中丞月卿札飭各府州縣凡有應抄逆產自應以公濟公因查縣中三十都十八都四十二都等處逆產正可稟請充入賓興館管業收租永爲多士歲科兩考鄉會兩闈試用爰商諸局內霍君對山歐君玉書莫君性甫蘇君錫之等僉曰善卽稟請邊縣主縣主亦喜而不察爲之詳辦定案而育材之資裕矣吾藤賓興之舉實創於此然事有創必有因尤願邑中樂善諸君養其根而竢其實加其膏而希其光使取資益宏育材益廣是皆人得而主之而非藉神以呵護也然而羹墻如見夢寐可通人也而神卽寓之以故春秋有事又安可無尸祝者相在爾室使之肅然起敬乎而或曰祀文昌或曰祀魁星取文運昌明與賓興之意相爲隱合余以二神書院義學均已並祀敬而能遠數胡爲者時衆論紛如恰承維新釐廠委員彭君邦泰湯君贊以創建同文閣中祀蒼聖神像之舉來議余嘉其意而和之公同踴躍勸捐共成美舉不必擇地爲良卽

就賓興館增其垣崇其門軒其堂丹其楹輪奐備至是年冬落成而祀

蒼聖於其中使賓興諸友當有事時藉以顧名思義永遠敬惜字學亦吾儒報本窮源之意將見聯步青雲對揚

彤陛寶合邑兩美畢具之盛事豈僅崇四術四教之業重六經六行之文而已哉余鐔津下士譚劣無文重以縣主之命諸君之囑不敢以不敏辭因述設立賓興館並崇奉蒼聖之原委而爲之記

同治六年歲次丁卯秋九月吉日

建修藤邑義學經古書院記

恩貢候選知縣霍康海

藤之有義學由來久矣雍正年間大令楊世昌建於南門內所以端蒙養基聖功也時因束金未備因有府傳經書院文溢田畝五石每石納銀六兩除納糧五兩五錢尙存銀二十四兩五錢由戶房支給另有官學戶額租穀二千四百斤繳銀十四兩

四錢後因歲貢唐上土告爭田土丈溢稅米五斗六升每年額租穀二十石充入義學由值事自行管理以資膏火意至美法至良也然而窮經致用博古通今之士竟鮮其人道光二十四年甲辰邑舉人蘇時學稟商大令江應澄建經古書院於其中復倡置三十八都六甲義學官課戶田業土名（大欖塘下馬村）稅米一石八斗四升八合八勺年納租穀五千斤又有惠敷堂竹木例銀大令劉繼祖撥入由柴行抽三分之一俾肄業生童有所藉資而興起焉咸豐四年燬於兵越十餘年費用全無欲求爲餼羊之存蓋亦難矣同治三四年間漸次廓清縣主唐鳳翔籌經費修舊制未及告成時邊縣主復任不肯沒唐君之意並邑都人士等始終經營之心因不辭勞瘁力成其美而束脩膏火之資亦如前照收無缺夫藤舊有書院又設義學與經古書院何也蓋書院所以廣習制藝義學所以專考經古俾有志上進者分處潛修勵志揣摩以免聚而羣居之擾用志不紛乃凝於神是亦多方獎勵之意云爾異日蘭臺石室之英白鹿銀麟之選或可望昌明正學不負

聖天子作人之雅化所厚望也夫余鐔津下士不足以維文教且兵火久歷百廢未舉邊縣主極力整頓漸次安輯以期無負

上憲培養人材與訓誨民志之意多讀詩書卽潛化梗頑經文緯武寔相爲表裏者也是爲記

同治七年二月

昭忠祠記

拔貢候選知縣歐華麟

人無論富貴貧賤尊卑上下而能禦大災則祀之能捍大患則祀之以勞定國則祀之以死勤事則祀之無他蓋惟其具有一種忠勇義烈之氣充塞於宇宙之間不可磨滅如顏常山之舌張睢陽之齒文文山之正氣至今猶凜凜然在人心目是以名垂竹帛功蓋寰區足以廟食千秋而無愧吾藤自咸豐四年逆匪倡亂以來城鄉失陷闔閭凋殘遍地紅巾空灑南冠之淚漫天赤幟誰招北地之魂各州縣之受兵燹者未有如吾邑之甚也爰有忠臣良吏義紳烈民閨閣名流戎行勁卒或與城俱亡

或毀家紓難或拖腸力戰洒一腔之血於沙場或罵賊不撓付七尺之軀於疆場其
貞魂毅魄可以驚天地而泣鬼神其義胆忠肝可以壯河山而光日月方之顏常山
張睢陽文文山諸君子殆有

過之無不及也今

天子仁慈神武卹典優隆迭經

諭飭各直省府廳州縣創建昭忠祠以祀歷年殉難官紳勇練每歲春秋

頒行祭祀典禮有加若不建立專祠微特無以上體

聖朝恩典抑且無以下慰忠魂同治五年夏五月署縣唐主惺園商同胡君崑山霍君對

山莫君性甫等擇地建造時有前署縣宋主杏友充公林姓地在城內太平社左側

唐主議因其地而經營之遂鳩工庀材籌款卜築凡八越月而工成余曰祠成矣而

香燈無出晨夕供奉猶闕如查有前署縣劉公小竹置買南門外地尾一所併太平

社前充公地一所其東門外三角嘴之經費廠則前署縣景公礪山現任邊主退齋

捐俸置也蓋將各處遞年租地出息爲逐月香油司祝之資詢之衆僉曰可遂稟請
邊主立案照行從此春秋俎豆

九重之曠典常新棟宇巍峨百世之明禋勿替則以爲吾藤之保障也可以爲吾藤之尸
祝也可卽以爲激勵忠義鼓舞節烈也亦無不可余學識淺陋不足以表揚大烈重
以邊縣主之意衆人之命不敢以不文辭迺述其建造之原委而爲之記

同治六年歲次丁卯秋九月吉日

龍神廟碑記

邊其晉

藤之東南五里獅子嶺之麓舊有

龍神祠由來久矣每霖雨蒼生惠澤黔庶邑之人沐其德被其福無疵癘天札之患有康

樂安平之休皆被 神之庇佑每歲春露秋霜宰斯邑者皆登壇致祭以爲生民計

典至鉅也意至深也咸豐四年燬於兵燹以致荆棘當途惟見紅巾擄竊瘡痍遍野
直使赤縣淪胥禍亂不已水旱頻仍不特民不聊生抑且 神亦就餒本縣目擊時

艱力爲除掃丁卯十二月地方始少安靖時

文武廟書院各工甫就商之邑紳胡毓璠卓誠霍康海等捐俸倡修以安 神庥而錫
民福無不樂從願爲爭先卽邑之都人士皆欣欣然有喜色也是役也督工建修於
同治七年歲次戊辰越兩月告成廟貌一新今而後東作西成百室慶禾黍之盛春
祈秋報合邑欣雨暘之時所以宏樂利而受福鰲被潤澤而大豐美也余中州下士
不足以表揚

聖德因邑人之請不敢辭也遂率爾操觚而爲之序

三建齋昌橋碑記

韋業編

嘗考樂天歌紅板之詞東坡咏綠楊之句或躡仙橋而題柱或賦長橋之臥波橋梁
之設自古重焉憶昔家君創建此齋昌橋也念跋涉艱難三春水勢泱泱九夏川流
渺渺褰裳莫濟常窮阮籍之途隔岸相呼每返逢萌之駕是以於乾隆四十六年創
建石橋以期一勞永逸閱數年而圯五十二年重建之又圯乙巳冬編謹承先志

舊址而三建之定謀於乙己之夏歲事於丙午之春運石效移山之拙敢冒天功嶺橋乏渡鵲之奇都憑人力非鞭之速聿觀厥成如砥之平利有攸往由是而扶老攜幼不必爲厲爲揭致歎苦匏乘馬服牛何須就淺就深興嗟滅頂旣便行人之一往聊慰先志於九泉非敢謂善繼而善述亦不敢冀降福而降祥也是爲記

道光二十六年

藤縣志卷之二十

藝文志

歷朝各體

詩詞

五言古詩

紫藤樹

唐李白

紫藤掛雲樹花蔓宜陽春密葉隱高鳥香風留美人

藤州江上夜起對月贈邵道士

宋蘇軾

江月照我心江水洗我肝端如徑寸珠墮此白玉盤我心本如此月滿江水湍起舞
者誰與莫作三人看嶠南瘴癘地有此江月寒乃知天壤間何人不清安牀頭有白
酒盞若白露團獨醉還獨醒夜氣清漫漫乃呼邵道士取琴月下彈相與乘一葉夜
下蒼梧灘

浮金亭戲作

蘇軾

昔與徐使君共賞錢塘春愛此小天竺時來中聖人松如遷客老酒似使君醇繫舟
藤城下弄月鑿江濱江月夜夜好山雲朝朝新使君有令子真是石麒麟我子乃散
材有如木困輪二老白接籬兩郎烏角巾醉臥松下石扶歸江上津浮橋半投水揭

此碧蘿

紫藤杖

葉原賀

托根嶺海間穿巖近清泚不知經幾年翠葉胡萎齏直榦徵冰霜貞心等班玳苞鮮
紫榦新花涵清露坭已並鉄樹杖其下多甘薺采蕨者伊誰識此孤芳體携歸入紫
府柴門長夜啓舉家怪且驚千里贈老來老來忽見之傾倒笑共趣置諸文房中衣
以古錦絮賜雄人寂寂化鶴笑瀾瀾青藜空輝騰挑竹走脾睨可以備湯盤可以列
舜紙出入藉扶持異途如平砥胡然世淪亡零落任荒坻至寶出有時一朝遇愷悌
太息命奚童取向江干洗洗以文彩新光觸雙眸昧厥命聖明朝舉動遵古禮慎勿

化蛟龍擬欲獻楓陛

流盃橋

秦觀

曲水分山陰輿梁勝溱洧一詠見高風駟馬安足取

玉井泉

雲蒸崑山液月浸藍田英臨風咽沆瀣滿腹珠璣鳴

光華亭

霞通海天曙月來東山白共是憑欄人誰足當秋色

藤州諸勝（八景）

劍江春漲

明富禮

泊舟滄海濱天雲喜高曠化劍已成龍桃花湧春浪刻舟彼何人懷古空惆悵

石壁秋風

斷崖如削鐵開闢自太古江風西北來斑斑濕秋雨扁舟晚經過中流欲掀舞

嶋灘霜籟

秋高霜降餘灘淺石齒齒漁郎吹笛來野鶩斜飛起山頭兩石人並坐如笑指

龍巷露臺

海月照珠宮隱見蛟龍窟神人或徑行風雨助飄忽石臺晨可登秋風正蕭瑟

谷山列障

聯石如重屏彷彿郭熙畫雲橫鳥道長月照虹梁跨荒塚臥麒麟令人起悲咤

登嶼聳環

江流島嶼分亭亭聳高髻螺堆脫霧濃翠滑春雲細徘徊顧清影澄江去無際

東山夜月

東山氣鴻濛夜色白如晝月明斗牛間江動金波溜步歸松徑深清露濕衣袖

赤峽晴嵐

峽口漲晴嵐秀色渥如赭天寒山鳥啼月白林猿下仙人讀書臺石磴水湍瀉

夜泊藤縣次韻酬湛內翰

明潘希曾

泛舟蒼梧來又泊藤江口去國萬餘里通夜瞻北斗冉冉歲月逝厥柄忽露玉銀河
注清淺經緯爛星宿低頭閱無人圖書陳左右殘燈耿明滅爐烟細當牖正爾不能
寐憂來欲皓首迢迢江湖心匪爲行役久望眼不可極雲山立纏糾中道欲何依賴
茲同心友珠玉時見投繆戾亦予咎駑馬逐驂駟竭力常恐後

七言古詩

吾謫海南子由雷州被命卽行了不相知至梧乃聞尙在藤也旦夕當追及作此詩
示之

宋蘇軾

九疑聯綿屬衡湘蒼梧獨在天一方孤城吹角烟梅裡落日未落江蒼茫幽人拊枕
坐歎息我行忽至舜所藏江邊父老能說子白鬚黃頰如君長莫嫌瓊雷隔雲海聖
恩尙許遙相望平生學道真實意豈與窮達俱存亡天其以我爲箕子要使此意留
要荒他年誰作輿地志海南萬古真吾鄉

江月樓

秦觀

仙翁看月三百秋，江波日去月不流。肯因炎塵暝空濶，直與江月同清幽。蒼梧雲氣眉山雨，玉簫三弄無今古。九天雨露蟄蛟龍，琅玕長憑清虛府。

九日宴浮金亭

趙崇德〔知藤州〕

東山樹何青青，鐔津水何泠泠。茂樹可蔭流水，可聽眉山夫子能解事。却于水邊梅下構危亭，洪波浴日金錯落。瘴雲不雨煙濛溟，風塵瀕洞去天遠。草木鬱鬱知地靈，監州爲愛黃花節。携我登臨邀衆客，假令有酒多似藤江水。豈能洗我胸中之鬱抑，甘侯昆玉文武全。交遊傾蓋五情熱，故人亦有許判官。清政平生心似鐵，文采風流喻幕賓。曾陪驄馬清南粵，劉君原是徽省郎。治民有道多籌策，令簿懷才亦不羣。芳名皆在斯文列，儒林翼魏兩茂才。逸氣直與青雲接，孟嘉落帽是何年。岸幘高風感前喆，天荒地老兩茫茫。白髮無情滿簪雪，醒時飲醉時歌尊前。要使衰顏酡不顧，奈此清興何。人生聚會能有幾，湖海親舊今無多。

谷山列障

元麥 徵（知藤州）

翠黛環山似城郭鳥啼春雨巖花落天晴長日捲簾看却放餘烟入簾幙

龍巷露臺

明林孔嘉（知州判）

巖風凜冽冬正深水枯石出見崆嶺明年春浪江湖濶風雨時時聽夜吟

寶家寨

解縉

寶家寨前朝雨晴思羅江內水初生楊梅果熟春將暮荳蔻花開鳩亂鳴

金鷄驛

金鷄驛前津吏迎金鷄巖下江水聲金雞飛上九天去惟有空巖依舊名

雙競驛

雙競驛前雙小洲年年於此競龍舟翻思奪錦青天上河漢江聲共北流

劍江春漲

方子邁

東風晴雨消輕陰浪起沒沙山影沉橫纜維舟水已沒墜篙始覺江流深

藤江

李純

天光曉關東山陰洲嶼欲沒天沉沉桃花已隨夜雨盡海鷗不知春水深
穴蛟龍觸山怒此際神驚危砥柱柳邊舟渡浪停時行人未負斜陽暮

龍巷石

潘希曾

巉石粼粼巨江北凌風欲渡鬚鬢赤貝宮清淚濕羅衣複道西風留轍迹
露肥苔蘚盤石幽天花搖落雲不流晚涼灑掃石上月一線長繫江聲秋

拒賊行

錢溥(學士)

古藤逆行四十里白馬浦頭急如矢輓舟方渡十二磯蠻賊已屯山梅裡
堦鏖鎧戟紛如雲出船仰望疑我軍高張強弩發毒矢始信賊勢來成羣
柴公樓船盛旗幟賊欲先登渾無計彌然七矢傷四人衆皆錯愕將我避
賴公揮刃督其進善射復數陣勇士徘徊且却向中流脫此虎口良不易
是時官軍滿哨船遠視勝負不敢前頭哨聞風已赴水後哨看賊登山巔
賊初凌晨劫村落滿載回船意殊樂忽遇帆檣蔽岸

來竟尋生路將船泊我軍有一統率者剿絕其後解諸縛忍使婦女并幼男盼盼青天去從惡計不出此心茫然賊反小視來侵虐親身目覩尙如此道路傳聞誰復許寄去征夷大總兵將士勇怯當先取

過霍榮合葬雙親墓

林寬(副使)

藤州存子霍時秀種萱奉母天垂佑與弟怡怡母益歡登堂共舞斑媵袖萱堂一夜
凄寒霜哭聲直徹上穹蒼談書未占升斗祿恨與臯魚何時忘牛眠佳兆神呵護奉
父遺囑同安厝忍把雙親棄原野剪棘誅茅覆廬墓雖爲適禮之常經卽此可以表
孝心世有忘哀反作樂視此不如獸與禽我偶行役過廬下拜墳叙闊日將夜明年
再至觀民風定有三邦克成化

五言絕句

鴨灘霜籟

麥徵

山 雲中墜霜花石面浮渡時三老懼竟不絕行舟

石壁秋風

水面芙蓉起穿雲徑路回千巖動蕭瑟作賦愧非才

登嶼聳環

李純

湘妃疑此涉恍惚露鴉盤珠翠年年麗行人鏡外看

劍江春漲

邑歲貢鍾思賢

神物屯風雨春波失渚汀歸人呼野渡渺渺隔江聲

東山夜月

翠擁孤城逼襟分鬱繡流松頸灣不動秋色滿簾鈎

赤峽晴嵐

青岬摩元漢東山鎖碧湍薜蘿朝散藹蒼翠蘸波寒

谷山列障

錦屏開隔水四面渾難分障在西風急江鄉煖似薰

七言絕句

潭江即事

宋黃庭堅

閉門覓句陳無已對客揮毫秦少游
二子不知湍飽味西風吹淚古藤州

石壁秋風

元麥徵

千尺丹崖削石屏波光倒樹水雲行
何當借我烟霞榻臥聽泉流看月明

鴨灘霜籟

中流亂石水交叉滾滾寒聲帶雪花
霜月不隨流水去只將秋色伴漁家

赤峽晴嵐

水氣初生雲氣浮山林不辨鳥聲幽
天風吹入三竿日草色依依水遶洲

藤江

明解縉

三月藤江聽子規烟花細雨濕征衣
遙知鄉里逢寒食處處人家上塚歸

劍江春漲

李純

昨夜雲生桂井東春來一雨一回風風吹花縣傳香遠雨漲藤江流澤隆

石壁秋風

石削層崖倒樹松涼生六月起秋容官清不擾遊人樂繫艇松根聽曉鍾

鴨灘霜嶺

石激波濤湧玉虹絃歌響應水聲中雪花浮動雙鳧起飛入彤廷對殿楓

龍巷露臺

水落江寒十月冬平臺永巷露靈蹤春來水滿江湖闊雲起龍飛到九重

谷山列障

玉樹凌霄谷嶺峰疊排錦帳若崇墉菁葱遠映甘棠色仰止於今只有公

登嶼聳鬢

高聳雲鬢不爲夫中流砥柱勝蓬壺茂林翠映湘妃竹仙令清還合浦珠

東山夜月

月映浮金盞，碧瑤東山山下水。連漪君侯惟飲藤江水，對月何須畏四知。

赤峽晴嵐

嵐晴瑞起白雲間，坐對終朝愛此山。巖下維舟不忍去，琴彈流水暮潺潺。

藤江

桃花浪映錦鱗肥，白髮漁翁罷釣磯。柳底繫船篷底坐，滿前鷗鷺已忘機。

過霍榮祖墓

明徐瑞

金雞一勢繞金城，城下滌洞繡水清。千古塋封知霍氏，松陰滿地白雲生。

舟過藤江卽事

明李全善

桃花春盡雨聲中，洶湧波濤浪拍空。鷗鳥不知江遠近，往來相趁白頭翁。

五言律詩

憇金雞驛亭

明劉崧

綠雲上驛亭，春色正冥冥。千樹棠梨白，滿山蕉葉青。潭開匣鏡秀，壁擁帷屏尚說。

容州遠舟行未可停

下馬

下馬度嶽岑千溪復萬林含沙宜鬼箭飛艸畏蜚鍼火種通猺谷山歌雜戍音逢迎
暫投息起坐劇愁心

藤縣即事

成化侯官人黃 鎬(左布政)

藤江行數日隔水隱人烟兩岸山如削中流急似弦鳥鳴深樹裡舡係急灘邊遙望
容州地淒其思愴然

七言律詩

經藤州驛

宋 劉志行

驛使何曾寄嶺梅古藤花下小徘徊無名異果自成樹沒字殘碑半是苔木杪山雞
知且盡江心仙島欠樓臺灘神憑險成遺廟笑我何因到此來

浮金亭

宋 趙崇德

危亭我到三登眺帶酒尋花鬢似絲日射沙明金錯落風迴波轉浪參差酒闌東李
誰同姓老去眉山未有詩自笑常爲疎散客安知何日是歸期

桂山井

明富禮

桂山山下注瓊漿石眼流通一脈長釀酒如飴清有味烹茶似雪淡生香天光雲影
涵虛白魚躍鳶飛見渺茫泉石烟霞成老癖常資涓滴潤枯腸

東山夜月

林孔嘉

譙門風細漏聲遲太岳靈峰淨掃時一片月輪從海上九天清影落天涯浮金獨有
坡翁句照水空傳衛國碑圓缺陰晴那可定南飛烏鵲夜何其

將至藤州喜賦

劉崧

孤城隱隱見中流八漿翩翩送客舟山擁瘴烟迷柳碕水穿石磧下梧州寒暄異景
愁深入言語殊方強笑酬莫歎羈懷勞北望且勤王事賦南遊

藤州卽事

解縉

繡水東來合鬱江古藤城郭鎮南邦山雲橋渡飛虹並江月樓空乳燕雙晴日鶯花
紅錦帳春風烟柳碧油幢吹簫喚起蛟龍舞金鴨香焚列玉缸

龍灣

傅惟宗(舉人)

石窟藏靈自古聞碧波無底浸江濱水枯忽漲二三尺歲熟加收四五分神物蜿蜒
蟠地軸靈光歛炤動天文太平有象今全見白日晴嘯五色雲

過十二磯

桑悅

亂石危磯急瀨聲扁舟汎汎水中萍月當秋夜十分白天到遐方一樣青引路哨船
鳴鼓吹前山軍堡出旗旌回頭便有開懷處無數峰巒出翠屏

五屯即事

吳廷舉(蒼梧進士)

屯移古贈小江頭江際孤城城上樓山勢昂藏趨天府水源紆曲自濠洲三農稔稻
秋無望六月干戈戰未休藤斷峽空高鳥盡邊人千載仰韓麻

過霍榮祖墓

徐瑞(邑舉人)

孝子山頭築夜臺東流不盡古人哀孤猿獨鶴聲相送白日黃泉眼共開陶侃自能逢卜地王裒惟恐復聞雷倚廬靜對寒江月幾欲乘舟酌一杯

谷山列障

霍榮（邑舉人）

奇峰壁立勢崢嶸斷截長江一派橫萬丈蒼崖凌漢碧千尋古木拂雲青嵐收天際開新畫雨浥江干列翠屏欲擬飛仙登絕頂題詩何必問山靈

赤峽晴嵐

兩岸高峰峙水湄丹崖轟轟勢嶽崎淡烟縹緲環青嶂紫霧氤氳透翠微峽口風生秋氣爽巖頭雲度夕陽遲謫仙去後空陳迹小洞荒涼白鳥飛

浮金亭

明袁衷（梧州太守）

東山旭日正瞳瞳萬片金鱗映水中錦縠晴舒寒浸豔玻璃光瀲碧波紅訝看場谷飛輪動彷彿錢塘湧雪同坐對蒼涼蘇病骨令人清興憶坡翁

藤江漫成

明謝少南

四山殘月半帆風亂石洞波委折通可訝寒江猶碧艸忽從歧路轉丹楓冬回氛稜
消沈後北望星辰感慨中勾漏西來知不遠將因煉鼎問仙翁

五言排律

登藤州

唐宋之間

朝夕苦過征孤魂常自驚泛舟依島泊投館聽猿鳴石髮緣溪蔓林衣拂地輕雲峰
刻不似苔壁畫難成露浥千花氣泉和萬籟聲攀幽紅處歇蹈險綠中行戀結芝蘭
砌悲纏松柏瑩丹心江北死白髮嶺南生魑魅天邊國窮愁海外情勞歌意無限冷
月爲誰明

詞

藤州與客誦夢中長短句(好事近)

宋秦觀

山露雨添花花動一山春色行到小橋深處有黃鸝千百當面化龍蛇妖嬌掛空壁
醉臥古藤陰下杳不知南北

登嶼得鬢〔木蘭花〕

李純

一水中流孤嶼淨青螺半點湘妃影柳舒翠黛月如梳梅擁綠雲天作鏡凌波仙子
儂家近說到繁花嗤不信掉歌長繞蘆花深秋霜怕點青青鬢

四言古詩

明湛若水

臘月既望我徂自藤雲木翳翳零雨其冥有山如戟有石如城雲餐雨立僕夫于征
聯我蘭舟與子同行念彼室處感茲靡甯

國朝各體

五言古體

秋日遊萬壽寺

陳倜

滿院鎖秋光清風生四壁竹陰遊客來空翠衣間滴

六言古體

劍江春漲

覃上輝

兩岸平曠已沒劍江水滿知春夜雨又添幾尺曉來試問舟人

赤峽晴嵐

覃上輝

嵐光蒼翠欲滴赤峽好雨初晴莫問遊人樂否處處鸚鵡遍新鶯

石壁秋風

何宏元

一幅丹崖整潔幾行花木清幽瑟瑟秋風誰得往來幾隻漁舟

谷山列障

何宏元

西北青山高峙森然秀出羣峯生就一方保障春深黛色尤濃

義鷓歌

覃上輝

繡江之濱多軼事爭道唐朝宣撫使古藤州南獲鷓鴣墨羽金眸絕儔類旬月之後
教之言翦舌疏翎聊當戲誰知此鳥馴且靈日漸能言稱人意或歌或舞無不嫺應
拍赴絃如按轡欲將此鳥博君歡陳之王前姑一試宣之使言口如絨呼之令舞不
展翅只道微禽畏天威豈知孝鳥崇恩義不蜚不鳴別有心巧言令色非其志遲之

又久尙如初王固問之鶴始語爲言嶠南是故鄉別父母兮縈愁緒玉梗金粟雖備
嘗爭奈此身別儔侶自離故土見君王天北天南各異處兒旣慮母無所依母定悲
兒居逆旅不願金鑿近至尊但願南歸啄殘黍語未終兮淚已流輾轉翔鳴冀王許
王感精誠亟遣歸不使良禽悲失所復加優渥賜金環鶴戴天恩歸嶺表何期歸至
舊巢中母身雖存魂已杳遂把金環殉母旁倫常大義鶴能曉至今鄉尙以義名可
以人而不如鳥

七言絕句

晚登東山尋浮金亭故址

蘇厚培

八月涼巾陟翠微浮金山上景全非行人莫問當年事衰草寒烟怨夕暉

浮金亭懷古

面面軒窗了不扃晚烟如翠暮山青東坡淮海俱千古不見光華舊小亭

五言律詩

舟過藤江卽事二首

祁 墳(廣西學政)

夢醒櫓聲急行舟曉又忙攬衣驚出日捲幔納微涼宿雨山泉響輕風岸草香藤州
饒景物莫漫惜蠻鄉

百粵文身地

皇朝德澤深不聞斷藤峽敢動跳梁心使節水雲際人家松栢陰探風亦吾責處處管絃

音

避暑水月閣

蘇 炯

何處堪逃熱南關水月宮蒼松遮烈日翠竹引清風說偈炎威退談禪暑色空披襟
石上坐四體盡和融

大梳嶺

蘇 炯

一派巉巖石依稀列齒文雨絲憑整理雪線任條分朝掠南山霧晚梳北海雲巨靈
櫛沐後拋擲落塵氛

望迴龍洲

陳汝琮

海上孤峰迴風光望裡幽
千瀾迴既倒一柱砥中流
日落潮聲急雲開月影浮
推蓬聊極目絕勝鳳麟洲

萬壽寺盤竹

胡現星

篔簹依福地勁節勵秋風
品以琅玕重心隨色相空
蕭疎方丈外掩映小盤中
若問誰爲友清幽况遠公

七言律詩

新秋遊水月閣

吳鳳來

竹筠蕉葉碧玲瓏茅屋蕭疏似已公
留客茶瓜消夏暑清心鐘磬帶秋風
水光應與天光合花影知隨月影空
幾處招提忘垢淨禪機盡在不言中

題萬壽寺盤竹

吳鳳來

不學篔簹新粉濃小盤寄托靜禪鋒
枝低應是搖風懶影淡還因篩月慵
貝葉青時

添冷翠柳絲零處覺秋容竹林高致蕭條在底事柯亭想蔡邕

劍江春漲

高攀桂

飛瀉牂牁下劍江劍光灑激勢難降墨雲驟潑三春雨銀浪平封四面牕閣繞濤聲
疑蜀棧池連樹影繫吳檣此中恐有蛟龍蟄漫向延平供一雙

龍巷露臺

高攀桂

霖雨鴻濛戲九垓身閒常自臥江隈穿渠不陋偏成巷破壁通靈應號臺誤入遲迴
詢八陣獨登瀟灑望三台噓雲變化原難測得濟蒼生便異才

文嶺雲環

高攀桂

迤邐文昌拱縣門千巖萬壑儼雲屯錦屏曲曲青堪拭筆格森森銳可捫芹藻香新
玉澤遠笙簧韻古

聖居尊邇來靜夜篝燈下市地書聲出近村

谷山翠疊

高攀桂

長夏雲峰比谷山層層翠障列塵寰蔚藍天半堆螺髻碧玉流中浸黛鬢一笏衛齋
朝爽豁萬重畫樹夕陽閒每教簾捲西窗後疑挂丹青咫尺間

鳴灘霜籟

高攀桂

鳴綠灘頭水鶴翔清秋雨岸月如霜白沙磧遠蒹葭老紅蓼花疎橘柚香沽客酒餘
驚過雁漁莊火暗促鳴榔誰於萬籟蕭蕭夜獨和歐陽賦一章

石壁霞紋

高攀桂

媧皇片石聳江涯萬古長留五色霞春曉桃花迷蘚洞秋風柿葉隱山家赤城岌岌
千峰護紫塞迢迢一徑斜底用髯蘇前後賦偶然問俗泛仙槎

東岡霽月

高攀桂

簾纖寒雨暗前川忽喜東山月破天絮卷白雲風淡淡花明烏柏露娟娟開樽獨對
情何限與客聯吟興灑然何處歌聲聽不斷衛公祠外打魚船

赤峽晴嵐

高攀桂

浩浩藤江去不休，劈分石峽鎖中流。
檣帆背日晴疑雨，竹樹藏雲夏亦秋。
嵐氣收餘明寺塔，水花團處浴沙鷗。
欲看曉日騰滄海，獨自欄憑百尺樓。

題李衛公碑後

周誌勳（長沙人）

五花將畧世無儔，正際陳隋正氣收。
識布衣驚

紅拂眼上奇書請，大王頭英姿褒鄂勳。
同重真主風雲意，自投僕射至今聲在耳。
斷

碑長護古藤州

李白巖

陳汝琮

碧磴丹梯隱接天，伊誰流寓到峯前。
夜郎羈縻傳開寶，平越歸來是謫仙。
讀罷祇堪尋衲話，醉餘惟自抱書眠。
盛唐詞賦留遺跡，一檢清平一惘然。

石人嶺

霍廷櫺

伍伍參參聚半崗，直如仙子肆軒昂。
朝餐玉液捫心冷，夜探靈芝入袖香。
萬古儀容春不老，千秋骨格性偏強。
滄桑遞變知何許，惟爾堅持立志剛。

浮金亭懷古

蘇炯

雲雨蒼茫鎖遠烟，登臨此際興蕭然。
殘碑斷碣埋荒草，古木寒枝宿夜鷺。
文德先生歸雨浙，眉山夫子返西川。
風光亦與人同往，惟有江山似昔年。

李白巖三首

蘇炯

巍峨峭壁俯清漣，此地曾經臥謫仙。
嶺外白雲猶篆字，洞中瑤草幃殘編。
山嵐翠靄餘詩料，石室幽閑憶昔賢。
一自騷人歸碧落，登臨翹首興蕭然。

乾坤是處謫仙才，碧澗香飄繡綠苔。
石室當年留醉客，詩魂此日鎖寒梅。
疏松影落空巖靜，細草春深小洞莓。
惆悵無因追往昔，參差烟雨暮雲來。

榕潭流水漫無聲，古洞空留昔日名。
幾片白雲文士跡，半巖瑤草醉仙情。
中天月照波瀾靜，夾岸烟迷暮雨橫。
詞客自從沉采石，夜來宿鳥爲誰鳴。

秋日登浮金山文昌閣懷舊（集唐）

陳憫

文昌新人有光輝，仙嶠浮空島嶼微。
路轉寒山人獨往，江涵秋影雁初飛。
惟將遲暮

供多病不用登臨嘆落暉惆悵舊遊無復到白雲芳草與心違

登江月樓懷古

陳 憫

江清月白四窗秋曾記蘇秦此勝遊南國逐臣惟縱酒西風懷古獨登樓灘聲樹影
他鄉夢水色天光異代愁今一歌詩人已杳通津門外有漁舟

秋夜集友泛舟石壁聞漁歌

陳 憫

邀朋探勝泛舟河石壁涼宵寄興多數點漁燈人倚棹一川明月客聞歌秋風名句
思前輩滄浪遺音感逝波笑問江湖舊知己蘆荇高調屬誰何

暮登文昌樓

陳 憫

密樹濃中辨不分層樓高倚值斜曛日隨山色圍平野心共鐘聲觸暮雲星散千家
還北拱月明孤館待南薰壯懷對此重開拓長嘯歌詩夜半聞

和水月閣盆竹

陳 憫

猶是搖風漏月容根盤淨域寄孤踪雅宜逸客評修短懶與枯禪比淡濃爽入新秋

難受暑勁餘古節宛迎冬參差萬箇塵氛靜時有慈雲護幾重

水月閣新秋和吳明府韻

陳 憫

名藍積翠鬱瓊瓏遁跡雲林比遠公高閣遙吞千嶂月回廊斜受半江風何年法界
開初地此日禪床借四空政有餘閒秋又好山光潭影入詩中

水月閣觀漲

陳 憫

水勢茫茫駭寸心祇緣高閣獨登臨誰翻巨浪漣交廣欲挽洪流洗古今萬點塵絲
歸汨沒一漚世界判升沉衆生若問迷津路苦海如斯幾倍深

赤溪懷古

陳學治

赤峽依然舊日溪茫茫遺跡不勝稽多年浪說仙翁去過客惟聞野鳥啼雨浥輕塵
花有淚人來古寺艸成蹊文章事業還吾輩水自東流日自西

秋日遊水月閣

霍士坤

參差古木影層層探勝閒將曲檻憑詩酒放懷原我輩山林得趣羨高僧白雲橋外

溪聲急黃葉峯頭鶴唳增到此塵緣何所着欲隨鷗鷺結閒朋

登赤峽李白讀書巖

李若桂 小山

赤峽山幽半繞嵐聞傳名勝喜登探春歸石磴花初暖客到荒臺鳥未諳流水無心
留逸韻蒼苔遺句久包涵謫仙去後風聲寂洞口丹霞擁

碧潭

和寶家寨少府義昌江舟行次韻

李苦桂(小山)

東山東去復朝東戴月孤舟夾岸中今古不殊三峽水絃歌屢變百蠻風鳥啼巖畔
遷喬綠人語烟邨競女紅皇道蕩平無隱吏星槎漢使不時通

赤峽晴嵐

蘇秉正

碧嶂丹崖景曠然榕潭野色萬晴天雲林倚岫光風裡煙影含山霽月邊出米浪傳
巖下蹟讀書爭記酒中仙閒來倚杖遙登眺一帶峰巒入畫鮮

浮金亭

蘇秉正

藤下奇觀繡水東雅懷高寄繼坡翁趣深風月程文德志樂林邱費克忠自昔煙雲
猶歷歷于今光景倍融融願留名勝齊陵谷佳興千秋與衆同

浮金亭

蘇秉星

由來名迹與人同樂寄巖泉想醉翁光景清高如放鶴逸懷淡雅擬扶風長依山閣
橫烟外好映江城入畫中遊騎時時亭畔簇不須芳草綠河東

紀德政簡六齋陳邑侯

陳乃書

華陽甲第冠梁州世澤長江合並流雲日五朝逢泰運科名八代顯殊猷家聲幾見
傳驚座豪氣真堪接臥樓不是太邱多令德鐔津那得遍歌謳

偕友人登萬壽寺觀音堂

黃源洙

山雲不鎖情雲封直上蓮臺第幾重念佛漫尋三寶地會心且聽一樓鐘風旛動處
僧眠穩水月光時客笑濃明鏡無塵君記否由來定靜亦禪宗

重陽偕友登東山寺（限韻）

蘇厚植

敢將筋力諉衰頹，勝景良辰歲幾迴。
眼底煙雲橫岫出，尊前風物逐顏開。
高吟有客能酬唱，短句無端費剪裁。
寄語攜壺東道主，明年還待好音來。

重陽偕友登東山寺（限韻）

霍士坪

廿年俠骨未曾頹，名勝追歡夕照迴。
半縷幽情閒處適，滿天秋氣望中開。
白衣酒向東山酌，紅葉詩從九日裁。
佳景良辰稱勝會，更期明歲復同來。

重陽偕友登東山寺（限韻）

蘇厚培

夕陽影散玉山頹，憑仗誰將日馭迴。
適意詩如秋色淡，醉顏紅映晚霞開。
談餘珠玉隨風落，歸去烟雲帶月裁。
只恐下方人暗數，錯傳仙客洞中來。

與客登東山李衛國公祠

蘇厚培

閒隨朋侶陟危巔，四望悠悠意渺然。
斷岸雲沈寒渚水，滿城烟動夕陽天。
古祠未定誰人築，遺碣依然此日傳。
最是夜來明月好，幾回題詠入詩篇。

浮金亭懷古

蘇厚培

登臨無復見坡翁此地高歌興不窮
秋草離離原上白殘霞片片日邊紅
千秋風景於今異二水波瀾自古同
我到寒山頻弔古不堪斜日對西風

劍江觀漲

胡世振

二月龍塘春水生波光瀲灩接蒼溟
桃花浪湧魚初躍柳絮風迴雨乍晴
天地升沉舟一葉乾坤浩蕩月三更
使君去後留遺跡劍氣年年尚縱橫

謁藤州馬伏波將軍廟

陳乃鳳

萬里南征白首年掃除側貳靜烽烟
勳名不署雲臺上祠宇還瞻繡水邊
馬革裹屍心自壯明珠得謗世常憐
漢家滄海遺容在山色江雲曲檻前

夜登藤州東城樓望東山月

陳乃鳳

高樓獨上雁來天遙望東山月正圓
璧彩蒼茫霄漢表金波浮動繡江邊
雲消荒麓寒疑雪露灑空林碧似烟
隔水闌干人小立雙吹玉笛不思眠

谷山列障

陳乃鳳

崢嶸列障劍江灣自是藤州第一山地聳翠屏流水曲天開畫軸彩雲間三秋麓樹
含風冷二月巖花笑日間不盡懸崖連峭壁拄筇携屐許誰攀

鴨灘霜瀨

陳乃鳳

鴨灘洲畔夜飛霜寒瀨濺濺一派長清淺影涵楓葉赤漣漪光漾荻花蒼涼生玉液
憐秋節冷浸冰心愛夕陽爭似桐江流七里子陵竿拂小漁航

劍江春漲

陳乃鳳

流鶯百轉畫城春城外江濤漲滿津紅蘸林園花似綿綠涵山郭草如茵斷崖縹渺
漁歸晚高閣蒼茫客倚頻雙劍久沈波萬頃濯纓人愛趁芳辰 (唐採訪使携雌雄
二劍躍缺化龍沈于淵中)

龍巷露臺

陳乃鳳

天門龍上不重回清露瀟瀟灑石臺麟甲千年存臥巷珍珠萬顆點層苔秋風悵望
漁吹笛明月登臨客舉盃祇快春深江浩渺探奇難撥水雲開

劍江春漲

石漢

淼淼春江水接天
鐔津晴日放漁船
山迴曲岸青千丈
風靜波平綠一川
倚棹何人懷古劍
枕流有客賦新篇
閒情不盡斜陽外
鷗鷺飛飛破晚煙

硃井醴泉

胡現星

硃砂凝結不知年
井底于今釀醴泉
延壽豈居丹液後
醉心應在菊醪先
玉壺夜汲春膏閨
石鼎朝炊活火煎
至味自同甘露美
萬家歡飲樂如仙

藤州攀轅詩跋（爲明府陳六齋作）

李中寶

蓋聞治化之隆多由循吏仁聲所播
端在醇儒故溯茂異於漢京羣推卓魯
企典型於宋代共仰開濂我父師本清白
傳家以廉能著績誕生涪水出宰鐔江
携琴鶴而來清風載道懸鏡蒲而治光氣
滿堂甫及下車即憂心於蒞屋未臻考績
蚤馳譽於建陵憫荒土之艱難奠民居如
勤家事求衆情之監謐尙秋肅無害春溫
育才則進比聯蟬聽訟則閒堪羅雀誠足
擬良翰之公明紹太邱之仁愛者也乃我
藤顧復緣

慳縻維計拙憶昔望君如歲來暮興歌方今惠我無疆遂初竟賦慈雲嶺上廟欲圖
形讓水河邊碑成墮淚立馬禱洲之側士女攀轅揚帆塔院之濱紳耆繫纜寫鳴琴
之化賢聲遍頌於茅檐廡祖席之章德政聿揚乎桂海藉非實心實政胡爲斯愛斯
傳中贊立雪情殷傾陽志切戀雙旌之遠別莫罄瞻依欣四載之親承同申感咏付
之剞劂裁成一邑新書彙以篇章繪出千秋遺愛儻此日由詩觀政定當採自輶軒
若異時徵獻考文亦必垂之史乘未堪表揚循績聊爲志述謳思謹跋

贈邑侯陳六齋

吳斯壁 崑岡

澤溥甘棠蔭尙餘三年循吏術非疎藤牽舊院閒調鶴人到公庭半著書蚤識雲
浮空外過曾拋露布劫中除陵風雨峨嵎雪肯負蒼生竟遂初

送邑侯陳六齋

胡世拔 迥士

史雲嶺內粟無餘作宰神明治豈疎愛士捐廉營塾序化民垂教本詩書數年德澤
淪肌髓四野苞稂漸掃除莫謂頭銜今昔改

皇恩優渥總如初

澆漓今已俗還淳祇爲蒼生計此身潔白一官心若水艱難數載甌生塵爲霖爲雨
占豐歲宜猛宜寬本愛人翹首燕臺

恩眷渥銅章遙賁看垂紳

累葉科名舊世家文章經濟志非賒鳳毛濟美排金馬棣萼聯輝映墨花鎮日賢勞
清案牘頻年風雨足桑麻慈君去後知誰嗣目極卿雲五色華

知公高志在東籬轉瞬鶯遷定有期現宰官身甯久息舍甘棠樹是相思旌旗就道
歌來幕士女攀車重去時慙愧未酬培植德空隨桃李負吾師

登藤州書院文昌樓

陳翹

巍峨深院峙高樓此日登臨豁遠眸春曉山光迎座入雨晴雲氣到窓收文風乍振
懷郎簡教化重敷憶太邱十二闌干欣徙倚斜陽何事急西流

夜泊赤峽望謫仙巖有感

黃元棠

春山觸目感遺蹤往事淒涼落照中一代高人無定趾千秋荒洞想流風斷崖細草分苔碧曲岸漁燈點水紅酒興詩情何處所抗懷欲問大江東

登東山謁唐李相衛國公祠

盧壯度

李相祠堂絕巘中凌雲微雨捲雲風階前芳草肥新綠門外飛花散落紅西岳上書占早遇晉陽擇王建高功藤州俎豆千年在自有甘霖滴馬風

石壁秋風

石源

嵯峨峭壁俯滄洲蕭瑟涼飈起素秋簪菊客臨秋落帽釣霜漁過快移舟斜吹墮葉旋羊角低拂迴波捲鴨頭最好崖邊閒把酒夕陽樹外看江流

九日與友遊水月閣

胡孫駮

敢誇裙屐舊名家話是登高興便賒秋水碧烟依野寺夕陽紅樹亂江霞題詩如我慙劉敞落帽何人笑孟嘉惟有諸君詞賦好相携分點老僧茶

谷山列障

黃時安

門對谷山山對門天開屏障列江村
霏霏春雨凝朝霧颯颯秋風聽夜猿
百丈崢嶸梯可度九重星斗手應捫
閒來買得謝安屐不畏巉巖虎豹蹲

舟過赤峽

霍錦

橫逐秋黃日色晴綠紋微縐
午風清征帆一片衝雲疾峭壁千尋插漢輕
寺外雲飛潭底影巖前鷗趁水中聲
詩成不覺頻回首罨靄風光鴈陣橫

登東山李衛國公祠

霍鏐鏗

自古英豪有幾人千秋廟食古鐔津
上書壯氣搖山岳拔劍靈威泣鬼神
碑在未教風雨蝕花香不減物華新
荒涼臺榭知多少惟有名祠億萬春

登浮金山文昌閣曉望

胡世揚

危樓高結出塵寰一道文光繡水環
初日影迴江樹白遙汀風定釣船還
城中烟火千家近檻外雲霞四望閒
任是俗氣飛不到置身如在九霄間

東山祠

石廷珩

攀陟東山景古人馨香烜耀久鐔津千秋劍氣成如濯三閩書成信有神威著南交
祠並固文連北斗字常新憑欄徙倚增豪興漫對墻花惜暮春

登東山

李中賢 韞輝

東山絕頂豁雙眸萬境蒼茫一望收雲散谷嵐千嶂列日涵潭影片金浮名祠劍氣
凌霄漢高閣文光射斗牛最是月明堪愛處水天清徹古藤州

藤州書院示同學

陳 鏞 啟亭

理愈平中觀愈奇先民矩矱是吾師讀書須會無書處立志終逢快志時眼底境皆
呈妙趣口頭話便可爲詩鴛鴦繡出金針在相對忘言各自知

贈孝廉陳啟亭

高攀桂

太邱德誼久流芳經籍傳家世澤長代有文名香八桂官流清譽重三湘聚星里自
爭模範驚座才誰與頡頏敬仰高山聯俚句敢將檇櫟比甘棠

贈孝廉胡迥士

高攀桂

安定芳徽代有聲家憑詩禮紹簪纓看標桂籍香藤水聞樹棠陰在晉城千仞鷗鵬
驚接翅雙枝花萼自爭榮惟教世守蘇湖業經義翩翩永令名

贈茂才卓韶齋

高攀桂

循吏休聲振漢朝雲初今復見聯鑣福田慶積心原厚鳩杖齡延德自超禁苑藻香
知制誥河陽花滿聽歌謠更看鶴骨珊珊老絳縣何如甲子饒

贈明經李小山

高攀桂

光輝家世本青蓮經笥便便舊學傳道味深醇容婉若詞華爾雅意翛然小臆月滿
詩盈篋釣艇花飛酒泛船竚見鱣堂舒化雨菁莪棫樸樂爭先

紀秋崖高明府德政步和見贈原韻

陳鑰

懋著賢勞百世芳清和琴韻雅音長明威肺臘時昭雪（明府以噫嗑明威折獄不
辟肺臘）忠信蘋蘩早濯湘（明府前令武宣牧養利忠信廉潔之聲早著）穗秀
直教稂自剪（有巨盜過境以刃指麾羣從日速去毋擾藤地）鴻飛一任燕相頡

(明府具鴻才修志命鎬勤事且贈以景仰高山聯好句一詩搗謙瀾甚)文章經濟傳佳郡不向東風問海棠 (弭盜安民永平遂成佳郡非必如淵林以海棠香爲佳郡也)

胡世拔

都門昔已著循聲 (明府初爲兵馬指揮大有政聲爲上所重) 粵水重來咏濯纓 (十一年明府任武宣二十一年復至粵即於是年署藤清潔自持爲兩邑所欽仰) 修史有才頻珥筆 (明府任武宣藤縣俱主修縣志) 保民作又仗干城 (明府勤於政事洞悉民隱而尤急於弭盜下車之處盜息民安) 高談經濟三光現宏獎風流一字榮愧我蘇湖未能紹謬邀青盼獲知名

李若桂

品擬亭亭茂叔蓮潔清自愛更堪傳笙從堂下由庚起 (明府蒞治士民各得其所) 黎向樓頭太乙然 (明府以明經倡修縣志) 渤海刀歸南畝犢 (明府到任弭盜)

有方）鬱林石載劍江船（明府潔已愛民廉隅自飭）獨慙白髮邀青盼強與羣
英列後先（明府命桂叅纂邑乘深慙謝陋）

步高明府見貺原韻

卓鳳儀 韶齋

宏才出宰贊

熙朝自陝之藤暫駐鑣績著旂常文治洽名垂誌冊典型超甘棠惠澤民蒙蔭杖杜風流
路載謠靜聽鳴琴觀德政更覘爵秩倍豐饒

紀 秋崖高明府德政

吳盛銜 聘臣

循良作宰牧藤州惠澤覃敷到處留考績不須三載後興文已見一年週光騰石鼓
霞橫砌曲奏瑤琴月滿樓竟日書成榮策府榕陰堂上樹風流（明府倡修縣志不
竟日而成衆紳耆恭以樹之風聲頌其德政）

贈廣文蘇器亭

高攀桂

浮金亭子漾金波曾見眉山發浩歌此日雲初能振鐸他年風韻必鳴珂賦臧赤壁

千言在酒釀黃州百斛多爲掬劍江江水飲心肝照澈憶東坡

贈廣文吳崑岡

高攀桂

白沙庄上久流芳鵲峙鸞停姓字揚已植菁莪蕃慶郡還栽桃李滿河陽祇爭飛帛書盈軸不酌貪泉水一觴式穀更欽君有子藤州處處說琳琅

恭紀

秋崖高老先生德政

星沙 朱時若

載道謳歌震嶺南個中消息許誰探民瘼日日腸迴九國法條條折肱三共說河陽滿花縣羣誇清月印江潭輸將踴躍輿情浹疆宇救甯德意酣志乘悉勞名手筆詩詞多費吉人函一官長物知無有贏得賢聲在在談

恭紀 秋崖高明府德政步和見贈元韻

蘇厚樞

千頃胸涵叔度波澤流鐔水起謳歌買牛已見黃雲隴（侯弭盜安民）策馬曾傳

白玉珂（侯以內官外擢）鑪管彙函芳信遠瑤琴一曲落花多公餘擲下琳琅句
浣誦深慙學士坡（侯以繼美眉山相勗獎借殊甚）

吳斯璧

樸藻摘華字字芳藤江繡水政聲揚丁年筮仕

叅寓亮（明府初任指揮）乙夜編書啟酉陽（明府倡修邑志）阡陌羣安三日

耜（盜息民安蒼黎樂業）縉紳共上九霞觴（闔邑士民躋堂獻頌）揮絃譜就

南薰曲恍聽雲璈奏八琅

藤縣志卷之二十

送祁中丞○調任廣東

卓 憫

三十年前秉鑑衡鑄鎔多士仰公明於今開府蜺旌降每爲憂民鶴髮生大地恩膏

周桂嶺雄藩節鉞壯羊城東西粵嶠無分域總入帡幪聽頌聲

送劉習齋太守罷職北回

卓 憫

家居仕宦在皇都抗直生成胆氣巖十載題輿盟白水一麾出守莅蒼梧南陽吏喜懸蒲化東海民歡臥閣圖得失塞翁心有主揚帆笑過洞庭湖

其二

福星移照自杭州郡沐仁風已八秋高義雲天誠可薄深情膠膝久相投慙無薤水酬佳意喜有棠陰紀美猷琴鶴歸來身益健城南車馬看如流

題陳搏福壽字

卓侗

巖壑頤真藉玉編繪圖讀易契先天山間一覺百餘日世上頻驚千萬年服氣漫云方外士協心惟勗省中賢蘭臺石室仙風古筆勢游龍福壽傳

卓傑
卓侗
母九十壽辰燕集屋脊數百誌喜

卓傑

燕喜當年魯頌賡吾家燕集滿簷楹時因白髮慈親壽天使烏衣子弟鳴青鳥變爲元鳥至九齡定見百齡盈千秋異事今須記援筆題詩表子情

步韻

卓侗

燕賀曾聞大廈成，今因慈壽集簷楹。
三千結實將桃獻，九十長春以鳥鳴。
拜舞喧聲羣季樂，團和氣一堂盈。
康彊自有無疆福，百歲休徵驗物情。

觀音閣第一好讀書

觀宇臨江靜，且幽音聲傳播遍。
遐陬閣前潭影清，如許第外林烟翠。
欲流一覽萬般取，眼底好將衆理悟。
心頭讀餘夜半抽簾望，書劍光芒射斗牛。

題訪蘇亭

坡翁遺跡傍浮金，慕古情殷挈伴尋。
舊趾雲封思鼎建，新亭霞蔚慶咸臨。
宵瞻明月襟懷暢，曉矚長江劍氣侵。
從此東山添勝境，遨遊人士頌棠陰。

咏統嶺兩石人

卓傑

何代雙星降碧天，化爲兩石鎮江邊。
衣冠端拱人相似，品格莊嚴貌宛然。
外向應爲驅瘴癘，內朝當是保安全。
遙遙七里人多慶，誰憶此間有二仙。

蘇學士歸院

恩貢 覃卜輝

銅荷雙炬炤初張學士榮歸夜未央玉局標能才特異金蓮勅送典非常騰輝彌益
臣心赤散彩遙分帝室光前代令狐曾有賜後先濟美姓名香

漁羨牧

浮家泛宅只孤舟何似深山去牧牛扣角有書林影靜脫簑無事笛聲遒時當日午
眠苔褥攢臥荒坡上酒樓我向江干傾耳聽一鞭殘照送輕謳

嚴子陵釣臺

增生 覃啓夫

先生芳躅著江頭抗節高風孰與儔淺淡蒼苔思獨釣蒙茸碧草憶披裘孤臺七里
灘如昨片石千年跡尙留遺趾猶存人已往登臨惟見水悠悠

其二

把釣當年跡未湮荒臺依舊峙江濱苔青曾坐神仙婿石古嘗躋聖主賓風雨不摧
思勁節波濤莫損憶高人河山勝景先生備並著千秋有富春

藤江竹枝詞

府廩 覃煥邦

石人山下放輕槎未泊藤州日已斜不是榜人輕着力只緣水淺要爬沙
停舟憑弔美人墳芳草萋萋對夕曛塚上梅花三兩樹參橫月落見精神

謁伏波祠

邊其晉

南天自古限江河猶記當時馬伏波銅柱曾經標粵界鐔津永不混蠻歌掃除貳側
烽烟淨分謗五陵蕙苴多芳草年年春浦綠長留廟貌聳山阿

其二

山色連朝霧不開此翁矍鑠據鞍來屍還馬革心仍壯謗起明珠志未灰猶有英靈
依繡水那須姓字表雲臺漢家宮闕今何在帳殿巍峨酌玉杯

謁東山李衛公祠並觀遺碑

邊其晉

六朝王氣已全收壯志凌雲恨不休物色風塵驚執拂輝煌事業想垂旒南天祀有
青山古西岳書陳白帝愁道是浮金亭畔路衣冠永拜古藤州

其二

陳隋事業等浮眠珍重碑文億萬年赫赫勳名垂薄海堂堂遺像在凌烟青山有祀
終留愛紅拂無心自識賢我欲登樓重悵望澄江夜月幾回圓

登赤峽李白讀書巖

邊其晉

石磴紅泉不記年登臨猶自問前賢春回渭北仍詩霸月照天南是謫仙異境山長
留赤水孤峰人尙想青蓮桃花洞口依然在彷彿有書聲到客船

其二

當年豔說李詩狂何事君曾謫夜郎剩有歌詞衡子美能將社稷識汾陽魏峨峭境
浮金界清雅飛仙倚石牀姓字不隨流水去遊人又醉紫霞觴

訪蘇亭懷古

邊其晉

坡仙亭子俯城中南雁飛來夢不通玉局樓前山盡綠金浮河畔樹爭紅湖邊綠結
三生石嶺表清留兩袖風鐵板銅琶人去後不堪重唱大江東

其二

梧江纔過劍津頭坡老詩篇不勝秋會許文章留赤壁那堪魂夢託黃州西湖烟雨
三聲笛南粵風雲百尺樓寄語訪蘇亭畔客青山長在水長流

藤州八景（六言古體）

邊其晉

劍江春漲

延平曾聞劍合藤水潛藏臥龍時作春雷一轟霖雨已遍三農

石壁秋風

峭壁天然如削孤峯砥柱中流一曲高歌誰繼武陵留待漁舟

龍巷露臺

巷口龍潛何日石上鱗甲斑斑不知秋雨春露千古常在人間

鴨灘霜籟

鵝鸛不整喧雁蓬島而今清淺雙鳧飛去隨波知是仙源不遠

登嶼翠巒

湘妃危立峰巔時露雲靈霧翳中流洲渚獨峙一雙燕尾輕翦

谷山列障

百二重關關就谷山一帶翠屏天然付與保幟呵護不須巨靈

東山夜月

登樓幾回望月少焉已在東山浮金亭下秋水可有詩人往還

赤峽晴嵐

檻外晴江如練烟嵐樹色分明遊人不辨昏暮渡口孤舟已橫

藤江卽事古風

邊其晉

鐔江城外大江橫江上烟波似掌平山長水遠稱險峻乘風破浪幾人行伏波到此
曾封拜（馬新息侯受封於藤之霸利山庄永樂寺）白首征南志不懈誘成蕙苴
皆明珠掃除側貳如拾芥衛公奮起興大業快劍斬開大藤峽晉陽擇主建奇功書
上西岳鬼神怯當年巨眼識紅拂俠氣無如虬髯客一局未終且袖手東王扶餘受

封冊唐室再傳又幾年詩人爭說李青蓮遠謫夜郎經此處曠世詩才酒中仙安石
誤國宋代愁坡老遷降此遠州至今訪蘇亭畔過如閭髯翁戲子由山谷詞賦光千
古更有淮海秦少游劍江文運實天開舜敷大紳皆異才永熙事業昭日月理學文
章新建來山川靈秀多鍾毓後先賢哲爭崛起馮公當世重三元叔姪祭酒稱李氏
父子掄元能濟美人羨喻家賢喬梓總制三邊袁元素擎天柱石人爭慕只因三字
莫須有萬里長城難鞏固我來藤江又幾春今日復飲浮金水安定昆玉無比倫竭
力倡始除荆榛霍家曾經標漢史姚驃偉業貽後人歐蘇兩姓多賢俊廬陵眉山有
傳薪力挽狂瀾鯨鯢斬劍江波浪盡回春循良卓氏兩代同西晉南粵表清風憶昔
君捷南宮日此地霜花滿地紅秋風落葉不經掃安民則惠剪沙虫芟刈菑苻少餘
孽借民之力能清野安得廣廈千萬間庇盡寒黎歸宇下宅爾宅田爾田民無魴魚
政無害馬

書鎮津考古錄後（用十卦六十韻）

舉人 蘇時學

藤居大地間渺小僅如芥自漢唐迄明分合異疆界東西枕其衝南北距爲寨（寶家白石）提封媿魯衛方域陔邢鄒谷嶺鬱嵯峨鑿江湧澎湃賢哲實間生馮袁最豪邁馮以高科傳先自鄂州解袁以邊才顯嘆息長城壞遙遙東山師清風流梵唄至今文字禪猶能警聾瞶淋漓衛公書斫馬見雄快想像天人姿淮陰恥嬰噲堂堂玉局仙南遷無芥蒂愛茲江月寒嘲謔弄狡獪風流仰羣賢鄉邦作佳話羊公碑不磨邵伯棠勿拜石齒形如梳爻山列成卦秦女墓傳疑令公像誰畫（令公祀宋李師中今訛爲靈公繪三頭六臂之像）化軀俗虛誣豢龍語荒怪鷄塚環獨殉鸞城劍還挂鯖點目愈明蛇治風可瘥秋江幻魚鳥春筍壓葱薤鐵梨奇益堅金欖苦難噉石爲刀必銛銅作鼓誰輔衆說紛流傳如食（去聲）雜疏輝孰能溯淵源一一別支派慙余溺鄉里卓識謝通介懷古動遐思廢書發長喟奇曾二酉探志勿三餘懈翦燭蒲屢編漂雨麥亡晒潛心校必精焯掌勤自勵孜孜嗜成癖矻矻攘柝文筆搜琳琅詩篇吸沆瀣非獨補圖經尤能開勸誡譬如植嘉穀當先去莠稗又若治

絲麻慎勿棄菅蒯餽核羅珍饈壺漿防饑餓裘集腋易成珠韞積難賣自排三十卷
聊償百年債大海網珊瑚明堂重琮玕富當窮五車功無虧一簣嘗聞古至人息心
去機械入荒豈云遙片念己能屈胡爲滯方隅而坐論成敗經經徒自豪齷齪吾已
隘未免譏伏轅固將鄙荷蕢驚心念桑梓咫尺通警效傷哉莽豺虎毒矣甚蠱蠱揭
竿羣負岫樹柵各營砦慘淡遍郊原焚燒及官廨版籍痛淪亡黔黎苦凋瘵驥碌碌
空嗟鴻冥冥莫斂常山舌尙存睢陽齒猶齧彈琴咏四愁褰裳歌五噫謝客書作朋
邀月酒爲价沈沈鶴夢閑噦噦蟬聲噶（去聲）天心見應復人事利用夬和風蕩
妖氛上藥起癘瘼庶幾文在茲莫遺誤重註竊效虞人箴無忘後車戒

余孝子歌

孝廉 蘇時學 琴舫

藤義昌鄉有孝子明天順間爲余全風流文采未弱冠已補博士弟子員父玠作官
官順德父沒還鄉遇流賊母李陷賊去追呼莫能得仰首高天空默默沿路烽烟慘
昏黑返我田中廬鬻我舊琴書傾家贖母當何如賊曰爾宦家子豈與齊民齒不輦

金如山爾母終不還泣向穹蒼還默禱嗟爾豺狼竟難飽流涕向賊言我生本孤苦
我室有藏金我母未肯語不若縱母歸持金當贖兒以目視母母會意賊縱母去子
爲質母去矣久不來羣賊始驚疑知爲孺子給轉詰孝子孝子瞋目大罵安得有此
不義財吾父作官清白吏家中未築黃金台吾恨不能刃爾手萬段烏能以此纍纍
之物奉爾哉嗟哉孝子罵賊死百世清風播蘭芷我爲作歌歌以紀傳述人間備青
史

題浩氣吟二首

蘇時學

明留守瞿忠宣公式耜暨督師張忠烈公同廠殉難桂林時作

當年將相重臣俱保障西南守一隅連去朝端爭洛蜀天留晚景見桑榆荷戈百戰
心猶壯捲土重來勢已孤剩水殘山成底事可憐勉強尙支吾

孤臣力盡自登陣諸將流亡事可知百粵河山留正氣千秋風雨護靈祠易名早見

昭忠錄 (國朝皆予謚) 琴表空吟絕命詞應與宋元分鼎足 (宋末馬暨元末

也兒吉尼並守桂林殉難）一堂終古凜鬚眉

題登巖二首

蘇時學

藤縣南三十里人跡罕至深廣數丈乳泉滴瀝當巖處荔奴一株婆娑蔭滿每歲結實纍纍小大各異洵異樹也中供浮屠像傳爲鄰邑飛來者俟異日續遊者考之

懸崖驚見石嵒崿宛委藏書古未曾讓我超然勝雲鶴更無人處獨攀登
濛濛花雨荔奴開萬古空山老異材贏得路人誇勝境從前佛也愛飛來

題訪蘇亭四首（次溫心山明府韻）

蘇時學

溫名鵬翀江西石城人建亭於浮金山麓以奉蘇文忠公

想像髯蘇合鑄金當年笠屐費追尋曾傷鈎黨三朝禍忽喜危欄百尺臨俯仰亭臺
皆入畫蒼茫風雪幾回侵同時尙有秦淮海何處藤花醉夕陰

宣和遺墨抵兼金前輩風流畧可尋地隔瓊雷遙景仰天開圖畫費摹臨一廟香火

緣重結幾度滄桑劫莫侵後視今猶今視昔蘭亭何獨重山陰

郭外黃花色散金冷風吹帽客重尋宦途振觸三生夢賓從遙傳九日臨大筆淋漓
題句在小樓清迥絕塵侵錢塘好繼坡仙蹟隄柳毵毵百里陰

笑却人間暮夜金高風還與後人尋一時藝苑留佳話萬里長江獨俯臨月色依然
浮白好宦情未許軟紅侵新詩爾日爭傳寫唱和應如鶴在陰

元普顏尙書墳四首

蘇時學

尙書名普顏帖木兒順帝末以便宜行省事於粵西適明兵下梧藤尙書率所部
力戰死之邑人葬之登競之原

何代無忠烈藤州獨此墳空山尋舊跡故國補遺聞名僅存青史身還裹白雲殘碑
零落盡醜酒立斜曛

一代奇男子元時老尙書臨危偏慷慨憑甲爲歎歎馬鬣封猶在龍章寵已虛江南

余闕廟比擬定何如

閩廣淪亡日烽烟慘淡中表難通絕域臣自効孤忠湖海清流盡（時同治官張翔赴水死）乾坤浩劫同君恩酬一劍熱血洒西風

父老哀忠義衣冠葬異鄉魂應歸朔漠世已歷滄桑古墓樵蘇禁空山俎豆香精靈在南斗夜夜吐光芒

孫典史

蘇時學

孫典史懋慈谿人明正德年爲諫臣立朝蹇諤有奇節手折鹿角批龍鱗世廟繼立朝政新建言風骨猶嶙峋豈知羣小競側目一官遠謫鐔江濱鐔江何遙遙倏忽萬千里故國蒼茫隔雲水人言謫宦宜委蛇與世浮沉斯已矣公曰官無大小唯効忠彼都人士未必無豪雄遂與鄒魯講仁讓詩書亦足開愚蒙一朝公去名不朽典史得公驚未有至今三百二十年尙有遺碑在人口吁嗟乎南麓書院久已荒公澤在民民弗忘何人爲立文翁廟重築當時舊講堂

江月樓懷古

蘇時學

自有藤江月先生到始知艱難方遇弟游覽尙呼兒湯餅留住佳話山雲感舊詞浮金
堂下水終古現鬚眉

光華亭懷古

蘇時學

想像秦淮海高風感至今詞人空宿草江月尙浮金渺矣春前夢傷哉澤畔吟青山
曠疑冢歲歲落花深 (東山有秦氏二女墓)

咏萬壽寺魚磬 (刻石作鯉魚形)

赤鯉跳波長一尺不化爲龍化爲石何處漁師曾網得留向禪堂破岑寂是何虫豸
聲礚礚觸鬣猶聞風雨腥却疑漢帝開昆明當時刻石誇瓏玲鯨魚跋浪飛滄溟一
朝蛻去留其形我今攷擊憑寸椹蒲牢一吼空山青剗然震動如雷霆花間叩齒音
泠泠擊石拊石皆可聽有如仙樂陳虞廷石能聽講魚念經爲魚爲石皆神靈空門
廣大畫不扁龍躡虎臥留門庭一聲棒喝通幽冥石幢鐙火空青熒夜夜鱗魚寒獨

醒

詠魚影石五首（在藤縣署限魚字）

蘇時學

風前鱗鬣宛將舒石果靈通畫不如留向琴堂作明鏡使君何用察淵魚
誰歟幻此鬱林石一片晶瑩玉不如天水空明鑑蒲藻凌波瞥見桃花魚
藤江青毓石穴居石苔一色空青如登龍客見但頤朶草彈長鈇歌無魚
雪堂蘇子愛奇石東海袖中藏有餘倘令踞此學垂釣老饕更憶松江魚
片石傳來戒石如臨淵何必更躊躇願教羊續懸爲鑑藤峽風清水養魚

蔡貞女詩

蘇時學

鐔江女自蔡出字阿聰年十七頗讀書解拈筆冰雪姿蘭蕙質近闔閭住蓬華寡笑
言嫻禮律痛慈親違兩膝依兒嫂咸我嫉罪伊何勞勿恤受鞭笞更呵叱許楊氏奉
巾櫛忽輸盟絕琴瑟女無言唯飲泣月重圓恐難必思古訓敢自逸女有家男有室
爲女子貴從一嗟此生何抑鬱願長齋依繡佛天高高遠難詰不如歸父母側劍江

水清徹骨石粼粼波汨汨魚鼈藏蛟龍窠女居之安且吉笑此生吾事畢歲癸卯月
壬戌庚午朔越某日半夜時貞女卒湘妃倫曹娥匹此邦人能具述我爲詩傳勿失
大白讀書巖

天上酒星謫光芒凌太虛魂應化爲石仙竟讀何書大夢乾坤小遺聞史傳疏桃花
一潭水風景近匡廬

藤州四賢咏

蘇時學

暇日無事偶檢傳記見邑中先賢其事有足感者爰得四人各賦五言短章以記
之蓋亦顯微闡幽之意云爾

陸贄

先生本唐人獨抱夷齊節辟穀能忍飢何煩采薇蕨峨峨司空山高與首陽埒

先生與王元翁宏等當五季時抗志不仕後隱司空山辟穀累月乃有唐一代之
逸民也今英靈集作宋末人誤藤志作明洪武時人更誤

明教禪師契嵩

嵩公負奇志懷書走京都聲名動天子賜號居西湖老證文字禪慷慨逢歐蘇（嵩公上書萬言賜號居靈隱同時歐蘇兩文忠皆見推重）

余孝子全

嗟嗟余孝子免親代親死手無殺賊刀埋恨重泉底母歸兒不歸何人奉甘旨

袁太司馬崇煥

書生作長城愧彼肉食相誰知袁粲忠竟負樂羊謗惜哉符鳩謠千秋共悲愴

又絕句咏陸先生蟾

先生辟穀好神仙笠澤風流未渺然老戀司空山色好棲身三十六峯巔

鐔津三烈吟

蘇時學

黃懋文妻陸氏

黃懋文妻厥惟陸氏冰雪其姿日星其志猝遇強暴有死無二蕙折蘭摧璧完玉碎

夜月傷心行人墮淚時維乾隆庚戌之歲旌其門閭以風來世

黎司坤妻梁氏

邑感義鄉鄉人能說曰黎司坤有婦義烈生於梁門早嫻禮節十八于歸逾年夫沒
愍彼何辜橫遭短折慟哭憑棺肝腸寸絕視死如歸何曾永訣生既同心死當同穴
唯古丈夫有此明決一旦冰消千秋玉潔至今冢樹交柯盤結宿雨鴛鴦雌雄各別
夜夜悲鳴泉台淒咽合表行狀大書於碣陵谷可遷斯名不滅

吳斯芟妻李氏

宛彼鳴鳩在河之浹將翱將翔爰集於李李既有花李亦有子蔓然長鳴棄余逝矣
賸此遺孤何怙何恃鞠育唯吾嗣續唯爾胡然皇天降災不已鳳去巢空鴟來室毀
罹此百凶欠余一死人亦有言慇懃相慰妾命如冰妾心如水卓哉首陽絕食而餒
烈女忠臣古今一軌伊人維何隴西姑姊厥家維何延陵之士谷嶺峨峨鐔江瀾瀾
爰作歌詩以昭彤史

題海漆花

海漆一名桃金壤一名倒捻子每歲春夏作花遍山紅艷觀者如入武陵顧前人並無題咏補綴以詩

落霞千片萬片流水三家五家應被漁郎錯認滿山開遍桃花

鍾津咏古四首

蘇時學

甲客青蠅信不虛生無知已沒何如虞卿自具窮愁骨萬里南來好著書（吳虞翻徒猛陵爲名士客藤之始）

石城江上石嵯峨萬古江流石不磨試向石人詢往事梁陳遺蹟渺烟波（梁陳間置石州刺史于此）

書陳北關感君恩老戀西湖道益尊回首天南芳草綠東山何處訪沙門（明教禪師自署藤州東山沙門）

百戰危疆倚將才潯陽江上笛聲哀孤城舊是屯兵地落日青山萬馬來（明季宣

國公焦璉嘗駐兵藤城內外)

讀王陽明集

登壇休笑弱書生試上凌烟閣上行終古名儒作名將孔明而後又陽明

按琴舫學富才博所著詩如李衛公廟壁阿芙蓉水月閣萬壽寺藤江端午詞懷
卓寬甫個陳楚三翹蘇又晴時霏朱仙槎五美皆美不勝收概從割愛其有關於
地方風景及忠孝節義可以風世者始行列入以備後之採擇

藤縣志卷之二十一

記事志總序

大凡事必求其可法言必取其有徵不可法者非有益之事不可徵者爲無稽之言此聖人所以刪書斷自唐虞而怪力亂神之無足語也第事有關於民物如水火災稜諸異皆爲可驚可畏之故不可不以時書之以紀其變蓋使觀之者考機祥而知政教之當修察變異而知人事之當謹是又於見聞筆載中寓恐懼修省之至意豈僅與街談巷說徒爲三家學究津津道之而一無可法而可徵也哉志記事

藤縣志卷之二十一

記事志

雜記

隋

文帝開皇十年番禺夷王仲宣聚衆爲亂洗夫人帥師敗之尋以裴矩巡撫諸州其蒼梧首領陳坦藤州李光略等皆來參謁還令統其部落嶺表悉定（隋書烈女洗氏傳）

陳國亡嶺南未有所附數郡共奉洗夫人號爲聖母保境安民高祖遣韋洗安撫嶺外夫人知陳已亡遣其孫魂率衆迎洗降及仲宣反諸州首領皆應之以兵圍洗洗勒兵拒之夫人遣孫暄帥兵救洗暄與逆黨陳智素友善故遲留不進夫人知之大怒執暄又遣孫盎出討佛智尅斬之進兵與鹿愿軍合共敗仲宣招撫餘

黨嶺南遂定（參隋書）

唐

咸通三年九月嶺南西道節度使蔡京爲軍中所逐走藤州（唐書懿宗紀）

京爲政苛慘設炮烙之刑闔境怨之遂爲邕州軍士所逐奔藤詐爲敕書及攻討使印募鄉丁及旁側士軍以攻邕州衆旣烏合動輒敗往依桂州人怨其分裂不納京無所自容敕貶崖州司戶（通鑑）

武德初有宣撫使者至藤縣繡江艤舟遊慈聖寺以金盃挹水墜井中遂汲水乾不見盃止得一龜長一尺二寸宣撫使命以紅帛繫其腰祝曰爾有靈吾放爾入井遂漲金盃出水良久龜逝宣撫使沉吟而歸行至寺門見靈龜踴躍塘內頃沈不見次日遊乾亨寺忽見金盃自澗水流出的果昨日所失盃也遊歸復至所獲金盃處又見靈龜腰繫紅帛浮出塘面宣撫使令人取龜祝之曰爾若有靈可同歸供養是夜三更風浪忽起宣撫使船內有二寶劍漲水而去其龜亦不知去向明集綱戶搜之得玉藤一根尋理藤根乃至西岸又見龜跡環繞宣撫使申奏改鸞州於此其藤

州築城仍依龜路跡且卽寶劍躍水處改爲劍江 (舊府志)

宣撫使又於州南得馴鷓能言語獻之上歲餘不語上怪問之答曰身居南方生長禽中因父母異方所以不敢言上憐而放之乃賜送鷓還歸舊巢見其母已死鷓以所賜殉母身傍後人遂名此鄉曰孝義曰感義曰義昌皆因此得名

宋

淳化二年八月藤州江水大漲十餘丈入州城壞官署民田 (宋史五行志)

大中祥符五年五月藤州潭津縣蠶成繭是州不產絲此蠶食山柘而成鍼絲以獻 (通考)

皇祐四年四月庚辰廣源州蠻儂智高反陷邕州遂陷藤梧等八州五年正月宣撫使狄青將兵討之 (宋史仁宗紀)

智高僭號仁惠皇帝改平啓歷赦境師宓以下皆稱中國官名是時天下久安嶺南州縣無備一旦兵起倉卒不知所爲守將多棄城遁故智高所向得志相繼破

橫翼潯梧封康端九州殺官吏甚衆所過焚掠府庫進園廣州（宋史廣源州蠻傳）

是時樞密副使王堯臣請析宜容邕等州爲三路以融柳象隸宜州白高竇雷化鬱林義藤梧龔瓊隸容州欽廉賓橫潯貴隸邕州其三州並選武臣爲安撫都監兼知州事詔狄青詳酌施行（李燾長編）

熙甯十年初置梧稅務歲額五千貫梧州一務藤州一務容州一務（宋史）

紹興十五年詔禁騷擾韶峒瑤人（舊府志）

是年知州 重鐫唐衛國公李靖上西嶽書於石

唐李衛公布衣時上西岳書真蹟蓋厭隋亂已極負濟世之志奮欲有爲而咨之神明之辭也士重乎立志養氣衛公此書志已先定而氣蓋宇內矣是以率衆輔明主而建功業焉其書亦佳石刻在廣西藤縣廨中（楊士奇東里集） 鄭露赤雅云刻於勾漏又云真蹟用黃絹書上半元時燬於火後半餘四十字入雲緝娘

家露言多不足據相傳此碑塌之令輒不利以是禁不敢塌惟於令交替時多具紙墨塌之雖俗忌可哂然碑賴以久存(金石略)

三十二年十二月廣西賊王宣破藤州守臣廖容棄城遁(宋史孝宗紀)

隆興二年二月癸酉復王權武義大夫命權廣西路都鈐轄專一措置盜賊三月丙午王宣等降王子以廣西賊平詔減藤容等州雜犯死罪囚釋杖以下蠲免夏秋稅

賦(宋史孝宗紀)

景炎元年元將阿里海牙破靜江遂分兵取邕潯鬱容藤梧諸州下之提刑鄧得遇聞靜江破投南流江而死(舊府志)

元

至元十六年十一月己巳梧州妖民吳法受煽惑藤州德慶等蠻爲亂獲其父誅之(元史世祖紀)

元貞元年藤邕昭賀等處蠻寇竊發以軍民官備禦不嚴撫字不至皆責而降之

元史成宗紀)

大德十年開藤州屯田 (舊府志)

泰定三年六月梧州屬縣水旱蠲其租 (元史泰定帝紀)

是年八月藤州饑 (元史五行志)

至正三年梧州屬青蟲食稼 (元史五行志)

十四年大旱

十九年大旱 (俱同上)

二十八年六月癸丑明兵取梧州藤州以及潯貴等州是月廣西諸路皆附於明 (

元史惠宗紀)

明

太祖洪武元年征南將軍廖永忠叅將朱亮祖下梧州進圍藤州守城吳鏞以城降

(明志太祖紀)

先是克陳友諒命楊璟爲征南將軍周德興張彬爲副將軍率武昌荊州潭岳等衛軍由湖廣取廣西璟以兵向永州廖永忠朱亮祖旣平福州命永忠帥舟師自福州由海道取廣東仍命陸仲亨胡通治兵贛州爲犄角之勢與楊璟廖永忠兵三道水陸並進二月永忠趨廣東先以檄諭元守臣何真曉譬利害真奉表降仲亨等攻德慶有勅合兵取廣西六月永忠亮祖引兵由肇慶沂江抵梧州(史作五月己卯廖永忠下梧州)元達魯花赤拜住率官吏父老迎降遂進逼藤州元尙書張翔普顏帖木兒以便宜行省事於廣西聞兵至藤州募人迎敵無有應者及藤州守臣吳鏞以城降乃率所部走鬱林亮祖勒兵追之普顏帖木兒戰沒張翔赴水死永忠亮祖駐師藤州于是潯貴等州縣以次降附永忠等遂會璟進圍靜江諸郡悉平之(舊府志)

二年并南流縣于鬱林州普甯縣於容州並藤州皆隸梧州府(明史土司傳)

八年大藤峽猺賊竊發柳州衛官軍擒捕之(明史)

大藤峽在萬山中盤礴六百里桂平大宣鄉崇姜里爲前庭象州東鄉武宣北鄉爲後戶藤縣五屯障其左貴縣龍山處其右

十七年大雪漫山凝結不殊北方（舊府志）

正統十一年大藤峽賊流劫鄉村巡撫萬節以聞（明史土司傳）

宣德二年初椎魚商民攤等課商課魚課納銀自七年始每銀一兩納錢一百貫（府志）

十四年初募民壯本地官司率領操練鞍馬器械悉從官給免本戶糧五石二丁事故不得勾捕（同上）

景泰四年總督都御史王翱檄廣東僉事李觀智撫五屯龍山諸賊平之（叢載）

七年大藤峽賊糾合荔浦等處賊劫掠縣治殺擄居民命總兵柳溥勦之（明史土司傳）

天順三年春二月大藤賊首黃牛兒攻城焚劫（舊府志）

四年八月藤縣民胡趙成因事充軍造妖言構集大藤峽等山攻陷諸縣燒劫衙門殺擄官民掠去寶家司巡司印信荼毒一方都御史葉盛督叅將范信副使雷復都指揮韓瑄督領指揮張錦王銘等官兵擒斬成等三十三名奪回印信脇從者不治
(叢載馭變)

五年韶郡縣無徵糧 (舊府志)

五年十二月都督顏彪都御史葉盛討大藤峽蠻賊破之 (叢載)

時廣西流賊多入廣東爲害兩鎮官不協討賊迄無成功盛至請立總鎮于梧州居中調度衆是其策而不果行不得已乃請益兵上命顏彪率兵赴之盛與彪協謀破賊砦八百所擒斬數十萬人而還 (明典彙)

查得猺獞蠻賊二十年來攻破兩廣州縣二十餘處雖即退散修復軍民受害已極前年廣西攻破北流藤縣廣東流劫珠池事勢危急伏蒙欽命大將軍斬首萬餘今半年之上僅得稍甯軍民稍甦不料今秋廣西諸賊聞復大征各拋棄巢穴

流過廣東行劫與昔無異今臣等看得梧州府是兩廣交界地方北抵會城南抵交趾程各半月東抵廣東省僅途七日最爲襟喉緊要之地流賊往來必由梧州北南兩江水面偷度舊守營堡俱各廢棄以此不能守把伏乞特勅該部會議合無于梧州立爲帥府節制兩省庶得將權歸一實爲經久便益（葉盛地方疏節錄）

八年調五屯獐墾蒼梧平政鄉田（府志）

成化元年正月以都督同知趙輔爲征夷將軍充總兵官僉都御史韓雍贊理軍務討大藤峽叛蠻（明史憲宗紀）

二年大藤賊侯大狗鄭昂等攻陷藤容二縣殺藤孝子余全總督韓雍四面集兵追擒之昂伏誅（府志）

四年免鹽鈔有差被災處戶口食鹽俱免輕者減半（同上）

七年招五屯獐墾蒼梧多賢鄉田從蒼梧民黎勝景之請也盧孔潘度凡八十人撥

田糧一百五十石有奇 (蒼梧志)

二十三年瑞蓮生 (叢載)

宏治十一年夏秋大旱

十四年瑞蓮生 (省志)

十五年重修城西壽佛寺掘地得石磬魚形雕刻工緻扣之其聲清越今存萬壽準提閣

正德十年十二月五日天鼓鳴起自東南止於西北 (叢載) (通志作成化七年) 十五年夏六月二十七夜地震

嘉靖七年九月提督尙書王守仁討八寨斷藤峽賊悉平之 (明史世宗紀)

八年尙書王守仁奏請增築五鎮城堡於五屯侍郎林富繼之詔從其議 (同上)

一增築鎮城堡于五屯臣等查勘得五屯千戶所在梧州府藤縣西北百里間其地古名古贈正當風門佛子諸寨而與府江荔浦相通爲斷藤峽賊巢左臂洪武

八年土目覃福招集獠人八百六十四名隸桂林右衛中左所授千戶職管理其衆及後覃福既故衆多逃移死絕至成化元年僅存五十餘名都御史韓雍委官撫諭各獠多自首補伍奏設五屯千戶所衙門授正千戶李慶與土官覃仲英協同管理自後節年招諭幾至五百餘名各該監臨官員因廣西地方多事將該所土軍分調各處哨守又恐本處守備單弱乃調潮州衛旗軍前來輪戍五屯地方峻險衝要谿徑之出入多歧盜賊之聚散不測調來潮軍尤爲脆怯且不服水土不慣戰陣平居多懷土之思倉卒無敵愾之勇而土人頻年聽調夷寇終身土著客主之勢既殊強弱之形遂判所以盜賊滋蔓莫能甯息也又該所舊設屯堡其地界逼窄旣不足以聚衆蓄兵其牆垣卑陋又不足以示威却敵而流土官酋駢處非有將領監臨其間易至玩愒忘備猜疑起爭故新建伯王守仁議將五屯地方開拓地界增築城堡以設險而壯威取回土軍以便民而省費責成以守備指揮振理以參將兵備以附衆而講武請補原額一千名數量調兵欵數十百人以

示強而備敵蓋亦察知時變備盡事宜不惜一時創造紛更之勞而欲爲地方長久安甯之計者也臣等相機允協詢謀僉同皆謂多事之地必如王守仁所處庶幾可漸無事蓋其所謀成而敵自敗城完而寇自解險設而賊自摧威振而姦自伏者類非虛語故不避煩瀆之罪爲陛下重復言之（林富事宜疏節錄）

十一年六桶思連攬佃古磊等七山壤接梧藤徭民唐宗欽等恃其險衆出劫仁封須羅等鄉督府陶諧調兵萬餘分二哨進勦賊覺先遁僅斬二百兵還（舊府志）

始籍三丁（同上）

十八年總督蔡經征斷藤峽諸蠻悉平之（同上）

隆慶五年梧州屬饑（同上）

是年裁減巡司弓兵每司留五名餘銀充餉（同上）

萬歷初岑溪有潘積善者僭號平天王與六十三山六山七山徭獍據山爲寇居民請勦會大兵征羅旁不暇及總制凌雲翼檄以禍福積善願歸降輸賦乃貸其死且

以其子入學議者謂七山爲蒼藤信地六山爲容縣北流中衝北科爲六十三山咽喉懷集爲賀縣諸村出入之所因立五大營設參將屯堡治焉（明史土司傳）

六年撫定九山二十八都六便那留等山獠獍悉附編民（舊府志）

十年豁無徵米自清丈後民以虛糧爲累蒼梧藤縣爲甚是年十月編審百姓赴訴知府林喬楠爲請于上每縣減米一千四百二十三石八斗三升零皆免編（省志）

十二年正月府屬積谷各屬減半或減三分之一（舊府志）

十三年大旱蠲免災米（舊府志）

十四年七月賑梧州饑時大水城外水高一丈五尺廬舍田禾盡沒各州縣漂流民舍俱至數百家被災田糧各數百石發穀賑之（省志）

摘丈州縣積荒田地糧米各除豁有差以十二年詔再加摘丈知府林喬楠據州縣報除豁（同上）

二十七年守道朱東光造紅站船 各二隻（舊府志）

梧江上接昭平筋竹下抵封川思浦西至平南白馬自藤江口界至北流原設哨

堡歲久玩弛是年守道朱東光議設船隻委官領兵巡守(同上)

減蒼藤二縣哨江船兵時江防廳議申革每船兵五名每月省銀六十六兩有奇(

同上)

二十九年六月五屯所軍民激變梧州知府凌嗣音撫之(叢載)

粵東陳一德投稅監報礦往來藤博恐嚇五屯所民派歲輸銀一百兩許其停採

監差守催民不勝忿遂激變知府凌嗣音藤縣知縣劉昺撫諭處分民心稍定稅

監悔恨掣回差官捕一德置諸法(同上)

夏四月大雨雹是歲饑(舊府志)

秋八月蒼藤博北四縣民大譟知府凌嗣音安輯之(叢載)

先是稅監增設濛江藤江戎墟三稅猾棍藉勢冒詐民情恟懼嗣音捕逐王家相

等三稅亦罷(舊府志)

四十六年大旱柳慶邕潯梧藤諸郡縣民多饑死流離自鬻者無數知府陳鑑盡發倉穀平價令民糴又轉糴廣東相濟民賴全活(同上)

天啓元年八月調各縣營鎮隊兵援黔(同上)

二年大水是年革里甲雜派從蒼梧知縣梁子璠之請(省志)

崇禎六年秋大水八年夏大水十四年五月大水(省志)

國朝

順治二年蒼梧南五鄉土兵起時水師副將楊超旣反南五鄉戎墟羣不逞之徒招誘愚民瑤獠爲兵號稱義師酷索富民謂之充餉及參將陳邦傳至營取副叅遊都司割付益肆殘暴而藤岑容諸縣土棍各集紛出劫掠民不聊生(舊府志)

五年夏大饑斗米五百錢(舊縣志)

八年閏二月梧屬各官齊至安集土民(舊府志)

十二年巡撫陳維新題免十年十一年分未完糧(同上)

康熙十三年僞總兵陳士龍等作亂陷岑溪副榜高熊徵率鄉兵擒斬之〔岑溪志〕

士龍與土賊吳鳳等攻破岑城奪縣印脅縣令孫士恂示諭士民助餉給割募兵無賴者盡附之副榜高熊徵誓衆拒逆有領劄者共誅之復糾鄉兵斬士龍于孝子祠鳳走義昌土寇林萬勝事聞總督金光祖遣遊擊唐鳳守備管輝領兵三百防岑差官運餉道經義昌爲萬勝劫奪熊徵復率鄉兵與官兵合攻萬勝斬之〔同上〕

十四年僞將孫雲客土賊吳鳳攻陷二十五都殺練總唐琛賊聲大震將襲岑溪高熊徵復合官兵破之斬雲客首祭琛〔舊縣志〕

冬十二月貴縣土賊韋國棟自鬱林至容縣合各土鎮攻陷岑溪掠一月人畜旣盡乃出屯蒼梧界欲掠南五鄉以蒼梧練總韋必榮戒嚴不敢動遂於二十四日突至戎墟大掠市民聞官兵追擊由藤縣大路馳去〔府志〕

十五年春僞將王邦相據藤城尋據梧城十六年秋七月巡撫傅宏烈率兵擊之邦

相棄城而走〔舊縣志〕

先是邦相敗走涿州復聚黨攻破藤縣城據之聞梧城官兵避賊聲勢委城東下肇慶府遂入梧仍招集各土鎮分掠懷集及德慶封川等州縣

二十六年夏大風毀民舍江船〔府志〕

三十四年春正月地震夏大有年

四十六年夏大水〔同上〕

五十一年秋九月朔大風雨雪冬十一月又大風〔舊志〕

康熙間鄉民失鷄疑爲鄰婦所攘疾聲詈罵語侵鄰婦婦忿自縊越數年民偶過荒落見野蠶吐絲樹間欲往取之忽見鄰婦馳來罵曰汝何盜吾繭民驚懼仆地少頃甦歸使人禳之則鄰婦所埋處也越數日死〔舊府志〕

雍正四年夏饑

六年冬十二月大雪

七年大有年冬十一月大風拔木

乾隆三年歲大熟

七年饑

十二年秋大熟

十九年大有年

二十二年大旱

三十一年行院村祝姓家牝牛產一犢旋生五角里人咸以爲異

三十三年春三月大霧夏五月大水冬十二月大雪是歲米貴

四十二年三江里農人袁汝清當冬月日晡之候驅牛犁田忽田傍叢草突出一虎直前啣清正在危急牛忽掣斷繩索遽前觸虎虎乃舍人向牛牛觸益勇虎遂奔牛猶逐虎里許牛回虎亦旋回牛復逐虎數四近人間牛吼聲因跡往見清被傷遂告伊家負之歸移時牛亦自返至門見清血跡且喘且嗅望見清喘吼交至如慰問

痛苦之狀清後以調治得不死越數年牛老斃清葬之於獅子山負土成墳觀者咸以爲義牛塚云

四十九年大水平地水深三丈壞民舍無數

五十一年大旱

五十二年大饑斗米六百錢

五十九年大水平地水深二丈

嘉慶二年二十五都祝村民掘地獲一銅鼓高可一宣週二柯有奇面徑一短上刻四蛙細紋工緻扣之聲若洪鐘鄉人異之獻諸本都總廟觀者或以爲馬伏波遺器九年二月雷震魁星閣

嘉慶十年隨化里黃坡村民掘地得銅鼓權之重百餘觔其式樣與祝村所獲者同十二年粵東巨盜廖世滔廖世寧等潛逃至三十都石村旬日間糾集匪黨多人營立寨柵遠近悚懼知縣陳廷璠聞風卽率賓家司巡檢謝朝璋葉秀華親督民壯弓

兵協同鄉民迅速擒之焚其巢餘黨潰散

十四年春魁星閣火

十五年三月朔雨雹如鷄子大壞廬舍樹木禾稼

十六年八月彗星見於西方

十八年春正月初四地震

五月義昌水漲民居多被淹沒一望瀰漫越數日水退自歐村以至東岸洞中禾稻忽現一大路約三尺許高陸露有爪痕觀者以爲神龍所過或亦不誣

六月雷震魁星閣

十九年三十九都高垠村農人操耜具有事于南畝日午羣集洞中天色清明衆方俯首芟柞忽昏暗若暮夜衆咸驚異企立盼望觀面各不相見頃之光開一線仰見黑氣瀰漫從空冉冉而散日復晴霽如前俯視田中頓開三穴以石投之其深無際一穴水黑其味腥一穴水白其味甘一穴水清飲之可以療疾里人爭汲絡繹不絕

越年餘泥淤而黑白各水至今猶有藏者

七月初六日天鼓鳴

冬大雪

二十一年正月元旦日龍塘灣湧浪高數丈

二十一年二月三眼堡義塚產異草如靈芝狀義塚乃乾隆間二十五都處士鍾振揚之所築也彼地舊有無主枯骸一百數十餘具橫溢山下白骨飄零每遇苦雨淒風隱隱如聞號泣揚過此一望漚然亟捐資荷鍤以掩之壘爲一墳是夕夢百餘人入室致謝皆裸體且以寒告揚異之翌日剪紙作衣履冠冕形焚于墓左黃昏就寢後彷彿見前所夢者皆弁帶奇偉向前拱揖揚驚起呼之寂然遠近聞者傳以爲異洎乎著雍敦肸之歲揚孫復行重修掃其墓以光先人陰德今塚上產異草豈墓中有奇士沉淪鬱蒸莫遏如歐陽永叔所謂產靈而九莖者歟

祥瑞

道光元年辛巳歲大熟 二年壬午年大有

十二年壬辰歲大有

十五年乙未冬十二月十六夜天降大雪平地深尺許屋舍山場一派如棉銀鋪玉
堆越日未消八旬老人未曾見及蝗蟲遂 沒年豐稔誠是瑞雪兆豐年

咸豐二年冬三月春北江之水由城東倒流西城外靈公廟復繞流出大江是歲癸丑縣
再開甲榜

同治元年冬三年春此水倒流亦如前是歲癸亥

思科縣三開甲榜科名之驗信然

道光十八年戊戌七月二十日卓佃母伍氏九十壽早辰烏燕數百集屋脊呢喃數時始

散亦瑞事也傑佃皆有詩以紀之

三十年庚戌冬有白燕一雙至待村數月乃去

同治四年乙丑歲饑

五年丙寅年大有

六年丁卯歲大熟

七年戊辰早稻大熟

災異

嘉慶十五年庚午彗星見於西北方

二十二年丁丑夏六月大水平地水深二丈餘民舍禾稼多淹壞 八月旱

二十三年饑

二十五年庚辰夏大旱栽種甚少

道光五年乙酉彗星見於南方

七年丁亥秋七月大風禾木多擱

八年戊子九年己丑連歲大旱荒歉

十年庚寅大旱歲凶

十一年辛卯春夏又大旱民饑死無算知縣邱登倡捐平糶併設粥廠以食饑者

十三年癸巳夏五月大水 秋七月又大水均平地水深二丈餘淹民舍田禾無數

十四年甲午六月大水秋七月天大水災與十三年同秋八月蝗蟲陡起飛則遮天蔽日止則遍野漫山所到之境禾稼青草樹木耗食殆盡

十五年乙未夏六月蝗蟲又起害稼署縣陸恩燾捐俸設局收之 冬十二月大雨雪平地深尺許蝗一夕死盡

十七年丁酉春三月朔夜雨雹大者重數斤打壞屋舍秧苗無數 秋七月又大水與十四年同

二十年六月十二大風竹木多擡吹壞屋舍無數

二十四年甲辰夏七月大水過於十三年數尺

二十八年戊申七月初一戌時地震

二十九年己酉豹入城

三十年庚戌雷震太平墟岑嶺文塔壞魁星像

正月初一日日食

冬十二月地震

咸豐元年辛亥夏南門外蘇園李樹結實如瓜嗣後東逆任文炳陡起城中人多離家自此始

二年八月彗星見

四年甲寅夏六月雷震南砲臺 秋八月十二日城陷

六年丙辰春二月地震有聲

七年丁巳夏四五月大饑斗米千錢民食山茹草蕨死者無數携子女投生變賣易食者甚衆 秋梧州糧盡城陷

八年戊午彗星見于西方時八月初旬

是年春太平至三江河水自相冲激撼岸震船人以爲水鬪夏匪首曾三陷太平墟

擾害甚慘

十年庚申正月初三日地震秋八月陳開卓八陷座垌村堡殺三百餘人

藤縣志卷之二十一

兵防

道光二十一年暎夷入叛粵東海疆告警梁中丞章鉅駐梧州官兵經藤者絡繹不絕

三十年勞中丞崇光駐節梧州以東匪入寇故也

咸豐元年夏六月徐宮保廣縉駐節梧州以艇匪大頭羊滋擾河道冬十二月東匪任文

炳入境

二年春正月知縣張鵬萬招募壯勇二百名防禦縣城並調集西隅廂一都二都三

都七都八都十都十五都十八都三十一都四十一都練勇三千餘分紮縣城內外

二月初旬任文炳焚劫城外城內防堵有備無患

三月中旬道憲楊彤如明參將督師駐縣城南門內外守備徐紹烈候補縣張鳴鳳

管帶全州兵勇駐藤州書院

委員聞勦管帶聞勇駐城東門外

夏六月任文炳艇逆經徐宮保率師攻擊全股殲滅各官軍撤去

四年秋八月縣城失陷冬十月二十三日張觀察敬修派撥水陸大軍克復城池獲

逆黨三百餘名立行正法

冬十一月初四日代理縣雷葆初蒞任調集各都里練勇叁千餘名駐城守禦

五年四月初八日東逆李文茂率黨船千餘隻揚帆直上縣城又陷五月初四張觀

察敬修親督水師由梧赴藤克復城池該逆上竄駐師東門外河干數日撤去

十一年夏五月蔣統憲益澧親督水陸大軍由梧直上復縣城撥都司胡益志管帶

上字左營道勇駐城背鷄谷山頂以防自良金鷄一帶土逆總兵李 派撥大拖

罟船捌號防堵城東江口秋七月至同治四年底止城鄉團練總局胡毓璠霍康海

莫本培朱五美蘇泰復歐華麟蘇啓禧蘇百朋周善相等招募練勇二百名巡船二

隻防禦縣城內外

同治元年春正月都司何元鳳管帶恩勇一營駐城背雞谷頂裡山夏六月撤知府趙元

模派把總謝蘭和管帶端勇二百名駐東門外

二月叅將利輝撥把總梁光管帶三板扒船九隻駐防城東江口

二年夏四月知府趙元模派撥把總羅保邱取全帶潮勇二百名駐城背雞谷山頂

把總盧勝接管三板扒船九隻駐防城東江口添撥都司李開學管上字中營道勇

駐雞谷裡山都司胡高志接管上字左營道勇駐雞谷山頂冬十一月移駐二都富

安村村十五都曇坳村下八都古祀村剿辦土匪攻克金板坦潘三逆巢都司王珍

慶管帶上字前營道勇駐九都古另協剿金板坦潘三逆巢

署梧州協副將全州營參將兼管上字中營道勇唐元芳撫大案股匪十二月駐城

東江口剿撫各處土匪

三年甲子夏五月蔣統憲澤春派撥都司黃萬勝管帶南勇一營駐城南門外觀音

埔背山並派都司周開泰管帶南勇一營駐金雞虎跳冬陸亞崩七據公扶張廷稀據糯峒知縣邊其晉派覃乃輔等擊散陸七衆又招勇練擊散張廷稀衆

四年春三月派撥參將胡高志黃才貴各帶道勇駐金雞以上一帶剿辦覃瑞珍陸七等逆

四年乙丑秋七月吳統憲觀察光春撥派都司翁長春管帶副前營南勇駐縣屬各都里查辦善後五年丙寅九月平定撤去

冬十月知府劉楚英委知縣邊其晉府經柯益千總杜遇琳攻克三吉寨

六年丁卯夏四月知府劉楚英委知縣邊其晉並派撥參將胡高志管帶上字左營道勇駐糯峒攻克濫自振逆砦擒濫逆斬之八月撤

春三月知府劉楚英派撥候補經歷柯益管帶潮勇二百名會同千總毛鳳鳴駐縣屬太平墟剿辦大案狼虎等處逆巢擒逆首莫十三斬之

七年戊辰正月知縣邊其晉督帶兵勇圍練擒大逆斬吳若瑞並破其砦

五月初九日攝梧州府觀察凌昆統水陸兵勇及知縣邊其晉攻克永安州之南蛇砦

兵事誌略

道光二十五年土匪首鄧立奇倡亂自稱平地王鍾敏和自稱高山王在赤水墟各豎旗聚黨劫掠蒼藤河面往來船隻始而乘夜截搶繼而白晝橫行以後賊風日甚一日官兵不能擒制土匪因之蠶起咸豐年間地方糜爛禍實基此

正月廣東賊劫七都莫祖培家回至西甯縣被詰擒賊二十餘名以獻

二十六年秋八月初二日賊首吳英康亞鏡劫三十四都金鷄市署縣候補同知劉繼祖集衆掩擊之擒獲數十名餘黨竄逸

時有賊勇力絕人當劫掠時或縱火焚街急挈水兩器飛上屋簷以救俄而追者雲集圍之數重始就縛尙從容談笑了無怖態謂若等不縱我乎竦身一掙繩索立斷劉公命捶殺之

二十九年土匪首鍾敏和踞下八都古祀山爲寇聞官兵往捕而遁

三十年六月土匪何洪錦黃亞益黃再一木壽劫掠大任上里木河村廊府村存村等處

土匪首唐汶中焚劫大任上里高田村及太平隨化里各村署縣陳寶與城守營千總鄧紹邦率兵往捕賊突至紹邦遇害練長石奇寶集團剿捕汶中伏誅

八月艇匪大頭羊劫濛江墟焚當舖

土匪何洪錦戴九李四陳超瑞等擾三江里太平墟踞大黎里古制村勾連大黃江巨匪大頭羊大鯉魚等艇匪其勢愈張

九月下八都團長施及道十都團長歐華國會集團練協同千總黃錦標圍擒匪首鄧立奇於十都之均平嶺解梧郡行營正法勞中丞崇光湯太守俊各賞賚有差

是歲粵寇所在蠶起湯太守俊如藤勾當中途遇警急棄船而奔倉卒覓肩輿不得則以新人轎舁之漏下三鼓抵藤署衆莫知爲太守來也已而候補府劉繼祖奉檄

招撫賊益無忌憚劫掠紛然尤以擄人爲急時在籍同知何宏元被擄索至數千金
廼釋

咸豐元年辛亥秋八月潯州金田賊自平南竄永安經楊峒里鄉人集衆拒之

二年壬子正月十四日廣東水賊任文炳西南長關巨關福劫縣城南門外蘇家署
縣張鳴萬疾其捐輸不力禁城中兵練不許開砲任賊搜括地窖藏金三日夜滿載
下戎墟招黨賊勢大振復下攻梧州

二月賊復自梧西上時官軍數千邀擊於藤弗克遂上竄濠江墟各處沿江劫掠攻
平南城旬日未拔竄擾潯州勒令打單掠貴縣發藏金滿載東歸時六月徐宮保廣
緝兵駐梧州賊自上游竄下官軍逆擊大敗之盡殲其衆

八月安城墟團長黃惠昭弋獲西南長解赴徐宮保行營正法
艇匪復來攻縣城被團練擊却之

是年捲嘴狗大里魚在梧州河面劫掠

前歲臘月賊自東省揚帆西上黨猶未盛既劫掠藤梧即欲飽颺而散二月下至賀江口爲官軍所敗始惶懼不敢東歸並招集徒衆一時烏合聚至數千遂溯流直上遍擾平南潯州貴縣三年癸丑九月平南大坡逆首覃亞兒晚劫掠羅平村十月劫思盧村

蒼梧逆首莫石戊三聶四等劫十都三吉垠村各團聞警乘夜追擊團丁李灝殲焉十二月容縣自良賊踞老鴉塘時有客艘數百沿繡江下賊尾而劫之遂踞老鴉塘窺伺藤縣是歲知縣翟登峨蒞任前候補府劉繼祖留辦賊務

四年甲寅正月二十四日蒼梧新利墟匪首張華洸六聶四莫石戊邀同西甯勝洲墟匪首梁爛脚安龍娼七大口娼等犯垠南村諸生歐華國歐華麟等督團擊潰殺賊百有餘名奪獲旗幟炮械無算自此十都與蒼匪遂成仇敵逐年防堵迄無甯日龍尾山麓屋雲泉居士有正月廿四紀事詩云天地之大德曰生天之所誅惡必盈兇若未窮惡未極蚩尤未必附一坑君不見十都八都團練殺大賊雖協羣心與羣

力若非彼蒼有意除螟蛉何以禽獮草薶一朝殛請君聽我說其詳桑梓由來近互
鄉彼都人士狐裘黃虎而冠者甘豺狼黃巾張角來煽惑尤來大槍集狐馘關黨童
子也綠林齊人妻妾學貳側攻先所難擊劍門餘同破竹勢易吞狺狺跳梁若獾狗
左衝右突類奔豚火箭火毬夾鎗剗頃刻煙迷杏花村空中一聲飛霹靂賊奴賊魁
合蕩析鷓自投羅丸爭彈豕既入笠任屠剔傑魁圍華躍登樓一箭雙鷗貫其喉雙
戟前驅者與霸用矛踰溝有冉求甯季狡狴呼契弟一聲飛丸碎其體愕訝苞苴不
能通狂喊犬導武墜眯轟雷虓虎團胆雄捲霧驅風團力齊紛紛昏奔鳥獸散箠甲
戈矛委塗炭四壁又來生力團沿途堵織多糜爛馬陵道上截其奔虞詔書生畧不
羣兀朮計蹙黃天蕩黃巢命殞烏鴉軍此時團勇勢如風此際團長氣如虹倒戈斃
鼠亦逐北三千組練爭向東旗角影翻楊柳綠血光洒遍杜鵑紅電掣騰馳到鴻溝
征夫個個勒馬頭寇莫追窮志所戒停鞭且聽中權謀一騎西來傳團令振旅而還
暇且整寇則擊之逸待勞服則綏之寬濟猛彼縱壺漿簞食迎我師不如使渠條分

縷晰各自治非種必鋤凜

王法雖有支蔓從何滋是可知

天子神武威風及海隅婦孺亦解談兵靖萑苻何莫非福善禍淫理不爽窮兇極惡遭天誅

二月十四日徐八劫十都旺長村被練擊潰斬賊首徐八殲其黨十餘名

自良賊屢爲藤患衆村密議擊賊賊偵知之遂夜遁衆追至黃沙不及而還

三月陳孟德陷橫臺堡

前候補府劉繼祖誅賊內應

時衙役久與賊通而坐享其利每官遣偵賊輒張皇聲勢以恐嚇之令悞悞者每爲所制莫敢誰何劉公素稔其惡佯爲不知而陰召漸勇守城部署定急閉門搜捕籍其尤無狀者捉獲徐晚亞孔叔姪曹勝彪總頭按名誅之餘黨竄逸四月逆首何先拔何先體自號武威大將軍劫掠泰平墟及三江里十二日攻陷丁田堡十七日大

坡自良各股匪攻陷腰古高田各村大肆殺戮

閏七月初五日艇匪梁培友等攻梧州城

自良賊擾十八都署縣翟登峨城守劉松芳率兵壯往擊不克而還

八月逆首何先拔勾連吳西元陳超瑞等豎旗梁培友攻梧州城不克分其黨上攻

藤縣自良賊首馮六土匪首猪籠二等應之十一日縣城陷前候補府劉繼祖在大

街公平舖殉難典史冉正棠與其妻孫氏幼孩皆死之知縣翟登峨被執城中死者

六七百人自良賊遂踞縣城馮六偽稱大都督猪籠二偽稱都尉

十九日土匪周水劫十都州村聚衆孔凹埔垠南諸生歐華國歐華麟集團攻擊焚

其巢奪獲所擄人物以還

九月初六日土匪猪籠二踞沙黃劫掠十都各村歐華國歐華麟集團擊潰生擒二

十餘名殺偽軍師革生李蒼吉並餘黨壹百二十餘名首匪猪籠大殲斃在內奪獲

炮械旗幟無算

十月各都里合謀復城

梧州圍解二十三日城守劉松芳率官兵協練恢復縣城逆首馮六遁回自涼（二十九日擒霍本昭送府殺之）十一月自涼賊復來滋擾距城十里許城守劉松芳率衆往擊賊遁追至三十二都富峒而還大坡逆首覃亞稅陷二十九都大澤甲古對村蒼梧逆首張華洸陷富雙村

十二月義昌江賊擾十五都各村城守劉松芳率衆往擊賊遁

五年乙卯正月初十日自涼賊突至知城中有備而去和平局團練堵剿張高友股匪傷斃練丁十餘名二月署縣雷葆初率團練征自涼賊至雷家寨不克而還

前知縣翟登峨遇害於肇慶

時賊踞肇慶東省水師堵禦嚴緊不能下竄張觀察敬修駐封川上下夾擊賊勢窮蹙有逃自賊中者據說翟公見賊糧竭將成擒因暗繪其狀約官兵盡力攻擊可獲全勝中途敗露賊獲其書遂殺翟公

四月大坡自涼股匪踞高田村

初七日艇匪李文茂等被東省官兵擊敗率其匪艇二千餘艘夥黨四萬餘西竄至藤踞縣城搬運倉穀未幾逸去上踞大黃江遂圍潯州

五月艇匪李魚兒等在白沙江焚劫

初八日艇匪陷上垌村

七月首匪陳昭瑞莫昌文何先拔等踞石山岑嶺各團合擊大敗之羣匪上竄陷思排村二十一日夜半大坡賊襲破思廬村

八月永安賊劫岑婆寨

大坡自良賊焚劫三十二三十四各都感義鄉團練圍而殲之於高田村是月賊陷潯州

九月諸生楊際春集衆攻自涼賊巢被執死之

十一月初五日自良大坡股匪掠陳村

六年丙辰正月大案匪首許多良坡頭匪首何先拔劫掠大任里高田村

樟村土匪劫上風門村

艇匪大口砲焚劫大橋埔

二月二十七日大坡賊陷旭埔村

賊自潯突至焚衙署取魚影石以去領兵蘇海以水師敗績於藤

潯州賊焚訪蘇亭縣官退駐富安

大坡賊焚燕塘村

七月土匪莫四猪籠二何木生焚劫四培河各村

北岸各團合攻坡頭賊巢敗績

八月羅城各團合擊四羅江佛堂山馬黃葉坳羅雲各股匪於三十二都之高田村

斃賊黨六十四名生擒十五名自涼大坡各股匪攻陷羅密村及廈安民堡

十月初八日平南匪首曾三潯州逆首陳開土匪東江五何先拔等踞秦平墟其二

江里東皇里各村均遭焚劫

十一月廣東賊區應突至三江里襲泰平墟踞之鄉人集衆邀擊焚其所居廬舍殲賊數百名

七年丁巳正月元旦蒼梧新利匪首張華洗六突至義昌鄉太平坡陳宅踞之

大案匪首許多良等立稅廠於府河官兵擊走之

坡頭逆首何先拔僞稱天王何逸何中孚僞稱軍師陳孟德覃禮和何先詳吳上車六吳西廖順安僞稱都督分踞滿村下六石人寨金屯山軍場狼旅等處勾連永安

逆首張高友大案逆首古今四艇匪李茂酷勒地方上糧

二月初六日糯米九股匪陷屋蒙村十都各團合攻之賊敗走

四月十一日大坡馬黃股匪陷里村

二十日平南匪首曾三劫掠羅龍里和平局集練堵禦未幾賊遁

二十五日土匪卓八平南匪首曾三勾通艇匪攻劫南股務倫村堡

二十七日坡頭土匪何先拔陳孟德等陷安洞村

二十八日陳孟德攻都鴉嶺

五月初七日陳孟德陷山琶村十四日踞岑村堡

十五日踞潯道首李文茂率匪艇千餘艘自潯下踞縣城

二十四日平南匪首曾三踞泰平墟陷浪寮中車羅壳洲等村十七日陷山口瓦窰

下寨下黎大窰橫橋各村堡

二十九日艇匪李文茂率黨攻陷新車塘盤石堡殉難遇害者四百九十餘人

五月艇匪入犯五屯江被團練擊却

閏五月初七日艇匪圍梧州

初十日匪首范十四糯米九梁寶四突至開來村入之各村赴援不克十都團長候選從九歐寅時軍功六品歐熊時七都團長候選州同莫遇培被擄不屈任際以死賊遂拒開來不去焚劫附近數十村

自涼賊破都萌村監生容有莊死之

七月初四日潯州艇逆踞平南丹竹墟和平與義團助川四里防剿大獲勝仗

十四日艇匪擾羅龍里各村至八月初旬始退竄去

賊久圍梧城自六月至八月城中糧盡煮皮革草木以食饑死者數萬人並堅守無叛去者藤縣義勇何信之及降賊鍾敏和並運糧至梧弗克達何被執死鍾退踞山寨賊圍而殺之

八月十一日賊陷梧州城學使沈炳垣副將蔣福長死之紳民從死者無算賊遂踞梧州逆首李文茂僞稱太平王阿黎潤僞稱平西王陳開僞稱鎮南王梁培友僞稱平東王大口猖僞稱定北王

九月平南大坡逆首黃大蒼梧湏羅鄉逆首張華洗六攻陷十六塌羅文洲都蒙村老竇家寨大化村三十都三十一都一帶地方焚劫殆遍十一月踞梧賊下犯祿步官軍逆擊敗之

十一月十三十四兩日賊燒藤縣署盡焚之

大坡自涼各股匪攻擾十八都羅城峒各村

初八日艇匪焚劫安平河陷沙垌村

十八日大坡自涼股匪攻陷羅平村

廿八日陳孟德陷大寺營

二十九日陷冷水堡殉難遇害者甚衆

十二月土匪周水焚劫九都孔良村被團練擊敗殲賊數十名

八年戊午正月初十日富垌石垌股匪焚劫大英嶺

二月十四日蓮塘賊首張高友劫掠泰平墟六垌及大任里裡山各村

二十日艇匪藤包麻率艇五十餘艘劫五屯江各處被團練擊退

二十一日許多良劫那安古篤各村

三月十七日大坡股匪攻藤底村

二十五日陷夾持各村

四月崑提軍壽大破賊於封川賊西竄棄梧州而去

十七日官軍復梧州遂復藤

二十三日黃大燒狗股匪焚劫古旦村

五月張高友股匪踞平村

八月潯匪下擾藤縣由濛江墟入和平墟被團練擊退

九月由十二基入劫雙村被團練擊退

二十日大坡股匪攻大埔堡

九年己未二月土匪黃啓琛等勾連大坡蒙五陷羅埔各堡

三月二十四日踞潯逆匪自潯東下犯梧州不克退回藤縣僞先鋒大口炮率黨七千餘人攻二都富安村破之屠戮男婦五千餘人被虜者伍百餘人時縣城殘燬已甚賊不守而去其賊目杜枝譚震陳在江口設立稅廠猪籠二鬼鼠零黃仕成在老

鴨塘設立稅廠是日大坡首匪覃亞稅率黨千餘攻陷三十八都三月初十日陷黃
鑿村三十三日陷橋頭寨殺戮男婦貳百餘人被擄者數十人

二十七日黃大覃亞稅攻獨州營

四月潯匪由白馬墟人馬塘初四日圍練擊之失利初五日賊敗走

二十日陷枕頭營陳村堡

二十八日陷泗河村大坪嶺

五月蒼梧賊陷十都界垌村

六月陷十五都大梳巖

坡頭何先拔陷古思堡

八月潯匪人羅龍垌被團練擊却

大案匪首許多良陷古集鹿塘各村

十八月大坡賊攻上垌村

二十八日蒼梧新利墟匪首莫石戊邀同逆首戴九陷十都孔廩村踞楊村顧龍觀連陷思門白土等村越日被團練擊敗之

九月許多良古今四等陷上峽村

潯匪由屯江入和平墟被團練擊却之

初十日大坡賊劫掠羅平村

十月十一日蒼邑新利墟逆首莫石戊三莫天養六張華洸六聶四邀同平南大坡逆首覃亞稅黃大糯峒逆首戴九攻十都楊村至十一月二十三日夜陷之團長陳華圖遇害男婦被殺者二百餘人被擄者二百餘人連陷平城屋蒙外寨二十餘村大坡股匪攻陷四十三都上洞公局團長鄧肇基遇害

金田賊數萬自湖南竄回廣西擾藤縣泰平和平各處村莊及隨化里均遭劫掠

十二月初四日土匪周七陞區韶區英區毓珍勾引著梧須羅逆首莫石戊平南大坡逆首覃亞稅糯峒墟逆首戴九陷十都垠南及蓋村寺面藍村州村瀧面大范等

大小數十村

初七日十都團長歐令復陳允中督練五十餘人擬守玉泉寺圖復各村被賊圍困俱遇害自是縣屬東西兩岸皆賊藪矣

十年庚申正月十六日團練克復十都楊村莫石戊逼令各處從逆村民圍困練丁陳煥歐毓瀛等五十餘人盡遭屠戮

三月署縣宋尙述往三江里礮底捕賊土逆鄧作曾秀才朱屎湯六等戮殺之宋公遂殉難張華洸六焚劫九都柳浪村陷待村

七月十三日潯匪由白馬墟入攻和平墟被團練擊却
十六日失利羅龍里多遭焚劫

二十三日攻陷田寮村等處

八月初九日土匪卓八勾通艇逆陳開攻陷三江里座垌屠戮甚慘知名者四百餘人署縣陳延齡勘驗合理一塚

土匪朱屎湯六劫掠楊峒里石脚村并平圍集練擊退

蒼梧賊轟四圍攻峽村被圍練擊却

十月初十日東匪陳金剛被官兵擊敗率其黨數萬西竄攻陷逢軍山至仁和墟渡江過藤地遂擾岑溪

九月十八日大坡逆首覃亞稅破楊威營

十月二十六日土匪李斌周七陞區沛義區毓珍莫懿純李佑社等復攻峽村被圍練擊退

是歲蔣統領益禮平蒼梧下郢城賊巢賊首羅華觀竄逸至藤遂走潯州

十月二十六日賊攻社崗砦死者百餘人

十一年辛酉正月初十日艇匪陷潯州(二十日入平南)

十八日下郢逆首羅華觀率黨數千復自潯突至擾泰平墟距楊峒里中車署縣陳延齡會同委員候補府蔣本蓉大軍擊敗之賊遁

三月二十一日潯匪踞羅龍里和平墟土匪卓八踞三江里座峒村

二十九日馬黃股匪陷十字嘴村

四月初六日張華洗股匪破十都沙黃村豬籠二陷大橋村

初七日羅華觀劫距楊峒里中車坳分黨焚劫羅壳等村

二十一日潯匪陷羅龍里練村堡

五月十五日大案股匪攻陷思員村

許廷瓚股匪陷楊峒里古篤村堡

蔣統領委員候補府蔣本蓉親帶湘勇五千攻破坡頭賊寨賊首何先拔退踞金屯

山 六月初四蔣統憲益漕水陸大軍自梧上復縣城

北流江口賊稅廠退入虎跳與土匪開設分東西關取稅

初六日立城鄉團練總局

七月官軍克復潯州

義昌賊踞思旺復擾孝義仁封各鄉

署縣陳延齡撫楊峒里賊

九月初七日土匪朱屎湯六焚劫黎竹村

坡頭土匪何先拔劫掠楊峒道姑村梁容賢等十三家俱被害

十一月土匪卓八劉成昌攻劫十里村

大坡自涼股匪破社峒獺背各村及三峽營古齊塘

各兵練困逆首何先拔於滿村破坡頭賊巢何逆兄弟姪等俱伏誅

何逆夥黨蘇元章龔陷陳村屠戮七十餘人逆勢復振

二十九日大坡賊攻陷四十三都冷水村堡

十二月大坡賊首黃大破中八都蒙登村屠之遂掠沙田

同治元年壬戌二月坡頭股匪何志宏劫掠富樂埔金屯山股匪成亞五劫掠六埔口

三月二十七日陳孟德股匪劫掠楊峒里上風門村

賊自老鴉塘突至劫城鄉總局衆兵練夾擊賊敗走

夏鬼鼠零黃仕成投誠

坡頭逆首何先拔勾通蓮塘蘇元章股匪陷北岸各村堡擄殺二百餘人

秋朱五美等保結何先拔投誠既而復叛

二年癸亥春卸署縣陳延齡督帶道勇征大案古今四股匪

官軍復容縣擒范亞音誅之

夏署縣張葆光協同都司李開學駐泰平墟剿辦大案賊

秋候補道蔣澤春撫竇家寨逆首覃亞稅改名乃輔

儒峒逆首戴九改名國恩金雞虎跳逆首豬籠二改名賴德何木生改名世型黃金

龍改名錦榮唐九改名文蔭吳亞妹二改名若瑞俱就撫十月局紳商同署縣景星

稟請大兵乘機恢復地方

十一月署梧州協唐元芳管帶水師利輝管帶上字左營道勇胡高志等到縣駐紮

招各都從逆者俱薙髮歸團

署縣景星署協唐元芳撫大案賊既而復叛

十二月唐元芳兵駐七都森村議撫八都金板坦潘三股匪說之二旬有餘不果
十七日胡高志由古祀移營往撲之潘三立繳大砲願投誠隨即遣散黨羽毀其巢
三年甲子春候補知府榮林候補分府陸晟祖辦蒼藤善後令各團寨及賊寨砲樓
盡拆不果行然賊勢自此斂跡亦自此漸就誅滅矣

八月蒼梧匪首聶四犯上八都黃板村被練擊退

九月復來又被練擊退

冬賊首張廷喜招人當勇給予旗幟號衣遂糾黨數百扯官兵旗號由大坡入縣境
踞糯峒墟復叛沿途經過莫有疑其爲賊也十月知縣邊其晉協練往擊至三眼堡
而回

十二月知縣邊其晉集練協同各紳團堅壁清野賊無所掠遂合擊破之賊敗遁去

後被潯州府桂平縣擒斬

土匪陸亞崩七覃瑞珍作亂擾二十四都各村知縣邊其晉集練並各紳及首民覃乃輔擊敗之賊遁後被擒斬

四年乙丑二月十五日黎明時分莫石戊等率黨千餘襲垠南村被團練擊退遂劫孔聘村勇練擊走之

閏五月翁都司長春誘擒逆首霍十八霍六元馮西山等十名解省正法

秋土匪黃六兒李長復叛嘯聚鴨舌嘴城鄉總局練勇襲擊之焚其巢斃賊十數名餘黨潰散匪首陸成志岑瓊言復叛聚黨富洞村署縣唐鳳翔都司翁長春協練攻擊誘殺之殲黨數十名

九月唐鳳翔翁長春移營三眼堡

十月唐鳳翔翁長春督兵練入糯峒各首民繳大砲

十一月二十二日攻剿開塘甘永興巢穴平之

十二月初十日攻剿大塘村鄧作英巢穴賊遁去

是年覃亞稅猪籠二被人殺死

平毀糯峒墟逆首戴九老巢徙其眷屬

五年丙寅正月翁長春移營上八都洗村並分紮十都良南村

二月署縣唐鳳翔入垠南查點甲冊殺匪首莫秉岳周合利七令各牌長具結

三月五屯江七里逆首江六聚衆作亂踞三吉寨並分黨劫和平墟署縣唐鳳翔都

司翁長春梧州協左營都司劉松芳剿平之獲江六軍前正法

九月黃卷成江三千傍等復陷三吉寨

十月二十二日夜冒大風雨知縣邊其晉帶勇練協同管帶潮勇府經歷柯益白馬

汛千總杜遇琳攻復三吉寨黃卷成等匪遁去

六年丁卯二月知縣邊其晉帶勇練協同叅將胡高志攻剿二十二都匪首溫自振

賊寨

四月二十七日攻破溫逆剩表寒溫自振伏誅梁汝弼等拏獲首匪倪啓理解府正法

四月管帶潮勇府經歷柯益城守千總毛鳳鳴攻破狼虎寨擒獲首匪莫十三許大鍾解府正法

五月韋錫年韋品良黃斗光及勇練拏獲首逆黃卷成九月李應龍江純龍江觀龍拏獲首逆江三千傍並先後解府正法

十月知縣邊其晉協同團紳王家宰收復寶家大砦交還楊上璉等仍管舊業覃乃泰徙去

七年戊辰正月知縣邊其晉督同團紳胡毓璜胡紹麟鍾躍龍等剿辦逆匪吳若瑞攻破其砦擒斬之

自咸豐三年至同治四年迭被坡匪艇逆前後攻陷四十三都思慮冷水平羅上堀大桶廂埔藤底筋竹大帽小帽十村營堡陣亡殉難男婦三百三十一人（現入縣

昭忠祠)均經圍長鄧肇基何信之劉志遙何安之劉樹昂何謙光韋世居吳建和謝元之等率上峒團三十五村練勇及平南衛安團與三十九都四十二都練勇擊退殺一百十八名

青山堡在三十九都備口村控洞頭高邨二莊因古砦形勢而築之咸豐元年郡廩生林寶揚生員羅崇光廩生李耀壽等築城之時劇賊覃亞稅蒙祖瑜王佐才大匪馮六等陷藤城寶揚等往救不利都司劉松芳復增築砦牆覃亞稅王達廷屢攻此砦皆被挫敗遁去

瑞獅營在四十一都思崖村形勢峻險四圍石壁數百丈如獅子之狀中有一徑可通往來山頂地勢平坦分兩階下階有塘泉水湧出能濟數百人傍有石塘三兩山俱險峻其塘如峽巷任便取水上營咸豐四年十一月內所築也董其事者唐就元文廣模黃鳳齡唐本盈黃啟寬諸人集烟戶千餘家防守力禦土匪艇匪屢攻不克賴以全活者數千人迄今基址依然砦中人皆能躡躡防禦卒保無虞雖藉天險之

設抑亦人力之可恃者也

七年四月初四日匪首李社保據永安州南蛇覃殿元之砦攝梧州府知府凌昆知縣邊其晉招勇協同水陸營勇圍攻五月初九日剿平之二十五日追至莫村督飭生員蕭萬安從九蕭學詠及勇練圍攻破其砦燒斃首匪鄧謙宇姚兆甯盡殲其衆咸豐七年四月二十五日平南川一里土匪會三勾艇匪數千勢如飛蝗三江下里南股敦倫務倫羅塘嶺頭嶺坳白坳赤坳五屯所上下廂太平嶺社背諸村悉被焚劫練丁死難者五名三江上里團長鄧雙亭覃泰階大任里貢生覃俊民等來援不克匪在和平五屯立糧臺五月初一日攻泰平惟下黎村被害最慘閏五月初四日平南惠政里團練克復平南縣匪喪胆退回川一賊巢十年七月十三日艇逆陷羅龍里雙村各民堡三江團長韋正甫督練救之不勝又招平南勁練數百救之不勝二十四日匪出和平復擾務倫營堡練勇內外夾擊之匪敗走邑令陳延齡防禦五屯見賊勢猖獗退守本依河南勇在嶺頭村者亦退去卓八知之復攻務倫堡平南

川四里團長李蔭芝來援堡內練丁奮勇夾擊賊退去斃匪一百餘名八月初二日賊攻座坳營堡不利斃匪十餘名初三日攻上里天馬寨又不利復直上木依攻陳縣令勇船官軍退上太平墟座坳遂失守男婦練勇死者三百六十餘人卓八自稱將軍大肆荼毒時各里人心奮怒覃俊民起練剿卓八環攻數日匪乃遁去十一月二十五日卓八又攻座坳人皆驚走陷河村篁地吳從道汝金父子死之吳汝光合家男婦十九人併其親屬五人皆被擄南股練救之不及十二月務倫座坳合力招南勇擊賊不克次年五月 蔣統帥益禮復中車卓八乃竄入坡頭何先拔處官兵破先拔賊巢卓八父子回易州卓詔遣人刺殺卓辛卓八傷而逃覃韶階之子獲卓八以獻梟首示衆

雜記 節鐔津考古錄 (藤邑舉人蘇時學字琴舫所著學問淵博賦性恬淡世家名儒也)

宋哲宗紹聖四年蘇軾移昌化郡安置弟轍貶雷州五月十一日相遇於藤

元符三年秦觀自雷州放還卒於藤州光華亭上

九月蘇軾北歸與藤州徐疇遊浮金亭

明洪武元年六月明兵取藤州

五年省鐔津縣入藤州

十一年改藤州爲藤縣

成化元年十二月韓雍大破大藤峽改名斷藤

二年韓雍檄知縣謝鉉修城

正德十年十二月五日天鼓鳴自東南至西北

萬歷三十一年以岑溪縣北科七山二鎮改屬藤縣

明崇禎八年正月十九日大雨雪（梁志）知縣梁昌修學

九年改縣城爲陽城 重建南麓書院 冬大雪 是歲五屯所官與壩口把總條

陳各人汛地以東岸寺背專屬之軍中村壩口專屬之兵俾各有專責知縣梁昌通

詳依議 (並同上)

十年知縣梁昌修縣志

十四年五月大水 (陳志)

十六年三月大水 (據蒼梧志)

國朝

順治三年夏六月明兩廣總督丁魁楚調梧州府屬兵援贛州 (舊府志)

是歲大旱自二月至八月二十六日始雨歲饑 (蒼梧志)

十一月明永明王立於肇慶改元永曆

四年正月永明王奔梧州走平樂廣東提督李成棟率兵趨梧州二十九日一鼓入

之明巡撫曹暉降時丁魁楚在岑溪成棟使杜永和襲而殺之藤江 (楊陸榮三藩

紀事)

六月大水 (蒼梧志云與萬曆四十年同)

七月十四日水師副將楊超反引明參將陳邦傳入梧州蒼梧南五鄉及戎墟羣不逞之徒招誘愚民號稱義師酷索富民謂之充餉及邦傳至營取副參遊都劄付益肆殘暴而藤岑容諸縣土棍各集紛出劫掠民不聊生（按藤志誤以此事屬順治二年茲據蒼梧志改正）

十一月李成棟復取梧州陳邦傳走潯州（府志）

五年三月廣東檄至李成棟挾佟養甲以叛迎永明王駐肇慶（府志）

夏四月大飢斗米五百錢

六年夏五月大水（蒼梧志）

七年正月永明王奔梧州（三藩事）六月大水（蒼梧志）

十月大兵下廣東十一月下桂林

庚寅十月初七日辛巳永歷挽舟梧州城外聞羊城盡失移舟西上不五里遂槍殺遍行上至藤縣分爲兩股從永歷者上右江若巖起恒馬吉朔是也餘則入容縣港

若王化澄等是也(吳六奇明季南畧)

瞿昌文粵行紀事云庚寅閏十一月十四日晤陳邦傳於濠江口數語別去順流下藤縣城內皆焦營盤踞謁宣國相對號慟留宿營中日夜風雨廿四日雨止別宣國渡藤江宿村舍(按焦謂焦璉時封宣國公)

八年正月十七日定南王左翼鎮前鋒馬驥取梧州二月十五日左翼鎮總兵馬蛟麟至梧鎮守(蒼梧舊志)

大兵下藤縣(明季稗史)

夏四月始開徵八年分糧

秋八月陳邦傳誘殺明廣西協守總兵焦璉至梧鎮降(並同上)

予鐔津詠古詩詠焦宣國云百戰危疆倚將才潯陽江上笛聲哀孤城舊是屯兵地落日青山萬馬來

九年七月李定國陷桂林八月陷梧州知府沈倫不屈死藤縣亦失

十二月初五日大兵復藤縣明總兵羅超戰歿（明季稗史）

八月李定國兵陷梧城大掠數日而去時提鎮馬雄出兵堵禦屢敗鎮道議以桂平皆陷恐梧州難守乃具舟斂老營避江中十五日賊奄至官兵又敗乃盡登舟徑下廣東文武官至九月杪方回（舊府志）

二臣全節傳云節間道走梧州與線國安馬雄軍合定國以衆來犯我兵失利節負重傷潰圍出乘舟至肇慶請兵於平南王尚可喜可喜遣水師助之乃還定梧州藤縣潯州

十一年李定國令其黨李先芳廖鳳踞藤縣總兵馬雄擊破之擒其所授知府江炎是年秋七月李定國兵復由西甯突至戎墟梧城戒嚴乃去（梧州舊志）

十三年巡撫于時躍題免十二年十三年分糧石

布政使張自昌諭民墾荒田官給牛種（並同上）

十八年六月大水（蒼梧志）

康熙元年地震

二年七月大水

四年八月又大水

十一年五月大水(蒼梧志)

十二年六月又大水

九月地震(同上)

十三年孫延齡叛附吳三桂梧州都司王邦相通款延齡六月延齡遣僞總兵侯成德陷梧州盡拘其官屬軍民是月僞總兵陳士龍與藤縣土寇吳鳳乘亂襲破岑溪奪縣印脅縣令孫士恂示諭士民助餉筭募兵無賴者盡附之副榜高能徵誓衆拒逆有領劄者共誅之復糾鄉兵斬士龍於孝子祠鳳走義昌依土寇林萬勝七月成德聞援兵至宵遁八月總兵金光祖遣遊擊唐鳳守備管輝領兵三百守岑溪差官運餉道經義昌爲萬勝劫奪并殺差官熊徵復率鄉兵與官兵合攻萬勝斬之(据

府志及岑溪志

王邦相潛通款於延齡招結土賊陳士龍周君道李梅友等聚衆抄掠五山狼日章國棟陷岑溪掠戎墟藤縣賊林萬勝據義昌鄉殺解餉官其時郡邑騷然旋皆鋤滅

（梧州府志）

甲寅滇黔告變粵西附之時羽雲唐君守臨賀義不從賊挈家詣肇初冬整族入岑予始獲訂交觀其貌恂恂若書生大約羊叔子杜武庫一流予隨以制軍命得在軍中親見其計誅林四誠孫雲客破王邦相鬱北容等軍及在黃坡躬先士卒大致克捷其智勇兼備有足多者（高熊徵郢雪齋集）

四月復藤縣（東華錄）

七月王邦相復寇岑溪遊擊唐鳳敗之於容縣波里斬其長子邦相遁回容縣遂走潯州復聚黨攻陷藤縣守備羅文學及竇家寨巡檢黃新德死之

八月十三日地震又大水

十五年春僞將王邦相據藤縣尋據梧州時邦相聞梧城官兵避賊東下肇慶遂入梧仍招集各土鎮分掠懷集及德慶封川

六月大水(蒼梧志)

十六年秋七月大水巡撫廣西大將軍傅宏烈率兵復梧州僞總兵王邦相僞知府蓋鴻及官民數百棄城走橋斷溺死唐鳳恢復容縣岑溪大破僞兵(岑溪志)

八月豁免十六年分錢糧

十七年三月吳逆僞將軍分犯潯梧桂林平樂等郡有

旨諭莽吉圖鎮梧州令穆成額與將軍額楚都統貝勒巡撫傅宏烈統兵協剿七月兵至鬱林戰失利退守藤縣十二月藤縣失守

上復遣平南王尙之信及將軍舒恕率師赴援賊乃遁走(滿洲名臣成額傳)

七月八月大水淹民田無數

東華錄云康熙十七年十二月廣西城陷藤縣迫梧州(漢名臣傅宏烈傳)

十七年六月賊兵數萬渡左江我兵與戰失利退守藤縣十月賊併力來犯藤縣失守遂迫梧州

滿名臣額楚傳云十七年詔同都統貝勒率兵駐梧州時廣東總兵祖澤清復叛自高州勾結山海諸賊犯電白額楚奉

詔會剿擊却賊衆進駐藤縣遇大疫士馬多病斃額楚以

聞命別擇要地移駐額楚疏言吳逆踞鬱林容縣潯州聲言三路來犯藤縣軍營未可動移但士馬應請增遣以備堵禦

上命其仍駐藤縣

諭將軍舒恕于南雄韶州兵內擇有馬者發額楚軍未至賊犯藤縣額楚同巡撫傅宏烈率兵禦擊失利退保梧州賊陷藤縣

將軍額楚征粵寇距藤縣二百餘里遇鬼城一座旗幟森列四門晝閉疑中有埋伏發兵攻之城破黑氣障天倏見毒蛇蜈蚣及蛛蝎等物從空飛出惡氣士卒觸之皆

體脹腹痛急撤兵而過

十八年正月宏烈自梧州分布水陸官兵乘賊來犯木城奮力夾擊鎗砲矢石齊發殲賊二千餘遂遣總兵譚昇收復藤縣（漢名臣傅宏烈傳）

十八年二月賊將吳世琮犯梧州額楚同莽吉圖傅宏烈擊却之（滿名臣額楚傳）

道光二十年十二月知縣溫鵬翀建訪蘇亭於浮金山麓以奉蘇文忠公

二十一年海疆告警梁中丞章鉅駐節梧州官兵經藤者絡繹不絕

二十二年冬知縣溫鵬翀修李衛公祠

二十四年夏大水

二十五年署縣江應澄改義學爲經古書院

始行團練於各鄉以東匪滋擾水道不靖故也

二十八年署縣劉繼祖修城

是年虎入城

冬十一月地震

建經古書院學舍

咸豐元年緩征

是歲城工告竣

四月增築砲臺於北門外

六月雷震砲臺

六年二月地震有聲

夏四月大饑斗米千錢

八年初設厘金廠

八月八日彗星見於西方

卷之二 雜記

(九百九八)

藤縣志卷之二十二

芳名志(前修志各官紳銜名)

主修

署 藤 縣 事 武 宣 縣 知 縣 高攀桂

叅閱

藤 縣 儒 學 教 諭 李程泌

藤 縣 儒 學 訓 導 蔣上紱

編纂

藤 州 書 院 掌 教 戊 午 科 舉 人 陳 鑰

叅纂

甲 子 科 舉 人 胡世拔

壬 子 科 歲 薦 李若桂

分纂兼校對

癸酉 科舉 人 陳翹

戊辰 科舉 人 李中賢

原任 鬱林州訓導 蘇厚埴

原任 白縣教諭 吳斯璧

癸酉 拔貢 黃時安

卽用 通判 何宏元

茂 才 霍鉉鏗

茂 才 卓鳳儀

校刊

藤縣 縣典 史 彭信忠

藤縣 白石 寨巡檢 陶大本

藤縣寶家寨巡檢 張開疆

探輯

試用訓導 石廷珩

布政司 經理 蘇麟

州同 陳漢懷

監生 李仲珩

朝議大夫 黃源洙

布政司 理問 蘇文珩

州同 唐健棟

附貢 石源

優生 歐華石

庠生 朱棠

庠

生

覃步賢

庠

生

石道
陳遠獻

監

生

陳格言

廩

生

陳翼晃

廩

生

石垣

監

生

覃儒

廩

生

霍泰

廩

生

黃元棠

增

生

陳正矩

庚

申

恩

科

武

舉

楊熾堅

貢

生

莫張

貢

生

唐統禮

貢州 康 優 增 庠 庠 庠 增 州 增 庠

生

性雅逸工山水
繪畫各圖

同

胡克安

何異蓮

祝贊明

莫耀奇

石曜

盧壯度

韋業編

李敦友

江溥泗

鄧恒滌

李郁章

郭宏才

辛酉科歲貢生 盧宏灼

增科歲貢生 孫鎮

庠科歲貢生 梁芳

庠科歲貢生 鄧秉焯

監科歲貢生 盧宏耀

戊辰恩舉人 朱純卉

戊午科歲貢生 江朝宗

廩生 蘇自芳

廩生 劉璣

廩生 吳浩賢

廩生 潘倬立

優增生 卓侗

增 增 庠 庠 庠 庠 庠 庠 庠 增 增 監

卷之二二 銜名

生 生 生 生 生 生 生 生 生 生 生 生

何學鉉 程可傳 莫詡進 吳斯型 劉揚 黃居正 黃體暢 馬廷班 龍沆 何雲超 黃祖昭 陳玠

(千零零五)

監

生

李錦

監

生

李錦綸

丙

寅

科

歲

貢

生

梁蒞中

庠

生

唐嗣滄

庠

生

梁甲

辛

酉

科

武

舉

黎德曜

庚

午

科

歲

貢

生

曾光祖

壬

申

科

歲

貢

生

石士灝

甲

戌

科

歲

貢

生

何敬一

廩

生

陳謨

廩

生

鍾毓景

廩

生

黎依京

廩 監 監 庠 庠 庠 庠 庠 庠 增 廩

卷之二 銜名

生 生 生 生 生 生 生 生 生 生 生 生

胡博常 胡安 何勉修 鄧權義 李浦 覃上觀 盧超朗 李楚 吳之綱 徐之著 秦大經 黎依豐

(千零零七)

增 增 庠 庠 庠 廩 廩 庠 庠 增 增

生 生 生 生 生 生 生 生 生 生 生

陳銳 李灼暢 李樹端 陳捷熬 李配琳 李若蘭 霍大源 覃懋四 黎知自 徐海賢 徐藏修

鐔津忠義錄序

嗚呼治亂之機雖曰天運豈非人事哉當承平日久在位以文酒徵逐爲豪舉間有念民生休戚舉地方利病者則羣以俗吏目之一旦有事姑息者爲福粉飾者爲功相習成風養成禍患遂至強者乘機弱者被脅而從狼顧鸚張毒流四海幾成不可收拾之勢後人見禍亂頻仍竭人謀而不足以挽救於是咸委諸天矣而天豈任咎乎藤邑之被亂也洪秀全以妖神夷鬼之教發難金田是時水陸各股匪聞風煽惑狡然思啓蹂躪所至民物蕩然攻城劫獄焚燬淫掠民不聊生而官愈不聊生矣痛深創鉅亂極思治於是練鄉團募客兵官紳戮力躬冒矢石塗萬衆之肝腦竭百萬之金錢而一邑始治嗟乎天下之治亂一省基之一省之治亂一邑基之其機微其理顯非歷其境者不知也 蘇爻山先生邑之碩學也勘亂之役無不從肇亂之事無不紀以撥亂之才著平治之畧其辭親而切其旨簡而賅其紀事宗綱目其褒貶寓春秋而斯邑之爲忠爲烈爲亂爲治無一不瞭如指掌令讀者不啻身親其境見

焚劫夷戮之慘益致謹於治亂之機而不敢以玩忽將則是篇之作以云備輶軒探擇者猶後也陳君贊臣 先生之高弟也欲廣師傳謀付手民命余爲之序余不敢以不敏辭爰撮大要誌其緣起後之閱是篇者其亦惕然於安不忘危治不忘亂之意也夫

光緒十七年歲在重光單閏仲春月上浣知藤縣事侯官吳徵勳謹序

蘇爻山中翰鐔津忠義錄序

大凡文章之不朽者必得人而後傳况其有關志乘者哉梧藤蘇爻山中翰余總角交也後又同登道光丙午科本省鄉榜交情益篤時相切劘余通籍後迨奉職京華爻山以計偕北上風雨晤談因出其所著鐔津考古錄及爻山筆話寶墨樓詩抄並述及尙有墨子刊誤未刻並數年流離兵燹有所見聞必筆之於書益見好學不倦著作等身尤欣佩也禮闈報罷就職中翰旋即言歸蓋其淡泊素志然也丙子歲余山京而外宦輟量移苔岑遙隔魚雁難通徒增悵惘壬午乞假歸里聞爻山已歸道山憾不能撫棺一哭且惓惓於爻山尙有未竟之書不知曾付梓人與否及辛卯歲其高足 陳贊臣學博以補官晉省考驗惠以所刊鐔津忠義錄乃爻山遺書也因念十餘年欲觀之書今始得見且喜且慰昔吾鄉 張羽王先生作桂勝桂故兩書見於四庫全書提要後纂修通志多備采擇是書體例精詳立言有本已詳於 陳君跋語及 吳大令弁言無庸贅敘惟聞 陳君云鐔津考古錄尙有若干卷未刻

其夫人恐其遺失常置家內不與外人觀看年深日久剝蝕難免良可惜也墨子刊
誤迄今尙未得見猶待物色爰山始號琴舫同年齒錄所刻人共稱之並誌

光緒十七年歲次辛卯季冬上澣

賜進士出身

誥授榮祿大夫花翎二品頂戴前浙江補用道衢州府知府翰林院庶吉士吏部郎中軍

機處行走主講桂山孝廉書院

特恩賞給隨帶加一級年愚弟靳邦慶拜序

鐔津忠義錄跋

右鐔津忠義錄二卷余師爻山先生所著上卷爲列傳始職官終列女下卷爲紀事上自咸豐元年下迄同治五年皆紀當時忠義之人及各股匪出沒焚掠之事也嗚呼當洪逆弄兵金田不過燭火微熒澆之可以立熄而方面者旣不知兵又用違其人故勦之不力遂致賊一出永安繼圍桂林竄兩湖蹂三江僭僞號潰爛十餘省竭天下之全力用兵至二十年之久始行撲滅而兩粵之股匪與之相終始追論其由殊堪髮指先生目擊時艱憤心疾首著書風鶴交警之餘如賈太傅之痛哭流涕其志亦可知矣同治末年西撫重修省志徵采各府州縣遭亂事跡先生著此二卷惜未鏡板而遽歸道山勳光爲先生受業弟子懼其書不傳因借鈔見錄於其家鐔而傳諸世亦聊以繼先生表彰忠義之志云先生名 字敦元號爻山晚號猛陵山人道光丙午舉人官內閣中書著有爻山筆話墨子刊誤寶墨樓詩 鐔津考古錄

門人陳勳光謹跋

卷之三
雜錄

(千零十四)

鏗津忠義錄卷一

古藤蘇爻山先生著

受業陳勳光輯刊

職官第一

劉繼祖

劉繼祖別字小竹江西龍南人道光間以增廣生援例候選同知署臺灣淡水以憂歸再調廣西二十六年署藤縣以才能稱嘗效趙廣漢懸鈔笥署門許告密者具狀詞夜納其中比曉發而視知以此奸弊無不周知而豪猾悉皆斂迹尤善治盜盜故與奸役通每當盜劫某鄉役輒虛張形勢以恐嚇縣官官畏蒞者輒疑懼不敢往捕即不得已而往必先示期數日然後啓行故盜得飽颺而勢益滋蔓公詢知其狀嘆曰烏有若是治盜可以得盜者不一日賊劫金鷄市報至方讞獄未畢亟集衆稱妮前行併飛檄鄰鄉令堵其歸路賊不意公猝至皆錯愕不知所爲悉就擒無枉濫者其才識敏捷皆此類也上憲嘉其能晉秩知府署思恩歲餘去旋以招撫事坐累罷

官益憤惋不平自矢此生決不與賊立立適翟公登峨蒞藤自以年衰懇相助爲理公察其意誠許之已而日內患不除禍未熄也乃按誅奸役之與賊通者城內肅然自是益修守備併添築北門砲台以壯形勢賊嚴憚之未幾賊下攻梧州遂調練勇四千防守四門巡視晝夜無懈俄以籌餉未集次第罷歸賊偵知急伺間圍城公親自督戰柱持矢石間殲賊甚衆賊恟懼欲解圍適有以城中虛實告者賊益集衆來攻窮晝夜砲聲不絕翼日而陷公持矛巷戰死於城內大街時八月十日漏下已四鼓矣賊素憚公威名越月後有假公名號以圖恢復者賊聞輒震懾久之蓋尙疑公未死云事聞

贈按察使銜子一子世襲雲騎尉

翟登峨

翟登峨字葵陽一字梅臯山東章邱人嘉慶二十四年舉鄉試第一以謁選爲蒲臺教官道光二十一年成進士需次爲令署陸川咸豐三年知藤縣年已耄矣適候補

府劉公繼祖以罷官寄廬於藤公自以才不逮劉請上憲委劉專辦賊務而自以身下之劉亦悉心經畫事皆就緒賊嚴憚之然以賊勢方熾嘗派練勇數千守城俄以缺餉罷歸賊偵知城中人少併力來攻攻五日而陷劉公戰死公被執公子襄采死之明年四月公遇害於肇慶時賊方爲張觀察敬修所圍勢已窮蹙公決其必敗密以書授家人約官兵速來滅賊賊首梁培友廉得其書怒而戕之棄屍於江

宋尙述

宋尙述字杏友浙江山陰人寄廬桂林官梧州府經歷咸豐七年署藤篆十年三月十七日捕賊三江里遇害

陳延齡

陳延齡字鶴翔直隸大興人以主簿任梧州府經歷咸豐十年藤令宋尙述死於寇上憲委延齡往署縣事時賊黨甚盛衆疑懼不欲前行竟單騎赴任境內帖然旋駐劄太平適賊首羅華觀擁衆來犯亟集團與衆官軍合擊大敗之尤慷慨自許遇敵

輒踴躍當先未嘗畏怯人益嘉之暇輒修城池講守禦前後蒞藤兩次皆有能聲後以暑月征大案賊暴卒於軍人尤痛惜有傳其爲城隍神雖譎語無據亦足徵遺愛在人功不可沒云

冉正棠〔妻孫氏附〕

冉正棠字蔭臣四川人咸豐三年任藤縣典史明年八月賊大至正棠憂之語妻孫氏曰事至此倘不測奈何時孫方舉子周昨慨然曰君死官妾死君宜矣妾必不負君者唯此呱呱者殊可念耳已調知事不可爲輒指懷中兒語正棠曰某質肆中有井妾與兒當盡此毋令污賊手也俄而城陷則孫氏抱兒赴井死矣正棠被執遇害未幾賊驅衆練丁昇死屍棄於江孫氏屍出井中懷中猶抱死兒牢不可脫時在賊中見者皆色然而駭或以袖障面至不忍視云事聞 賜卹如例孫氏予旌表建坊

李定邦

李定邦懷集人道光間授藤縣千總恂恂儒雅尤善撫馭得士卒心尋調懷集營守

備咸豐四年寇起攻懷集城竭力堵禦未幾城陷不屈死之

鄧紹邦

鄧紹邦蒼梧人道光二十九年任藤縣千總明年夏月山賊唐文中作亂劫掠村莊紹邦率兵隨署縣陳寶往捕直抵賊巢賊盡擁而至兵役駭散紹邦衆寡不敵遂遇害事聞 賜卹蔭一子

卷之二 雜錄

(千零二十)

譚津忠義錄卷二

古藤蘇爻山先生著

受業陳勳光輯刊

列傳第二

黃岳位

黃岳位太平鄉人道光間國子生時邑中土寇起岳位所居鳳筠山與蒼梧安平鄉鄰時有警岳位團練鄉勇屢挫賊鋒賊嚴憚之故鳳筠練勇甲一邑咸豐四年閏七月奉調守城時水賊方自趨梧勢張甚衆倚岳位差自安無何賊溯流上遂圍城城四門東北皆濱江北門新築砲台甚險賊憚於攻乃直趨西南二門踞高阜瞰城中昇三千觔大砲以轟之聲晝夜不絕瓦甍皆碎一日譁言西北角崩賊蛾傳而上急傾火器以擲之賊被熱死傷甚衆稍卻俄而岳位中砲殞於城樓衆惶駭氣奪城遂不守時八月十日也衆殮岳位既畢賊憾甚索其棺發之棄屍於江事聞

賜卹

吳錫 黃勝華 朱啓後 蘇敦和子 振興

吳錫孝義鄉人居一都瓦窰村道光武生咸豐四年閏七月縣有寇警奉調守城未幾城陷死於寇事聞

賜卹同時死難者有額外外委黃勝華練長朱啓後蘇敦和之屬啓後三江里人敦和勝華並五袴廂人敦和先與劉公繼祖謀誅賊內應賊尤切齒及是城陷死於江其子振興遇賊巷戰被執死尤慘酷云

蕭 渙

蕭渙字引鳳五袴廂人上世居順德龍江祖年長國子生乾隆間徙藤至渙已三世有籍貫例得應童子試邑諸生惡其崛強譁而攻之卒不得與試遂以醫卜術業市中温侯鵬翀喜之爲給署陰陽生成豐四年八月賊攻城晝夜砲聲不絕閱五日守陴者皆怠適城有內應遂陷時漏下四鼓渙方派守東北隅疲極倚女牆假寐一賊過而蹴之曰起起渙怡然曰吾知盡忠報國而已賊怒斫之年六十一須臾火光

起城中大亂死者數百人明日賊下令驅衆練丁昇死者棄於江昇畢併殺而沈之適渙死處距家近家人負屍以匿故得全

蘇和

蘇和一名厚裕五袴廂人其先與南隅廂蘇氏同祖少以貧役典史署中嗜酒無賴人莫之奇也咸豐四年八月流寇陷藤典史冉正棠與其妻孫氏並殉難和喟然曰城破官死宜矣吾儕不死更何待乎遽取阿芙蓉和酒飲飲竟不死遽以首觸牆額破骨折血淋漓被體又不死或謂之曰城破官死宜矣若賤役何死爲和怒叱更索廚刀刎其喉而絕

論曰寇氛遍地以來士大夫之遜跡山林而獲游俯仰以全其生者衆矣奚有於和者和固可以無死者也然爲和可以無死而惟和竟死嗚呼壯哉

黎聖弼

黎聖弼義昌鄉臘峒村人國子生成豐間爲練長性剛嫉惡時義昌賊起擒其傑黠

者送縣誅之賊方抱憾未發也俄而亂作羣執而戕之賀村

楊際春

楊際春字堂西感義鄉寶家寨人祖熾堅嘉慶庚申武舉際春獨恂恂儒雅道光間入泮值世亂所居與自良賊邇受其荼毒常憤惋不平咸豐五年九月衆議搗自良賊巢際春慨然願爲鄉導亟率所部以身先之俄以後援不繼而潰際春被執見賊渠嫚罵不屈賊恨甚令遍游歷諸賊巢然後刳腸以死聞者傷之同治五年奉旨賜卹併入祀本籍府縣昭忠祠

歐寅時

歐寅時字春及仁風鄉琅南村人高祖學以舉人歷官廣東湖南知縣寅時性抗直以藝術名援例得從九職銜咸豐七年賊踞海來村率衆往禦而敗爲賊所執數日死臨終賦詩云六十年來數已終

君恩未報望無窮縱教白骨埋青草剩有丹心貫大空聞者壯之同治五年當事者

奏聞奉

上諭着照七品以下官陣亡例給予全葬銀壹佰兩一次致祭銀六兩並與其殉難次子令復入祀本籍府縣昭忠祠

何信之

何信之太平鄉人生有異稟膂力過人嘗與人博搢不勝遠以錢數十貫實臺橐中挾而走見者駭之已而地方寇起練集鄉勇自爲一隊遇敵輒先登陷陣搃旗斬級而還賊衆憚其勇敢見輒驚避鄉里賴之丁巳梧州被圍閱數月糧盡垂陷諸軍憚賊燄莫敢邇信之獨慷慨仗義辦糧數百石由陸路轉至大灘江口密約守陴者接應賊覺來爭圍之數十重信之左右跳蕩擊殺數十賊力竭被執死同行數十人無一生還者

莫遇培

莫遇培字書農仁風鄉人嘗援例得府知事銜咸豐間以辦團晉保州同丁巳五月

聞鄰村海來陷亟率衆往援弗克止焉賊羈之別館鬱鬱數日死同治五年奏聞奉

旨入祀府縣昭忠祠

容有莊

容有莊感義鄉都萌村人以入貲爲國子生成咸豐間自良賊起各村寨與鄰者憚其兇威咸唯唯聽命唯有莊力與賊抗屢挫其鋒以一身當強寇凡七八年賊每經其營寨無不視爲畏途也丁巳郡城陷賊燄益張謂留此彈丸終爲後患益集衆來攻有莊深溝固壘賊無可如何乃設圍以困之久而糧盡援絕若遂不守賊憾其倔強盡屠居民有莊合家被難唯一子恒裕伏隱處得全然自是賊益橫行無忌矣恒裕有志節逃之鄰若收集遺衆慨然以復仇爲念未幾病卒同治五年春當事以有莊及殉難諸人彙奏奉

旨賜卹並入祀府縣昭忠祠

王家材

王家材感義鄉羅紋洲人國子生成豐七年九月己丑賊陷村堡被執不屈明年二月死於大坡同治五年奉

旨賜卹並入祀府縣昭忠祠

卓識

卓識字裕英三江里荔枝峒人同知佃從孫也咸豐間保舉外委署平南城守戊午二月蓮塘賊首張高友掠三江識拒戰被執死之

劉品儒

劉品儒二都富安村人邑增生當道光季年地方有警能盡心團務鄉里賴之嘗有武弁鄧青追賊至藤過其境衣冠踉蹌衆疑爲賊品儒命執以送縣將入城始知誤乃親釋其縛而致謝焉鄧不以爲憾反嘉其胆識過人曰辦公者當若是矣咸豐九年三月潯賊犯梧弗克聞藤邑令駐富安亟遣賊目梁贊驅萬衆以臨之令懼而逃

品儒誓衆死守將闢莞鑰槌閉其竅俾畏蕙莫能私逸以堅其志無何賊蠹擁至闢衆單弱遂不守品儒死之同死五千餘人時謂寇亂以來藤之諸鄉受荼毒者尤以富安爲最慘云同治五年奏聞奉

上諭照兵丁陣亡例議給 卹典入祀本籍府縣昭忠祠

吳祥道

吳祥道三江里座峒村人父殿邦捐藩理問識咸豐十年寇陷村堡祥道見父被執遂奮身格鬪刺殺數人而後死年三十九

歐華國

歐華國字觀光別字震坡十都垠南村人爲寅時族子道光間補郡增廣生潛心古易嘗讀未濟象辭至濡其尾亦不知極也九二貞吉中以行正也頗疑極字費解且象辭皆韻而極與正不叶當有誤反覆久之霍然曰是固拯字之訛爾其精識類此咸豐初會匪熾蔓据蒼梧新利墟與琅南密邇欲垂涎久矣以守備嚴猝不得逞甲

寅正月賊偵知鄰村有游庠者因僞具禮物而衣冠作賀客狀潛貯兵刃橐中凌晨抵村外人尙未起亟排墻以進鎗砲遽發人始知有賊驚悸不知所爲華國急懸賞擊賊而飛書鄰團索援與賊撐持久之俄而援衆大集賊披靡遁去追殲數十名賊自是無窺琅南者八月縣城陷賊傳檄各鄉趨紳民急詣縣晉謁否且立屠衆惶懼莫敢支吾華國慨然曰此逆賊也烏有口誦聖賢乃可從賊者乎亟取僞檄碎之賊聞大怒悉衆來攻亟集團邀擊敗之沙黃村殲賊數百已而隨衆收復縣城蒼梧賊復伺間來窺輒先覺擊卻之丁巳郡城陷賊逾熾避地者咸趨琅南益樹柵自固已未賊盡破鄰團各寨遂併力來犯一夕柵破蒼皇出走後二年終年六十九

梁文軾

梁文軾嘉應人爲龍南劉公親黨劉以事罷官旋奉檄來藤留辦賊務文軾從焉素以勇畧聞劉甚委任俄而寇至命督率鄉勇守城外鷄谷山竭力堵禦未幾衆潰文軾死之年二十五

卷之三 雜錄

(千零三十)

鐔津忠義錄卷三

古藤蘇爻山先生著

受業陳勳光輯刊

列女第三

李可珍妻文氏

李可珍妻文氏九都待村人增生經邦女咸豐三年賊劫村莊拒賊而死

張世榮妻鍾氏

張世榮妻鍾氏五袴廂人適張而寡年四十餘有勇力咸豐四年艇匪數千自梧湖流上圍藤縣城容縣自良賊應之合萬餘人晝夜環攻時城中丁壯少當事派婦女登陴守禦各執瓦礫擲賊賊死傷甚衆閱五日城陷衆惶遽奔避鍾獨持矛力戰刺殺數賊而後死同時有烈女某逸其名慷慨罵賊死於城隅年十五六貌婉好雙趺織小自城中逸出者咸見之竟不知何許人也

廩生覃煥邦妻全氏

廩生覃煥邦妻全氏太平鄉思盧村人咸豐七年避地冷水堡是年堡陷全被執至大馬河赴水死年二十四

陳六姐

陳六姐羅紋洲人適同里周十一爲妻咸豐七年九月自良賊破羅紋洲被執遇害陳被擄至賊營不屈昏夜赴水死之

廩生李掄元妻成氏

廩生李掄元妻成氏羅平村人家陳村咸豐八年八月負幼子歸甯中途猝遇賊至驅以行賊固佃掄元田者成瞥見之罵曰若固佃我田者曷敢若是賊不顧以刃迫之益罵不絕口賊怒斫之

武生梁天保妻歐陽氏

武生梁天保妻歐陽氏家二都富安村咸豐九年三月賊破富安艷氏姿色欲犯之堅拒不從遂遇害

林拔芹妻李氏

林拔芹妻李氏家二都富安村咸豐九年村破以姑老扶而走賊追至舉刀斫之李以身護姑連被數刃以死賊去姑獲免

梁阿妹

梁阿妹富安村梁拔材之女也已未富安破女年十四隨母避賊賊追至害其母見女有色留之女佯順從乘賊不意突以小刀刺其腹而殺之俄而事露女亦死

秦大綸妻蘇氏

秦大綸妻蘇氏南隅廂人家一都瓦窰村年二十四夫卒遺腹產一女自誓守節撫從子爲嗣歷五十五年年七十九以寇難終先是咸豐初寇氛起嗣子已前歿遂避地楊村依外孫陳氏一日譁言寇至或勸宜速行不可村遂被圍經月不解或欲俟夜靜時遣大力者負以突圍益不可未幾闢破村人殉焉遂被難以出卒於壽富圖時咸豐十年正月六日也

廩生劉應昇妻蒙氏

廩生劉應昇妻蒙氏仁風鄉峒口村人咸豐十年二月賊擾村堡蒙伏莽中凡六七日晝絕食夜潛出飲水鄉人偵知之告應昇昇至外家已遍身荆棘氣息奄然三日卒年三十八其苦志有足嘉云

黃建創妻唐氏

黃建創妻唐氏感義鄉社峒村人咸豐十年十一月大洪賊過境挈二女十姐十一姐子穎達媳謝氏避入營砦賊卒衆來攻俄而寨破合家誓不從賊同時遇害

鍾津忠義錄

古藤蘇爻山先生著

受業陳勳先輯刊

紀事

咸豐元年緩征 三月大雨雹雷震九牛於白坭塘

八月潯州金田賊自平南竄永安經楊喇里鄉人集衆拒之獲其砲船 是歲藤縣

城工竣 有李結實如瓜 民訛言毋雞剪翼不祥驗之果然一時毋敢畜毋雞者

二年廣東水賊任文炳關福梁長等攻藤縣城大掠而去復下攻梧州 二月金田

賊棄永安而圍桂林 三日任文炳等復自梧州西上時官軍數千邀擊于榕潭弗

克再禦於藤又敗賊遂擾潯州

去歲臘月賊自東省揚帆西上黨猶未盛旣劫掠藤梧卽欲飽颺而散三月下至

賀縣江口爲官軍所敗始惶懼不敢東歸益招集徒衆一時烏合聚至數千遂溯

流直上擾平南及潯州貴縣

時道員楊彤如參將明

督師南門守備徐紹烈候補縣張鳳鳴督帶全州兵

勇駐藤州書院委員聞勦管帶聞勇駐東門而署縣張鵬萬亦招集各鄉練勇數

千遍劄縣城內外追賊既西上官軍尾而追之所調各鄉練勇亦罷

四月桂林圍解 六月徐官保廣縉兵駐梧州十一日賊自上游竄下官軍逆擊大

敗之任文炳死關福逸梁長逃至濛江被獲伏誅 八月彗星見 甯風鄉人擒賊

渠張釗以獻誅之

三年五月劇賊田方侯成伏誅

田方侯成與張釗同時就撫而其黨劫掠愈甚陳太守瑞之惡其反覆與候補府

密圖之佯招二人宴飲而陰伏潮勇刺殺之赦其餘黨

九月大坡賊劫羅平村 十月劫思盧村 知縣翟登峨蒞任前候補府劉繼祖來

藤留辦賊務 十二月容縣自良賊踞老鴉塘時有客艘數百沿繡江下賊尾而劫

之遂踞老鴉塘欲窺藤縣

先是劇賊田方混名大鯉魚盤踞戎墟及自良等處一時無賴奉爲渠魁恣行劫掠方既戮死其黨梁培友等橫行鬱江時人呼爲鯉魚崽每以包送商旅爲名獲重利無算則益置砲械修船隻所經地方皆瞠視無敢詰問者

時盜風盛行有義昌江黎氏子以應試赴梧爲賊所拘扃之密室重索贖錢黎佯爲童騃俾守賊不以爲意乃俟賊熟寐刺而殺之黃夜逃歸

四年正月蒼梧新利墟賊犯垠南村生員歐華國集團敗之 二月自良賊遁衆村密議擊賊賊偵知之夜遁衆追至黃沙不及而還 三月候補府劉繼祖誅賊內應時衙役久與賊通而坐享其利每官偵賊輒張皇聲勢以恫喝之令極懼者輒爲所制莫敢誰何劉公深悉其狀佯爲不知而陰召潮勇守城部署定急閉門搜捕籍其尤無狀者按名誅之餘黨散逸

四月增築砲台於北門外 大黎里何先拔擷太平墟及三江里知縣翟登峨往禦不克而還 六月雷震砲台 早稻大熟 七月水賊梁培友關鉅等攻梧州城自

良賊擾十八都知縣翟登峨千總劉松芳往禦不克而還 閏七月初九日大破賊
盧二十龔容縣據之

時知縣王令示期考試盧令羣賊僞爲應試者以黎明突至縣城衆方熟寐乃露
刃一呼咸震懾莫敢支吾王遂被執幽於賊營

是月劉松芳往梧請兵防禦 八月賊攻梧州不克分其黨上攻藤縣自良賊馮道
和(即馮六)應之 十一月丁未藤縣城陷前候補府劉繼祖與史冉正棠與其妻
孫氏皆死之知縣翟登峨被執城中死者數百人自良賊遂據藤縣城 九月賊攻
琅南村生員歐華國集團敗之 是月盧二十自容縣遁回大坡土賊范音遂據容
縣 十月梧州圍解道員張敬修及千總劉松芳督兵西上二十三日駐於藤各鄉
以衆來會賊嬰城拒守衆環攻之賊慌懼俟夜漏稍息遂縱火焚街棄城而逸明日
官軍復藤城馮道和遁回自良是役也唯七都團長候選從九李迪雲以砲傷至斃
餘不損一人而全城收復殆有天意云 十一月自良賊復來犯距城十里許千總

劉松芳率衆往擊賊遁追至富洞不及而還 十二月義昌賊擾十五都劉松芳率衆往擊賊遁

是歲 月懷集縣城亦被賊攻陷知縣史勳及守備李定邦教諭何元崇訓導龍恩寵皆死之

五年正月二十日自良賊突至縣城以有備而去 二月署縣雷葆初率練征自良賊至竇家寨不克而還

四月前知縣翟登峨遇害於端州 是月水賊李文茂等被東省官兵擊敗率其黨萬餘西竄至藤踞縣城俄而逸去上踞大黃江遂圍潯州八月永安賊劫岑婆寨是月十六日水賊陷潯州府知府劉體舒（雲南景東廩人進士）桂平知縣李慶福（英德人）前知縣舒華（滿州人）皆死之賊偽改潯州府爲秀州府 九月諸生楊際春率衆攻自良賊被執死之

六年正月何先拔與大按賊許多良等劫大任里高田村 二月地震有聲 時賊

渠李文茂僭稱平靖王梁培友僭稱平東王區潤僭稱平西王陳開僭稱鎮南王陳昌僭稱定北王併僞署公侯以下各有差署縣陳瀚駐訪蘇亭 六月李文茂圍柳州府 七月潯賊陷平南知縣李載文死之 賊自潯突至焚訪蘇亭及縣署取魚影石以去旋棄諸江 署縣陳瀚退駐富安村 是月二十一日領兵蘇海以水師敗績於龍港海僅以身免大坡賊劫燕塘村土賊焚泗浔河各村 八月大坡賊數百據高田村感義鄉團長盧彥彰等圍而殲之 十月初八日平南賊曾三及潯賊陳開等擾太平墟 十一月廣東賊區應突至三江里襲太平墟據之鄉人集衆邀擊之焚其廬舍殲賊數百名 是月二十三日蒼梧新利墟賊踞孔良村九都團練合擊敗之殲賊百餘名

七年元旦蒼梧新利墟賊突至義昌鄉襲太平坡據之大坡賊許多良等立稅廠於灘江官兵擊走之 是月末旬署縣陳瀚自富安進駐三眼堡帥衆攻義昌賊不克而還

時賊據梁峒廟中衆團力攻不克有高州健婦蔡明姬以大澤勇應募婦年三十許裝束如男兒趨捷善鬪能飛援牆壁所用大刀重十餘斤誓將搗其巢穴官嘉其志尅期進攻賊偵知之俄以大隊來官軍懼衆寡不敵倉卒引還

二月六日容縣賊范音等陷北流縣知縣蕭暄及邑紳梁宗敏死之 是月二十日李文茂陷柳州城 三月梁培友攻平南廖村中砲而殞 夏四月大饑斗米千錢 二十七日坡頭賊陷安洞村 五月初三日平南賊曾三等率黨萬餘突至太平墟踞之擾三江里入東皇破下黎橫橋死者八十餘人踰月而遁 是月七日坡頭賊踞山琶村 十四日據岑堡村 水賊擾屯江衆團練擊却之 是月初八日賊陷平樂府 是月潯州賊區潤等率千餘艘順流至藤踞縣城令其黨破新車塘寨屠之死者數百人

先是甲寅八月自良賊攻破藤邑盤踞七旬已聞官兵至棄而遁經馬氏莊（即新車塘）村人奪其輜重而逸之賊憾未釋故七年五月賊再至據城攻馬氏莊

而屠之

時賊聞童謠有清明折柳立秋下梧之說遂決計圍梧

閏五月七日丁亥賊渠區潤等圍梧州 庚寅義昌賊數百突至海來村入之各鄉團長赴援不克候選州同莫遇培及從九品歐寅時咸被執佗僚以死遂據海來不去焚劫附近數十村 七月十三日二賊日至赤水訛索蘇氏子履平誘而殲之

十四日水賊擾羅龍里各村至八月初旬而退 賊久圍梧州自六月至八月城中糧盡煮皮革以食餓死者數萬人益堅守無叛去者藤縣義勇何信之及降賊鍾敏和並運糧至梧弗克達信之被執死鍾退山寨賊圍而殺之 是月領兵蘇海以水師敗績於祿步被執死之時潯州府知府倪濤 (字小汀浙江仁和人道光甲辰進士蒼) 梧知縣彭昌集皆以出城募兵爲賊拘執遂同日被害於戎墟

當海兵旣敗或有勸海逃避者海喟然曰兵出兩次無功更何面目見江東父老乎遂慷慨就死 蒼梧彭令初蒞任首撫羅華官欲以恩羈縻之而華官顧陰與

賊通一聞賊至即縛令獻賊其反復若是

八月初十日戊午區潤等陷梧州府城太守陳瑞芝全軍以出署梧州協副將蔣福長（原任右江鎮總兵）及典史黃錫惠（昭平樟木巡檢）死之按察使黃鍾音出城遇害學使沈炳垣被執賊送之潯州遂爲僧紳士殉難者有貢生施彰文賊旣據梧城遂僞改梧州府爲秀江府蒼梧縣爲秀平縣藤縣爲藤州尋署僞賊曰羅華官爲僞知府僞招討使郭礪溪爲僞知州 九月十一日自良賊破羅紋州死者三百餘人 是月有巨魚見榕潭峽中身橫丈餘鬣高數尺目光如炬附近居民咸見之數日而沒 十月十三日賊盡燔縣署 二十四日學使沈炳垣遇害於梧

初賊送沈公於潯之西山寺主僧不敢留仍幽於梧時葉制軍遣人察公耗賊疑公與官軍通遂遇害并焚其屍公武林海鹽人道光乙巳進士事聞贈內閣學士兼禮部侍郎謚文節奉

旨建祠於桂林

自良賊破都盟村監生容有駐死之念八日乙巳自良大坡賊破羅平村同日坡頭賊破大寺營明日破冷水堡殉難者甚衆 是月僞國公梁鸞自梧下犯祿步官軍逆擊大敗之鸞自焚死

八年正月平樂蓮塘賊首張高友掠太平墟外委卓識拒賊死之 二月水賊五十餘艘掠屯江各處團練擊却之

是年春間太平墟三江口河水自相沖擊撼岸振船人以爲水鬪此兵兆也

四月十七日官軍大破賊于封川城外賊西竄棄梧州而去明日癸亥官軍復梧州府遂復藤縣 六月官軍復北流縣 七月念三日大坡賊破三十四都藤底村監生潘茂樟死之 始設釐金廠於白沙以稅本邑商船 八月潯賊下擾藤縣掠和平墟

彗星見於西方 是歲區潤僭位於潯州三日爲其下所殺陳開代領其衆僞號大成

九年二月二十五日潯梧復下赤水焚其廬舍死者數十人下攻梧州不克三月復自梧西上再焚赤水廬舍之不盡者遂上据藤縣時署縣宋尙述駐富安二十四日賊破富安屠之死者五千餘人惟署縣僅以身免未幾賊以縣城殘燬已甚不守而去 是月大坡賊目覃阿稅遍擾二十八都各村下之 五月蒼梧賊破界峒村 六月十五日癸丑賊破大梳砦 坡頭賊破古思堡 八月羣賊圍陳底深塘各村索重賂以去 大按賊破古集鹿塘各村 九月三日羣賊破嚴嶺村屠之死者二百餘人遂進攻十六個入而据之 大按賊破上峽村 是月潯賊復由濛江入和平墟衆團練擊却之 西甯縣鄉勇數百突至赤水復仇以有備不發而還 十月十一日新利墟羣賊會同大坡糯峒各賊合圍楊村 十一月初八日大坡賊破上峒公局團長鄧肇基遇害 二十三日羣賊破楊村團長陳華國死之同死者二百餘人 是月金田賊首翼玉石達開率衆數萬竄回廣西擾藤縣太平和平各處 十二月四日羣賊破琅南村

是歲夏秋後容縣平南縣賊擾感義鄉藤縣糯峒墟及蒼梧新利墟賊擾義昌仁封孝義各鄉各破一寨輒占其土田私爲己有而取其歲入焉於是大坡賊目覃阿稅首設糧台於虎跳此外富安村十六峒三眼堡糯峒墟並分設賊館以歛各鄉租稅而繡江東南皆賊藪矣

十年正月初三日地震 三月十七日署縣宋尙述往三江里礮底村捕賊遇害

四月十五日府經歷陳延齡代理縣事至藤駐太平墟 七月十三日潯賊入濛江擾和平墟 八月土匪卓八破三江里座峒村死者三百餘人署縣陳延齡勘驗合埋一塚 十月十日東匪僞南興王陳金剛被官兵擊敗率其黨萬餘西竄由蒼梧安平鄉渡江至藤駐三眼堡進據波塘攻皇華江諸岩下之遂擾岑溪 是月二十六日大洪賊破社峒砦死者二百餘人

大洪賊即陳金剛之黨留住三十八都古達村數月乃去

是歲蔣方伯益漕平蒼梧下郢賊巢賊首羅華官等竄逸至藤遂走潯州餘黨留踞

富安

十一年正月水賊破潯洲 十八日逸賊羅華官復自潯突至擾太平墟及楊峒里
署縣陳延齡會同候補府蔣本蓉合擊大敗之賊遁 是月陳金剛攻陷信宜縣據
之 三月二十一日潯賊踞和平墟 土賊卓八據座峒 四月六日蒼梧賊破沙
黃村潯賊擾楊峒里又陷羅龍里陳村堡 五月蔣方伯委候補府蔣本蓉以湘勇
五千攻坡頭賊寨克之賊目何先拔退踞金屯山卓八逸去未幾被獲伏誅 六月
四日蔣方伯大兵西上復藤縣城碣石鎮總兵李楊陞以水師來會進剿潯州 始
立城鄉團練總局 七月十四日李鎮以水師駐平南丹竹潯賊併力來犯官軍與
團練合擊大敗之溺水死者數千潯賊棄城而遁 十六日蔣方伯復潯州府降陳
開以獻誅之 始設抽釐於濛江派同知一員經理濛鬱二江稅務 經歷陳延齡
撫楊峒里賊 二十七日署縣浦鐸蒞任 是月義昌賊據思旺復據孝義仁風二
鄉 十一月各兵勇困何先拔於滿村獲其親屬於坡頭賊皆誅之未幾先拔復令

其黨蘇元章破陳村死者七十餘勢復大振 是月大坡賊擾二十九都又陷冷水

堡 十二月大坡賊黃大破蒙登村屠之遂掠沙田擄數百人以去 雨水冰

同治元年正月都司何元鳳管帶恩勇駐城外雞谷山二月參將利輝遣把總梁光
管帶扒船八隻駐城外東江口 三月初一知縣浦尊以憂去署縣陳延齡再任賊

劫楊峒里上風門村是月賊自老鴉塘突至縣城衆兵奮力夾攻賊遁夏何先拔攻

北岸各堡殺傷二百餘人 六月前知府趙元模派把總謝蘭和管帶端勇二百餘

人駐東門外 秋七月署縣陳延齡督脩東南破壞城垣六十餘丈併加高雉堞設

四方敵樓九座 何先拔投誠已而復叛 署縣陳延齡撫大按賊 十二月初四

日陳侯御事 州張葆光蒞任署縣事

二年三月十五日大 前署縣陳延齡督帶陶勇征大按賊 四月張葆 協同

都司李開學駐太平墟勦大按賊 五月領兵 員蔣澤春駐兵鬱林容縣賊黨甘

木乞降

先是正月間甘木與賊渠范音有隙數率衆相攻甘懼不勝遣使詣鬱投誠併乞爲援大帥賁其立功自贖乃許之甘遂日與范鬪賊勢由是始衰

七月前署縣陳延齡兵至大按暴卒於軍

時賊渠聞陳侯至僞若投誠者爭具酒食犒軍而陰以毒藥藥之以進陳侯信而不疑遂及於禍

八月十五日候補道蔣澤春領兵復容縣城賊渠范音敗走十里遂奔自良時賊目覃阿稅據寶家寨以書邀范音約爲援音信而許之 九月范音挾其輜重妻妾乘船至寶家阿稅詣船迎接甚恭陰遣人分散其黨而邀音至家拜其父留飲甚歡酒罷突出力士擒之幽諸密室 是月十八日張邑侯以事罷官署縣景星蒞任遂與署協唐元芳征大按賊而復叛 十一月十五日覃阿稅以范音獻容縣大營 十八日覃阿稅親詣蔣觀察營伏罪蔣赦而遣之更其名曰乃輔 時金雞糯峒諸賊聞范音被擒皆震懾喪魄互相猜疑遂以次詣大營降 是月陳金剛亦爲其下鄭

命所殺以其衆詣崑宮保壽大營乞降宮保受之信宜縣亦平 署梧協叅將唐元

芳水師叅將利輝管帶道勇叅將胡高志等來藤駐劄各鄉從賊者皆薙髮爲民

十二月范音伏誅

時范之輜重及羣妾皆爲覃乃輔所得唯一妾某氏獨痛哭嫚罵碎其食器而擲之乃輔慙怒遣人沈之於江

廣元芳駐兵於森村說八都賊日歸順經旬不下胡高志自古祀村移營樸之賊震懾乞降遂散其黨毀其巢是歲始設抽釐廠於繡江

先是賊踞繡江出入商船皆有稅官軍至而仍之遂爲繡江商稅之始

鄉先正袁崇煥督師事畧（據明史本傳參以皇朝開國方畧 錢家脩辨冤
疏程本直漩聲記余 成剖肝錄若夏允彝幸存錄竹塢遺民烈皇小識皆書
生談朝事訛者十之三四於督師固多微詞亦竊取一二至其家世則本諸鄉
里舊聞）

後學何壽謙編輯

鄉先正袁督師者藤縣太平鄉白馬村（一名蓮塘村）人也諱崇煥字元素其先東
莞人父子鵬遊西江過藤慕白馬山川之勝遂卜居焉兄弟三人次崇燦季崇煜督
師其長也明萬歷丙午舉於鄉己未成進士授邵武知縣爲人慷慨負膽畧好談兵
以邊才自許爲閩中令分校闈中日呼一老兵習遼事者與之談兵絕不閱卷或問
之則曰士子宜中者自有命在隨意抽取可也天啓二年正月朝覲在都御史侯恂
請破格用之擢兵部主事無何廣甯師潰廷議扼山海關崇煥卽單騎出閱關內外
部中失袁主事訝之家人亦莫知所往己還朝具言關上形勢曰于我軍馬錢穀我

一人足守此廷臣益稱其才超擢僉事監關外軍時關外地爲哈刺慎諸部所據未幾悉受款經畧王在晉令崇煥移駐中前所尋令赴前屯安置遼人之失業者崇煥卽夜行荆棘虎豹中以四鼓入城將士莫不壯其膽在晉深倚重之題爲甯前兵備僉事然在晉無遠畧不能盡其才及在晉議於距關八里築重城崇煥力爭以爲非計十三山難民十餘萬久困不能出大學士孫承宗行邊崇煥請將五千人駐甯遠壯十三山勢別遣驍將救之議阻不行衆遂沒脫歸者僅六千人已而承宗代在晉鎮關益倚崇煥崇煥內拊軍民外飭邊備勞績大著崇煥嘗核虛伍立斬一校承宗怒曰監軍可專殺耶崇煥頓首謝其果於用法類此三年九月承宗乃使崇煥屯甯甯遠更定規制築甯遠城明年工成屹然爲關外重鎮遠近望爲樂土旋遭父憂三疏乞歸守制不許(蘇爻山鐔津攷古錄抄存疏稿情辭哀切)奪情視事四年九月東巡廣甯歷十三山抵右屯遂由水道泛三全河而還尋以五防叙勞進兵備副使再進右參政當崇煥之東巡也請卽復錦右諸城承宗以爲時未可乃止五年夏復

說承宗遣將分戍錦州松山杏山右屯大小陵河諸要隘擴地二百里幾復遼西舊疆甯遠且爲內地自承宗崇煥之戮力敵人凡不敢窺邊者四年久之逆閹魏忠賢忌承宗使其黨排去之十月承宗罷以高第代謂關外必不能守令盡撤錦右諸城守具崇煥力爭曰諸城已復安可輕撤錦右動搖則甯前震驚關門亦失保障第意堅且欲并撤甯前二城崇煥曰我甯前道也官此當死此我必不去第無以難乃撤錦州右屯大小陵河及松山杏山諸城守具驅屯兵入關死亡載途哭聲震野民怨而軍益不振崇煥再疏乞終制不許十二月進按察使於是清軍知經畧之無能而崇煥之孤立也六年正月大舉渡遼河二十三日直擣甯遠崇煥集諸將誓死守刺血爲書激以忠義堅壁清野以待明日大軍猛力進攻戴楯穴城城垣圯丈許崇煥身先士卒輦石塞缺口身被再創將士有勸崇煥自重者崇煥厲聲曰區區甯遠中國存亡係之失此不守數年後吾族皆左衽矣自裂戰袍裹左臂傷處戰益力將士爭先効命城復合連戰三日三攻三却閹遂解開壁襲迫三十里敵軍死萬餘氣大

挫清太祖嘗言我大清舉兵所向無不摧破諸將罔敢議戰守議戰守自崇煥始初中朝聞警大集廷議戰守皆無善策經畧第擁兵關上不救中外皇皇謂必無甯遠迨捷聞舉朝大喜立擢崇煥右僉都御史第坐失援褫職以王之臣代三月復設遼東巡撫以崇煥任之旋加兵部右侍郎崇煥與之臣不協中朝慮債事命之臣專督關內以關外屬崇煥畫關守崇煥上書曰陛下以關內外分責二臣用遼人守遼土且守且戰且築且屯屯種所入可滅海連大要堅壁清野以爲體乘間擊瑕以爲用戰雖不足守則有餘守既有餘戰無不足顧勇猛圖敵敵必仇奮迅立功衆必忌任勞則必召怨蒙罪乃克有功怨不深則勞不著罪不大則功不成謗書盈篋毀言日至從古已然惟聖明與廷臣始終之帝優旨褒答其冬巡歷錦州大小陵河議大興屯築復高第所棄舊土並上書言遼左之壞先是八月清太祖晏駕崇煥遣使吊且覘虛實太宗遣使還報崇煥因復書申和議云(前畧)往事七宗汗家抱爲長恨者不佞甯忍聽之漠漠但追思往事窮究根因我之邊境細人與汗家之部落口舌爭

競致起禍端作孽之人卽這人刑難逃天怒今欲一一辨晰恐難問之九原不佞非但欲我國家忘之且欲汗共忘之也（中畧）今若修好則城池地方作何退出官生男婦作何退還是在汗之仁明慈惠敬天愛人耳天道無私人情忌滿是非曲直原自昭然各有良心偏私不得一念殺機起世上無窮劫運一念生機開後來許多吉祥（後畧）太宗復書詞甚倨然方有事朝鮮懼崇煥攝其後和議遂粗定清兵乃大舉渡鴨綠江南討朝議以崇煥之臣不相能召之臣還罷經畧不設以關內外盡屬崇煥便宜從事崇煥銳意恢復亦乘清軍之出遣將繕錦州中左大凌三城再使使持書議和會朝鮮及毛文龍同告急朝命崇煥發兵援朝鮮兵至朝鮮已爲清所服乃還初崇煥議和未遽奏請及奏聞優旨許之而朝鮮與文龍被兵言官謂因和議所致頻旨戒諭崇煥欲持是修故疆持益力乃上書言錦州中左大凌三城修築必不可已業移商民廣開屯築倘城不完而敵至勢必撤回是棄垂成功也故乘敵有事江東姑以和之說緩之敵知則三城已完戰守又在關門四百里外金湯益固

矣帝儻有報聞然非其意也時太宗復移書相詰謂將軍遣使議和奚又修葺城垣潛圖侵逼五月十一日清兵直抵錦州四面合圍崇煥以甯遠兵不能動選精騎四千令世祿大壽將繞出清軍後決戰別遣水師東出相牽制且請發薊鎮宣大兵東護關門二十八日清兵分趨甯遠崇煥督將士力戰却之清軍遂引去復益兵攻錦州不克亦引還時稱甯錦大捷惟大小凌河二城防守未完爲清軍所毀時魏忠賢方專權中外爭頌功德崇煥不爲附和啣之實深論崇煥不救錦州爲暮氣叙甯錦戰功文武增秩賜蔭者數百忠賢子亦封伯崇煥止增一秩復使其黨劾之崇煥因乞休七月遂予告歸未幾熹宗崩懷宗卽位忠賢伏誅廷臣爭請召崇煥崇禎元年四月命以兵部尙書兼右副都御史督師薊遼兼督登萊天津軍務七月崇煥入都召見平臺慰勞甚至咨以方畧對曰方畧已具疏中臣受陛下特眷願假以便宜計五年全遼可復帝曰復遼朕不容封侯賞崇煥頓首謝帝退少憇給事中許譽卿叩以五年之畧崇煥言聖心焦勞聊以是慰耳譽卿曰上英明安可漫對異日按期書

效奈何崇煥慙然自失頃之帝出即奏言東事本不易竣陛下既委臣臣安敢辭難但五年中戶部轉軍餉工部給器械吏部用人兵部調兵選將滇中外事事相應方克有濟帝爲飭四部臣如其言崇煥又曰以臣之力制全遼有餘防衆口不足一出國門便成萬里忌能妒功夫豈無人卽不能以權力制臣肘亦能以意見亂臣謀帝起立傾聽諭之曰卿無疑慮朕自有主持乃賜崇煥尙方劍假以便宜賜酒饌而出崇煥以前此熊廷弼孫承宗皆爲人排構不得竟其志乃再上疏曰恢復之計不外臣昔年以遼人守遼土以遼土養遼人守爲正著戰爲奇著和爲旁著法在漸不在驟在實不在虛此臣與邊臣所能爲至用人之人與爲人用之人皆至尊司其鑰何以任而勿貳信而勿疑蓋馭邊臣與廷臣異軍中可驚可疑者殊多但當論成敗之大局不必摘一言一行之微瑕事任旣重爲怨實多諸有利於封疆者皆不利於此身者也况圖敵之急敵亦從而問之是以爲邊臣甚難陛下愛臣知臣臣何必過疑懼但中有所危不敢不告帝優詔荅之是月甯遠兵變縛巡撫畢自肅等於譙樓上

崇煥以八月初抵關馳往鎮撫一方乃靖時關外大將四五人事多掣肘因更定甯錦爲一鎮以大壽駐錦州何可剛駐甯遠而移薊鎮趙率教於關門關內外止設二大將因極稱三人之才謂臣自期五年專藉此三人當與臣相終始屆期不效臣手戮此三人而身歸死於司敗帝可之二年間四月叙春秋兩防功加太子太保賜蟒衣銀幣廕錦衣千戶當崇煥之再起督師也閣臣錢龍錫叩以遼事荅云當從東江做起龍錫謂舍實地而問海道何也且毛帥未必得力崇煥曰可用則用之不可用則殺之毛帥者名文龍仁和人以都司援朝鮮逗留不進遼東失自海道遁回乘虛擊殺清鎮江守將遂授總兵累加至右都督掛將軍印設軍鎮皮島皮島亦謂之東江顧文龍所居東江形勢雖足牽制其人本無大畧往輒敗衄而歲糜餉無算崇煥心弗喜也會文龍來謁接以賓禮又不讓誅文龍謀益決至是遂以閱兵爲名泛海抵雙島文龍來會崇煥與相燕飲因議更營制設監司文龍拂然乃以六月五日邀文龍觀將士射崇煥曰子詰朝行公當海外重寄受子一拜交拜畢登山崇煥問從

官姓名多毛姓文龍曰此皆子孫崇煥笑因曰爾等積勞海外月米止一斛言之痛心亦受子一拜爲國家盡力衆皆頓首謝崇煥因詰文龍違令數事文龍抗辯崇煥厲色叱之命去冠帶摯縛文龍猶倔強崇煥曰爾有十二斬罪知之乎祖制大將在外必命文臣監爾專制一方軍馬錢糧不受核一當斬人臣之罪莫大欺君爾奏報盡欺罔殺降人難民冒功二當斬人臣無將將則必誅爾奏有牧馬登萊取南京如反掌語大逆不道三當斬每歲餉銀數十萬不以給兵月止散米三斗有半侵盜軍糧四當斬擅開馬市於皮島私通外番五當斬部將數千人悉冒己姓副將以下濫給札付千走卒輿夫盡金緋六當斬自甯遠還剽掠商船自爲盜賊七當斬強收民間女子不知紀極部下效尤人不安室八當斬驅難民遠竊人參不從則餓死島上白骨如莽九當斬輦金京師拜魏忠賢爲父塑冕旒像于島中十當斬鐵山之敗喪軍無算掩敗爲功十一當斬開鎮八年不能復寸土觀望養敵十二當斬數畢文龍喪魂魄不能言但叩頭乞免崇煥召諭其部將曰文龍罪當斬否皆惶怖唯唯乃頓

首請旨曰臣今誅文龍以肅軍諸將中有若文龍者悉誅臣不能立功皇上亦以誅文龍者誅臣遂取尙方劍斬之帳前當是時文龍麾下健校悍卒數萬憚崇煥威無一敢動者於是命棺斂文龍明日具牲醴拜奠曰昨斬爾朝廷大法今祭爾僚友私情爲下淚乃分其卒二萬八千爲四協犒軍士檄撫諸島盡除文龍虐政還鎮以其狀上聞帝驟聞意殊駭念旣死且方倚崇煥乃優旨褒荅然島弁失主帥心漸攜其後致有叛去者文龍死甫數月崇煥之冤獄已成先是半年前崇煥在遼通籌全局疏言臣身在遼遼無足慮惟薊門軍弱請飭薊督劉策嚴防疏凡三上廷議迂延不行是年十月清兵十餘萬大舉入犯憚崇煥威乃改道入龍井關大安口如行無人境崇煥二十八日間警卽檄調大壽可剛入衛於十一月初十日馳至薊州與敵兵相遇於馬昇橋諸要隘清軍不意袁軍驟至乃宵遯疾趨而西直犯京師意欲避堅擊瑕使崇煥不能首尾相應崇煥復舍薊由間道馳歸衝霜犯雪兩晝夜疾行三百餘里先清軍至三日軍廣渠門以待清軍至咸大失色詫以爲袁將軍從天上飛來

二十日大戰自辰至申却敵十餘里北追至運河太宗及諸貝勒相語謂十五年來未嘗遇此勍敵遂不復逼京師惟出沒於海子采園之間以觀變崇煥兼程入援僅以馬兵五千當十餘萬大敵且清兵所入隘口乃薊督劉策所轄自謂有功無罪以勢力大相懸絕持重不肯輕戰請人休城中以俟全軍至不許而都人驟遭兵禍怨謗紛起謂崇煥擁兵縱敵朝士因前通和議誣其將爲城下之盟帝聞惑之時清軍新挫畏崇煥如虎諸貝勒有請攻城者太宗托以不欲損將卒適前清軍獲明太監二人於是太宗授秘計令監守者故作耳語云今日撤兵乃上計也頃見單騎向敵敵有二人來見上語良久乃去意袁巡撫有密約此事可立就矣時太監佯臥竊聽之乃陰縱使歸具以上聞帝益信不疑初一日崇煥再被召對遽縛下獄閣臣奏言臨敵易將兵家所忌上曰勢已至此不得不然時大壽在旁出卽悍然率衆東行明日命總兵桂滿爲武經畧環砲嚴陣永定門清軍突衝入營桂滿戰死城中皇皇不可終日帝取崇煥獄中書馳騎追召大壽壽下馬捧泣一軍皆哭卽日與何可剛躡

躍入關清軍見遼兵既叛而旋反正乃遽爲議和書移軍畧薊而還方崇煥之殺文龍也輔臣溫體仁乃文龍鄉人每思有以報之至是實陰持其事又崇煥與大學士錢龍錫善龍錫固主定忠賢逆案者其黨高捷袁宏勳史堇輩謀與大獄爲逆黨報仇捷首疏力攻堇宏勳繼之必欲并誅龍錫以擅主和議專戮大帥二事爲兩人罪廷臣疏救皆不報總兵祖大壽以官階請贖給事中錢家修請以身代亦不報御史羅萬壽申辯崇煥非叛逆削職下獄布衣程本直詣闕呼冤至同論死崇煥在獄中半年餘關外將吏士民日詣督輔孫承宗所號哭雪冤願以身代者未嘗絕承宗知內旨已定不敢上聞法司坐崇煥謀叛龍錫亦論死遂磔崇煥於市時崇禎三年八月十六日也兄弟妻子流三千里籍其家崇煥無子家亦無餘貲妻黃氏投江死(屍流至縣屬赤水峽鄉人哀而葬之鐔津攷古錄爲立烈婦傳)弟煜流閩中作問天賦天下冤之崇煥死後明年復起用承宗鎮關率由崇煥政策以大壽統各路援兵連復灤州遷平遵化永平四城復理關外舊疆旋劾罷之十四年清軍大舉圍錦

州大壽死守經年會松山副將夏承德應敵入城薊遼總督洪承疇生降錦州旋陷
何可剛被執不屈死十七年闖賊陷京師莊烈帝殉國總兵吳三桂迎
大清兵入明亡

卷之三 雜錄

(千零六四)

袁督師事畧書後

後學何壽謙

千序次鄉先正袁督師事實讀明史本傳至崇煥死邊事益無人而明亡徵決矣不禁廢書而歎曰督師以一身生死係中國存亡二百年來思之有餘痛也憶幼時家居從先大夫遊里閭間與羣兒戲石墩上先大夫指予曰汝亦知此物何來乎此前明袁督師之故居遺蹟也督師爲明忠臣被冤死家蕩然鄉人哀思至今故存此以爲紀念（此乃當時石柱墩也今存其四大踰合抱）因授督師遺詩誦之今猶記其南還別友詩有慷慨同仇日間關百戰時功高明主眷心苦後人知之句又與諸將遊海島云榮華我已知莊夢忠憤人將謂杞憂每一高吟烈膽忠肝千秋如見謙不幸少孤得聞督師軼事祇此此外則白馬南北兩岸相去里許有袁氏祖墳其北墳乃督師父子鵬公墓地也其南墳鄉人呼爲犁頭山（因墳前築砂石三墩形如犁頭故沿以爲名相傳督師母老望子久不歸誤信陰陽家言築此壓之督師竟因此不祥罹禍云）父老相傳難徵實錄迨長讀書畧知督師崖涖然觀諸書載

其籍貫則又以互異爲疑明史本傳載爲東莞人廣西通志選舉表則載爲平南人查乾隆間 詔求督師後又得之平南（據平南縣志載乾隆四十九年 上諭前明經畧熊廷弼袁崇煥皆有輯甯邊境之才得一足以安天下而前後俱被宵小構讒死於非辜朕甚憫焉著廣西巡撫查出袁崇煥後裔量材錄用以獎忠良欽此具覆牒稱袁崇煥無子查其族有繼嗣元孫袁炳現居平南送部引見授峽江縣丞云）攷之廣東省城建有袁襄愍祠（乾隆年間所建某督題其坊有薊遼柱石四字）東莞縣水明鄉亦爲建立專祠查嘉慶元年廣東巡撫陳大文奏請袁崇煥從祀鄉賢祠奉 旨依議（原奏抄存鐔津攷古錄）觀此則督師之爲東莞人顯而可徵平南志載爲平南人亦不爲無據至督師里居籍貫之在藤者反覺文獻難徵惟攷明南畧北畧載爲藤縣人本府縣志固載爲藤人然皆以明史旣爲督師立傳故祇詳其居里而遺聞佚事缺焉（如本邑鄉賢祠崇祀袁崇煥讀邑志先賢表云據舊志先後載列不詳何年奏請或當時未遽奏聞尙俟查攷）後人之崇拜

督師者各引爲志乘光每以籍貫異同致辯予則謂督師固以國爲家者不觀程木直澠聲問答記督師之言乎予何人哉十年來父母不得以爲子妻孥不得以爲夫手足不得以爲兄弟交遊不得以爲朋友予何人哉直謂之大明國裏一亡命之徒可也嗚呼督師之鞠躬盡瘁死而後已誠一代之英雄豪傑豈一鄉一邑之可得而私哉丁未春予會考京師與士夫縱觀諸名勝因而遊太學謁 聖廟讀石刻五經摩周宣石鼓而歷朝進士題名碑在焉瞻望間獲覩督師姓名下鐫曰廣西藤縣人乃明萬歷四十七年三甲第三十名進士也（榜首爲莊際昌明末時殉節者）久仰高山觀此爲之狂喜爰楊數紙歸榜於鄉釋前疑惑（攷平南志云題名碑載東莞籍平南人乃傳聞之誤）按督師者本祖籍東莞其父始遷於藤而通志之載爲平南人殆因藤縣之新白馬與平南之舊白馬毗連其名同故紀載易混且袁氏復有顯於平南者（如平邑袁醴庭先生詠督師七律十六首一時稱爲詩史）諸書所載非無因也予嘗欲承 先志於吾鄉爲督師建祠深慙未果會邑侯陳公仲賓

捐廉排印縣志（攷縣志創修於嘉慶 年倡之者 先大父榮祿公也同治

年 先伯父觀察公爲諸生時曾與邑先生重修之今歲久未修版遭於火書存勸學所者僅一部爲予昔年辦學搜藏者值學部編書局札徵各府州縣志編輯鄉土地理歷史教科書總董蒙同年經靳弗應命因謀於陳侯而排印之以應學部之求並以廣流傳俟後來之修輯）因亟傳次督師事實以補之而確證其籍焉非敢私督師於吾藤也亦非敢謂督師偉績已光昭史冊尙待後學之表彰也蓋區區有不能已者顧念吾國今日之顛危壓迫於東西強鄰亡國滅種之憂急於前明十倍哀哀浩劫莽莽神州而欲求一完全軍人之資格如督師其人者寂無聞焉吾爲此懼督師之雄才大畧勁節孤忠其關係於國家之存亡民族之盛衰爲數千年歷史上 一絕大問題恐流傳久鄉父老或失其真無以爲吾國少年告也不揣固陋贊揚先正喚醒同魂誰其聞督師之風而起者乎吾其馨香祝之

藤縣志完